

First Edition

[Price — Indian Rs Five
Foreign Shillings 7/6, \$ 2.00]

Printed by Lakshman Narayan Chapekar at the Aryasanskriti Press,
198(17) Sadashiv, Tilak Road, Poona 2, and published by
Prof N V Vaidya, M A, Fergusson College, Poona 4

PREFACE

The present edition was undertaken two years back. When I undertook it, I had no idea that the text alone would cover so many pages. Again, owing to the out-break of war, the cost of paper has gone very high, and I had, therefore, to give up the idea of adding notes, index and commentary for the present. The Commentary, however, will be printed soon, and issued separately .

The editor acknowledges his indebtedness to the University of Bombay, for the substantial financial help it has granted towards the cost of the publication of this book.

I must also acknowledge with gratitude the help that I received from Prin. R D Karmarkar, M, A, from time to time. His advice and help were very useful to me on more than one occasion.

I have also to thank my students Mr S L Hirve, B A and Mr. S S Deshpande, B A for doing most of the copying work. To Mr. Chapekar and Mr Vaze, of the Ārya Sanskriti Press, and to Mr Barve of the Āryabhushan Press, my thanks are due for having done the work neatly and satisfactorily.

I only hope that the work would be of some use to those who are working in the field of Prākṛits, and Jain Literature.

Fergusson College, }
Poona 4

N V VAIDYA

INTRODUCTION

The present edition of Nāyādharmakāhā is based on the following five manuscripts from the Bhandarkar Oriental Research Institute —

C No 124

32
1869-70

SIZE—10" by 4 $\frac{3}{4}$ ". EXTENT—155 Folios, 13 lines to a page (sometimes 15 lines), 40 to 45 letters to a line .

DESCRIPTION—Country paper thick and greyish, Devanāgarī characters with वृष्मात्राs, big, legible and good hand-writing, condition on the whole good, complete, extent 5500 slokas
AGE—Old

BEGINS—Fol 1^s श्रीजिनाय नम ॥ तेण कालेण-तेण समएणं चपा नामं नयरी होत्वा । वन्नओ । तीसे ण चपाए नयरीए etc

ENDS—Fol 155^b सब्बदुक्खाण (ण) अत (त) काहीति ॥ एव खलु जवू निक्खेवगो ॥ दसमस्स वग्गस्स दसमो वग्गो सम्मत्तो ॥ छ ॥ १० एव खलु जवू समणेण भगवया महावीरेण आयगरेण (तित्थगरेण) सय(य)स(स)बुद्धेण पुरिसोत्तमेण पुरिससीहेण जाव सपत्तेण वम्मकहाण अयमट्ठे पन्नत्ते ॥ वम्मकहासूय(क्)खघो समत्तो दसहिं वग्गोहि नायाधम्मकहाउ समत्ता ॥ उ ॥ इति श्रीज्ञाताधर्मकथा समाप्ता ॥ १५००

D No 126

193
1871-72

SIZE—9 $\frac{1}{2}$ in by 4 $\frac{3}{8}$ in EXTENT—103+1=104 folios, 15 lines to a page, 60 letters to a line

DESCRIPTION—Country paper rough, tough and greyish, Devanāgarī characters with occasional वृष्मात्राs, small, legible and very fair hand-writing, complete, extent 5750 slokas
AGE—Samvat 1625

BEGINS.—Fol 1^b तेण कालेण तेण समएण चपा etc

ENDS—Fol 103^a सब्बदुक्खाण etc, upto वम्मकहाओ a^s in No 124 followed by सम्मत्ताउ । छ । इति श्रीज्ञाताधर्मकथागसूत्र समाप्त ॥ छ etc अथाग्र ओकसल्या ५७५० ॥ छ ॥ सवत् १६२५ वर्षे श्रावणमासे शुक्लपक्षे सप्तमीदिने बुद्धवासरे ' सारगपुर ' नगरे पटनार्थ पंडितश्रीधुतनिधानस्य ॥ छ etc

A No 127

192
1871-72

SIZE—10 in by $4\frac{5}{8}$ in EXTENT—221—1+2+2-2=222 folios, 11 lines to a page, 34 letters to a line

DESCRIPTION.—Country paper thick, rough and greyish, Devanāgarī characters with occasional पृष्ठमात्राs, b²g, quite legible and elegant hand-writing AGE—Old

BEGINS—Fol 3^a तै जहा । णाया [णिय] धम्मकहाउ । पढम [ण] स्स भते सुय (क्) खघस्स समणेण eto

ENDS—Fol 221^a सव्वदुक्खाण eto, upto नायाधम्मकहाओ as in No 124 followed by सम्मत्ताउ । छ eto श्रीज्ञाताधमकयाग छठ(ठु)मग सम्मत्तं छ । ग्रथाय ५६२७ [७] (५६७७७) छ eto Then we have in a different hand—म्या (क्षा) नाभ्यासी वरद्धमान सएस करणिपरीग्रह उपरथी मोषगरणकी वेचवाथी लेइ जई पाछी ते अरीहत सिद्ध

B No 128

790
1895-1902

SIZE—10 $\frac{1}{2}$ in by $4\frac{3}{8}$ in EXTENT—193 folios, 11 lines to a page, 40 letters to a line

DESCRIPTION—Country paper rough and white, Devanāgarī characters with पृष्ठमात्राs, big, legible and good handwriting, AGE.—Samvat 1661

BEGINS.—Fol. 1^b ओ नम () सर्वज्ञाय ।
तेण कालेण तेणप्पसमएण चपा eto

ENDS—Fol 193^a सव्वदुक्खाण, eto, up to छठमग सम्मत्त as in No 127 followed by छ ग्रथाय ५२५० ॥ छ । eto, भम eto, जलाद्रक्षे eto, सवत् १६६१ वर्षे भाद्रपदमासे कृष्णपक्षे द्वादशि तिथौ बृहत्प(स्प)तिवासरे शक्तिपुरस्थाने दुनी १८७ चदलिखित eto

E No 129

430
1882-83

SIZE—10 in by $4\frac{1}{2}$ in EXTENT—147-3=144 folios, 11 lines to a page, 48 letters to a line

DESCRIPTION—Country paper thin and greyish, Devanāgarī characters with occasional पृष्ठमात्राs, bold, clear, and beautiful hand-writing, Extent 6000 Slokas

AGE—Samvat 1686

AUTHOR OF THE COMMENTARY —Abhayadeva Sūri.

BEGINS —(text) fol 4^a गं बुद्धिविज्ञाणेणं । तस्स सुमिणस्स अत्थाम्गह
करेइ । २ ता धारिणि देवि ताहि जाय हियय etc

—(Com) fol 4^a एव खलु ति । एवंरूपादुक्कफल्माधनसमर्थात्त्वप्राहारकपुनर्ज-
नियसीति मवध etc

ENDS —(text) fol 147^a मव्वदुक्खाणमत . . एव खलु जवू etc ,
upto जाव ठाण मपत्ताण as in No 124 followed by छ । वम्मकहासुय (क्)
खयो सम्मत्तो । छ दमहिं व(गे)हिं नायवम्मकहाओ सम्मत्ताओ ॥ ग्रयाप्र ६००० ॥
शुभ मवतु ५ मवत् १६८६ वपे भाद्रवा सुदि ५ दिने ॥ श्री ' विकानेर ' मध्ये लिपत

(Com) fol 141^b अत एव वररुवर्जितेति etc, up to मिद्वेय, followed
by the lines —प्रत्यक्षर निरुप्यास्य प्रथस्सन् विनिश्चित ।

अनुष्मा महत्वाणि त्रीणि मम गतानि च ॥ १२ (१३ ?)

[Vide —The descriptive catalogue of MSS at the B O
R L compiled by Prof H R Kāpādia, M A. Part I. Pages —
113 to 125]

Out of these, MS C is the best It is written in a uniformly
beautiful hand and is very accurate MSS A and D were
collated only for five chapters, but it was found that they did
not give any independently good reading MS A is written
shabbily and MS D is spoiled, as many folios have stuck to-
gether, and the ink has spread So MSS C B and E alone were
collated for the text

A word of explanation is necessary for giving all the vari-
ants at the end Practically all the variants are merely
orthographical There are hardly any variants that change
the sense That clearly shows that the traditional text has been
faithfully handed down The ' त ' श्रुति, which is a characteristic
of some MSS, is absent in MS C

N B Sūtras (41) and (42) on pages 50, and 51, should be
numbered as (42 A), and (42 B) respectively As the error was
detected too late, it was thought advisable not to disturb
the order

There are many imperfections in the present edition An
index, for instance, is absolutely necessary for these texts
But for various reasons I could not add it to the present
Volume I intend, however, to get it published in some Journal

॥ नायाधम्मकहाओ ॥

ॐ नमः सर्वज्ञाय ।

(1) तेणं कालेणं तेणं समएणं चपा नामं नयरी होत्था । वण्णओ ।

(2) तीसे णं चंपाए नयरीए बहिया उत्तरपुरत्थिमे दिसीभाए पुण्ण-
भदे नामं चेइए होत्था । वण्णओ ।

(3) त्थ णं चंपाए नयरीए कोणिए नामं राया होत्था । वण्णओ ।

(4) तेणं कालेणं तेणं समएणं समणस्स भगवओ महावीरस्स अंते-
वासी अज्जसुहम्मस्से नामं थेरे जाइसंपन्ने कुलसंपन्ने बल्लरुवविणयनाण-
दंसणचरिचालाघवसंपन्ने ओयंसी तेयंसी वच्चंसी जसंसी जियकोहे
जियमाणे जियमाणे जियलोहे जिइदिए जियनिदे जियपरीसहे
जीवियासामरणभयाविप्पमुक्के तवप्पहाणे गुणप्पहाणे एव चरणकरण-
निग्गहनिच्छयअज्जवमद्वलाघवखंतिगुत्तिमुत्तिविज्जामंतवभंभवयनयनि-
यमसच्चसोयनाणदंसणचारित्तर्पहाणे उराले घोरे घोरव्वए घोरतवस्सी
घोरबंभचेरवासी उच्छ्रद्धसरीरे संखित्तविउल्लतेउल्लेसे चोइसपुव्वी चउ-
नाणोवगए पचहिं अणगारसएहिं सद्धिं संपरिवुडे पुव्वमाणुपुव्वि चर-
माणे गामाणुगामं दूइज्जमाणे सुहंसुहेणं विहरमाणे जेणेव चंपा नयरीं
जेणेव पुण्णभदे चेइए तेणामेव उवागच्छइ २ ता अहापडिरुवं उग्गहं
ओगिण्हित्ता संजमेणं तवसा अप्पाणं भावेमाणे विहरइ ।

(5) तए णं चंपाए नयरीए परिसा निग्गया । कोणिओ निग्गओ । धम्मो
कहिओ । परिसा जामेव दिसिं पाउब्भूया तामेव दिसिं पडिगया । तेणं
कालेणं तेणं समएणं अज्जसुहम्मस्स अणगारस्स जेठ्ठे अंतेवासी अज्ज-
जंबू नामं अणगारे काम्मवगोत्तेणं सत्तुस्सेहे जाव अज्जसुहम्मस्स थेरस्स
अदूरसामंते उहुंजाणू अहोसिरे झाणकोटोवगए संजमेणं तवसा
अप्पाणं भावेमाणे विहरइ । तए णं से अज्जजंबूनामे जायसहे जाय-

संसए जायकौडह्ले संजागसद्धे संजायससए सजायकौडह्ले उप्पन्नसद्धे
उप्पन्नसंसए उप्पन्नकौडह्ले समुप्पन्नसद्धे समुप्पन्नससए समुप्पन्नकौड-
ह्ले उट्ठाए उट्ठेइ. २ जेणामेव अज्जसुहम्मं थेरे तेणामेव उवागच्छइ २
अज्जसुहम्मं थेरे तिक्खुत्तो आयाहिण पयाहिणं करेइ वंदइ गमसइ २
अज्जसुहम्मस्स थेरस्स नच्चासन्ने नाइदूरे सुस्सूसमाणे नमसमाणे अभि-
सुहे पंजलिउठे विणएणं पज्जुवासमाणे एवं वयासी—जइ णं भंते । सम-
णेणं भगवया महावीरेणं आईगरेणं तिथगरेणं सयंसवुद्वेणं पुरिसुत्त-
मेणं पुस्सिसीहेणं पुरिसवघेणं पुरिसवरगधहत्थिणा लोगुत्तमेणं लोगना-
हेणं लोगाहिणं लोगपईवेणं लोगपज्जोयगरेणं अभयदण्णं सृग्गदण्णं
चक्खुदण्णं मग्गदण्णं बोहिदण्णं धम्मदण्णं धम्मदेसणेणं धम्मनायगेणं
धम्मसारहिणा धम्मवरचाउरतचक्खट्ठिणा अप्पडिहयवरनाणदसणधरेण
वियट्ठउमेणं जिणेणं जाणएणं तिणेणं तारएणं वुद्धेणं वोहएणं मुत्तेण
मोयगेणं सव्वण्णेणं सव्वदरसिणा सिवमयलमरुक्खणतमक्खयमव्वावा-
हमपुणरावत्तिथं सासयं ठाणमुवगएणं पचमस्स अगस्स अयमट्ठे
पन्नत्ते, छट्ठस्स ण भंते । नायाधम्मकहाण के अट्ठे पन्नत्ते ? जवू त्ति
अज्जसुहम्मं थेरे अज्जजंबूनामं अणगार एव वयासी—एव खलु
जंबू समणेणं भगवया महावीरेणं जाव सपत्तेणं छट्ठस्स अगस्स दो
सुयक्खंधा पन्नत्ता, तजहा—नायाणि य धम्मकहाओ य । जइ ण भंते ।
समणेणं भगवया महावीरेणं जाव सपत्तेणं छट्ठस्स अगस्स दो सुय-
क्खंधा पन्नत्ता तजहा—नायाणि य धम्मकहाओ य, पढमस्स ण भंते ।
सुयक्खंधस्स समणेणं जाव सपत्तेणं नायाणं कइ अज्झयणा पन्नत्ता ?
एवं खलु जंबू । समणेणं जाव सपत्तेणं नायाणं एगूणवीस अज्झयणा
पन्नत्ता, तजहा—उक्खित्तणाए सघाडे अडे कुम्मे यं सेलगे । तुंवे यं रोहिणी
मली मायंदी चंदिमा इ य ॥१॥ दावद्वे उदगणाए मंडुके तेयली वि
य । नंदीफले अवरकका आइन्ने सुसुंमा इ य ॥२॥ अवरे यं पुडरीए
नायए एगूणवीसइमे ।

(6) जइ णं भंते । समणेणं जाव सपत्तेणं नायाणं एगूणवीसं

अज्झयणा पन्नत्ता, तंजहा—उक्खित्तणाए जाव पुँडरीए त्तिं य, पढमस्स णं भंते । अज्झयणस्स के अट्ठे पन्नत्ते ? एवं खलु जंबू । तेणं कालेणं २ इहेव जंबुद्धीवे दीवे भारहे वासे दाहिणद्धभरहे रायगिहे नांमं नयरे होत्था । वण्णओ । गुणासिलए चेइए । वण्णओ । तत्थ णं रायगिहे नयरे सेणिए नामं राया होत्था । वण्णओ । तस्स णं सेणियस्स रत्तो नंदा नामं देवी होत्था सुकुमालपाणिपाया । वण्णओ ।

(7) तस्स णं सेणियस्स पुत्ते नंदाए देवीए अत्तए अभए नामं कुमारे होत्था अहीण जाव सुरूवे सामदढभेयउवप्पयाणनीइसुप्पत्तनय-विहिन्नू ईहापोहमग्गणगवेसणअत्थसत्थमइविसारए उप्पत्तियाए वेण-इयाए कम्मियाए पारिणामियाए चंडविहाए बुद्धीए उववेए सेणियस्स रत्तो बहुसु कज्जेसु य कुंडुबेसु य मत्तेसु य गुज्जेसु य रहस्सेसु य निच्छएसु य आपुच्छणिज्जे पडिपुच्छणिज्जे मेढी पमाणं आहारे आलंबणं चक्खू मेढीभूए पमाणभूए आहारभूए आलंबणभूए चक्खुभूए सव्वकज्जेसु सव्वभूमियासु लद्धपच्चए विइण्णवियारे रज्जधुरचितए यावि होत्था । सेणियस्स रत्तो रज्जं च रट्ठं च कोसं च कोट्टागारं च वलं च वाहणं च पुरं च अतेउरं च सयमेव समुपेक्खमाणे २ विहरइ ।

(8) तस्स णं सेणियस्स रत्तो धारिणी नाम देवी होत्था जाव सेणि-यस्स रत्तो इट्ठा जाव विहरइ ।

(9) तए ण सा धारिणी देवी अन्नया कयाइ तंसि तारिस-गांसि छकंदुगलट्ठमट्ठसंठियखंभुग्गयपवरवरसालमंजियउज्जलमाणिक्कणग-रयणथूभियविडंकजालद्धचंदनिज्जूहकंतरक्कणयालिचंदसालियाविर्मत्ति-कलिए सरसच्छंघाउवलवण्णरइए बाहिरओ दूमियघट्ठमट्ठे अट्ठिमत-रओ पसंतैसुविलिहियचित्तकम्मे नाणाविहपंचवण्णमणिरयणकोट्ठिमतले पउमंलयाफुल्लवलिवरपुप्फजाइउल्लोयचित्तियतले चंदंणवरक्कणगकलस-सुणिम्मिअट्ठिपुज्जियसरसपउमसोहंतदारभाए पयरगलंबंतमणिमुत्तदा-मसुविरइयदारसोहे सुगंधवरकुसुममउयपम्हलसयणोवयारमणहियय-निव्वुइयरे कप्पूरलवंगमलयचंदणकालागरुपवरकुंदुरुक्तुत्तुक्कधूवडज्झंत-

सुरभिमघमघंतगंधुद्धयाभिरामे सुगंधवरगंधिए गंधवट्टिभूए मणि-
 किरणपणासियंघयारे । किंवहुणा ? जुइगुणेहिं सुरवरविमाणवेलंबवर-
 घरए तंसिं तारिसगसि सयणिज्जांसि सालिंगणवट्टिए उभओ, विव्वोयणे
 दुहओ उन्नए मज्जे णयगंभीरे गंगापुलिणवालयुअडालं सालिसए
 उयचियखोमदुगुल्लपट्टपडिच्छायणे अत्थरयमलयनवत्तयकुसत्तल्लिवसीह-
 केसरपच्चुत्थए सुविरइयरयत्ताणे रत्तंसुयसंतुए सुरम्भे आइणगरूय-
 वूरनवणीयतुल्लफासे पुव्वरत्तावरत्तकालममयसि सुत्तजागरा ओहीर-
 माणी २ एगं महं सत्तुस्सेहं रययकूडसन्निहं नहयलंसि सोमं सोमा-
 गारं लीलयांतं जंभायमाणं मुहमइगय गय पासित्ता णं पडिबुद्धा ।
 तए णं सा धारिणी देवी अयमेयारूवं उराल कल्लणं सिवं धन्नं
 मंगलं सस्सिरीयं महासुमिणं पासित्ता ण पडिबुद्धा समाणी हट्टतुट्ठा
 चित्तमाणंदिया पीइमणा परमसोमणस्सिया हरिसवसविसप्पमाण-
 हियया धाराहयकलंबपुप्फां पिव समुंससियरोमकूवा तं सुमिण ओ-
 गिण्हइ २ सयणिज्जाओ उट्ठेइ २ पायपीढाओ पच्चोरुहंइ २ त्ता अतुरिय-
 मचंबलमसंभंताए अविलंबियाए रायहससरिसीए गइए जेणामेव
 से सेणिए राया तेणामेव उवागच्छइ २ त्ता सेणिय राय ताहि इट्ठाहिं
 कंताहिं पियाहि मणुन्नाहिं मणामाहि उरालाहि कल्लणाहि सिवाहि
 धन्नाहिं मंगल्लाहिं सस्सिरीयाहि हिययगमणिज्जाहि हिययपल्हाय-
 णिज्जाहिं मियमहुररिभियगंभीरंसस्सिरीयाहि गिराहिं सलवमाणी २
 पडिबोहेइ २ त्ता सेणिएण रत्ता अब्भणुन्नाया समाणी नाणामणिकणग-
 रयणभत्तिचित्तांसि भद्दासणांसि निसीयइ २ त्ता आसत्था वीसत्था मुहा-
 सणवरगया करयलपरिगाहिय सिरसावत्त मत्थए अजलि कट्टु सेणिय
 रायं एवं वयासी-एव खलु अह देवाणुप्पिया । अज्ज तासि तारिस-
 गंसि सयणिज्जांसि सालिंगणवट्टिए जाव नियगवयणमइवयत गय
 सुंमिणे पासित्ता णं पडिबुद्धा । त एयस्स णं देवाणुप्पिया ५ उरालस्स
 जाव सुंमिणस्स के मन्ने कल्लणे फलवित्तिविसेसे भविसइ ।

(10) तए णं से सेणिए राया धारिणीए देवीए अतिए एयमट्ट सोच्चा

स्मिस्म हट्ट जाव हियए धाराहयनीवसुरभि^१कुसुमचंचुमालइयत्तणुऊस-
वियरोमकूवे त सुमिणं उग्गिण्हइ २ ता ईहं पविसंइ २ अप्पणो साभा-
विणं मइपुण्वएण बुद्धिविन्नाणेणं तस्स सुमिणस्स अत्थोग्गहं करैइ २ ता
धारिणीं देविं ताहिं जाव हियपल्हायणिज्जाहिं मियंमंहुवरिभिय-
गंभीरसस्सिरीयाहिं वग्गूहिं अणुवूहेमाणे २ एवं वयासी-उराले णं
तुमे देवाणुप्पिए । सुमिणे दिट्ठे । कल्लाणे णं तुमे देवाणुप्पिए सुमिणे
दिट्ठे । सिवे^२ धन्ने मंगले सस्सिरीए णं तुमे देवाणुप्पिए सुमिणे दिट्ठे ।
आरोग्गतुट्ठिदीहाउयकल्लाणमंगलकारए णं तुमे देवी^३ सुमिणे दिट्ठे ।
अत्थलामो देवाणुप्पिए । पुत्तलामो देवाणुप्पिए । रज्जलामो भोगं-
सोक्खलामो ते देवाणुप्पिए ! एव खलु तुमं देवाणुप्पिए नवण्हं मासाणं
बहुपडिपुण्णाणं अद्धट्टमाण य रीइंदियाणं वीइकंताणं अम्हं कुलकेउं
कुलदीवं कुलपण्वयं कुलवाडिंसंयं कुलतिलकं कुलकित्तिकर कुलवित्तिकरं
कुलनंदिकरं कुलजसकरं कुलधारं कुलपायवं कुलविवद्धणकर सुकुमाल-
पाणिपायं जाव दारयं पयाहिसि । से वि य णं दारए उम्मुक्कवालभावे
विन्नायंपरिणयमेत्ते जोण्वणगमणुप्पत्ते सूरे वीरे विक्कंते वित्थिण्णविपुल्लं-
वलवाहणे रज्जवई राया भविस्सइ । तं उराले ण तुमे देवी सुमिणे
दिट्ठे जाव आरोग्गतुट्ठिदीहाउकल्लाणकारए णं तुमे देवी ! सुमिणे दिट्ठे
त्ति कट्ठु मुज्जो २ अणुवूहेइ ।

(11) तए णं सा धारिणी देवी सेणिएणं रत्ता एवं बुत्ता समाणी हट्ट-
तुट्ठा जाव हियया करयलपरिग्गहियं जाव अंजलिं कट्ठु एवं वयासी-
एवमेयं देवाणुप्पिया । तंहमेयं अवित्तंहमेयं असंदिद्धमेयं इच्छियमेयं
पडिच्छियमेयं इच्छियपडिच्छियमेयं सच्चे णं एसमट्ठे जं तुभे
वयंहं त्ति कट्ठु त सुमिणं सम्मं पडिच्छइ २ ता सेणिएणं रत्ता
अब्भणुत्ताया समाणी नाणामणिकणगरयणभत्तिचित्ताओ मद्दासणाओ
अब्भुट्ठेइ २ रत्ता जेणेव सए सयणिज्जे तेणेव उवागच्छइ २ ता सयंसि
सयणिज्जांसि निसीयइ २ ता एवं वयासी-मा मे से उत्तमे पहाणे
मंगले सुमिणे अनेहिं पावसुमिणेहिं पडिहम्मिहिं त्ति कट्ठु देवयगुरुजण-

संवद्धाहिं पसत्थाहिं धम्मियाहिं कहाहिं सुमिणजागरियं पडिजागर-
माणी विहरइ ।

(12) तए णं से सेणिए राया पच्चूसकालसमयांसि कोडुंधियपुरिसे
सहावेइ २ ता एवं वयासी-खिप्पामेव भो देवाणुप्पिया । वाहिरियं
उवट्टाणसालं अज्ज सविसेस परमरम्मं गंधोदगसित्तमुद्दयसंभज्जिओव-
लित्तं पंचवण्णसरससुरभिमुक्कपुप्फपुंजोवयारकलिय कालागिरुपवरकुदु-
रुक्कतुरुक्कधूवडज्जंतमघमधेतगधुद्धेयाभिरामं सुगंधवरगधिय गधवट्ठिभूयं
करेइ करवेइ य २ एयमाणत्तियं पच्चप्पिणह । तए ण ते कोडुंधिय-
पुरिसा सेणिएणं रत्ता एवं वुत्ता समाणा हट्टतुट्टा जाव पंचवण्णिति ।
तए णं से सेणिए राया कलं पाउप्पभायाए रयणीए फुल्लाप्ललकमलकोमलु-
म्मिलियंमि अहापडुरे पभाए रत्तासोगापगासकिमुयसुयमुहगुर्जद्ववधु-
जीवगपारावयचलणनयणपरहुयसुरत्तलोयणजांमुमणकुसुमजलियजलण-
तवणिज्जकलसहिं गुलयनिगररूवाइरेगरेहन्तसरिस्सीए दिवायरे अह-
कमेण उदिए तस्स दिण्ककरपरपरावयारपारद्वमि अवयारे वालायव-
कुंमेण खईयव्व जीवलोए लोयणविसयाणुंयासविगसतविसद-
दंसियंमि लोए कमलांगिरसडबोहए उट्टियमि सूरे सहस्सररिस्सिमि दिण-
थरे तेयसा जलते सयणिज्जाओ उट्टेइ २ ता जेणेव अट्टणसाला तेणेव
उवागच्छइ अट्टणसालं अणुपविसइ अणेगवायामजोगवग्गणवामहण-
मल्लजुद्धंकरणेहिं संते परिस्सते सयपागसहस्सपागेहि सुगंधवरतेह-
माईएहिं पीणणिज्जेहि दीवणिज्जेहि दप्पणिज्जेहि मयणिज्जेहि विह-
णिज्जेहि सत्विदियगायपत्तायाणिज्जेहिं अठ्ठमंगंएहि अठ्ठमंगिं समाणे
तेल्लवम्मंसि पडिपुण्णपाणिपायसुकुमालकोमलतलेहि पुरिसेहि छेएहि
दक्खेहिं पंढेहिं कुसलेहिं मेहावीहि निउणेहि मिउणसिप्पोवगएहि
जियपरिस्समेहिं अठ्ठमगणपरिसदणुव्वलणकरणगुणनिम्मोएहि अट्टि-
सुहाए मंससुहाए तयासुहाए रोमसुहाए चंडव्विहाए सक्खणाए सं-
वाहिए समाणे अवगयपरिस्समे नरिंदे अट्टणंतालाओ पडिनिक्खमइ २
जेणेव मज्जणघरे तेणेव उवागच्छइ २ ता मज्जणघर अणुपविसइ

१ ता समत्तजालाभिरामे विचित्तमणिरयणकोट्टिमतले रमणिज्जे
 ण्हाणमंडवंसि नाणामणिरयणभत्तिचित्तंसि ण्हाणपीठंसि सुहनिसण्णे
 सुहोदमेहिं पुप्फोदएहिं गंधोदएहिं सुद्धोदएहिं य पुणो पुणो कल्लाणग-
 पवरमज्जणविहीए मज्जिए तत्थ कोउयसएहि बहुविदेहिं कल्लाणगपवर-
 मज्जणावसाणे पम्हलसुंकुमालगंधकासायलूहिंयंगे अहयसुमहग्घदूसरयण-
 सुसंवुए सरससुरभिगोसीसचंदणाणुलित्तगत्ते सुइमालावण्णगविलेवणे
 आविद्धमणिसुवण्णे कप्पियहारद्धहारतिसरयपालंबपलंबमाणकडिसुत्तसु-
 कयसोहे पिणिद्धंगेविज्जे अंगुलेज्जगललियगयललियकयाभरणे नाना-
 मणिकडेत्तुडियंभियभुए अहियरूउमरिसरीए कुंडलुज्जोइयाणणे मउडई-
 दित्तिसिए हारोस्थयसुकयरइयवच्छे पालंबपलंबमाणसुकयपडउत्तरिज्जे
 मुद्धियापिंगलगुलीए नाणामणिकणगरयणविर्मलमहरिहनिउणोवियमिसि-
 मिसंतविरइयसुसिलिद्धाविसिद्धलट्टसठियपसत्थआविद्धवीरवलए, किं
 बहुणा ? कप्परुक्खए चेव सुअलंकियविभूसिए नरिंदे सकोरटंमल्ल-
 दामेणं छत्तेणं धरिज्जमाणेणं चंचामरवालवीइयंगे मगलजयसइ-
 कयालोए अणेगगणनायगदंडनायगराईसरतलवरमाडंबियकोहुंबियंमंति-
 महामंतिगणगदोवारियअमच्छेवपीठमहनगरनिगमसेट्टिसेणावइसत्थ-
 वाहदूयसंधिवालंसिद्धिं सपरिवुडे धवलमहामेहनियाए विव्वं गहगण-
 दिप्पंतरीक्खतारागणाण मज्झे ससि व्व पियदंसणे नरवई मज्जण-
 घराओ पडिनिक्खमइ २ ता जेणेव बाहिरिया उवट्ठाणसाल्हा तेणेव
 उवागच्छइ २ ता सीहासणवरगए पुरत्थाभिमुहे सन्निसण्णे । तए णं
 से सेणिए राया अप्पणो अदूरसामंते उत्तरपुरत्थिमे दिसीमाएँ अट्ट
 भदासणाई सेयवत्थपच्चत्थुयाई सिद्धत्थमंगलोवयारकयसंतिकम्माई
 रयावेइ २ ता नाणामणिरयणमांडिय अहियपेच्छणिज्जरूवं महग्घवर-
 पट्टणुगयं सण्हवहुभत्तिसयचित्तठाणं ईहामियउसभतुरयनरमगरविहग-
 वालगकिंनरैरुसरमचमुरकुंजरवणलयपउमलयभत्तिचित्तं सुखचिय-
 वरकणगपवरपेरंतदेसभागं अर्भिभतरियं जवणियं अंछावेइ २ ता
 अत्थरगमंउअमसूरगलच्छइयं धवलवत्थपच्चत्थुयं विसिद्धं अंगसुह-

फासयं सुमज्जयं धारिणीं देवीं भद्दासण रयावेइ २ ता कोडुंविण-
पुरिसे सद्दावेइ २ ता एवं वयासी-खिप्पामेव भो देवाणुप्पिया ! अट्ठंग-
महानिमित्तसुत्तत्थपाढए विविहसत्थकुसले सुमिणपाढए सद्दावेइ २
ता एयमाणत्तियं खिप्पामेव पच्चप्पिणह । तए णं ते कोडुंविणपुरिसा
सेणिएणं रत्ता एवं वुत्ता समाणा हट्ठ जाव हियया करयल्लपरिग्गाहियं
दसनहं सिरसावत्तं मत्थए अंजलिं कट्ठु एवं देवो तह ति आणाए
विणएणं वयणं पडिसुणेंति सेणियस्स रत्तो अतियाओ पडिनिक्खमंति -
२ ता 'रायगिहस्स नगरस्स मज्झमज्झेण जेणेव सुमिणपाढगागिहाणि
तेणेव उवागच्छंति २ ता सुमिणपाढए सद्दावेति । तए णं ते सुमिण-
पाढगा सेणियस्स रत्तो कोडुविणपुरिसेहिं सद्दाविया समाणा हट्ठ जाव
हियया ण्हाया कयवल्लिकम्मा जाव पायच्छित्ता अप्पमहग्गाभरणाळं-
कियसरीरा हरियालियसिद्धत्थयकयमुद्धाणा सएहि सएहिं गिहेहितो
पडिनिक्खमंति रायगिहस्स नगरस्स मज्झमज्झेण जेणेव सेणियस्स
भवणवडेंसगट्ठुवारे तेणेव उवागच्छति २ एगयओ मिळायंति २ सेणि-
यस्स रत्तो भवणवडेंसगट्ठुवारेणं अणुप्पविसंति २ ता जेणेव वाहिरिया
उवट्ठाणसाला जेणेव सेणिए राया तेणेव उवागच्छंति २ ता सेणियं
रायं जएणं विजएण वट्ठावेति, सेणिएणं रत्ता अच्चियवादियपूइय-
माणियसक्कारियसम्माणिया समाणा पत्तोय २ पुव्वन्नत्थेसु भद्दासणेसु
निसीयंति । तए ण सेणिए राया जवणियंतरिय धारिणि देविं ठवेइ
२ ता पुष्पफलपडिपुण्हत्थे परेण विणएणं ते सुमिणपाढए एव
वयासी-एव खलु देवाणुप्पिया ! धारिणी देवी अज्ज तसि तारिसगंसि
सयणिज्जंसि जाव महासुमिणं पासित्ता णं पडिबुद्धा । तं एयस्स णं
देवाणुप्पिया ! उरालस्स जाव सत्थिसरीयस्स महासुमिणस्स के मत्ते
कल्लाणे फलवित्तिविसेसे भविस्सइ । तए णं ते सुमिणपाढगा सेणियस्स
रत्तो अंतिए एयमट्ठं सोच्चा निसम्म हट्ठ जाव हियया तं सुप्पिण सम्मं
ओगिण्हंति २ ईहं अणुप्पविसंति २ अन्नमत्तेण सद्धिं संचालेंति २ ता
तस्स सुमिणस्स लद्धट्ठा गहिचट्ठा पुच्छियट्ठा ' विणिच्छियट्ठा

अभिगयद्वा सेणियस्स रत्तो पुरओ सुमिणसत्थाहं उच्चारेमाणा
 एवं वयासी—एवं खलु अम्हं सामी । सुमिणसत्थंसि बायालीसं
 सुमिणा तीसं महासुमिणा बावत्तरिं सन्वसुमिणा दिट्ठा । तत्थंणं सामी ।
 अरहंतमायरो वा चक्कवट्ठिमायरो वा अरहंतंसि वा चक्कवट्ठिसि वा
 गब्भं वक्कममाणंसि एएसिं तीसाए महासुमिणाणं इमे चोदस महासुमिणे
 पासित्ता णं पडिबुज्झंति तं जहा—गयवसहसीहअभिसेयदामससिदिणयरं
 झयं कुंभं । पठमसरसागरविमाणभवंणरयणुच्चय सिहिं च ॥१॥ वासुदेव-
 मायरो वा वासुदेवंसि गब्भं वक्कममाणंसि एएसिं चोदसण्हं महासुमिणाणं
 अन्नयरे सत्तं महासुमिणे पासित्ता णं पडिबुज्झंति । बलदेवमायरो
 वा बलदेवंसि गब्भं वक्कममाणंसि एएसिं चोदसण्हं महासुमिणाणं
 अन्नयरे चत्तारि महासुमिणे पासित्ता णं पडिबुज्झंति । मंडलियमायरो वा
 मंडलियंसि गब्भं वक्कममाणंसि एएसिं चोदसण्हं महासुमिणाणं अन्नयरं
 महासुमिणं पासित्ता णं पडिबुज्झंति । इमे य सामी धारिणीए देवीए
 एगे महासुमिणे दिट्ठे । त उराले णं सामी ! धारिणीए देवीए सुमिणे दिट्ठे
 जाव आरोगत्तुट्ठिदीहाउकल्लणमगल्लकारेण ण सामी ! धारिणीए देवीए
 सुमिणे दिट्ठे । अत्थलाभो सामी ! सोक्खलाभो सामी ! भोगलाभो सामी !
 पुत्तलाभो रत्तलाभो । एव खलु सामी ! धारिणीदेवी नवण्ह मासाणं
 बहुपडिपुण्णाणं जाव दारगं पयाहिई । से वि य णं दारए उम्मुक्कवालभावे
 विन्नायपरिणयमिस्से जोव्वणगमणुप्पत्ते सूरे वीरे विक्केतं^० वित्थिण्णविउल्लं-
 बलवाहणे रज्जवई राया भविस्सइ अणगारे वा भावियप्पा । तं उराले णं
 सामी ! धारिणीए देवीए सुमिणे दिट्ठे जाव आरोगत्तुट्ठि जाव दिट्ठे
 त्तिकट्ठु भुज्जो २ अणुवूहेति । तए णं सेणिए राया तेसिं सुमिणपाढ-
 गाणं अंतिए एयमट्ठं सोच्चा निसम्म हट्ठ जाव हियए करयल जाव एवं
 वयासी—एवमेयं देवाणुप्पिया । जाव जं णं तुब्भे वयई त्तिकट्ठु तं
 सुमिणं सक्कं संपडिच्छइ २ ते सुमिणपाढए विपुलेणं असणपाणखाइम-
 साइमेणं वत्थगंधमल्लालंकारेण य सक्कारेइ सम्माणेइ विपुलं जीवियारिहं
 पीइदाणं दलयइ पडिविसज्जेइ । तए णं से सेणिए राया सीहासणाओ

अब्भुट्ठेइ २ ता जेणेव धारिणी देवी तेणेव उवागच्छइ २ च धारिणिं देविं एवं वयासी-एवं खलु देवाणुप्पिए सुमिणसत्थंसि वायालीसं सुमिणा जाव एगं महासुमिण जाव भुज्जो २ अणुवूहेइ । तए णं सा धारिणीदेवी सेणियस्स रत्तो अंतिए एयमट्ठ सोच्चा निसम्म हट्ठ जाव हियया तं सुमिण सम्मं पडिच्छइ २ जेणेव सए वामंधरे तेणेव उवागच्छइ २ ण्हाया कयवलिकम्मा जाव विपुलाइ जाव विहरइ ।

(13) तए णं तीसे धारिणीए देवीए दोसु मासेसु वीडंक्तसे तंडए मासे वट्टमाणे तस्स गव्भस्स दोहलकालसमयासि अयमेयारूवे अकाल-मेहेसु दोहले पाउव्ववित्था - धन्नाओ णं ताओ अम्मयाओ पुण्णाओ ताओ अम्मयाओ कयत्थाओ कयपुण्णाओ कयलक्खणाओ कयविहवाओ सुलद्धे णं तासि माणुस्सए जम्मजीवियफले जाओ ण मेहेसु अब्भुंगाएसु अब्भुज्जएसु अब्भुन्नएसु अब्भुट्ठिएसु सगज्जिएसु सविज्जुएसु सफुसिएसु सथणिएसु धंतधोयरुप्पपट्टअंकसंखचदकुदसालि-पिट्ठरासिसमप्पभेसु चिकुरहरियालभेयचपगसणकोरटसरिसवपउंमरय-समप्पभेसु लक्खारससररत्तकिं सुंयजासुमणरत्तवंधुजीवगजाइहिं गुंलय-सरसकुंकुमउरव्वससरुहिरइदगोवगसमप्पभेसु वरहिणनीलगुलियंसुंगेचा-सपिच्छंभिगपत्तसासंगनीलुप्पलनियरनवासिरीसकुसुमनवसदलसमप्पभेसु जच्चंजणभिगभेयरिट्ठगभमरावालिगवलगुलियकज्जलसमप्पभेसु फुरत-विज्जुयसगज्जिएसु वायवसविपुलगांगणचवलपरिसंकिरेसु निम्मलवरवारि-धारापयलियपयंडमारुयसमाहयसमोत्थरंतउंवरिउवरितुरियवास पवासि-एसु धारापहकरनिवायनिव्वावियं^{१०} मेइणितले हरियगगणकंचुए पल्लविय पायवगणेसु वल्लिवियाणेसु पसरिएसु उन्नएसु सोहग्गमुवागएसु वेभार-गिरिर्पवायतडकडंगविमुक्केसु उज्जरेसु तुरियपहावियपल्लोदृफेणाउलं सकलुसं जलं वहंतीसु गिरिनईसु सज्जज्जुणनीर्वकुडयकदलसिलिध-कलिएसु उववणेसु मेहरसियहट्ठतुट्ठचिट्ठियहरिसवसपमुक्कठकेकारवं मुयतेसु बराहिणेसु उववसमयजणियतरुणसहयरिपणाच्चिएसु नवसुराभि-सिलिधकुडयंकदलकलंबगंधद्वणि मुयंतेसु उववणेसु परहुयसंयारिभिय-

संकुलेसु उहाइतरत्तइंदगोवयथोवयकारुणविक्खिएसु उन्नयतणमांडिएसु
 दहुरपयंपिएसु संपिडियदरियभमरमहुयरिपहकरपरिलितमत्तलप्पयकुसुमा-
 सवलोलमहुरगुंजंतदेसमाएसु उववणेसु परिसामियचंदसूरगहंगणपणट्ट-
 नक्खत्ततारगंपहे इंदाउहर्बद्धिचिंधपट्टमि अंवरतले उट्टीणबलागपंतिसोहत-
 मेहवन्दे कारंडगचक्कवायकलहसउत्सुयकरे संपत्ते पाउँसंमि काले ण्हायाओ
 कयवलिकम्माओ कयकोउयमंगलपायच्छित्ताओ किं ते वरपायपत्तनेउर-
 मणिमेहलहाररइयउवचियकडगखुड्डयविचित्तवरवलयथंभियमुयाओ कुंड-
 लउज्जोवियाणणाओ रयणभूसियंगीओ नासानीसासवायवोञ्जं चक्खु-
 हरं षण्णफरिससंजुत्तं हयलालापेलवाइरेयं धवलकणयखचियंतकम्मं
 आगासफलिहसरिसप्पमं असुयं पवरपरिहियाओ दुगुल्लसुकुमालउत्तरिज्जाओ
 सव्वोउयसुरभिकुसुमपवरमल्लसोहियासिराओ कालांगीरुपवरधूवधूवियाओ
 सिरीसमाणवेसाओ सेयणयगंधहत्थिरयणं दुरूढाओ समाणीओ सकोरंट-
 मल्लदामेणं छत्तेण धस्सिज्जमाणेणं चदप्पभंवयरवेरुलियविमलदंडसंखकुद-
 दगरयअमयमहियफेणपुंजसन्निगासचउचामरवालवीजियंगीओ सेणिणं
 रत्ता सद्धिं हत्थिखंधवरगएणं पिट्ठओ २ समणुगच्छमाणीओ चाउरंगिणीए
 सेणाएँ महया हयाणीणं गयाणिणं रत्ताणिणं पायत्ताणीणं सन्विट्ठीए
 सव्वज्जुईए जाव निग्घोसनाइयरवेणं रायगिहं नयरं सिंघाडगतिगचउक्क-
 चक्करचउर्ममुहमहापहपहेसु आसित्तसित्तसुइयसमव्विजओवलित्तं जाव
 सुगंधवरगंधियं गंधवट्ठिभूयं अवलोएमाणीओ नागरज्जेणं अभिनदिज्ज-
 माणीओ गुच्छलयारुक्खगुम्मवल्लिगुच्छोच्छाइयं सुरम्म वेभारगिरिकडग-
 पायमूलं सव्वओ समंता आहिंढेमाणीओ २ डोहलं विणयंति । तं जइ णं
 अहमवि मेहेसु अब्भुगाएसु जाव दोहलं विणिज्जामि ।

(14) तए णं सा धारिणी देवी तसि डोहलंसि अविणिज्जमाणंसि
 असंपत्तदोहला असंपुण्णदोहला असंमाणियदोहला सुक्का भुक्खा निम्भंसा
 ओलुग्गा अेलुग्गसरीरा पमइलदुव्वला किलता ओमंथियवयणनयणकमला
 पंडुइयमुही करयलमलियव्व चंपगमाला नित्तेया दीणविवण्णवयणा जहो-
 चियपुप्फगंधमल्लालंकारहारं अणामिलसमाणी कीडारमणकिरियं परिहावे-

माणी दीणा दुम्मणा निरग्गिंदा भूमिगयविट्ठीया ओहयमणसंकप्पा जावु
 क्षियाइ । तए णं तीसे धारिणीए देवीए अंगपडियारियाओ अट्ठिमतरियाओ
 दासचेडियाओ धारिणीं देवीं ओलुग्ग जाव झियायमाणिं पामति २ एव
 वयासी—किन्नं तुमे देवाणुप्पिए । ओलुग्गा ओलुग्गसरीरा जाव झियायमि ?
 तए णं सा धारिणी देवी ताहिं अंगपडियारियाहिं अट्ठिमतरियाहिं दाम-
 चोडियाहिं य एवं वुत्ता समाणी ताओ चेडियाओ नो आढाइ नो परियाणाइ
 अणाढायमाणी अपरियाणमाणी तुसिणीया चिट्ठइ । तए ण ताओ अंगपडि-
 यारियाओ अट्ठिमतरियाओ दासचेडीओ धारिणीं देविं दोच्च पि तच्चं पि
 एव वयासी—किन्नं तुमे देवाणुप्पिए । ओलुग्गा ओलुग्गसरीरां जाव झिया-
 यसि ? तए णं सा धारिणी देवी ताहिं अंगपडियारियाहिं, अट्ठिमतरियाहि
 य दासचेडीहिं दोच्चं पि तच्च पि एव वुत्ता समाणी नो आढाइ नो
 परियाणाइ अणाढायमाणी अपरियाणमाणी तुसिणीया सचिट्ठइ । तए ण
 ताओ अंगपडियारियाओ दासचेडियाओ य धारिणीए देवीए अणाढाइज्ज-
 माणीओ अपरिजाणिज्जमाणीओ तहेव सभताओ समाणीओ धारिणीए
 देवीए अंतियाओ पडिनिक्खमंति २ जेणेव सेणिए राया तेणेव उवागच्छति २
 करयलपरिग्गहियं जाव कट्ठु जएणं विजएणं वद्धावेति २ एव वयासी—एवं
 खलु सामी । किंपि अज्ज धारिणी देवी ओलुग्गा ओलुग्गसरीरा जाव अट्ठ-
 ज्झाणोवगया झियायइ । तए ण से सेणिए राया तासि अंगपडियारियाण
 अंतिए एयमट्ठं सोच्चा निसम्म तहेव सभते समाणे सिग्घं तुरियं चवल
 वेइयं जेणेव धारिणी देवी तेणेव उवागच्छइ २ धारिणी देवि ओलुग्ग
 ओलुग्गसरीरं जाव अट्ठज्झाणोवगय झियायमाणि पासइ २ एव वयासी—
 किन्नं तुम देवाणुप्पिए । ओलुग्गा ओलुग्गसरीरा जाव अट्ठज्झाणोवगया
 झियायसि ? तए णं सा धारिणी देवी सेणिएण रत्ता एव वुत्ता समाणी
 नो आढाइ जाव तुसिणीया संचिट्ठइ । तए ण सेणिए राया धारिणीं देविं
 दोच्चं पि तच्चं पि एव वयासी—किन्नं तुम देवाणुप्पिए । ओलुग्गा जाव
 झियायसि ? तए णं सा धारिणी देवी सेणिएणं रत्ता दोच्च पि तच्च पि
 एव वुत्ता समाणी नो आढाइ नो परियाणाइ तुसिणीया संचिट्ठइ । तए

इं से सेणिए राया धारिणिं देविं सवहसाविचं करेइ २ एवं वयासी—
 किं णं तुमं देवाणुप्पिए । अहमेयस्स अट्ठस्स अणरिहे सवणयाए तां णं
 तुमं ममं अयमेयारूवं मणोमाणसियं दुक्खं रहस्सीकरेसि । तए णं सा
 धारिणी देवी सेणिएणं रत्ता सवहसाविचा समाणी सेणियं रायं एवं
 वयासी—एवं खलु सामी । मम तस्स उरालस्स जाव महप्पुमिणस्स तिण्हं
 मासाणं बहुपाडिपुण्णाणं अयमेयारूवे अकालमेहेसु ढोहले पाठभूए—
 धन्नाओ णं ताओ अम्मयाओ कयत्थाओ णं ताओ अम्मयाओ जाव
 वेभारगिरिपायमूलं आहिंढमाणीओ दोहलं विणेंति । तं जइ णं अहमवि
 जाव दोहलं विणेज्जामि । तए ण हू सामी । अयमेयारूवंसि अकाल-
 दोहलंसि अविण्णज्जमाणंसि ओलुग्गा जाव अट्टज्झाणोवगया झियायामि ।
 तए णं हं कारणेणं सामी । ओलुग्गा जाव झियायामि । तए ण सेसेणिए
 राया धारिणीए देवीए अतिए एयमठ्ठं सोच्चा निसम्भ धारिणीं देवीं
 एवं वयासी—मा णं तुमं देवाणुप्पिए । ओलुग्गा जाव झियाहि । अहं णं
 तहा करिस्सामि जहा णं तुम्भ अयमेयारूवस्स अकालदोहलस्स मणोरह-
 संपत्ती भविस्सइ त्तिकट्ठु धारिणीं देवीं इट्ठाहिं कंताहिं पियाहिं मणु-
 न्नाहिं मणामाहिं वग्गूहिं समासासेइ २ जेणेव बाहिरिया उवट्ठाणसाला
 तेणेव उवागच्छइ २ सीहासणवरगए पुरत्थाभिमुहे सन्निसण्णे धारिणीए
 देवीए एयं अकालदोहलं वडूहिं आएहि य उवाएहि य उप्पत्तियाहि य
 वेणइयाहि य कम्मियाहि य पारिणामियाहि य चउत्तिवहाहिं बुद्धीहिं^५
 अणुचित्तमाणे २ तस्स दोहलस्स आयं वा उवायं वा ठिइं वा उप्पत्तिं वा
 अविदमाणे ओहयमणसंकप्पे जाव झियायइ ।

(15) तयाणंतरे च णं अभयकुमारे ण्हाए कयबलिकम्मे जाव सव्वालं-
 कारविभूसिए पायवंदए पहारेत्थ गमणाए । तए णं से अभयकुमारे
 जेणेव सेणिए राया तेणेव उवागच्छइ सेणियं रायं ओहयमणसंकप्पं
 जाव झिययमाणं पाप्पइ अयमेयारूवे अज्झत्थिए चित्तिए पत्थिए
 मणोगए संकप्पे समुप्पज्जित्था—अन्नया ममं सेणिए राया एज्ज-
 माणं पासित्ता आढाइ परियाणाइ सक्कारेइ सम्माणेइ आलवइ संलवइ

अद्धासणेणं उवनिमंतेइ मत्थयंसि अग्घाइ । इयाणिं ममं सेणिए राय्
नो आढाइ नो परियाणइ नो सक्कारेइ नो सम्माणेइ नो इट्ठाहिं कत्ताहिं
पियाहिं मणुन्नाहिं ओरालाहिं वग्गूहिं आलवइ संलवइ नो अद्धासणेणं
उवनिमंतेइ नो मत्थयंसि अग्घायइ किं पि ओहयमणसंकप्पे क्षियायइ ।
तं भवियव्वं णं एत्थ कारणेणं । तं सेयं खलु मम सेणियं रायं एय-
मट्ठं पुच्छित्तए । एव संपेहेइ २ जेणामेव सेणिए राया तेणामेव उवा-
गच्छइ २ करयलपरिग्गहियं सिरसावत्त मत्थए अंजलि कट्टु जएणं
विजएणं वद्धावेइ २ एवं वयासी — तुब्भे ण ताओ । अन्नया मम
एज्जमाणं पासित्ता आढाइ परियाणइ जाव मत्थयमि अग्घायइ
आसणेणं उवनिमंतेइ । इयाणिं ताओ । तुब्भे ममं नो आढाइ जाव नो
आसणेण उवनिमंतेइ किं पि ओहयमणसंकप्पा जाव क्षियायइ । तं
भवियव्वं ताओ एत्थ कारणेणं । तओ तुब्भे मम ताओ एय कारणं
अग्गहेमाणा असंकमाणा अनिण्हवेमाणा अपच्छाएमाणा जहाभूयम-
वित्तहमसंदिद्धं एयमट्ठं आइक्खइ । तए णं अहं तस्स कारणस्स अंत-
गमणं गमिस्सामि । तए ण से सेणिए राया अभएण कुमारेण एव
वुत्ते समाणे अभयं कुमारं एवं वयासी — एव खलु पुत्ता । तव चुल्लमाउ-
याए धारिणीदेवीए तस्स गव्वमस्स दोसु मासेसु अइकतेसु तइयमासे
वट्टमाणे दोहलकालसमयांसि अयमेयारूवे दोहले पाउव्ववित्था — धन्ना-
ओ णं ताओ अम्मयाओ तदेव निरवसेस भाणियव्व जाव विणेति ।
तए णं अहं पुत्ता धारिणीए देवीए तस्स अकालदोहलस्स बहूहि
आएहि य उवाएहिं जाव उप्पत्तिं अविदमाणे ओहयमणसकप्पे जाव
क्षियामि तुमं आगयं पि न याणामि ।..तं एएणं कारणेणं अहं पुत्ता ।
ओहय जाव क्षियामि । तए णं से अभए कुमारे सेणियस्स रण्णो
अतिए एयमट्ठं सोच्चा निसम्म हट्ठ जाव हियए सेणिय रायं एव
वयासी — मा णं तुब्भे ताओ ओहय जाव क्षियायइ । अहं णं तहा
करिस्सामि जहा णं मम चुल्लमाउयाए धारिणीए देवीए अयमेयारूवस्स
अकालदोहलस्स मणोरहसंपत्ती भविस्सइं त्तिकट्टु सेणियं राय ताहि

इहाहिं कंताहि जाव समासासेइ । तए णं सेणिए राया अभएणं
कुमारेणं एवं वुत्ते समाणे दट्ठुत्ते जाव अभयं कुमार सक्कारेइ समाणेइ
२ पडिविसज्जेइ ।

(16) तए णं से अभए कुमारे सक्कारिए सम्माणिए पडिविसज्जिए
सम्माणे सेणियस्स रण्णे अंतियाओ पडिनिक्खमइ २ जेणामेव सए
भवणे तेणामेव उवागच्छइ २ सीहासणे निसण्णे । तए णं तस्स अभय-
कुमारस्स अयमेयारूवे अज्झत्थिए जाव समुप्पज्जित्था — नो खलु सक्का
माणुस्सएणं उवाएणं मम चुल्लमाउयाए धारिणीए देवीए अकालढोहल-
मणोरत्तुपत्तिं करित्तए नन्नत्थ दिव्वेणं उवाएणं । अत्थि णं मज्झ सोहम्म-
कप्पवासी पुव्वसंगइए देवे महिद्धीए जाव महासोक्खे । तं सेयं खलु मम
पोसहसालाए पोसहियस्स बंभयारिस्स उम्भुक्कमणिसुवण्णस्स ववगय-
मालावण्णगविलेवणस्स निक्खित्तंसत्थमुसलस्स एगस्स अबीयस्स
दव्वसंथारोवगयस्स अट्ठमभत्त पणिण्हित्ता पुव्वसंगइय देवं मणसीकरे-
माणस्स विहरित्तए । तए णं पुव्वसंगइए देवे मम चुल्लमाउयाए धारिणीए
देवीए अयमेयारूवं अकालमेहेसु ढोहलं विणेहिइ । एवं संपेहेइ २ जेणेव
पोसहसाला तेणामेव उवागच्छइ २ पोसहसालं पमज्जइ उबारपासवणभूमिं
पडिलेहेइ २ दव्वसंथारगं दुरुहइ २ अट्ठमभत्तं पणिण्हइ २ पोसहसालाए
पोसहिए बंभयारी जाव पुव्वसंगइयं देवं मणसीकरेमाणे २ चिट्ठइ । तए णं
तस्स अभयकुमारस्स अट्ठमभत्ते परिणममाणे पुव्वसंगइयस्स देवस्स
आसणं चलइ । तए णं पुव्वसंगइए सोहम्मकप्पवासी देवे आसणं
चलियं पासइ २ ओहिं पचंजइ । तए णं तस्स पुव्वसंगइयस्स देवस्स
अयमेयारूवे अज्झत्थिए जाव समुप्पज्जित्था — एवं खलु मम पुव्वसंगइए
जंबुद्दीवे २ भारहे वासे दाहिणद्धुभरहे रायगिहे नयरे पोसहसालाए
पोसहिए अभए नामं कुमारे अट्ठमभत्तं पणिण्हित्ता णं मम मणसीकरे-
माणे २ ण्णिइ । तं सेयं खलु मम अभयस्स कुमारस्स अतिए पाउ-
व्भविच्चए । एवं संपेहेइ २ उत्तरपुरात्थिमं दिसीभागं अवक्कमइ २
वेउव्वियसमुग्घाएण समोहणइ २ संखेज्जाइं जोयणाइं दंडं निसिरइ ।

तंजहा—रयणाणं वयरणां वेरुलियाण लोहियक्खवाणं मसारगल्लणं हस्स-
गव्भाणं पुलगाणं सोगधियाण जोईरसाण अंकाणं अंजणाण रयणाणं
जायरूवाणं अज्जणपुलगाण फलिहाणं रिट्ठाण अहावायरे पोग्गले परि-
सादेइ अहासुहुमे पोग्गले परिगिण्हइ २ अभयकुमारमणुकपमाणे देवे
पुव्वभवजणियत्तेहपीइवहुभाणजायसेसोगे तओ विमाणवरपुंदरीयाओ
रयणुत्तमाओ धरणियलगमणतुरियसज्जणियगमणपयारे वाघुण्णियविमल-
कणपयरगवडिसगमउडउक्कडाहोवदसणिज्जे अणेगसणिकणगरयण-
पहकरपरिमंडियभत्तिचित्तविणिउत्तगमणगजणियहरिसें पेंखोलमाणवर-
ललियकुडलुज्जलियवयणगुणजणियसोमरूवे उट्ठिओ विव 'कोमूक्खीनिसाए
सणिच्छरंगारकुज्जलियमज्झभागत्थे' नयणाणंदे सरयचंदे दिव्वोसहिप-
ज्जलुज्जलियदंसणाभिरामे उललच्छिसमत्तंजायसोहे पइट्ठगंधुंद्रुयाभिरामे
मेरुविव नगवरे वेउव्वियविचित्तवेसे दीवसमुहाण असंखपरिमाणनाम-
धेज्जाणं मज्झयारेण वीइवयमाणे उज्जोयतो पभाए विमलाए जीवलोयं°
रायगिह पुरंधरं च अभयस्स पास ओवयइ २ दिव्वरूवधारी ।

(17) तए ण से देवे अंतलिक्खपाडिवन्ने दसद्ववण्णाइ सखिसिणि-
याइ पवरवत्थाइ परिहिए । एक्को ताव एसो गमो । अन्नो वि गमो —
ताए उक्किट्ठाए तुरियाए चवलाए चंडाए सीहाए उट्ठुयाए जयणाए
छेयाए दिव्वाए देवगईए जेणामेव जंवुहीवे २ भारहे वासे जेणामेव
दाहिणद्धभरहे रायगिहे नयरे पोसहसाला अभए कुमारे तेणामेव उवा-
गच्छइ २ अंतलिक्खपाडिवन्ने दसद्ववण्णाइ सखिसिणीयाइ पवरवत्थाइ
परिहिए अभयं कुमारं एवं वयासी — अहं ण देवाणुप्पिया ! पुव्वसंगइए
सोहम्मकप्पवासी देवे महद्धीए जं णं तुमं पोसहसालाए अट्ठमभत्तं
पंगिणिहत्ता णं ममं मणसीकरेमाणे चिट्ठसि । त एस ण देवाणुप्पिया ! अहं
इहं हव्वमागए । संदिसाहि णं देवाणुप्पिया । किं करेमि किं दलामि
किं पयच्छामि किं वा ते हिर्यंइच्छियं । तए ण से अभए कुमारे तं
पुव्वसंगइयं देवं अंतलिक्खपाडिवन्न पासइ २ इट्ठुट्ठे पोसह पारेइ २
करयल जाव अंजलिं कट्ठु एवं वयासी—एव सल्लु देवाणुप्पिया । मम

चुल्लमाउयाए धारिणीए देवीए अयमेयारूवे अकालढोहले पाउन्भूए -
 धनाओ णं ताओ अम्मयाओ तद्देव पुव्वगमेण जाव विणेज्जामि । तं णं
 तुमं देवाणुप्पिया मम चुल्लमाउयाए धारिणीए देवीए अयमेयारूवं
 अकालढोहलं विणेहि । तए णं से देवे अभएणं कुमारेणं एवं वुत्ते
 समाणे हट्ठतुट्ठे अभयं कुमारं एवं वयासी - तुमं णं देवाणुप्पिया !
 मुनिव्वुयवीसत्थे अच्छाहि । अहं णं तव चुल्लमाउयाए धारिणीए
 देवीए अयमेयारूवं ढोहल विणेमि त्तिकट्ठु अभयस्स कुमारस्स अंति-
 याओ पडिनिक्खमइ उत्तरपुरत्थिमे णं वेभारपव्वए वेउव्वियसमुग्धाएणं
 समोहणइ संखेज्जाइं जोयणाइं दंढं निस्सरइ जाव दोच्चंपि वेउव्विय-
 समुग्धाएणं समोहणइ खिप्पामेव सगज्जइयं सविज्जुयं सफुसियं
 पंचवण्णमेहनिणाओवसोहियं दिव्वं पाउंससिरीं विउव्विया २ जेणेव
 अभए कुमारे तेणेव उवागच्छइ २ अभयं कुमारं एवं वयासी -
 एवं खलु देवाणुप्पिया* । मए तव पियट्ठयाए सगज्जिया सफुसिया
 सविज्जुया दिव्वा पाउंससिरी विउव्विया । त विणेउं णं देवाणुप्पिया
 तव चुल्लमाउया धारिणीदेवी अयमेयारूवं अकालमेहढोहलं । तए णं से
 अभए कुमारे तस्स पुव्वसंगइयस्स सोहम्मकप्पवासिस्स देवस्स अतिए
 एयमट्ठं सोच्चा निसम्म हट्ठतुट्ठे सयाओ भवणाओ पडिनिक्खमइ २
 जेणामेव सेणिए राया तेणामेव उवागच्छइ करयल जाव अंजलिं कट्ठु
 एवं वयासी - एवं खलु ताओ । मम पुव्वसंगइएण सोहम्मकप्पवासिणा
 देवेणं खिप्पामेव सगज्जियसविज्जुयपंचवण्णमेहनिणाओवसोभिया
 दिव्वा पाउंससिरी विउव्विया । तं विणेउ णं मम चुल्लमाउया
 धारिणी देवी अकालढोहलं । तए णं से सेणिए राया अभयस्स
 कुमारस्स अंतिए एयमट्ठं सोच्चा निसम्म हट्ठतुट्ठे कोडुंबियपुरिसे
 सहावेइ २ एवं वयासी - खिप्पामेव भो देवाणुप्पिया । रायगिहं
 नगरं सिंघाड्ढातिगच्चउक्कच्चर आसित्तसित्त जाव सुगधवरगंधियं
 गंधवट्ठिभूयं करेह य कारवेह य एयमाणत्तियं पच्चप्पिणह । तए
 णं ते कोडुंबियपुरिसा जाव पच्चप्पिणंति । तए णं से सेणिए राया

दोच्चंपि कोळुंबियपुरिसे सदावेइ २ एवं वयासी—सिप्पामेव भो
 देवाणुप्पिया ! हयगयरहजोहपवरकलिय चाउरगिणि सेण सन्नाहेह
 सेयणयं च गंधहत्थि परिकप्पेह । तेवि तहेव जाव पच्चप्पिणाति ।
 तए णं से सेणिए राया जेणेव धारिणी देवी तेणेव उवागच्छइ २
 धारिणिं देवि एवं वयासी—एवं खलु देवाणुप्पिए ! सगज्जिया जाव
 पाउससिरी पाउवभूया । त णं तुमं देवाणुप्पिए ! एय अकालदोहल
 विणेहि । तए णं सा धारिणी देवी सेणिएणं रत्ता एवं वुत्ता ममाणी
 हट्ठतुट्ठा जेणामेव मज्जणघरे तेणेव उवागच्छइ २ मज्जणघर अणुप्प-
 विसइ २ अंतो अंतोउरंसि ण्हाया कयबलिकम्मा कयकोउयमंगलमायिच्छित्ता
 किं ते वरपायपत्तनेउर जाव आगासफालियसमप्पम् असुय नियत्था
 सेयणयं गंधहत्थि दुरुद्धा समाणी अमयमहियफेणपुजसन्निगासाहि
 सेयचामरवालवीयणीहिं वीइज्जमाणी २ सपत्थिया । तए ण से सेणिए
 राया ण्हाए कयबलिकम्मे जाव सस्सिरीए हत्थिरंधवरगण सफोरेट-
 मल्लदामेण छत्तेणं धरिज्जमाणेण चउचामराहि वीइज्जमाणे धारिणीदेवी
 पिट्ठओ अणुगच्छइ । तए ण सा धारिणीदेवी सेणिएण रत्ता हत्थिस्वव-
 वरगणं पिट्ठओ २ समणुगम्ममाणमग्गा हयगयरहजोहकलियाए
 चाउरगिणीए सेणाए साद्धि सपरिवुडा महया भडचडगरवंदपरिक्खित्ता
 सव्विड्डीए सव्वज्जुईए जाव दुदुभिनिग्घोसनाइयरवेण रायगिहे नयरे
 सिंघाडगतिगचउक्कचच्चर जाव महापहेसु नांगरजणेण अभिनदिज्जमाणी
 २ जेणामेव वेभारगिरिपव्वए तेणामेव उवागच्छइ वेभारगिरिकडग-
 तडपायमूले आरामेसु य उज्जाणेसु य काणणेसु य वणेसु य वणसडेसु य
 रुक्खेसु य गुच्छेसु य गुम्मेसु य लयासु य वल्लीसु य कदरासु य दरीसु
 य चुण्ढीसु य दहेसु य कच्छेसु य नदीसु य संगमेसु य विवरणसु य
 अच्छमाणी य पेच्छमाणी य मज्जमाणी य पत्ताणि य पुप्फाणि य
 फलाणि य पल्लवाणि य गिण्हमाणी य माण्णमाणी य अग्घायमाणी य
 परिभुंजमाणी य परिभाएमाणी य वेभारगिरिपायमूले दोहल विणेमाणी
 सव्वओ समंता आहिंइइ । तए णं सा धारिणीदेवी तसि अकाल-

दोहलसि विणीयंसि समाणियदोहला विणीयदोहला संपुण्णदोहला संपन्न-
दोहला जाया यावि होत्था । तए णं सा धारिणीदेवी सेयणयगंधहत्थि
दूरुढा समाणी सेणिएणं हत्थिखंधवरगणं पिट्ठओ २ सम्मणुग्गसमाण-
मग्गा हयगीय जाव रवेणं जेणेव रायगिहे नयरे तेणेव उवागच्छइ राय-
गिहं नयरं मज्झंमज्जेण जेणामेव सए भवणे तेणामेव उवागच्छइ २
विउल्लाहं माणुस्सगाहं भोगभोगाहं जाव विहरइ ।

(18) तए णं से अभए कुमारे जेणामेव पोसहसाला तेणामेव उवा-
गच्छइ २ पुण्वसंगइयं देवं सक्कारेइ सम्माणेइ २ पडिविसज्जेइ ।
तए णं से देवै सगाज्जियं पंचवण्णमेहोवसोहियं दिव्वं पाउससिरिं
पडिसाहरइ २ ज्ञामेव दिसि पाउब्भूए तामेव दिसि पडिगए ।

(19) तए णं सा धारिणी देवी तसि अकालदोहलंसि विणीयंसि
सम्माणियदोहला तस्स गम्भस्स अणुकंपणट्ठाए जयं चिट्ठइ जयं आसइ
जयं सुवइ आहारं पियं णं आहारेमाणी नाइतित्तं नाइकडुयं नाइ-
कसायं नाइअंबिलं नाइमहुरं जं तस्स गम्भस्स हियं मियं पत्थयं देसे
य काले य आहारं आहारेमाणी नाइचित्तं नाइसोयं नाइमोहं नाइभयं
नाइपरित्तासं ववगयचित्तासोयमोहभयपरित्तासा उरभयमाणसुहेहिं
भोयणच्छायणगंधमल्लालकरेहिं तं गम्भं सुहंसुहेणं परिवहइ ।

(20) तए णं सा धारिणी देवी नवण्हं मासाणं बहुपडिपुण्णाणं
अलुट्ठमाण य राहंदियाणं वीइकंताणं अद्धरत्तकालसमयंसि सुकुमालपाणि-
पायं जाव सव्वंगसुंदरं दारगं पयाया । तए णं ताओ अंगपडियारियाओ
धारिणिं देविं नवण्हं मासाणं जाव दारगं पयायं पासंति २ सिग्घं तुरियं
चवलं वेइयं जेणेव सेणिए राया तेणेव उवागच्छंति सेणियं रायं जएणं
विजएणं बद्धावेंति करयलपरिग्गहियं सिरसावत्तं मस्थए अंजालिं कट्टु एवं
वयासी — एवं खलु देवाणुप्पिया । धारिणीदेवी नवण्हं मासाणं जाव
दारगं पयाया । तं णं अम्हे देवाणुप्पियाणं पिय निवेएमो पियं मे भवउ ।
तए णं से सेणिए राया तासिं अंगपडियारियाणं अंतिए एयमट्ठं सोच्चा
निसम्म इट्ठतुट्ठे ताओ अंगपडियारियाओ महुरेहिं वयणेहिं विउल्लेण

य पुप्फगंधमल्लालंकारेणं सक्कारेइ सम्माणेइ २ मत्थयधोयाओ कम्मेइ
 पुत्ताणुपुत्तिर्यं वित्तिं कप्पेइ २ पडिविसज्जेइ । तए णं से सेणिए राया
 पच्चूसर्कालसमयसि कोहुंबियपुरिसे सहावेइ २ एव वयासी-खिप्पामेव
 भो देवाणुप्पिया ! रायगिहं नगरं आसिय जाव परिगीयं करेइ २ चारग-
 परिसोहणं करेइ २ माणुम्माणवद्धणं करेइ २ एयमाणत्तियं पच्चप्पिणह
 जाव पच्चप्पिणंति । तए णं से सेणिए राया अट्टारससेणिएप्पसेणीओ
 सहावेइ २ एवं वयासी-गच्छह णं तुम्मे देवाणुप्पिया ! रायगिहे नगरे,
 अर्द्धिमत्तरबाहिरिए उस्सुक्कं उक्करं अभट्ठप्पवेसं अवण्डिमकुदण्डिमं अधरिमं
 अधारणिज्जं अणुद्धयमुड्ढं अमिलीयमल्लदामं गणियावरनाडइज्जकलिय
 अणेगतालायराणुचरियं पमुइयपक्कीलियाभिरामं जहपरिहं ठिइवडियं
 वसदिवसियं करेइ २ एयमाणत्तियं पच्चप्पिणह तेवि करेंति तहेव
 पच्चप्पिणंति । तए णं से सेणिए राया बाहिरियाए उवट्ठाणसालाए
 सीहासणवरगए पुरस्थाभिमुहे सन्निसण्णे सयएहि य साहस्सिएहि य
 सयसाहस्सिएहि य जाएहि य दाएहि य भाएहि य दलयमाणे २ पडि-
 च्छेमाणे २ एवं च णं विहरइ । तए णं तस्स अम्मापियरो पढमे दिवसे
 जायकम्मं करेंति २ विइयदिवसे जागरियं करेंति तइए दिवसे चंदसूर-
 वंसाणियं करेंति २ एवामेव निव्वत्ते अर्सुइजायकम्मकरणे सपत्ते वारसाह-
 दिवसे विपुलं असणपाणखाइमसाइमं उवक्खडावेंति २ मित्तनाइनियग-
 सयण संबंधिपरियणं बलं च बहवे गणनायग जाव आमत्तेति तओ ण्हाया
 कयबलिकम्मा कयकोउय जाव सव्वालंकारविभूसिया महइमहालयंसि
 भोयणमंडवंसि तं विपुल असणं पाण खाइमं साइमं मित्तनाइगणनायग
 जाव सद्धिं आसाएमाणा विसाएमाणा पडिभाएमाणा परिभुंजेमाणा एवं
 च णं विहरति जिमियभुत्तत्तरागयावि य ण समाणा आयंता चोक्खा
 परमसुइभूया तं मित्तनाइनियगसयणसंबंधिपरियणं बलं च बहवे गण-
 नायग जाव विपुलेण पुप्फवत्थगंधमल्लालंकारेणं सक्कारेंति सम्माणेंति २
 एवं वयासी - जम्हा ण अम्हं इमस्स दारगस्स गव्वमत्थस्स चेव समाणस्स
 अकालमेहेसु डोहले पाउव्भूए तं होऊ णं अम्हं दारए मेहे नामेणं मेहे ।

तुस्स दारगस्स अम्मापियरो अयमेयारूवं गोष्ठीं गुणनिष्फण्णं नामधेज्जं
करेति मेहे इ । तए णं से मेहे कुमारे पंचधाईपरिग्गाहिए तंजहा — खीर-
धाईए मज्जणधाईए कीलावणधाईए मंडणधाईए अंकधाईए अन्नाहि य
बहूहिं खुज्जाहिं चिलाइयाहिं वामणिवडभिवव्वरिबडसिजोणियपल्हवि-
इसिणिधोरणिगिणिलासियलउसियंदमिलिसिहल्लिआरविपुल्लिदिपक्कणिबह-
लिमुअडिसवरिपारसीहिं नानादेसीहिं विदेसपरिमंढियाहिं इंगियाचितिय-
पत्थियवियाणियाहिं सदेसनेवत्थगाहियवेसाहिं निउणकुसल्लाहिं विणीयाहिं
चेडियाचक्कवालवरिसधरकंचुइज्जमहयरगवंदपरिक्खत्ते हत्थाओ हत्थं
साहंरिच्चमाणे अकाओ अंक परिभुज्जमाणे परिगिज्जमाणे उवलाळिज्ज-
माणे रम्मंसि मणिकोट्टिमत्तलंसि परिमिज्जमाणे २ निव्वायानिव्वाधायांसि
गिरिकदरमल्लीणेव चपगपायवे सुहंसुहेणं वड्डइ । तए ण तस्स मेहस्स
कुमारस्स अम्मापियरो अणुपुण्वेणं नामकरणं च पजेमणगं च एवं चक-
मणगं च चोलोवणयं च महया २ इड्डीसक्कारस्समुदएणं करेसु । तए ण तं
मेहं कुमारं अम्मापियरो साइरेगेट्टवासजायगं चेव गम्भट्टमे वासे सोह-
णंसि तिहिकरणमुहुत्तंसि कलायरियस्स उवणेति । तए णं से कलायरिए
मेहं कुमारं लेहाइयाओ गणियप्पहाणाओ सउणरुयपज्जवसाणाओ वाव-
त्तरिकलाओ सुत्तओ य अत्थओ य करणओ य सेहावेइ सिक्खावेइ
तंजहा — लेहं गणियं रूवं नट्ट गीयं वाइय सरगयं पोक्खरगयं समत्तालं
जूयं जणवायं पासयं अट्टावयं पोरेकच्चं दगमट्टियं अन्नविहिं पाणविहिं
वत्थविहिं विलेवणविहिं सयणविहिं अज्जं पहेलियं मागहियं गाहं गीइयं
सिलोग हिरण्णजुत्ति सुवण्णजुत्ति चुण्णजुत्ति आभरणविहिं तरुणीपडिकम्मं
इत्थिलक्खणं पुरिसलक्खणं हयलक्खणं गयलक्खणं गोणलक्खणं कुक्कुड-
लक्खणं छत्तलक्खणं दंडलक्खणं असिलक्खणं मणिलक्खणं कागिणि-
लक्खणं वत्थुविज्जं खंधारमाणं नगरमाणं वूह पडिवूह चार पडिचारं
चक्कवूहं गड्डलवूहं सगड्डवूहं जुद्धं निजुद्धं जुद्धाइजुद्धं आट्टिजुद्धं मुट्ठिजुद्धं
बाहुजुद्धं लयाजुद्धं ईसत्थं छरूपवायं धणुण्वेयं हिरण्णपागं सुवण्णपागं
सुत्तखेडं वट्टखेडं नालियाखेडं पत्तच्छेज्जं कड्डच्छेज्जं सज्जीवं निज्जीवं

सउणरुयं ति ।

(21) तए णं से कलायरिए मेहं कुमारं लेहाइयाओ गणियप्पहाणाओ सउणरुयंपज्जवसाणाओ वावत्तरिं कलाओ सुत्तओ य अत्थओ य करणओ य सेहावेइ २ अम्मापिऊण उवणेइ । तए ण मेहस्स कुमारस्स अम्मापियरो तं कलायरियं महुरोहि वयणेहि विउल्लेण वत्थगधमल्लालकारेण सक्कारेति सम्माणेति विउलं जीवियारिहं पीइदाणं दलयंति २ पडिविसज्जेति ।

(22) तए णं से मेहे कुमारे वावत्तरिकलापडिए नवंगसुत्तपडिवोहिए अट्टारसन्निहिपगारदेसीभासाविसारए गीयरइयगंधव्वनट्टकुसले हयजोही गयजोही रहजोही बाहुजोही बाहुप्पमदी अलभोगसमत्थे स्महसिए वियालचारी जाए यावि होत्था ।

(23) तए णं तस्स मेहकुमारस्स अम्मापियरो मेहं कुमारं वावत्तरिकलापडिय जाव वियालचारिं जाय पासंति २ अट्ट पासायवाडिसए कारेति अट्ठुग्गयमूसियपहसिए विव मणिकणगरयणभक्तिचित्ते वाउद्धुयविजयवेजयतीपडागाछत्ताइच्छत्तकलिए तुगे गगणतलमभिलघमाणसिहरे जालंतररयणपजरुम्मलिएव्व मणिकणगथूभियाए वियसियसयवत्तपुंडरीए तिलयरयणद्वचंदच्चिए नानामणिसयदामालंकिए अतो वहिं च सण्हे तवणिज्जरुइलवालुयापत्थरे सुहफासे सस्सिरीयरूवे पासाईए जाव पडिरूवे । एगं च ण महं भवणं कारेति अणेगखंभसयसन्निविट्ट लीलट्टियसालभजियागं अट्ठुग्गयसुकयवइरवेइयातोरणवररइयसालभजियासुसिलिट्ठविसिट्ठलट्ठसठियपसत्थवेरुलियखभनाणामणिकणगरयणखाचियउज्जल बहुसमसुविभत्तनिचियरमणिज्जभूमिभागं ईहामिय जाव भक्तिचित्त खभुग्गयवर्धरवेइयापरिगयाभिराम विज्जाहरज्जमलजुयलजंतजुत्तपिव अच्चीसहस्समालणीयं रूवणसहस्सकलिय भिसमाण भिन्निभसमाण चक्खुल्लोयणलेसं सुहफासं सस्सिरीयरूवं कचणमणिरयणथूभियाग नाणाविहपंचवण्णघंटापडागपरिमंडियगसिहर धवलमिरीचिकवय विणिस्सुयंतं लाउल्लोइयमहियं जाव गंधवट्ठिभूयं पासाईय दरिसणिर्जज अभिरूव पडिरूवं ।

(24) तए णं तस्स मेहस्स कुमारस्स अम्मापियरो मेहं कुमारं सोह-

प्राप्तिं विहिक्करणनक्खत्तमुहुत्तंसि सरिसियाणं सरिन्वयाणं सरित्तयाणं सरिसलावण्णरूवजोन्वणगुणोववेयाणं सरिसएहिंतो रायकुलेहिंतो आणिल्लियाणं पसाहणट्ठंगअविहववहूओवयणमंगलसुज्जपिण्हिं अट्ठहिं रायवरकन्नाहिं सद्धिं एगदिवसेण पाणिं गिण्हाविंसु । तए णं तस्स मेहस्स अम्मापियरो इमं एयारूवं पीइदाणं दलयत्ति - अट्ठ हिरण्ण-कोडीओ अट्ठ सुवण्णकोडीओ गाहाणुसारेण भाणियध्व जाव पेसण-कारियाओ अन्नं च विपुल धणकणगरयणमणिमोत्तियसंससिलप्पवाल-रत्तरयणसंतसारसावएज्ज अलाहि जाव आसत्तमाओ कुलवंसाओ पकाम दाउं भक्कमं भोत्तुं पकामं परिभाएउं । तए ण से मेहे कुमारे एगमेगाए भारियाए एगमेग हिरण्णकोडिं दलयइ एगमेग सुवण्णकोडिं दलयइ जाव एगमेग पेसणकारिं दलयइ अन्नं च विउल धणकणग जाव परि-भाएउं दलयइ । तए णं से मेहे कुमारे उप्पि पासायवरगए फुट्टमाणेहिं मुइंगमत्थएहिं वरतणिसंपउत्तेहिं वत्तीसइवद्धएहिं नाढएहिं विहरइ ।

(25) तेणं कालेणं २ समणे भगवं महावीरे पुन्वाणुपुन्वि चरमाणे गामाणुगाम दूइज्जमाणे सुहसुहेणं विहरमाणे जेणामेव रायगिहे नयरे गुणसिलए चेइए जाव विहरइ । तए ण रायगिहे नयरे सिंघाडगतिग-चउक्कचबरे महया बहुजणसदे इ वा जाव वहवे उग्गा भोगा जाव राय-गिहस्स नगरस्स मज्झमज्झेणं एगदिसि एगाभिमुहा निग्गच्छंति । इमं च णं मेहे कुमारे उप्पि पासायवरगए फुट्टमाणेहिं मुयगमत्थएहिं जाव माणुस्तए कामभोगे भुंजमाणे रायमगं च आलोएमाणे २ एवं च णं विहरइ । तए णं मेहे कुमारे ते वहवे उग्गा भोगा जाव एगदिसाभिमुहे निग्गच्छमाणे पासइ २ कंचुइज्जपुरिसं सदावेइ २ एव वयासी - किन्नं भो देवाणुप्पिया । अब्ज रायगिहे नगरे इंदमेहे इ वा संदमेहे इ वा एवं रुहसिवेसमणनागजक्खभूयनईतलायरुक्खचेइयपन्वयउज्जाण-गिरिजत्ताइ वा जओ ण वहवे उग्गा भोगा जाव एगदिसिं एगाभिमुहा निग्गच्छंति । तए णं से कंचुइज्जपुरिसे समणस्स भगवओ महावीरस्स गहियागमणवित्तीए मेह कुमारं एवं वयासी - नो खलु देवाणुप्पिया ।

अज्ज रायगिहे नयरे इंदमहं इ वा जाव गिरिजित्ता इ वा ज ण एए उग्ग जाव एगदिस्सि एगामिमुहा निग्गच्छति । एवं खलु देवाणुप्पिया । समणे भगवं महावीरे आइगरे तित्थगरे इहमागए इह संपत्ते इह समोसठे^१ इह चेव रायगिहे नगरे गुणसिलए चेइए अहापडिरूव जाव विहरई ।

(26) तए ण, से मेहे कुमारे कंचुइज्जपुरिसस्स अतिए एयमहं सोच्चा निसम्म हट्टतुठ्ठे कौडुंबियपुरिसे सहावेइ २ एवं वयासी — खिप्पामेव भो देवाणुप्पिया । चाउग्घटं आसरहं जुत्तामेव उवट्टवेइ जाव उवणेंति । तए णं स्ते मेहे ण्हाए जाव सव्वालंकारविभूसिए चाउग्घटं आसरहं दुरुठ्ठे समाणे सकोरंटमल्लदामेणं छत्तेण धरिज्जमाणेणं महया^२ मह-चडगरवंदपरियालसंपरिवुठ्ठे रायगिहस्स नयरस्स मज्झमज्झेणं निग्गच्छइ २ जेणामेव गुणसिलए चेइए तेणामेव उवागच्छइ २ समणस्स भगवओ महावीरस्स छत्ताइच्छत्तं^३ पडागाइपडाग विज्जाहरचारणे जंभए य देवे ओवयमाणे पासइ २ चाउग्घटाओ आसरहाओ पच्चोरुहइ २ समणं भगवं महावीरं पंचविहेणं अभिगमेणं अभिगच्छइ तजहा — सच्चित्ताणं दव्वाणं विउसरणयाए, अचित्ताणं दव्वाणं अविउ-सरणयाए, एगसाडियं उत्तरासगकरणेणं, चक्खुफासे अंजलिपग्गहेण, मणसो एगत्तीकरणेण । जेणामेव समणे भगव महावीरे तेणामेव उवागच्छइ २ समण भगव तिक्खुत्तो आयाहिणपयाहिण करेइ वंदइ नमसइ २ समणस्स भगवओ नच्चासन्ने नाइदूरे सुत्तसमाणे नमंसमाणे पंजलिउठ्ठे अभिमुहे विणएणं पज्जुवासइ । तए णं समणे भगवं महावीरे मेहस्स कुमारस्स तीसे य महइमहालियाए महच्चपरिसाए मज्झगए विचित्तं धम्ममाइक्खइ, जहा — जीवा.. वैज्झंति मुच्चति जहा य संकिळिस्संति । धम्मकहा भाणियव्वा जाव परिआ पडिगया ।

(27) तए ण से मेहे कुमारे समणस्स भगवओ महावीरस्स अतिए धम्म सोच्चा निसम्म हट्टतुठ्ठे समण भगव महावीरं तिक्खुत्ते आया-हिणपयाहिणं करेइ २ वदइ नमंसइ २ एवं वयासी — सहहामि ण भते । निग्गंथं पावयणं एवं पत्तियामि णं रोएमि णं अब्भुट्ठेमि णं भते ।

निग्गथं पावयणं । एवमेयं भंते । तंहमेयं अवितहमेयं इच्छियमेयं
 पडिच्छियमेयं भंते । इच्छियपडिच्छियमेयं भंते । से जहेव तं तुब्भे
 वयह जं नवर देवाणुप्पिया । अम्मापियरो आपुच्छामि तओ पच्छा मुंडे
 भवित्ताणं पव्वइस्सामि । अहासुहं देवाणुप्पिया मा पडिबंधं । तए णं से
 मेहे कुमारे समणं भगवं वंदइ नमंसइ २ जेणामेव चाउग्घंटं आसरहे
 तेणामेव उवागच्छइ २ चाउग्घंटं आसरहं दुरुहइ महया भट्ठकडगर-
 पहकरेणं रायगिहस्स नगरस्स मज्झंमज्जेणं जेणामेव सए भवणे तेणामेव
 उवागच्छइ २ चाउग्घंटओ पच्चोरुहइ २ जेणामेव अम्मापियरो तेणा-
 मेव उवागच्छइ २ अम्मापिऊणं पायवडण करेइ २ एवं वयासी — एवं
 खलु अम्मयाओ ! मए समणस्स भगवओ महावीरस्स अंतिए धम्मं निसंते
 से वि य मे धम्मं इच्छिए पडिच्छिए अभिरुइए । तए णं तस्स मेहस्स
 अम्मापियरो एवं वयासी — वज्जेसि'तुमं जाया । संपुण्णे कयत्थे कय-
 लक्खणे सि तुम जाया । जन्नं तुभे समणस्स ३ अंतिए धम्मं निसंते । सेवि
 य ते धम्मं इच्छिए पडिच्छिए अभिरुइए । तए णं से मेहे कुमारे अम्मा-
 पियरो दोच्चपि तच्चपि एवं वयासी — एव खलु अम्मयाओ ! मए समणस्स ३
 अंतिए धम्मं निसंते । से वि य मे धम्मं इच्छिए पडिच्छिए अभि-
 रुइए । त इच्छामि णं अम्मयाओ । तुब्भेहिं अब्भणुन्नाए समाणे
 समणस्स ३ अंतिए मुंडे भवित्ताणं अगाराओ अणगारियं पव्वइत्तए ।
 तए णं सा धारिणी देवी तं अणिट्ठं अकंतं अप्पियं अमणुन्न
 अमणाम असुयपुव्वं फरुसगिरं सोच्चा निसम्म इमेण एयारुवेणं
 मणोमाणसिएण महया पुत्तदुक्खेणं अभिभूया समाणी सेयागयरोमकूव-
 पगलतविलीणगाथा सोयभरपवेवियंगी नित्तेया दीणविमणवयणा कर-
 यलमलियव्व कमलमाला तक्खणंओलुग्गदुव्वलसरैरा लावणसुन्ननि-
 च्छायगयसिरीया पसिडिलभूसणपडंतसुम्भियसत्तुणियधवलवलयपव्व-
 डउत्तरिज्जा । मूमालविकिण्णकेसहत्था मुच्छावसनट्टचेयंगरुई पंसुनिय-
 त्तव चपगलया निव्वत्तमेहे व इदलट्ठी विमुक्कसंधिबंधणा कोट्टिमत्तलसि
 सव्वंगेहिं धसन्ति पडिया । तए णं सा धारिणी देवी ससंभमोवत्तियाए

तुरियं कंचणभिगारमुह्वेणिगायसीयलजलविमलधाराए परिसिंचमाणा
निव्वावियगायलट्ठी उक्खेवणतालविटवीयणगजणियवाएणं सफुसिएणं
अतेरपरियणेणं आसासिया समाणी मुत्तावलीसन्निगासपवद्धतअंसुधाराहिं
सिंचमाणी पओहरे कलुणविमणदीणा रोयमाणी कदमाणी तिप्पमाणी
सोयमाणी विल्लवमाणी मेहं कुमार एव वयासी । -

(28) तुमं सि णं जाया ! अम्हं एगे पुत्ते इट्ठे कते पिए मणुन्ने मणामे
थेज्जे वेसासिए सम्मए बहुमए अणुमए मंडकरंडगसमाणे रयणे रयण-
भूए जीवियउत्सासए हिययाणंदजणणे उवरपुप्फं पिव दुल्लहे सवणयाए
किमंग पुण पासणयाए । नो खलु जाया ! अम्हे इच्छामो गणमवि
विप्पओग सहित्तए । तं भुजाहि ताव जाया ! विपुले माणुस्सए
कामभोगे जाव ताव वय जीवामो । तओ पच्छा अम्हेहि काल-
गएहिं परिणयवए वड्डियकुलवंसतंतुकज्जंमि निरवएक्खे समणस्स ३
अंतिए मुढे भवित्ता अगाराओ अणगारिक्कं पव्वइस्ससि । तए
णं से मेहे कुमारे अम्मापिऊहिं एवं वुत्ते समाणे अम्मापियरो एव
वयासी - तहेव णं त अम्मो ! जहेव णं तुब्भे ममं एव वयह - तुमं सि
णं जाया ! अम्हं एगे पुत्ते त चेव जाव निरवएक्खे समणस्स जाव
पव्वइस्ससि । एवं खलु अम्मयाओ ! माणुस्सए भवे अधुवे अणियए
असासए वसणसउवहवाभिभूए विज्जुलयाचंचले अणिञ्चे जलवुब्बुय-
समाणे कुसग्गजलबिंदुसन्निभे संझब्भरागसरिसे सुविणदसणोवमे सडण-
पडणाविद्धंसणधम्मो पच्छा पुरं च णं अवस्साविप्पजहणिज्जे । से के ण
जाणइ अम्मयाओ ! के पुर्वि गमणाए के पच्छा गमणाए ? तं इच्छामि
णं अम्मयाओ ! तुब्भेहिं अब्भणुत्ताए समाणे समणस्स ३ जाव
पव्वइत्तए । तए णं त मेह कुमारं अम्मापियरो एव वयासी - इमाओ
ते जाया । सरिसियाओ सरित्तयाओ सरिठ्वयाओ सरिसल्लावण-
रूवजोव्वणगुणोववेयाओ सरिसेहितो रायकुलेहितो अग्रिण्यल्लियाओ
भारियाओ । तं भुजाहि ण जाया ! एयाहिं सद्धिं विट्ठले माणुस्सए
कामभोगे । पच्छा भुत्तभोगे समणस्स जावंपव्वइस्ससि । तए णं से मेहे

कुमारे अम्मापियरं एवं वयासी - तहेव णं अम्मयाओ । जं णं तुम्भे मम एवं वयह - इमाओ ते जाया । सरिसियाओ जाव पव्वइस्ससि । एव खलु अम्मयाओ माणुस्सगा कामभोगा असुई असासया वतासवा पित्तासवा • खेलासवा सुक्कासवा सोणियासवा दुरुस्सासनीसासा दुरूवमुत्तपुरीसपूयवहुपडिपुण्णा चचारपासवणखेलसिंघाणगवंतपित्त-सुक्कसोणियसंभवा अधुवा आणियत्ता असासया सडणपडणविद्धंसण-धम्मा पच्छा पुरं च णं अवस्सविप्पजहणिज्जा । से' के णं अम्मयाओ ! जाव पव्वइत्तए । तए णं तं मेहं कुमारं अम्मापियरो एवं वयासी - इमे यं ते जह्या ! अज्जयपज्जयपिउपज्जयागए सुबहु हिरण्णे य सुवण्णे य कंसे य दूसे य मणिमोत्तियसंखसिलंप्पवालरत्तरयणसंतसारसावएज्जे य अलाहि जाव आसत्तमाओ कुलवंसाओ पगामं दाउं पगामं भोत्तुं पकाम परिभाएउं । तं अणुहोहि' ताव जाया ! विपुलं माणुस्सगं इड्डिसक्कारसमुदयं । तओ पच्छा अणुभूयकल्लाणे समणस्स ३ जाव पव्वइस्ससि । तए ण से मेहे कुमारे अम्मापियरं एवं वयासी - तहेव णं अम्मयाओ ! जं णं तं वयह - इमे ते जाया ! अज्जग-पज्जग जाव तओ पच्छा अणुभूयकल्लाणे पव्वइस्ससि । एवं खलु अम्मयाओ ! हिरण्णे य जाव सावएज्जे अगिसाहिए चोरसाहिए रायसाहिए दाइयसाहिए मच्चुसाहिए अगिसामन्ने जाव मच्चुसामन्ने सडणपडणविद्धसणधम्मे पच्छा पुरं च णं अवस्सविप्पजहणिज्जे । से के णं जाणइ अम्मयाओ ! के पुर्विं जाव गमणाए । तं इच्छामि णं जाव पव्वइत्तए । तए णं तस्स मेहस्स कुमारस्स अम्मापियरो जाहे नो संचाइति मेहं कुमारं बहूहिं विसय्याणुलोमाहिं आघवणाहि य पन्नवणाहि य सन्नवणाहि य विन्नवणाहि य आघवित्तए वा पन्नवित्तए वा सन्नवि-त्तए वा विन्नवित्तए वा ताहे विसयपडिकूलाहिं संजमभउव्वेयकारि-याहिं पन्नवणाहिं पन्नवेमाणा एवं वयासी - एस णं जाया । निगंथे पावयणे सच्चे अणुत्तरे कैवल्लिए पडिपुण्णे नेयाउए ससुद्धे सल्लगतणे सिद्धिमग्गे मुत्तिमग्गे निज्जाणंमग्गे निव्वाणमग्गे सव्वदुक्खप्पहीणमग्गे

अहीव एगंतदिट्ठीए खुरो^१ इव एगंतधाराए लोहमया इव जवा चावेयन्ना
 वालुयाकवले इव निरस्साए गंगा इव महानई पाँडिसोयगमणाए
 महासमुदौ इव. भुयाहिं दुत्तरे तिकखं चंक्रमियव्व गरुअ लंवेयव्वं
 अंसिधारव्वयं चरियव्वं । नो खलु कप्पइ जाया । समणाणं निग्गंथाणं
 आहाकम्मिए ता उद्देसिए वा कीयगढे वा ठवियए वा^२ रइयए वा
 दुब्बिक्खभत्ते वा कंतारभत्ते वा वइलियाभत्ते वा गिलाणभत्ते वा मूल-
 भोयणे वा कंदभोयणे वा फलभोयणे वा वीयभोयणे वा हरियभोयणे
 वा भोत्तए वा पायए वा । तुमं च ण जाया । सुहसमुचिए नो चेव
 णं दुहसमुचिए नालं सीयं नाल उण्हं नाल खुहं नालं^३ पिप्वास नालं
 वाइयपित्तियसिंभियसन्निवाइयविविहे रोगायंके उच्चावए गामकटए
 वावीसं परीसहोवसग्गे उदिण्णे सम्म अहियासित्तए । भुंजाहि ताव
 जाया । माणुस्सए कामभोगे । तओ पच्छा भुत्तभोगी समणस्स जाव
 पव्वइस्ससि । तए णं से मेहे कुमारे अम्मापिऊहि एवं तुत्ते समाणे
 अम्मापियरं एवं वयासी - तहेव णं अम्मयाओ । ज णं तुब्भे ममं एवं
 वयह - एस ण जाया । निग्गथे पावयणे सच्चे अणुत्तरे पुणरवि तं
 चेव जाव तओ पच्छा भुत्तभोगी समणस्स जाव पव्वइस्ससि । एवं खलु
 अम्मयाओ । निग्गथे पावयणे कीवाणं कायराण कापुरिसाण इहलोग-
 पडिबद्धाणं परलोगनिप्पिवासाणं दुरणुचरे पाययजणस्स नो चेव ण धीरस्स
 निच्छियस्स ववसियस्स । एत्थ किं दुक्करं करणयाए^४ ? तं इच्छामि ण
 अम्मयाओ । तुब्भेहिं अब्भणुन्नाए समाणे समणस्स जाव पव्वइत्तए ।

(29) तए ण तं मेहं कुमारं अम्मापियरो जाहे नो संचाइंति वहुहिं
 विसयाणुलोमाहि य विसयपडिकूलाहि. य आघवणाहि य पन्नवणाहि
 य सन्नवणाहि य विन्नवणाहि य आघवेत्तए वा पन्नवेत्तए वा सन्नवित्तए
 वा विन्नवित्तए वा ताहे अकामाइं चेव मेह कुमार एव वयासी - इच्छामो
 ताव जाया । एगदिवसमवि ते रायसिरिं पासित्तए । तए ण से मेहे
 कुमारे अम्मापियरमणुवत्तमाणे तुसिणीए संचिट्ठइ । तए ण से सोणिए
 राया कोडुंबियपुरिसे सहावेइ २ एव वयासी - खिप्पामेव भो देवा-

पुप्पिया । मेहस्स कुमारस्स महत्थं महग्घं महिरिहं त्रिउलं रायाभिसेयं
उवट्टवेह । तए णं ते कोडुंवियपुरिसा जाव ते वि तहेव उवट्टवेति । तए
णं से सेणिए राया बहुहिं गणनायगदंडनायगेहिं य जाव सपरिवुडे मेहं
कुमारं अट्टसएणं सोवणियाणं कलसाणं एवं रूपमयाणं कलसाणं
सुवण्णरूपमयाणं कलसाणं मणिमयाणं कलसाणं सुवण्णमणिमयाणं
रूपमणिमयाणं सुवण्णरूपमणिमयाणं भोमेज्जाणं सव्वोदएहिं सव्व-
मट्टियाहिं सव्वपुप्फेहिं सव्वगंधेहिं सव्वमल्लेहिं सव्वोसहीहिं य सिद्धत्थ-
एहिं य सव्विड्डीए सव्वज्जुईए सव्ववलेणं जाव दुंदुभिनिग्घोसणह्यरवेणं
महया २ रायाभिसेएणं अभिसिंचइ २ करयळ जाव कट्ठु एवं वयासी -
जय २ नंदा । जय २ भद्दा । जय नंदा ० । भद्दं ते अजियं जिणाहि । जियं
पालयाहि जियमज्जे वसाहि अजियं जिणेहि सत्तुपक्खं जियं च पाळेहि
मित्तपक्खं जाव भरहो इव मणुयाणं रायगिहस्स नारस्स अन्नेसिं च
वहूणं गामागरनगर जाव सन्निवेसाणं आदेवच्च जाव विहराहि त्तिकट्ठु
जय २ सहं पउंजति । तए णं से मेहे राया जाए महया जाव विहरइ ।
एण णं तस्स मेहस्स रत्तो अस्मापियरो एवं वयासी - भण जाया ! किं
दलथामो किं पयच्छामो किं वा ते हियइच्छिए सामत्थे ? तए णं से मेहे
राया अस्मापियरो एवं वयासी - इच्छामि णं अस्मयाओ ! कुत्तियावणाओ
रयहरण पडिग्गहं च आणियं कासवयं च सहावेह । तए णं से सेणिए
राया कोडुंवियपुरिसे सहावेइ २ एवं वयासी - गच्छह णं तुब्भे देवाणु-
प्पिया । सिरिघराओ तिन्नि सयसहस्साइं गहाय दोहिं सयसहस्सेहिं कुत्ति-
यावणाओ रयहरणं पडिग्गह च उवणेह सहसहस्सेणं कासवयं सहावेह ।
तए णं ते कोडुंवियपुरिसा सेणिएणं रत्ता एवं वुत्ता समाणा हट्ठुट्ठा
सिरिघराओ तिन्नि सयसहस्साइं गहाय कुत्तियावणाओ दोहिं सयसहस्सेहिं
रयहरणं पडिग्गहं च उवणेति सयसहस्सेणं कासवयं सहावेति । तए णं
से कासवए तेहिं कोडुंवियपुरिसेहिं सहाविए समाणे हट्ठ जाव हियए
ण्हाए कयवलिकम्मे कयकोउयमंगलपायच्छित्ते सुद्धप्पावेसाइं वत्थाइं
पवरपरिहिए अप्पमहग्घाभरणालंकियसरीरे जेणेव सेणिए राया तेणेव

उवागच्छइ २ सेणियं रायं करयलमंजलिं कट्टु एवं वयासी — संदिसह णं
 देवाणुप्पिया ! जं मए करणिज्जं । तए णं से सेणिए राया कासवयं एवं
 वयासी — गच्छादि णं तुमं देवाणुप्पिया ! सुरभिणा गंधोदएणं निक्खे हत्थपाए
 पक्खालेहि सेयाए चउप्फालाए पोत्तीए मुहं बंधित्ता मेहस्स कुमारस्स
 चउरंगुलवज्जे निक्खमणपाउग्गे अग्गकेसे कप्पेहि । तए णं से कासवए
 सेणिएणं रत्ता एवं वुत्ते समाणे हट्ठं जाव हियए जाव पडिसुणेइ सुरभिणा
 गंधोदएणं हत्थपाए पक्खालेइ २ सुद्धवत्थेणं मुहं बंधइ २ परेणं
 जत्तेणं मेहस्स कुमारस्स चउरंगुलवज्जे निक्खमणपाउग्गे अग्गकेसे
 कप्पइ । तए णं तस्स मेहस्स कुमारस्स आया महुरिहेणं ईसलूक्खणेणं
 पडसाडएणं अग्गकेसे पडिच्छइ २ सुरभिणा गंधोदएणं पक्खालेइ २
 सरसेणं गोसीसचंदणेणं चच्चाओ दलयइ २ सेयाए पोत्तीए बंधइ २
 रयणसमुग्गयंसि पक्खिवइ २ मंजूसाए पक्खिवइ २ हारवारिधार-
 सिंदुवारलिन्नमुत्तावल्लिप्पगासाइं अंसूइं विणिम्मुयमाणी २ रोयमाणी २
 कंदमाणी २ विलवमाणी २ एवं वयासी — एस णं अम्हं मेहस्स कुमारस्स
 अब्भुदएसु य उस्सवेसु य पसवेसु य तिहीसु य छणेसु य जन्नेसु य
 पव्वणीसु य अपच्छिमे दरिसणे भविस्सइ त्तिक्कट्टु उस्सीसामूले ठावेइ ।
 तए णं तस्स मेहस्स कुमारस्स अम्मापियरो उत्तरावक्कमणं सीहासणं
 रयावेंति मेहं कुमारं दोच्चं पि तच्चं पि सेयापीएहिं कलसेहिं ण्हावेंति २
 पम्हलसूमालाए गंधकासाइयाए गायाइं ल्हेंति २ सरसेणं गोसीस-
 चंदणेणं गायाइं अणुलिंपंति २ नासानीसासवायवोज्झं जाव हंसलक्खणं
 पडुसाडगं नियसेंति २ हारं पिणद्धेंति २ अद्धहारं पिणद्धेंति २ एवं एगावल्लिं
 मत्तावल्लिं कणगावल्लिं २ रयणावल्लिं २ पाल्लवं २ पायपलवं कडगाइं २
 तुडिगाइं २ केऊराइं २ अंगयाइं २ दससुद्धियाणंतयं कडिसुत्तयं २
 कुंडलाइं चूडामणिं रयणुक्कडं मंसडं पिणद्धेंति २ दिव्वं सुमणदामं
 पिणद्धेंति २ दहूरमलयसुगंधिए गंधे पिणद्धेंति । तए णं तं मेहं
 कुमारं गंठिमवेढिमपूरिमसंघाइमेण चउव्विहेणं मल्लेणं कप्परुक्खगं पिव
 अलंकियविभूसियं करेंति । तए णं से सेणिए राया कोडुंबियपुरिसे

सद्भावेह २ एवं घयासी — खिप्पामेव भो देवाणुप्पिया ! अणेगखंभसय-
 सन्निविट्ठं लीलट्टियसांलभंजियागं ईहाभियउसभतुरयनरमगरविहगवालग-
 किन्नररुसरभचमरकुंजरवणलयपउमलयभत्तिचित्तं घंटावाल्लिमहुरमण-
 हरसरं सुभकंतदरिसणिज्जं निउणोवियमिसिमिसेत्तमाणिरयणधंठियाजाल-
 परिक्खित्तं अब्भुगायवइरवेइयापरिगयाभिरामं विज्जह्हरजमलजंतजुत्तं
 पिव अच्चीसहस्समालणीय रुवगसहस्सकलियं भिसमाणं भिब्भिसमाणं
 चक्खुल्लोयणलेस्सं सुहपासं सस्सिरीयरूवं सिग्घं तुरियं चवलं वेइयं
 पुरिससहस्सवाहिणीयं सीयं उवट्ठवेह । तए णं ते कोडुंबियपुरिसा
 हट्ठतुह्ठ जाव उवट्ठवेति । तए णं से मेहे कुमारे सीयं दुरुहइ २
 सीहासणवरगए पुरत्थाभिमुहे सन्निसण्णे । तए णं तस्स मेहस्स
 कुमारस्स माया ण्हाया कयबलिकस्सा जाव अप्पमहग्घाभरणालंकियसरीरा
 सीयं दुरुहइ २ मेहस्स कुमारस्स दाहिणपासे भद्दासणंसि निसीयइ ।
 तए णं तस्स मेहस्स कुमारस्स अंबघाई रयहरणं च पडिगाहगं च
 गहाय सीयं दुरुहइ २ मेहस्स कुमारस्स वामपासे भद्दासणंसि निसीयइ ।
 तए णं तस्स मेहस्स कुमारस्स पिट्ठओ एगा वरतरुणी सिंगारा-
 गारचारुवेसा सगयगयहसियभणियचेट्टियविलाससंलालुल्लानिउणजुत्तो-
 वयारकुसला आमेलगजमलजुयलवट्टियअब्भुन्नयपीणरइयसंठियपओहरा
 हिमरययकुंदेदुपगासं सकोरेंटमल्लदामधवलं आयवत्तं गहाय सलीलं
 ओहारेमाणी २ चिट्ठइ । तए णं तस्स मेहस्स कुमारस्स दुवे वरतरुणीओ
 सिंगारागारचारुवेसाओ जाव कुसलाओ सीयं दुरुहंति २ मेहस्स कुमारस्स
 उर्भओ पांसं नानामणिकणगरयणमहरिहतवणिज्जउज्जलविचित्तदंडाओ
 चिल्लियाओ सुहुमवरदीहवालओ संखकुंददगरयअमयमहियफेणपुंजस-
 न्निगासाओ चामराओ गहाय सलीलं ओहारेमाणीओ २ चिट्ठंति । तए णं
 तस्स मेहकुमारस्स एगा वरतरुणी सिंगारा जाव कुसला सीयं जाव दुरुहइ २
 मेहस्स कुमारस्स पुरओ पुरत्थिमेणं चंदप्पभवयरवेरुलियविमलददंडं
 वालियंटं गहाय चिट्ठइ । तए णं तस्स मेहस्स कुमारस्स एगा वरतरुणी
 जाव सुरुवा सीयं दुरुहइ २ मेहस्स कुमारस्स पुण्वदक्खिणेणं सेयं

रययामयं विमलसलिलपुण्णं मत्तंगयमहामुहाकंसमाणं भिंगारं गहाण
चिद्धइ । तए णं तस्स मेहस्स कुमारस्स पिया कांडुंवियपुरिसे
सदावेइ २ एवं वयासी-खिप्पामेव भो देवाणुपिया ! सरिसयाण
सरित्तियाणं सरिठ्वयाणं एगाभरणगहियनिज्जोयाणं कोडुंवियवरतरुणाण
सहस्सं सदावेइ जाव सदावेति । तए णं ते कोडुंवियवरतरुणपुरिसा
सोणियस्स रत्तो कोडुंवियपुरिसेहिं सदाविया समाणा हट्ठा ण्हाया
जाव एगाभरणगहियणिज्जोया जेणामेव सेणिए राया तेणामेव उवा-
गच्छंति २ सोणियं रायं एवं वयासी-संदिसह ण देवाणुपिया । जं ण
अम्हेहिं करणिज्जं । तए णं से सेणिए राया तं कोडुंवियवरतरुणसहस्स
एवं वयासी-गच्छह णं तुव्भे देवाणुपिया । मेहस्स कुमारस्स पुरिस-
सहस्सवाहिणीं सीयं परिवहइ । तए णं तं कोडुंवियवरतरुणसहस्स
सोणिएण रत्ता एवं वुत्तं सेंटं हट्ठं मेहस्स कुमारस्स पुरिससहस्सवाहिणीं
सीयं परिवहइ । तए णं तस्स मेहस्स कुमारस्स पुरिससहस्सवाहिणिं
सीयं दुरुढस्स समाणस्स इमे अट्ठमंगलया तप्पढमयाए पुरओ अहा-
णुपुव्वीए संपट्टिया, तंजहा-सोत्थिय सिरिवच्छ नंदियावत्त वद्धमाणग
भदासण कलस मच्छ दप्पण जावं वहवे अत्थत्थिया जाव ताहि इट्ठाहिं
जाव अणवरयं अभिनंदता य अभिथुणता य एवं वयासी-जय २
नंदा ! जय २ भदा ! जय २ नंदा ! भदं ते अजियं जिणाहि इदियाइ
जियं च पालेहि समणधम्मं जियविग्घो वि य वसाहि तं देव । सिद्धि-
मज्जे निहणाहि रागदोसमल्ले तवेणं धिइधानियवद्धकच्छे भदाहि य अट्ठ-
कम्मसत्तू ज्ञाणेणं उत्तमेणं सुक्केणं अप्पमत्तो पावय वित्तिमिरमणुत्तरं
केवलं नाणं गच्छ य मोक्खं परमं पयं ज्ञासय च अयलं हंता परीसह-
चमूणं अभीओ परीसहोवसग्गाण धम्मे ते अविग्घ भवउं त्तिकट्ठ पुणो २
मंगलजयसदं पडंजति । तए णं से मेहे कुमारे रायगिहस्स नगरस्स
मज्झमंज्जेणं निगच्छइ २ जेणेव गुणासिलए चेइए तेणेव उवागच्छइ २
पुरिससहस्सवाहिणीओ सीयाओ पच्चोरुइइ ।

(30) तए णं तस्स मेहस्स कुमारस्स अम्मापियरो मेह कुमारं पुरओ

कट्टु जेणामेव समणे ३ तेणामेव उवागच्छंदि २ समणं ३ तिक्खुत्तो
 आयाहिणपयाहिणं करेति २ वंदंति नमसंति २ एवं वयासी - एस णं
 देवाणुप्पिया । मेहे कुमारे अम्हं एगे पुत्ते इहे कंते जाव जीविदत्तासए
 हिययन्तिदिज्जणए उंबरपुप्फं पिब दुल्लहे सवणयाए किमंग पुण दरिसणयाएमं ?
 से जहानामए उप्पले इ वा पउमे इ वा कुमुदे इ वा पंके जाए जले संवड्डिए
 नोवलिप्पइ पंकरएणं नोवलिप्पइ जलरएणं एवामेव मेहे कुमारे कामेसु
 जाए भोगेसु संवुड्डे नोवलिप्पइ कामरएण नोवलिप्पइ भोगरएणं । एस णं
 देवाणुप्पिया । संसारभउव्विग्गे भीए जस्मणंमरणाण इच्छइ देवाणुप्पियाणं
 अंतिए भुंढे भवित्ता अगाराओ अणगारियं पव्वइत्ताए । अम्हे णं देवाणु-
 प्पियाणं सिस्सभिक्षं दल्लयामो । पडिच्छंतु णं देवाणुप्पिया । सिस्स-
 भिक्षं । तए णं से समणे ३ मेहस्स कुमारस्स अस्मापिऊहिं एवं वुत्ते
 समाणे एयमहं सम्मं पडिसुणेइ । तए णं से मेहे कुमारे समणस्स ३
 अंतियाओ उत्तरपुरत्थिमं दिसीभागं अवक्कमइ सयमेव आभरणमल्ला-
 लंकारं ओमुयइ । तए णं तस्स मेहकुमारस्स माया हंसलक्खणेणं पडग-
 साहएणं आभरणमल्लालंकारं पडिच्छइ २ हारवारिधारसिंदुवारलिन्न-
 मुत्तावलिप्पगासाइं असूणि विणिम्मुयमाणी रोयमाणी कंदमाणी विलव-
 माणी २ एवं वयासी - जइयव्वं जाया । घडियव्वं जाया । परक्कमियव्वं
 जाया । अस्सि च णं अट्ठे नो पमाएयव्वं । अम्हंपि णं एसेव्वं मग्गे भवउ
 त्तिकट्टु मेहस्स कुमारस्स अस्मापियरो समणं ३ वंदंति नमसंति २
 जामेव दिसं पाळभूया तामेव दिसं पडिगया ।

(31) तए णं से मेहे कुमारे सयमेव पंचमुट्ठियं लोयं करेइ २
 जेणामेव समणे ३ तेणामेव उवागच्छइ २ समणं ३ तिक्खुत्तो आयाहिण-
 पयाहिणं करेइ २ वंदइ नमसइ २ एवं वयासी - आलित्ते णं मंते । लोए ।
 पलित्ते णं मंते । लोए । आलित्तपलित्ते णं मंते । लोए जराए मरणेण
 य । से जहानामए केइ गाहावई अगारांसि ज्ञियायमाणंसि जे तत्थ भंढे
 भवइ अप्पभारे मोल्लगईए त गहाय आयाए एगंतं अवक्कमइ - एस मे
 नित्थारिए समाणे पच्छा पुरा लोए हियाए सुहाए खेमाए निस्सेसाए

आणुगामियत्ताए भविन्नुड - एवमेव ममवि एते आचामहे इहे कृते
पिण मणुत्ते सणामे । एत्त मे नित्थारिए समाणे मसारवोच्छेयकरे भवि-
त्तइ । तं इच्छामि णं देवाणुपिएहिं सयमेव पन्वावियं सयमेव मुंडा-
वियं सेहावियं सिम्हावियं सयमेव आचारगोयरविणयवेण्डयचरण-
करणजायामायावत्तियं धम्ममाडक्खियं । तए ण समणे ३-मेह कुमारं
सयमेव पन्वावेड सयमेव आचार जाव वन्ममाडक्खइ - एवं देवा-
णुपिया ! गंतव्वं चिट्ठियव्वं निसीयव्वं तुयट्ठियव्वं मुंजियव्वं भासियव्वं
एवं उट्ठाए उट्ठाए पाणेहिं भूएहिं जीवेहिं सत्तेहिं संजमेणं संजमियव्वं
अस्ति च णं अट्ठे नो पमाएयव्वं । तए णं से मेहे कुमारे ममप्पन्स ३
अंतिए इमं एयारुवं धम्मियं उवएसं सुम्मं पडिवत्तइ तमाणाए तह गच्छइ
तह चिट्ठइ जाव उट्ठाए उट्ठाए पाणेहिं भूएहिं जीवेहिं सत्तेहिं संजमइ ।

(32) जं दिवसं च णं मेहे कुमारे मुहे भवित्ता अगाराओ अणगारियं
पन्वइए तत्त णं दिवसम्म पच्चावरण्हकालस्समयासि समणाणं निगं-
थाणं अहाराइणियाए सेज्जासंधारएम् विमज्जमाणेसु मेहकुमारस्स दारमूले
सेज्जासंधारए जाए यावि होत्था । तए णं समणा निगंथा पुव्वरत्ताव-
रत्तकालस्समयासि वायणाए पुच्छणाए परिचट्ठणाए वन्माणुजोगाचिताए
य उट्ठारम्म य पासवणत्त य अडगच्छमाणा य निगगच्छमाणा य अप्पे-
गइया मेहं कुमारं हत्थेहिं संवट्ठेति एवं पाण्हिं नीत्ते^{१०} कायंसि अप्पे-
गइया ओलंहेति अप्पेगइया पोलंहेति अप्पेगइया पायरयेणुगुडियं करेति ।
एवं महालियं च रयणीं मेहे कुमारे नो संचाण्ड ज्ञणमवि अच्छी निमी-
लित्तए । तए णं तम्म मेहत्त कुमारत्त अयमेयारुवे अज्जत्थिए ४
जाव समुप्पजित्था - एवं खलु अहं सेणियम्म रओ पुत्ते वारिणीए देवीए
अत्तए मेहे जाव समणयाए । त जया ण अहं अगारमज्जे वसामि तथा
णं मम समणा निग्गथा आढायंति परिचाणंति मच्चारंति नम्माणंति
अट्ठांडं हेऊडं पत्तिणाड कारणाड वागरणाडं आडक्खंति इट्ठाहिं कत्ताहिं
वग्गुहिं आलवेंति मंलवेंति । जप्पमिडं च णं अहं मुहे भवित्ता अगा-
राओ अणगारियं पन्वइए तप्पमिडं च णं मम समणा नो आढायंति

जन्म नो संलब्धेति । अदुत्तरं च णं ममं समणा निगंथा राओ पुव्वरत्ता-
वरत्तकालसमयंसि वायणाए पुच्छणाए जाव महालियं च णं रत्तिं नो
संचाएसि अर्च्छि निमिल्लवेत्तए । तं सेयं खलु मज्झं कल्लं जाव जलंते
समणं ३ आपुच्छित्ता पुणरवि अगारमज्झे वसित्तए तिकट्ठु एवं संपेहेइ २
अट्टदुहट्टवसट्टमाणसगए निरयपडिक्खियं च णं रयणीं खवेइ २ कल्लं
पाउप्पभायाए सुविमल्लए रयणीए जाव जलंते जेणामेव समणे ३ तेणा-
मेव उवागच्छइ २ तिकखुत्तो आयाहिणपयाहिणं करेइ २ वंदइ नमंसइ
जाव पञ्जुवासइ ।

(३४) . तए णं मेहा इ समणे भगवं महावीरे मेहं कुमारं एवं
वयासी - से ब्रूणं तुमं मेहा ! राओ पुव्वरत्तावरत्तकालसमयंसि
समणेहिं निगंथेहि वायणाए पुच्छणाए जाव महालियं च णं राइं
नो संचाएसि मुहुत्तमवि अर्च्छि निमिल्लवेत्तए । तए णं तुम्हे मेहा !
इमेयारूवे अज्झत्थिए जाव समुप्पजित्था - जया णं अहं अगारमज्झे
वसामि तथा णं मम समणा निगंथा आढायंति । जप्पमिइं च णं मुंढे
भवित्ता अगाराओ अणगारियं पव्वयामि तप्पमिइं च णं मम समणा नो
आढायंति जाव नो परियाणंति अदुत्तरं च णं मम समणा निगंथा राओ
अप्पेगइया वायणाए जाव पायरयेणुगुंढियं करेति । तं सेयं खलु
मम कल्लं पाउप्पभायाए समणं ३ आपुच्छित्ता पुणरवि अगारमज्झे
आवसित्तए तिकट्ठु एवं संपेहेसि २ अट्टदुहट्टवसट्टमाणसे जाव रयणीं
खवेसि २ जेणामेव अहं तेणामेव हव्वमागए । से नूणं मेहा ! एस अट्ठे
समट्ठे ? हंता अट्ठे समट्ठे । एवं खलु मेहा ! तुमं इओ तच्चे अईए भव-
ग्गहणे वेयड्ढगिरिपायमूले वणबरोहिं निर्वत्तियनामधेज्जे सेए संख-
उज्जलविमलनिम्मलदहिघणगोखीरफेणरयणियरप्पयासी सत्तुस्सेहे नवायए
दसपरिणाहे सत्तंगपइट्टिए सोमे समिएं सुरूवे पुरओ वदग्गे समसियसिरे
मुहासणे पिट्ठओ वरादे अइयाकुच्छी अच्छिइकुच्छी अलंबकुच्छी पलंब-
लंबोदराहरकरे धणुपट्ठागइविसिट्ठपुट्ठे अल्लीणपमाणजुत्तवट्टियपीवरगत्तां-
वरे अल्लीणपमाणजुत्तपुच्छे पडिपुण्णसुचारुकुम्भचलणे पंडुरसुविसुद्धनिद्ध-

निरुवइयविंसतिनहे छइंते सुमेरुप्पभे नामं हत्थिराया होत्था । तत्थ णं तुमं मेहा । वड्ढहिं हत्थीहि य हत्थिणियाहि य लोदुप्पहि य लोदुप्पियाहि य कलम-
एहि य कलभियाहि य सद्धिं संपरिवुडे हत्थिसहस्सनायए देसए पागट्ठी
पट्टवए जूहवई वंदपरियट्ठए अन्नोसिं च वड्ढणं एकल्लणं हत्थिकलभाण
आहेववणं जाव विहरसि । तए णं तुमं मेहा । निच्चप्पमत्ते सद्धं पळलिए
कंदप्परई मोहणसीले अवितण्हकामभोगतिसिए वड्ढहिं हत्थीहि य जाव
संपरिवुडे वेयड्ढगिरिपायमूले गिरीसु य दरीसु य कुहरेसु य कंदरासु
य उज्झरेसु य निव्वहरेसु य वियरेसु य गहासु य पल्लेसु य चिल्लेसु
य कड्ढोसु य कड्ढयपल्लेसु य तडीसु य वियडीसु य ट्ठकेसु य कूडेसु
य सिहरेसु य पव्वभारेसु य मंचेसु य मालेसु य काणणेसु य वणेसु य
वणसंढेसु य वणराईसु य नदीसु य नदीकच्छेसु य जूहेसु य सगमेसु
य वावीसु य पोक्खरिणीसु य दीहियासु य गुंजालियासु य सरेसु य
सरपंतियासु य सरसरपंतियासु य वणयरेहिं दिन्नवियारे वड्ढहिं हत्थीहि य
जाव सद्धिं संपरिवुडे वहुविहतरुपल्लवपउरपाणियतणे निव्वभए निरुव्विगो
सुहंसुहेणं विहरसि । तए णं तुमं मेहा । अन्नया कयाइ पाउसंवरिसा-
रत्तसरयहेमंतवसंतेसु कमेण पंचसु उऊसु समइकंतेसु गिम्हकालसमयसि
जेट्ठामूलमासे पायवघससमुट्ठिएणं सुकतणपत्तकयवरमारुयसंजोगदीविणं
महाभयंकरेणं हुयवहेण वणदवजालासंपलित्तेसु वणंतेसु धूमाउलासु
दिसासु महावायवेगेणं संघट्टिएसु छिन्नजालेसु आवयमाणेसु पोल्ल-
रुक्खेसु अंतो २ श्लियायमाणेसु मयंकुहियविण्हकिमियकंदमनईवियरग-
द्धीणपाणीयतेसु वणंतेसु भिगारकदीणकंदियरवेसु खरफरुसअणिट्ठ-
रिट्ठवाहित्तंविडुमग्गेसु दुमेसु तण्हावसमुक्कपक्खपयडियजिच्चत्तालुय-
असंपुडियत्तुडपक्खिंसंघेसु संसतेसु गिम्हउण्हवायखरफरुसचंडमारुयसुक-
तणपत्तकयवरवाउलिभमंतदिन्नसंभंतसावयाउलमिगतण्हावद्धविंघपट्टेसु
गिरिवरेसु संवट्टेसु तत्थ मियपसयसरीसिवेसु अवदालियवयणविवर-
निल्लालियग्गजीहे महंततुंवइयपुण्णकण्णे संकुचियथोरपीवरकरे ऊसिय-
नंगूले पीणाइयविरसरडियसहेणं फोडयंतेव अचरतलं पायदंइएणं कंपयंते-

क मेइणितलं विणिम्मुयमाणे य सीयारं सव्वओ समंता बल्लिवियाणाइं
छिंदमाणे रुक्खसहस्साइं तत्थ सुबहूणि नोहयंते विणट्टरेट्ठेव नरवरिंदे
वायाइहेव पोए मंडलवाएव परिब्भमंते अभिक्खणं २ लिंदनियरं
पमुंचमाणे २ बहूहिं हत्थीहिं य जाव सद्धिं दिसोविसिं विप्पलाइत्था ।
तत्थ णं तुमं मेहा । जुण्णे जराजज्जरियदेहे आउरे झंझिएं पिवासिए
दुब्बले किलंते नट्टसुइए मूढविसाए सयाओ जूहाओ विप्पहूणे वणदव-
जालीपारद्धे उण्हेण य तण्हाए य लुहाए य परवभाइए समाणे भीए तत्थे
तसिए उव्विग्गे संजायभए सव्वओ समंता आधावमाणे परिधावमाणे
एगं चैणं मइ सरं अप्पोययं पंकबहुलं अतित्थिणं पाणियपाए ओइण्णे ।
तत्थ णं तुमं मेहा । तीरमइगए पाणियं असंपत्ते अंतरा चेव सेयंसि
विसण्णे । तत्थ णं तुमं मेहा । पाणियं पाइस्सामि तिकट्टु हत्थं पसारोसि ।
से वि य ते हत्थे उदगं न पावई । तए णं तुमं मेहा । पुणरवि कायं
पच्छुद्धरिस्सामि तिकट्टु बलियत्तरायं पंकंसि खुत्ते । तए णं तुमं मेहा ।
अजया कयाइ एगे चिरनिज्जूढए गयवरजुवाणए सगाओ जूहाओ कर-
चरणदंतमुसलप्पहारेहिं विप्परद्धे समाणे तं चेव महइहं पाणीयपाए
समोयरइ । तए णं से कलभए तुमं पासइ २ तं पुव्ववेरं सैमरइ २
आसुरुत्ते रुट्ठे कुविए चंडिकिए भिसिमिसेमाणे जेणेव तुमं तेणेव उवा-
गच्छइ २ तुमं तिक्खेहिं दंतमुसलेहिं तिक्खुत्तो पिट्ठओ उच्छुभइ २
पुव्ववेरं निज्जाएइ २ इट्ठतुट्ठे पाणीयं पियइ २ जामेव दिसं पावभूए
तामेव दिसं पडिगए । तए णं तव मेहा । सरीरगंसि वेयणा पाउब्भ-
बित्था उज्जलं विउला कक्खडा दुरहियासा पित्तज्जरपरिगय-
सरीरे दाहवक्कंतीए यावि विहरित्थी । तए णं तुमं मेहा । तं उज्जलं
जाव दुरहियासं सत्तराइंदियं वेयणं वेदोसि सैवीसं वाससयं परमाचं
पालइत्ता अट्टवसट्टुदुट्ठे कालमासे कालं किञ्चा इहेव जंबुहीवे २ भारहे
वासे दाहिणद्धुंभरहे गंगाए महानईए दाहिणे कूले विंझगिरिपायमूले
एगेणं मत्तवरंगंधइत्थिणा एगाए गीयवरकरेणूए कुच्छिसि गयकलंभए
जणिए । तए णं सा गयकलभिया नवण्हं भासाणं वसतमाससि तुमं

पयाया । तए णं तुमं मेहा । गन्धवासाओ विप्पमुक्के समाणे गयकलभए यावि होत्था रत्तुप्पलरत्तसूमालए जासुमंणारत्तपारिजत्तयलक्खारससरस-कुंकुमसंझम्भरागव्रण्णे इहे नियगस्स जूहवइणो गणियारकणेह्कोत्थहत्थी अणेगहत्थिसयसंपरिवुडे रम्मेसु गिरिकाणणेषु सुहंसुहेणं विहरसि । तए णं तुमं मेहा उम्मुक्कवालभावे जोव्वणगमणुप्पत्ते जूहवइणा कालधम्मणा संजुत्तेणं तं जूहं सयमेव पडिवज्जसि । तए णं तुमं मेहा । वणयरोहिं निव्वत्तियनामधेज्जे जाव चउदंते मेरुप्पमे हत्थिरयणे होत्था । तत्थ णं तुमं मेहा । सत्तंगपइट्ठिए तहेव जाव पडिरूवे । तत्थ णं तुमं मेहा । सत्तसइयस्स जूहस्स आदेवच्चं जाव अभिरमेत्था । तए णं तुमं अन्नया कयाइ दिग्गकाल-समयांसि जेड्डामूले वणदवजालापलित्तिसु वणंतेसु धूमाउल्लासु दिसासु जाव मंडलवाएव्व परिवभमंते भीए तत्थे जाव संजायभए बहूहिं हत्थीहिं य जाव कलभियाहिं य सद्धिं संपरिवुडे सव्वओ समता दिसोदिसिं विप्पलाइत्था । तए णं तव मेहा । तं वणदवं पासित्ता अयमेयारूवे अज्झत्थिए जाव समुप्पज्जित्था — कहिं णं मन्ने मए अयमेयारूवे अगिसंभवे अणुभूयपुव्वे ? तए णं तव मेहा । लेस्साहिं विसुज्झमाणीहिं अज्झवसाणेण सोहणेणं सुभेणं परिणामेणं तयावरणिज्जाणं कम्माणं खओवसमेणं ईहापोहमगगण-गवेसणं करेमाणस्स सन्निपुव्वे जाईसरणे समुप्पज्जित्था । तए णं तुमं मेहा ! एयमट्ठं सम्मं अभिसमेसि — एव खलु मया अईए दोब्बे भवग्गहणे इहेव जंबुदीवे २ भारहे वासे वेयड्ढुगिरिपायमूले जाव तत्थ णं महया अय-मेयारूवे अगिसंभवे समणुभूए । तए णं तुमं मेहा । तस्सेव दिवसस्स पच्चावरण्हकालसमयांसि नियएणं जूहेणं सद्धिं समन्नागए यावि होत्था । तए णं तुमं मेहा । सत्तुस्सेहे जाव सन्निज्जाईसरणे चउदंते मेरुप्पमे नामं हत्थी होत्था । तए णं तुज्झं मेहा अयमेयारूवे अज्झत्थिए जाव समुप्प-ज्जित्था — सेयं खलु मम इयाणिं गंगाए महानईए दाहिणिहंसि कूलंसि विंझगिरिपायमूले दव्वगिसंजायकारणट्ठा सएणं जूहेणं महइमह्णलं मंडलं घाइत्तए चिकटट्टु एवं संपेहेसि २ सुहंसुहेणं विहरसि । तए णं तुमं मेहा । अन्नया कयाइ पढमपाउसंसि महावुट्ठिकायांसि सन्निवइयांसि गंगाए महा-

नूईए अदूरसामंते बहूहिं हत्थीहि जावं कलभियाहि य सत्तहि य हत्थि-
 सएहिं संपरिवुडे एगं मढं जोयणपरिमंडलं महइमंडलं घाएसि ज तत्थ
 तणं वा पत्तं वा फट्ठं वा कंटए वा लया वा वल्ली वा खाणुं वा रुक्खे वा
 खुवं वा तं सव्वं तिक्खुत्तो आहुणिय २ पाएण उद्धरोसे हत्थेणं
 गेण्हसि एगंते एडेसि । तण ण तुम मेहा । तस्सेव मंडलस्स अदूरसामंते
 गंगाए गहानईए दाहिणिहे कूले विंझगिरिपायमूले गिरौसु य जाव विह-
 रसि । तण णं तुमं मेहा ! अन्नया कयाइ मज्झिमए वरिसारत्तंसि महाबुद्धि-
 कायसि सन्निवडयंसि जेणेव से मंडले तेणेव उवागच्छसि २ लोघंभि मंडलं
 घाएस्सि २ एवं चरिमवासारत्तसि महाबुद्धिकायांसि सन्निवयमाणसि
 जेणेव से मंडले तेणेव उवागच्छसि २ तच्चपि मंडलघायं करोसि ज तत्थ
 तणं वा जाव सुहंसुहेण विहरसि । अट मेहा । तुमं गइंदभावम्मि
 वट्टमाणे कमेणं नलिणिवणविहवणगरे हेमते कुंदलोद्धवद्धुयतुसारपउरम्मि
 अइक्खंते अट्ठिणवगिम्भसमयंसि पत्ते वियट्टमाणे वणेषु वणकरणे-
 विविहदिन्नरुयपसवंधाओ तुम उउयकुसुमंचामरकण्णपूरपरिमंडियाभि-
 रामो मयघसाविगमतकटतटकिलिन्नगंधमदवारिणा सुरभिजाणियगंधो
 करेणपरिवारिओ उउसमंतजणियमोहो फाले दिणयरकरपयडे परिसोसिय-
 तरुवरमिरिलिंभीमतरदसाणिज्जे भिंगाररवंतभेरवरवे नाणाविहपत्तकट्ठतण-
 कयवरुद्धयपउमारुयाउद्धनहयलदुमगगे चाउलिदारुणतरे तण्हावसदोस-
 दूमियममतविविहग्मावयसमाउले भीमदरिसणिज्जे वट्टते दारुणांमि गिम्हे
 मारुयवसपमरपसरिययियंभिएणं अन्नभहियभीमभेरवरवप्पगारेणं महुधारा-
 पडियमित्तउद्धायमाणधगधगेतसहुद्धणं दित्ततरमफुलिगेणं धूममालाउलेणं
 सावयमयतकरणेणं वणदवेण जालालोवियनिरुद्धधूमंधफारभीओ आयवी-
 लोयमहततुंबइयपुण्णकण्णो आकुचिययोरपीवरकरो भयवसमयंतदित्तन-
 यणो बेणेणं मंहामेहोव्व वायणोल्लियमहत्तरुवो जेण कओ तेण पुरा दवगि-
 भयभीयाट्ठिण्ण अवगयतणप्पएमरुक्खणो रुक्खेहेसो दवगिसताणकारण-
 ट्ठा जेणेव मंडले तेणेव पटारेत्थ गमणाए । एणो ताव एम गमो । तण णं
 तुमं मेहा ! अन्नया कयाइ कभेण पंचसु उऊसु समइक्खतेसु गिम्हकालसम-

यंसि जेहामूले मासे पायं वसंघससमुट्ठिणं जावं संवट्ठिएसु मियपसुपांशि-
 सरीसिवेसु दिसोदिसिं विप्पलायमाणेसु तेहिं बहूहिं हत्थीहिं यं सद्धिं जेणेव
 से मडले तेणेव पहारेत्थ गमणाए । तत्थ णं अन्ने बहवे सीहा य वग्घा य
 विगा य दीविया अच्छा तरच्छा पारासरा सियाला विराला सुण्ह्य कोला
 ससा कोकतिया चित्ता चिल्ला पुव्वपविट्ठा अग्गिभयभिद्धुया एगयओ वि-
 लधम्मेणं चिट्ठति । तए ण तुमं मेहा ! जेणेव से मडले तेणेव उवागच्छसि
 २ तेहिं बहूहिं सीहेहिं जाव चिल्लेहिं य एगयओ विलधम्मेणं चिट्ठसि ।
 तए ण तुमं मेहा ! पाएणं गत्तं कंडुइस्सामीतिकट्टु पाए उक्खित्ते ।
 तसि च ण अंतरंसि अन्नेहिं बलवत्तेहिं सत्तेहिं पणोल्लिज्जमाणे २ सुसए
 अणुपविट्ठे । तए णं तुमं मेहा ! गायं कंडुइत्ता पुणरवि पायं पडिनिक्खे-
 विस्सामि त्तिकट्टु त ससयं अणुपविट्ठ पाससि २ पाणाणुकंपयाए
 भूयाणुकंपयाए जीवाणुकंपयाए सत्ताणुकंपयाए से पाए अंतरा चेव
 संधारिए नो चेव णं निखित्ते । तए णं तुमं मेहा ! ताए पाणाणुकंपयाए
 जाव सत्ताणुकंपयाए संसारे परित्तीकए माणुस्साउए निबद्धे । तए णं से
 वणदेव अट्ठाइज्जाइं राइंदियाइं त वणं ज्ञामेइ २ निट्ठिए उवरए उवसंते
 विज्झाए यावि होत्था । तए णं ते बहवे सीहा य जाव चिल्ला य तं वण-
 दवं निट्ठिय जाव विज्झायं पासंति २ अग्गिभयविप्पमुक्का तण्हाए य
 छुहाए य परम्माहया समाणा मंडलाओ पडिनिक्खमंति २ सव्वओ समंता
 विप्पसरित्था । तए णं ते बहवे हत्थी जाव छुहाए य परम्माहया समाणा
 तओ मडलाओ पडिनिक्खमंति २ दिसोदिसिं विप्पसरित्था । तए णं
 तुमं मेहा ! जुण्णे जराजज्जरियदेहे सिद्धिलवलितयापिणिद्धगत्ते दुब्बले
 किलंते जुंजिए पियासिए अत्थामे अबले अपरक्कम्मे ठाणुकुंढे वेगेण
 विप्पसरिस्सामि त्तिकट्टु पाए पसारेमाणे विज्जुहए विव रेवंयगिरिपम्भारे
 धरणितलसि सव्वंगोहि सन्निवइए । तए णं तव मेहा ! सरीरगंसि वेयणा
 पाउब्भूया उज्जला जाव दाहवक्कतिए यावि विहरसि । तए णं तुमं मेहा !
 त उज्जल जाव दुरहियासं तिन्नि राइंदियाइं वेयणं वेएमाणे विहरित्ता
 एगं वाससयं परमाउं पालइत्ता इहेव जंवुदीवे २ भारहे ज्ञासे रायगिहे

न्यरे सोणियस्स रओ धारिणीए देवीए कुच्छिस्सि कुमारत्ताए पच्चायाए ।

(34) तए ण तुमं मेहा । आणुपुव्वेणं गम्भवासाओ निक्खंते समाणे उम्मुक्कवालभावे जोव्वणगमणुप्पत्ते मम अंतिए मुढे भवित्ता अगाराओ अणगारियं पव्वइए । त जइ ताव तुमे मेहा । तिरिक्खजो-
णियभावमुव्वगएणं अपडिलद्धसंमत्तरयणलंभेणं से पाए पाणाणुकंपयाए जाव अंतरा चेव संधारिए नो चेव णं निक्खत्ते किमंगं पुण तुमं मेहा ।
इयाणिं विपुलकुलसमुम्भवेणं निरुवहयसरीरपत्तलद्धपंचिदिएणं एवं उट्ठाण-
बलवीरियपुरिसगारपरक्कमसंजुत्तेणं ममं अंतिए मुढे भवित्ता अगाराओ
अणगारियं पव्वइए समाणे समणाणं निगंगथाणं राओ पुव्वरत्तावरत्त-
कालसमयांसि वट्ठणाए जाव धम्माणुओगावित्ताए य उच्चारस्स वा पास-
वणस्स वा अइगच्छमाणाण य निगच्छमाणाण य हत्थसंघट्टणाणि य जाव
रयरेणुगुंडणाणि य नो सम्मं सहसिं खमसि तितिक्खसि अहियासेसि ?
तए णं तस्स मेहस्स अणगारस्स समणस्स ३ अंतिए एयमट्ठं सोच्चा
निसम्म सुभेहिं परिणामेहिं पसत्थेहिं अज्झवसाणेहिं लेसाहिं विसुज्झमा-
णीहिं तथावरणिज्जाणं कम्माणं खओवसमेणं ईहापोहमग्गणगेवसणं करे-
माणस्स सन्निपुव्वे जाईसरणे समुप्पन्ने एयमट्ठं सम्मं अभिसमेइ । तए
णं से मेहे कुमारे समणेणं ३ संभारियपुव्वजाईसरणे दुग्गुणाणीयसंवेगे
आणंदयंसुपुण्णमुढे हरिसवसधाराहयकयंबकं पिव समूसीसियरोमकूवे
समणं ३ वंदइ नमंसइ २ एवं वयासी — अज्जप्पभिई ण भंते ! मम दो
अच्छीणि मोत्तूणं अवसेसे काए समणाणं निगंगथाणं निसट्ठे त्तिक्कट्ठ
पुणरवि समणं ३ वंदइ नमंसइ २ एवं वयासी — इच्छाभि णं भंते !
इयाणिं दोच्चंपि सयमेव पव्वाबियं सयमेव मुंडावियं जाव सयमेव आया-
रगोयं जायामायार्वत्तियं धम्ममाईक्खंतु । तए णं समणे ३ मेहं कुमारं
सयमेव पव्वावेइ जाव जायामायार्वत्तियं धम्ममाइक्खइ — एवं देवाणु-
प्पिया । संतव्वं एवं चिट्ठियव्वं एवं भुंजियव्वं एवं भासियव्वं उट्ठाय
२ पाणाण भूयाणं जीवाणं सत्ताणं संजमेणं संजमियव्वं । तए णं से
मेहे समणस्स ३ अयमेयारूवं धम्मियं उवएसं सम्मं पडिर्वज्जइ २ तह

गच्छइ जाव संजमइ । तए ण से मेहे अणगारे जाए, इरियासमिए अणगारवणओ भाणियव्वो । तए ण से मेहे अणगारे समणस्स ३ अंतिए तहारूवाणं थेराणं सामाइयमाइयाणि एक्कारस अंगाइं अहिज्झइ २ बहुहिं छट्ठमदसंमदुवालसेहिं मासद्वमासखमणेहिं अप्पाणं भावेमाणे विहरइ । तए ण समणे ४ रायगिहाओ नयराओ गुणसिलयाओ चेइयाओ पढि-
'निक्खमइ २ बहिया जणवयविहारं विहरइ ।

(35) तए ण से मेहे अणगारे अन्नया कयाइ समणं ३ वंदइ नमंसइ २ एवं वयासी — इच्छामि णं भंते ! तुब्भेहिं अब्भणुन्नाए समाणे मासियं भिक्खुपडिमं उवसंपज्जित्ताणं विहरित्तए । अहासुहं देवाणु-
प्पिया ! मा पडिबंधं । तए ण से मेहे अणगारे समणेणं ३ अब्भणुन्नाए समाणे मासियं भिक्खुपडिमं उवसंपज्जित्ताणं विहरइ । मासिय भिक्खु-
पडिमं अहासुत्तं अहाकप्पं अहामर्गं सम्मं काएणं फासेइ पालेइ सोभेइ तीरेइ किट्ठेइ सम्मं काएणं फासेत्ता पालित्ता सौभित्ता तीरेत्ता किट्ठेत्ता पुणरवि समणं ३ वंदइ नमंसइ २ एवं वयासी — इच्छामि णं भंते ! तुब्भेहिं अब्भणुन्नाए समाणे दोमासियं भिक्खुपडिमं उवसंपज्जित्ताणं विहरित्तए । अहासुहं देवाणुप्पिया ! मा पडिवध । जहा पढमाए अभिलावो तहा दोच्चाए तच्चाए चउत्थाए पंचमाए छम्मासियाए सत्तमासियाए पढमसत्तरायंदियाए दोच्चं सत्तरायदियाए तईयं सत्तरा-
यंदियाए अहोरायंदियाए वि एगराईंदियाए वि । तए ण से मेहे अण-
गारे बारस भिक्खुपडिमाओ सम्मं काएण फासेत्ता पालेत्ता सोभेत्ता तीरेत्ता किट्ठित्ता पुणरवि वंदइ नमंसइ २ एव वयासी — इच्छामि णं भंते ! तुब्भेहिं अब्भणुन्नाए समाणे गुणरयणसंवच्छरं तवोकम्म उव-
संपज्जित्ताणं विहरित्तए । अहासुहं देवाणुप्पिया ! मा पडिबंधं । तए ण से मेहे अणगारे पढमं मास चउत्थंचउत्थेणं अणिक्वित्तेणं तवोकम्मेणं दिया ठाणुक्कुडुए सूराभिमुहे आयावणभूमीए आयावेमाणे एत्ति वीरा-
सणेणं अवाउडेणं । दोच्च मासं छट्ठंछट्ठेणं अणिक्वित्तेणं तवोकम्मेण दिया ठाणुक्कुडुए सूराभिमुहे आयावणभूमीए आयावेमाणे एत्ति वीरासणेणं

अवाउडेणं । तच्च मासं अट्ठमंअट्ठमेणं अणिक्खित्तेणं तवोकम्मेणं दिया
 ठाणुक्कुडुए सूराम्भिमुहे आयावणभूमीए आयावेमाणे रत्तिं वीरासणेणं
 अवाउडेणं । चउत्थं मासं दसमंदसमेणं अणिक्खित्तेणं तवोकम्मेणं दिया
 ठाणुक्कुडुए सूराम्भिमुहे आयावणभूमीए आयावेमाणे रत्तिं वीरासणेणं
 अवाउडेणं । पंचमं मासं दुवालसमंदुवालसमेणं अणिक्खित्तेणं तवो-
 कम्मेणं दिया ठाणुक्कुडुए सूराम्भिमुहे आयावणभूमीए आयावेमाणे रत्तिं
 वीरासणेणं अवाउडेणं । एवं खलु एएणं अभिलावेणं छट्ठे चोदसमं २
 सत्तमे सोलसम २ अट्ठमे अट्ठारसमं २ नवमे वीसइमं २ दसमे
 बावीस्इमं २ एक्कारसमे चउव्वीसइमं २ बारसमे छव्वीसइमं २ तेर-
 समे अट्ठावीसइमं २ चोदसमे तीसइमं २ पन्नरसमे बत्तीसइमं २
 सोलसमे चउत्तीसइमं २ अणिक्खित्तेणं तवोकम्मेणं दिया ठाणुक्कुडुए
 सूराम्भिमुहे आयावणभूमीए आयावेमाणे रत्तिं वीरासणेणं य अवाउडएण
 य । तए णं से मेहे अणगारे गुणरयणसंवच्छरं तवोकम्मं अहासुत्तं जाव
 सम्मं काएण फासेइ पालेइ साभेइ तीरेइ किट्ठेइ अहासुत्तं अहाकप्प जाव
 किट्ठेत्ता समण ३ वंदइ नमंसइ २ बहूहिं छट्ठमदसमदुवालसेहिं
 मासद्धमासखमणेहिं विचित्तेहिं तवोकम्मेहिं अप्पाणं भावेमाणे विहरइ ।

(36) तए ण से मेहे अणगारे तेण उरालेण विपुलेणं सत्तिरीएणं
 पयत्तेणं पग्गहिएणं कल्लाणेणं सिवेणं धन्नेण संगळेणं उदग्गेणं उदारएणं
 उत्तमेणं महाणुभावेण तवोकम्मेणं सुक्के लुक्खे निम्मंसे किडिकिडियाभूए
 अट्ठिचम्मावणद्धे किसे धमणिसतए जाए यावि होत्था जीवजीवेणं
 गच्छइ जीवजीवेणं चिट्ठइ भास भासित्ता गिलाइ भास भासमाणे
 गिलाइ भासं भासिस्सामि त्ति गिलाइ । से जहानामए इगालसगडिया इ वा
 कट्टसगडिया इ वा पत्तसगडिया इ वा तिर्लसगडिया इ वा एरंडकट्टसगडि-
 या इ वा उण्हे दिन्ना सुक्का समाणी ससहं गच्छइ ससहं चिट्ठइ एवामेव
 मेहे अणगारे ससह गच्छइ ससह चिट्ठइ उवचिए तवेणं अवचिए
 मंससोणिएणं हुयासणे इव भासरीसिपरिच्छन्ने तवेणं तेएणं तवतेयसिरीए
 अइव २ उवसोभेमाणे २ चिट्ठइ । तेणं कालेणं २ समणे ३ महावीरे

आइगरे तित्थगरे जाव पुब्बाणुपुब्बि चरमाणे गामाणुगामं दूइज्जमाणे सुहंसुहेणं विहरमाणे जेणामेव रायगिहे नयरे जेणामेव गुणिसिलए चेइए तेणामेव उवागच्छइ २ अहापडिरूवं उग्गहं ओगिण्हित्ता सजमेणं तवसा अप्पाणं भवेमाणे विहरइ । तए णं तस्स मेहस्स अणगारंस राओ पुव्वरत्तावरत्तकालसमयंसि धम्मजागरिय जागरमाणस्स अयमेयारूवे अज्झत्थिए जाव समुप्पज्जित्था - एवं खलु अहं इमेणं उरालेणं तदेव जाव भासं भासिस्सामि त्ति गिलामि । तं अत्थि ता मे उट्ठाणे कम्ममे वले वीरिए पुरिसक्कारपरक्कमे सद्धा धिइ संवेगे तं जाव ता मे अत्थि उट्ठाणे कम्ममे वले वीरिए पुरिसक्कारपरक्कमे सद्धा धिइ संवेगे जाव य धे धम्मयारिए धम्मोवएसए समणे ३ जिणे सुहंथी विहरइ ताव मे सेय कल्ल पाउप्प-भायाए रयणीए जाव जलते समणं ३ वंदित्ता नमंसित्ता समणेणं ३ अब्भणुन्नायस्स समाणस्स सयमेव पंच महव्वयाइं आरोहित्ता गोयमाइए समणे निग्गथे निग्गंथीओ य खामेत्ता तहारूवेहिं कडाईहिं थेरोहिं सद्धिं विजळं पव्वयं सणियं २ दुरूहित्ता सयमेव मेहघणसन्निगास पुढाविसिला-पट्टयं पडिलेहित्ता संलेहंणाझूसणाझूसियस्स भत्तापाणपडियाइक्खियस्स पाओवगयस्स काल अणवकखमाणस्स विहरित्ताए । एवं संपेहेइ २ कल्ल जाव जलते जेणेव समणे ३ तेणेव उवागच्छइ २ समणं ३ तिक्खुत्तो आयाहिणपयाहिण करेइ वंदइ नमंसइ २ नच्चासन्ने नाइदूरे सुत्तूस-माणे नमसमाणे अभिमुहे विणएण पंजलिउडे पज्जुवासइ । मेहा इ समणे ३ मेहं अणगार एवं वयासी - से नूण तव मेहा । राओ पुव्वरत्तावरत्त-कालसमयंसि धम्मजागरियं जागरमाणस्स अयमेयारूवं अज्झत्थिए जाव समुप्पज्जित्था - एवं खलु अहं इमेणं उरालेणं जाव जेणेव ईह तेणेव हव्वमागए । से नूणं मेहा । अट्ठे समट्ठे ? हंता अत्थि । अहासुहं देवाणु-प्पिया ! मा पडिवंधं । तए ण से मेहे अणगारे समणेणं ३ अब्भणुन्नाय समाणे हट्ठ जाव हियए उट्ठाए उट्ठेइ २ समणं ३ तिक्खुत्तो आयाहिण-पयाहिणं करेइ वंदइ नमंसइ २ सयमेव पंच महव्वयाइं आरोहेइ २ गोयमाइ समणे निग्गथे निग्गंथीओ य खामेइ २ तहारूवेहिं कडाईहिं

थेहेहिं सद्धिं विपुलं पव्वयं सणियं २ दुरूहइ सयमेव मेहघणसन्निगासं
 पुढविसिलापट्टयं पडिलेहेइ २ उच्चारपासवणभूमिं पडिलेहेइ २ दब्भसंथा-
 रगं संथरइ २ दब्भसथारगं दुरूहइ २ पुरत्थाभिमुहे संपलियं कनिसण्णे
 करयलपरिग्गाहियं सिरसावत्तं मत्थए अंजालिं कट्टु एवं वयासी — नमोत्थु
 णं अरहंताणं जाव संपत्ताणं । नमोत्थु णं समणस्स जाव अपाविउकामस्स
 मम धम्मायरियस्स । वंदामि णं भगवंतं तत्थगयं इहगए पासउ मे भगवं
 त्तत्थगए इहगयं तिकट्टु वंदइ नमंसइ २ एवं वयासी — पुर्विं पि णं
 मए समणस्स ३ अंतिए सव्वे पाणाइवाए पच्चक्खाए मुसावाए अदिन्ना-
 दाणे मैहुणे पौरिगहे कोहे माणे माया लोहे पेज्जे दोसे कलहे अब्भ-
 क्खाणे पेसुन्ने परपरिवाए अरइइ मायामोसे मिच्छादंसणसल्ले पच्चक्खाए ।
 इयारिणं पि णं अहं तस्सेव अंतिए सव्वं पाणाइवायं पच्चक्खामि सव्वं
 असणपाणखाइमसाइमं चउन्निवहं पि आहारं पच्चक्खामि जावज्जीवाए ।
 जंपि य इमं सरीरं इहं कंतं पियं जाव विविहा रोगायंका परिसहोवसग्गा
 फुसंतीतिकट्टु एयं पि य णं चरमेहिं ऊसासनीसासेहिं वोसिरामि तिकट्टु
 संलेहणाइसणाइसिए भत्तपाणपडियाइक्खिए पाओवगए कालं अणव-
 कंखमाणे विहरइ । तए णं थेरा भगवंतो मेहस्स अणगारस्स अगिलाए वेया-
 वडियं करेति । तए णं से मेहे अणगारे समणस्स ३ तहारूवाणं थेराणं
 अंतिए सामाइयमाइयाइं एकारस अंगाइं अहिज्जित्ता बहुपडिपुण्णाइं दुवा-
 लसवरिसाइं सामण्णपरियागं पाउणित्ता मासियाए संलेहणाए अप्पाणं
 शोसेत्ता सद्धिं भत्ताइं अणसणाए छेएत्ता आलोइयपइडिकंते उद्धियसल्ले
 समाहिपत्ते आणुपुव्वेणं कालगए । तए णं थेरा भगवंतो मेहं अणगारं
 आणुपुव्वेणं कालगयं पासंति २ परिनिव्वाणवत्तियं काउस्सगं करेति २
 मेहस्स आयाऱभंडगं गेण्हंति विउलाओ पव्वयाओ सणियं २ पच्चो-
 रुहंति २ जेणामेव गुणसिल्लए चेइए जेणामेव समणे ३ तेणामेव उवा-
 गच्छंति २ समणं ३ वंदंति नमंसंति २ एवं वयासी — एवं खलु देवाणु-
 पियाणं अंतेवासी मेहे नाम अणगारे पगइभइए जाव विणीए । से णं
 देवाणुपियाहिं अब्भणुत्ताए संमाणे गोयमाइए समणे निग्गंथे २ खामेत्ता

अम्हेहिं सद्धिं विपुलं पव्वयं सणियं २ दुरूहइ २ सयमेव मेघघणसन्नि-
गासं पुढविसिलं पडिलेहेइ २ भत्तपाणपडियाइक्खिए अणुपुव्वेणं कालगए ।
एसं णं देवाणुप्पिया । मेहस्स अणगारस्स आयारभइए ।

(37) भंते । त्ति भगवं गोयमे समणं ३ वंदइ नमंसइ २ एवं
वयासी — एवं खलु देवाणुप्पियाणं अतेवासी मेहे नामं अणगारे । से ण
भंते । मेहे अणगारे कालमासे कालं किच्चा कहिं गए कहिं उववन्ने ? गोयमा
इ समणे ३ भगव गोयमं एवं वयासी — एवं खलु गोयमा । मम अंतेवासी
मेहे नामं अणगारे पगइभइए जाव विणीए । से णं तहारूवाणं थेराणं
अतिए सामाइयमाइयाइ एक्कारस अंगाइं अहिज्जइ वारसं भिक्खुपडि-
माओ गुणरयणसंवच्छरं तवोकम्मं काएणं फासेत्ता जाव किट्ठेत्ता मए
अब्भणुत्ताए समाणे गोयमाइ थेरे खामेइ तहारूवेहिं जाव विपुलं पव्वयं
दुरूहइ दब्भसथारग संथरइ २ दब्भसंथारोवगए सयमेव पचमहव्वए
उक्कारेइ बारस वासाइं सामण्णपरियागं पाउणिक्क मासियाए संलेहणाए
अप्पाणं झूसित्ता सद्धिं भत्ताइं अणसणाए छेदेत्ता आलोइयपडिक्कंते
उद्धियसल्ले समाहिपत्ते कालमासे कालं किच्चा उद्धं चांदिमसूरगहगण-
नक्खत्ततारारूवाणं बहूइं जोयणाइं बहूइं जोयणसयाइं बहूइं जोयण-
सहस्ताइं बहूइं जोयणसयसहस्ताइं बहूइं जोयणकोडीओ बहूइं जोयण-
कोडाकोडीओ उद्धं दूरं उप्पइत्ता सोहन्मीसाणसणकुमारमाहिंदवभलंतगमहा-
सुक्कसहस्साराणयपाणयारणच्चुए तिण्णि य अट्टारसुत्तरे गेवेज्जविमाण-
वाससए व्रीइवइत्ता विजए महाविमाणे देवत्ताए उववन्ने । तत्थ णं अत्थे-
गइयाण देवाणं तेत्तीसं सागरोवमाइं ठिई पन्नत्ता । तत्थ णं मेहस्स वि
देवस्स तेत्तीसं सागरोवमाइं ठिई पन्नत्ता । एसं णं भते । मेहे देवे ताओ
देवलोयाओ आउक्खएण ठिइक्खएणं भवक्खएणं अणंतरं चयं चइत्ता
कहिं गच्छिहिइ कहिं उववज्जिहिइ ? गोयमा । महाविदेहे वासं सिग्गिहिइ
बुज्झिहिइ मुच्चिहिइ परिनिव्वाहिइ सब्बदुक्खाणमंतं काहिइ ।

एवं खलु जंबू । समणेणं जाव संपत्तेणं अप्पोपाळंभनिमित्तं
पढमस्स नायज्झयणस्स अयमट्ठे पन्नत्ते त्तिवेमि ।

॥ वीर्यं अङ्गायणं ॥

(38) जइ णं भंते^१ समणेणं जाव संपत्तेणं पढमस्स नायङ्गायणस्स अयमहे पन्नत्ते विइयस्स ण भंते^१ नायङ्गायणस्स के अहे पन्नत्ते ? एवं खलु जंबू ! तेणं कालेणं २ रायगिहे^२ नामं नयरे होत्था वण्णओ । तत्थं णं रायगिहस्स नयरस्स वहिया उत्तरपुरत्थिमे दिसीमाए गुणसिलए नामं चेइए होत्था वण्णओ । तस्स णं गुणसिलयस्स चेइयस्स अदूरसामते एत्थ णं महं एगं जिण्णुज्जाणे यावि होत्था विणट्ठदेवउले पैरिसडियतोरणघरे नाणाविहगुच्छगुम्मलयावल्लिवच्छच्छाइए अणेगवालसयसंकणिज्जे यावि होत्था । तस्स णं जिण्णुज्जाणस्स बहुमज्झदेसभाए एत्थ णं महं एगे भग्गकूवए यावि होत्था । तस्स णं भग्गकूवस्स अदूरसामंते एत्थ णं महं एगे मालुयाकच्छए यावि होत्था किण्हे किण्होभासे जाव रम्ममे महामेह-निउरंवभूए बहूहिं रुक्खेहि य गुच्छेहि य गुम्मेहि य लयाहि य वल्लीहि य कुसेहि य खाणुएहिं य संच्छन्ने पलिच्छन्ने अंतो झुसिरे बाहिं गंभीरे अणेगवालसयसंकणिज्जे यावि होत्था ।

(39) तत्थ णं रायगिहे नयरे धणे नामं सत्थवाहे अहे दित्ते जाव विउलभत्तपाणे । तस्स णं धणस्स सत्थवाहस्स भद्दा नामं भारिया होत्था सुकुंमालपाणिपाया अहीणपडिपुण्णपंचिंदियसरीरा लक्खणवंजणगुणो-ववेया माणुम्माणप्पमाणपडिपुण्णसुजायसव्वगसुंदरंगी ससिसोमागारा कंता पियदंसणा सुरुवा करयलपरिमियतिवलियमज्झा कुंडलुल्लिहियगंड-लेहा कोमुइयरयणियरपडिपुण्णसोमवयणा सिंगारागारचारुवेसा जाव पडिरुवा वंझा अबियाउरी जाणुकोप्परमाया यावि होत्था ।

(40) तस्स णं धणस्स सत्थवाहस्स पंथए नामं दासचेडे होत्था सव्वंगसुंदरंगे मंसोवचिए बालकीलावणकुसले यावि होत्था । तए णं से धणे सत्थवाहे रायगिहे नयरे बहूणं नगरनिगमसेट्टिसत्थवाहाणं अट्टार-ससेणिप्पसेणीणं बहूसु कज्जेसु य कुडुंबेसु य जाव चक्खुभूए यावि होत्था निपगस्स वि य णं कुडुंबस्स बहूसु कज्जेसु जाव चक्खुभूए यावि होत्था ।

(41) तत्थ णं रायगिहे नयरे विजए नामं तक्करे होत्था पावे

चडालरूवे भीमतररुहकस्मै आरूसियादित्तरत्तनयणे गरफरुममहझगिगम-
 वीभच्छदादिए असपुडियउट्टे उट्टुयपडण्णलवत्तमुट्ठण भमरराहुवण्णे निर-
 णुक्कोसे निरणुतावे दारुणे पडंभाए नित्तमइण निरणुरूपे अट्ठीव एगत-
 दिट्ठीए खुरेव एगतधाराण गित्ठेव आमिमतद्धिन्हे अभिभिन मंज्जभन्गी
 जलमिव सव्वंगगाही उक्कचणवचणमायानियडिक्कडत्तनउगांउमपओग-
 बहुले चिरनगरविणट्ठदुट्ठसीलायारचरित्ते जूयप्पमगी मज्जाप्पमगी भोज्ज-
 प्पसगी मंसप्पसंगी दारुणे हिययदारण साहमिण मनिच्छेगण उगहिण्णु
 विस्संभघाई आलीयगतित्थभेयलहुहत्थमपउत्ते परस्म दन्वहरणमि निश
 अणुवद्धे तिब्बवेरे रायगिहस्स नगरस्स बहूणि अउंगमणाणि य निग-
 मणाणि य वाराणि य अववाराणि य छिंडीओ य रट्ठीओ य नगर-
 निद्धमणाणि य सवट्ठणाणि य निव्वट्ठणाणि य जयंगलगाणि य पाणा-
 गाराणि य वेसागाराणि य तफरट्ठणाणि य तफरघराणि य मिताउगाणि
 य तिगाणि य चउक्काणि य चच्चराणि य नागघराणि य भूयप्पराणि य
 जक्खदेउलाणि य सभाणि य पवाणि य पणियमालाणि य सुन्नघराणि य
 आभोएमाणे मग्गमाणे गवेसमाणे बहुजणस्स छिद्देसु य विस्समेसु य
 विहुरेसु य वसणेसु य अन्धुदण्णसु य उस्सवेसु य पमवेसु य तिहीसु य
 छणेसु य जन्नेसु य पव्वणीसु य मत्तपमत्तस्म य वप्पिपत्तस्म य
 वाउलस्स य सुहियस्स य दुहियस्स य विदेमत्थस्स य पिप्पयमियस्म य
 मग्गं च छिद्दं च विरहं च अंतरं च मग्गमाणे गवेसमाणे एव च ण
 विहरइ बहिया वि य ण रायगिहस्स नगरस्स आगमेसु य उज्जाणेसु य
 वाविपोक्खरणीदीहियागुंजालियांसिरपतियसरसरपतियासु य जेणुज्जा-
 णेसु य भग्गकूवण्णसु य मालुयाकच्छण्णसु य सुसाणेसु य गिरिकदर-
 लेणउवट्ठणेसु य बहुजणस्स छिद्देसु य जाव एव च ण विहरइ ।

(42) तए णं तीसे भद्दाए भारियाए अन्नया कयाइ पुव्वरत्तावरत्त-
 कालसमयंसि कुड्डवजागरियं जागरमाणीए अयमेयारूवे अज्झत्थिण जाव
 समुप्पज्जित्था - अह धणेणं सत्थवाहेण सद्धि बहूणि वासाणि सहपरिस-
 सररूवाणि माणुस्सगाइ कामभोगाई पच्चणुव्भवमाणी विहरामि नो चेव

णं अहं दारगं वा दारियं वा पयामि । तं भन्नाओ णं ताओ अम्म-
याओ जाव सुल्लहे णं माणुस्सए जम्मजीवियफले तासिं अम्मयाणं जासिं
मत्ते नियगकुच्छिसंभूयाइ थणदुद्धलुद्धयाइ महुरसमुल्लवगाइं मम्मण-
पयंपियाइं थणमूलां कक्खदेसभागं अभिसरमाणाइं मुद्धयाइ थणयं पियति
तओ य कोमलकमलोवमेहि हत्थेहिं गिण्हिऊण उच्छगे निवेसियाइ देति
समुल्लवए पिए सुमहुरे पुणो २ मज्जुलपभणिए । अहं णं अधन्ना
अपुण्णा अकयलक्खणा एत्तो एगमवि न पत्ता । तं सेय मम कल्ल जाव
जलंते धणं सत्थवाहं आपुच्छित्ता धणेण सत्थवाहेण अन्भणुन्नाया
समाणी सुबहुं विपुल असणं ४ उवक्खडावेत्ता सुबहुं पुप्फगधमल्लालंकार
गहाय बहूहिं भित्तनाइनियगसयणसंविपरियणमहिलाहिं सद्धिं संपरि-
वुडा जाइं इमाइं रायगिहस्सं नयरस्स बहिया नागाणि य भूयाणि य
जक्खाणि य इंदाणि य खंदाणि य रुद्धाणि य सिवाणि य वेसमणाणि य
तत्थ णं बहूण नागपडिमाण य जाव वेसमणपडिमाण य महिरिं पुप्फ-
णिय करेत्ता जन्तुपायपडियाए एवं वइत्तए — जइ ण अहं देवाणु-
प्पिया । दारगं वा दारिगं वा पयायामि तो ण अहं तुब्भं जाय च दायं च
भायं च अक्खयणिहिं च अणुबड्ढेमि त्तिकट्ठु उवाइयं उवाइत्तए । एवं सपे-
हेइ २ कल्लं जाव जलंते जेणामेव धणे सत्थवाहे तेणामेव उवागच्छइ २
एवं वयासी—एवं खलु अहं देवाणुप्पिया । तुब्भेहि सद्धिं बहूइ वासाइं जाव
देति समुल्लवए सुमहुरे पुणो २ मज्जुलपभणिए । तं ण अहं अहन्ना अपुण्णा
अकयलक्खणा एत्तो एगमवि न पत्ता । तं इच्छामि णं देवाणुप्पिया ।
तुब्भेहिं अन्भणुन्नाया समाणी विपुलं असणं ४ जाव अणुबड्ढेमि उवाइयं
करित्तए । तए णं धणे सत्थवाहे भइ भारियं एवं वयासी—ममं पि य ण
देवाणुप्पिए । एस चेव मणोरहे—कहं णं तुमं दारगं वा दारियं वा
पयाएज्जासिं भइए सत्थवाहीए एयमट्ठं अणुजाणइ । तए णं सा भइ
सत्थवाही धणेण सत्थवाहेण अन्भणुन्नाया समाणी इट्ठ जाव हियया
विपुल असणं ४ उवक्खडावेइ २ सुबहुं पुप्फगधमल्लालंकारं गेणहइ २
सयाओ गिहाओ निगगच्छइं २ रायगिहं नयरं मज्झमंज्जेणं निगगच्छइ २

जेणेव पोक्खरिणी तेणेव उवागच्छइ २ पुक्खरिणी तीरे सुव्वहु पुष्प जाव मल्लालंकार ठवेइ २ पुक्खरिणी ओगाहेइ २ जलमज्जेण करेइ जल-किडुं करेइ २ ण्हाया कयवलिकम्मा उट्ठपडमाडिगा जाइ तरय उप्पलाइ जाव सहस्सपत्ताइ गिण्हइ २ पुक्खरिणीओ पच्चोरुहइ २ तं पुक्खरिणी-गंधमल्ल गेण्हइ २ जेणामेव नागघग्ग जाव वेसमणघरए य तेणामेव उवागच्छइ २ तत्थ ण नागपडिमाण य जाव वेसमणपडिमाण य आलोण पणामं करेइ ईसिं पच्चुन्नमइ २ लोमहत्थग परामुमइ २ नागपडि-माओ य जाव वेसमणपडिमाओ य लोमहत्थेण पमज्जइ उदगवागए अन्धुक्खेइ २ पम्हलसूमालाए गयकामाडए गायाइ लुहेइ २ मत्तिह वत्थारुहण च मल्लारुहण च गयारुहण च चुण्णारुहण च नण्णारुहण च करेइ २ धूव डहइ २ जन्तुपायपडिया पजलिउडा एव वयासी-जइ ण अह दारग वा दारिय वा पयामि तो ण अह जाय च जा अणुवद्धेमि त्तिकट्ट उवाइय करेइ २ जेणेव पोक्खरिणी तेणेव उवा-गच्छइ २ विपुल असण ४ आमाग्गणी जाव विहरइ जिमिय जाव सुइभूया जेणेव सए गिहे तेणेव उवागया । अदुत्तर च ण भद्दा सत्थवाही चाउइसट्टमुद्धिपुण्णमासिणीसु विपुल असण ४ उवस्सपेटे २ वत्थे नागा य जाव वेसमणा य उवायमाणी नमममाणी जा एव च ण पितरइ ।

(41) तए ण सा भद्दा सत्थवाही अन्नया कयाट केणउ कालत-रेण आवन्नसत्ता जाया यावि होत्था । तए ण तीमे भद्दा सत्थवाहीण दोसु मासेसु वीइक्कतेसु तईए मासे चट्टमाणे इमेयारुवे दोहले पाउभूय — धन्नाओ ण ताओ अम्मयाओ जाव कयलक्खणाओ ताओ अम्मयाओ जाओ णं विउल असण ४ सुव्वहुय पुंप्फगधमल्लालंकार गहाय भित्तनाड-नियगसयणसबाधिपरियणमहिलियाहि य सद्धि सपरिवुडाओ रायगिहं नयरं मज्झमज्जेण निग्गच्छंति २ जेणेव पुक्खरिणी तेणेव उवागच्छंति २ पोक्खरिणी ओगाहेति २ ण्हायाओ कयवलिकम्माओ सव्वालकारग्गिभूसियाओ विपुलं असणं ४ आसाएमाणीओ जाव पंडिभुजेमाणीओ दोहल विणेति । एवं संपेहेइ २ कल्ल जाव जलंते जेणेव धणे सत्थवाहे तेणेव उवागच्छइ २ धणं

सत्थवाहं एवं वयासी — एवं खलु देवाणुप्पिया । मम तस्स गब्भस्स जाव विणेत्ति । तं इच्छामि णं देवाणुप्पिया । तुव्भेहिं अव्वभणुन्नाया समाणी जाव विहरित्तए । अहासुहं देवाणुप्पिया । मा पडिबधं । तए णं सा भद्दा धणेण सत्थवाहेण अव्वभणुन्नाया समाणी हट्ठा जाव विपुलं असण ४ जाव उल्लपडसाडगा जेणेव नागघरए जाव धूव डहइ २ षणामं करेइ २ जेणेव पोक्खरिणी तेणेव उवागच्छइ । तए णं ताओ मित्तनाइ जाव नुगेरमहिलाओ भदं सत्थवाहिं सव्वालकारविभूसियं करेत्ति । तए णं सा भद्दा सत्थवाही ताहिं मित्तनाइनियगसयणसंबंधिपरियणनगेरमहिलियाहिं सद्धिं तं विपुलं असणं ४ जाव परिमुंजेमाणी दोहलं विणेइ २ जामेव दिसं पाच्छभूया तामेव दिसं पडिगया । तए ण सा भद्दा सत्थवाही संपुण्णदोहला जाव तं गब्भं सुहंसुहेणं परिवहइ । तए णं सा भद्दा सत्थवाही नवण्हं मासाणं बहुपडिपुण्णाणं अद्धट्ठमाण य राइंठियाणं सुकुमालपाणिपाय जाव दारिगं पयाया । तए णं तस्स दारगस्स अम्मापियरो पढमे दिवसे जायकम्मं करेत्ति २ तहेव जाव विपुलं असणं ४ उवक्खडावेत्ति २ तहेव मित्तनाइनियगं भोयावेत्ता अयमेयारूवं गोणं गुणनिप्फन्नं नामधेज्जं करेत्ति — जम्हा ण अम्ह इमे दारए बहूणं नागपडिमाण य जाव वेसमणपडिमाण य उवाईयलद्धे त होउं णं अम्ह इमे दारए देवदिन्ने नामेणं । तए ण तस्स दारगस्स अम्मापियरो नामधेज्जं करेत्ति देवदिन्ने त्ति । तए णं तस्स दारगस्स अम्मापियरो जायं च दायं च भायं च अक्खयनिहिं च अणुवड्ढेत्ति ।

(42) तए ण से पंथए दासचेडए देवदिन्नस्स दारगस्स बालगाही जाए । देवदिन्न दारगं कडीए गेण्हइ २ बहूहि डिंभएहि य डिंभियाहि य दारएहि य दारियाहि य कुमारएहि य कुमारियाहि य सद्धिं संपरिवुहे अभिरमइ । तए णं सा भद्दा सत्थवाही अन्नया कयाइं देवदिन्नं दारयं ण्हायं कयक्कलिकम्म कयकुडयमंगलपायच्छित्तं सव्वालकारविभूसियं करेइ २ पंथयस्स दासचेडगस्स हत्थगांसि दलयइ । तए णं से पंथए दासचेडए भद्दाए सत्थवाहीए हत्थाओ देवदिन्नं दारगं कडीए गेण्हइ २

सयाओ गिहाओ पडिनिक्खमइ बहूहि डिभणहि य जाय कुमागियाहि
 य सद्धिं सपरिबुडे जेणेव रायमग्गे तेणेव उवागच्छइ ० देवदिन्न
 दारग एण्ते ठायेइ २ बहूहि डिभणहि य जाय कुमागियाहि य सद्धिं
 संपरिबुडे पमत्ते यावि विहरइ । इम च ण धिजण तप्पे गयगिहम्म
 नगरस्स बहूणि वाराणि य अवचाराणि य तप्पे जाय आभोर्णमाणे मग्गे-
 माणे गवेसमाणे जेणेव देवदिन्ने दारग तेणेव उवागच्छइ ० देवदिन्न
 दारगं सव्वालकारविभूसिय पामइ २ देवदिन्नम्म दारगम्म आभरणा-
 लंकारेसुं मुच्छिए गटिए गिट्टे अज्जोववन्ने पयग दामचेउ पमत्त पामइ ०
 दिसालोय करेइ २ देवदिन्न दारग गेण्हइ २ हप्पमि अट्ठियावेइ ०
 उत्तरिज्जेण पिहेइ २ सिग्घ तुरिय चवल वेउय गयगिहम्म नगरम्म
 अवदारेणं निगगच्छइ २ जेणेव जिण्णुज्जाणे जेणेव भग्गहूवण तेणेव
 उवागच्छइ २ देवदिन्नं दारय जीवियाओ ववरोवेउ ० आभरणालकार
 गेण्हइ २ देवदिन्नस्स दारगस्स सरीरं निप्पाण निच्चेट्ट जीवाविप्पज्जइ
 भग्गकूवण पक्खिवइ २ जेणेव मालुयाकच्छण तेणेव उवागच्छइ २
 मालुगाकच्छयं अणुपविसइ २ निच्चले निक्कटे तुमिणीण दिवम
 खवेमाणे चिट्ठइ ।

(43) तए णं से पयग दामचेडे तओ मुहुत्ततरम्म जेणेव देवदिन्ने
 दारए ठविए तेणेव उवागच्छइ २ देवदिन्न दारग तमि ठाणंसि अपाम-
 माणे रोयमाणे कंदमाणे देवदिन्नस्स दारगस्स सव्वओ ममता मग्गण-
 गवेसणं करेइ २ देवदिन्नस्स दारगस्स कत्थइ मुंड वा मुउ वा पउत्तिं
 वा अलभमाणे जेणेव सए गिहे जेणेव धणे सत्थवाहे तेणेव उवागच्छइ २
 धणं सत्थवाह एवं वयासी - एव खलु सामी । भद्दा सत्थवाही देवदिन्न
 दारयं ण्हायं जाव मम हत्थे दलयइ । तए णं अह देवदिन्न दारय
 कडीए गिण्हामि जाव मग्गणगवेसण करोमि । तं न नज्जइ ण सामी ।
 देवदिन्ने दारए केणइ नीए वा अवहिए वा अक्खित्ते वा पायवडिए धणस्स
 सत्थवाहस्स एयमट्ठं निवेदेइ । तए ण से धणे सत्थवाहे पययस्स दासचेउ-
 गस्स एयमट्ठं सोच्चा निसम्म तेण य महयां पुत्तसोएणाभिभूण समाणे

फ़सुणियत्ते व चंपगपायवे धसत्ति धरणीयलंसि सव्वंगेहिं सन्निवइए ।
 तए णं से धणे सत्थवाहे तओ मुहुत्तंतरस्स आसत्थे पच्चागयपाणे देव-
 दिन्नस्स दारगस्स सव्वओ समंता मग्गणगवेसणं करेइ देवदिन्नस्स दार-
 गस्स कत्थंइ सुइ वा खुइ वा पवत्ति वा अलभमाणे जेणेव सए गिहे
 तेणेव उवागच्छइ २ महत्थं पाहुडं गेण्हइ २ जेणेव नग्नगुत्तिया तेणेव
 उवागच्छइ २ तं महत्थं पाहुड उवणेइ २ एवं वयासी—एवं खलु देवाणु-
 प्पिया । मम पुत्ते भहाए भारियाए अत्तए देवदिन्ने नाम दारए इट्ठे जाव
 उंवरपुप्फं पिव दुल्लहे सवणयाए किमग पुण पासणयाए । तए ण सा भद्दा
 भारिया देवादिन्नं दारगं ण्हारं सव्वालंकारविभूसियं पंथगस्स हत्थे दलाइ
 जाव पायवडिए तं मम निवेदेइ । त इच्छामि णं देवाणुप्पिया । देवदिन्नस्स
 दारगस्स सव्वओ समंता मग्गणगवेसणं कयं । तए णं ते नगरगोत्तिया
 धणेणं सत्थवाहेणं एव वुत्ता समाणां सन्नद्धबद्धकंवया उप्पीलियसरासण-
 पट्टिया जाव गहियाउहपहरणा धणेणं सत्थवाहेण सद्धिं रायगिहस्स
 नगरस्स बहूणि अइगमणाणि य जाव पवासु य मग्गणगवेसणं करेमाणा
 रायगिहाओ नगराओ पडिनिक्खमति २ जेणेव जिण्णुज्जाणे जेणेव
 भग्गकूवए तेणेव उवागच्छंति २ देवदिन्नस्स दारगस्स सरीरगं निप्पाणं
 निब्वेडं जीवविप्पजडं पासंति २ हा हा अहो अकज्जमित्तिकट्टु देव-
 दिन्न दारगं भग्गकूवाओ उत्तारेंति २ धणस्स सत्थवाहस्स हत्थे दलयंति ।

(44) तए ण ते नगरगुत्तिया विजयस्स तक्करस्स पयमग्गमणु-
 गच्छमाणा २ जेणेव मालुयाकच्छए तेणेव उवागच्छंति २ मालुयाक-
 च्छगं अणुप्पविसंति २ विजयं तक्करं ससक्खं सहोढं सगेवेज्ज जीव-
 ग्गाहं गेण्हंति २ अट्ठिमुट्ठिजाणुक्कोप्परपद्दारसंभग्गमहियगत्त करेंति २
 अवओडगवंधण करेंति २ देवदिन्नस्स दारगस्स सव्वं आभरणं गेण्हंति २
 विजयस्स तक्करस्स गीवाए बंधति २ मालुयाकच्छगाओ पडिनिक्ख-
 मति २ जेणेव रायगिहे नयरे तेणेव उवागच्छति २ रायगिहं नयरं
 अणुप्पविसति २ रायगिहे नयरे सिंघाडगतिगचउक्कचचरमहापहपहेसु
 कसप्पहारे य लयापहारे य छिवापहारे य निर्वायमाणा २ छारं च

धूलि च कयवरं च उवरि पक्किरमाणा २ महया २ सहेणं उग्घोस्सेमाणा
एव वयति — एस णं देवाणुप्पिया । विजए नाम तफरे जाव गिट्ठे त्रिप
आमिसर्भक्खी बालघायए बालमारए । त नो गल्लु देवाणुप्पिया !
एयस्स केइ राया वा रायंमच्चे वा अवरज्जड नंजत्थ अप्पणो मयाड
कम्माइं अवरज्जंति त्तिकट्ठु जेणामेव चारगसाला तेणामेव उवागच्छति
२ हड्ढिवंधणं करेति २ भत्तपाणनिरोह करेति २ तिमल्ल कमप्पहारे
य जाव निर्वाएमाणा २ विहरति । तण ण से धणे सत्थवाहे मित्तनाडनिय-
गसबद्धिपरियणेणं साद्धि रोयमाणे जाव बिलव्रमाणे देवदिन्नस्स दार-
गस्स सरीरस्स महया इड्ढीभक्कारम्ममुदण्ण नीहरण करेति वंहुं लोड्याड
मयकिच्चाइ करेति २ केणड कालतरेण अवगयमाणं जाण यावि होत्था ।

(45) तए ण से धणे सत्थवाहे अन्नया कयाड लहम्मयंमि राया-
वराहसि सपल्ले जाए यावि होत्था । तण ण ते नगरगुत्तिया धण सत्थ-
वाह गेण्हति २ जेणेव चारणं तेणेव उवागच्छति २ चारग अणुप-
वेसति २ विजएणं तफरेण साद्धि गगयओ हड्ढिवंधणं करेति । तण ण
सा भद्दा भारिया कह जाव जलते विपुल अमण ४ उवस्सठेड २ भोयण-
पिडए करेइ २ भोर्यणाइं पक्खियड लल्लियमुट्ठिय करेड २ गगं च सुगभि-
चारिपडिपुण्ण दगवारय करेड २ पथय दामचेड मदावेड २ गगं
वयासी — गच्छं णं तुम देवाणुप्पिया । इम विपुल अमण ४ गताय चारग-
सालाए वणस्स सत्थवाहस्स उवणेहि । तण ण से पथण भद्दाण सत्थ-
वाहीए एवं वुत्ते समाणे हट्ठुट्ठे त भोयणपिडग त च सुरभिवरारि-
पडिपुण्ण वारयं गेण्हइ २ सयाओ गिहाओ पडिनिक्कमड २ राय-
गिहं नगर मज्झंमज्झेण जेणेव चारगसाला जेणेव धणे सत्थवाहे तेणेव
उवागच्छइ २ भोर्यणपिडिय ठावेइ २ उल्लेड २ भोर्यण गेण्हइ २
भायणाइ धोवेइ २ हत्थसोय दलचइ २ धण सत्थवाह तेण विपुलेण
असणेणं ४ परिवेसेइ । तण ण से विजण तफरे धण सत्थवाह गगं वयासी-
तुम्हे णं देवाणुप्पिया । मम ग्याओ विपुलाओ असणाओ ४ सविभाग
करेहि । तण ण से धणे सत्थवाहे विजय तफर गव वयासी — अविचाइ

अहं विजया । एयं विपुलं असणं ४ कागाणं वा सुणगाणं वा दलएज्जा
 उकुसुडियाए वा णं छुडेज्जा नो चेव णं तव पुत्तघायगस्स पुत्तमारगस्स
 अरिस्स वेरियस्स पडिणीयस्स पच्चामित्तस्स एत्तो विपुलाओ असणाओ ४
 सविभागं करेज्जामि । तए णं से धणे सत्थवाहे तं विपुलं असणं ४ आहा-
 रेइ २ तं पंथगं पडिविस्सजेइ । तए णं से पंथए दासचेडे तं भोयणपिडिग
 गिण्हइ २ जामेव दिसि पाउब्भूए तामेव दिसि पडिगए । तए णं तस्स
 धणस्स सत्थवाहस्स तं विपुलं असणं ४ आहारियस्स समाणस्स उच्चार-
 पासवणे णं उव्वाहित्था । तए णं से धणे सत्थवाहे विजयं तक्करं एवं
 वयासी—एहि ताव विजया । एगंतमवक्कमामो जेणं अहं उच्चारपासवणं
 परिट्ठेवेमि । तए णं से विजए तक्करे धणं सत्थवाहं एवं वयासी—तुब्भं
 देवाणुप्पिया । विपुलं असणं ४ आहारियस्स अत्थि उच्चारे वा पासवणे
 वा । ममं णं देवाणुप्पिया । इमेहिं बहूहि कसप्पहारेहि य जाव लया—
 पहारेहि य तण्हाए य लुहाए य परब्भवमाणस्स नत्थि केइ उच्चार-
 वा पासवणे वा । तं छंदेण तुमं देवाणुप्पिया । एगते अवक्कमित्ता उच्चा-
 रपासवणं परिट्ठेवेहि । तए णं से धणे सत्थवाहे विजएणं तक्करेणं एवं
 वुत्ते समाणे तुसिणीए संचिट्ठइ । तए णं से धणे सत्थवाहे मुहुत्ततरस्स
 बलियत्तरागं उच्चारपासवणेणं उव्वाहिज्जमाणे विजयं तक्करं एव वयासी—
 एहि ताव विजया । जाव अवक्कमामो । तए णं से विजए धणं सत्थवाह
 एवं वयासी—जइ णं तुमं देवाणुप्पिया । ताओ विपुलाओ असणाओ ४
 संविभागं करोहि तओ हं तुब्भेहिं साद्धि एगंतं अवक्कमामि । तए णं से धणे
 सत्थवाहे विजयं एवं वयासी—अहं णं तुब्भं ताओ विपुलाओ असणाओ
 ४ संविभागं करिस्तामि । तए णं से विजए धणस्स सत्थवाहस्स एय-
 मट्ठं पडिसुणेइ । तए णं से विजए धणेणं साद्धि एगते अवक्कमइ उच्चार-
 पासवणं परिट्ठेवेइ आयंते चोक्खे परमसुइभूए तमेव ठाणं उवसकमित्ताणं
 विहरइ । तए णं सा भदा कलं जाव जलंते विपुलं असणं जाव परिवे-
 सेइ । तए णं से धणे सत्थवाहे विजयस्स तक्करस्स ताओ विपुलाओ
 असणाओ ४ संविभागं करोई । तए णं से धणे सत्थवाहे पंथगं दासचेडं

विसज्जेइ । तए ण से पंथए भोयणपिडंय गहाय चारगसालाओ पडि-
निक्खमइ २ रायगिह नयर मज्झमज्जेण जेणेव सा गिह जेणेव भद्दा
सत्थवाही तेणेव उवागच्छइ २ भद्द सत्थवाहिणि एव वयासी-एव सलु
देवाणुप्पिए । धणे सत्थवाहे तव पुत्तघायगस्म जाव पञ्चामित्तस्म ताओ
विपुलाओ असणाओ ४ सविभाग करेइ ।

(46) तए ण सा भद्दा सत्थवाही पयगस्म दासचेडगम्म अतिण एय-
मद्धं सोक्खा आसुरुत्ता रुद्धा जाव भिमिभिममाणी यणस्म सत्थवाहम्म
पओसमावज्जइ । तए ण से वणे सत्थवाहे अत्रया कयाड भित्तनाड-
नियगसयणसवधिपरियणेण सण्ण य अत्यमारेण रायकज्जाओ अप्पाण
भोयवेइ २ चारगसालाओ पडिनिक्खमइ २ जेणेव अलकारियमभा
तेणेव उवागच्छइ २ अलकारियकम्म करावेइ २ जेणेव पोत्तरिणी तेणेव
उवागच्छइ २ अहे वोयमंद्रिय गेण्डं पोत्तरिणी ओगाळ २ जल-
मज्जण करेइ २ ण्हाण कयवलिकम्मे जाव रायगिह नगर अणुपाविसइ २
रायगिहस्स नगरस्स मज्झमज्जेण जेणेव सा गिहे तेणेव पटारेत्य गम-
णाए । तए ण वण सत्थवाह एज्जमाण पासित्ता रायगिहे नयरे बहवे
नियगसेट्टिसत्थवाहपभिडओ आढति पग्गियाणति मपरिणति मम्मणेति
अब्भुट्ठेति सरीरकुसलोद्वत मपुच्छति । तए ण मे वणे सत्थवाहे जेणेवे सा
गिहे तेणेव उवागच्छइ । जावि य मे तत्थ वाहिरिया परिमा भवउ तज्जा -
दासा इ वा पेस्ता इ वा भियंगा उ वा भाडग्ग्या उ वा ना पि य ण धण
सत्थवाह एज्जमाण पासइ २ पायवाटिया सेमकुमल पुच्छइ । जावि य मे
तत्थ अब्भितरिया परिमा भवउ तज्जा -माया उ वा पिया उ वा भाया उ
वा भइणी इ वा सावि य ण वण सत्थवाह एज्जमाण पासइ २
आसणाओ अब्भुट्ठेइ २ कठाकठिय अवयामिय वाहप्पमोन्सण करेइ । तए
ण से वणे सत्थवाहे जेणेव भद्दा भारिया तेणेव उवागच्छइ । तए ण सा
भद्दा धण सत्थवाह एज्जमाण पासइ २ नो आढाउ नो परियाणाह
अणाढायमाणी अपरियाणमाणी तुसिणीया परम्मुही सच्चिद्वइ । तए ण
से वणे सत्थवाहे भद्द भारिय एव वयासी- कि ण तुद्धं देवाणुप्पिए ।

न तुह्मी वा न हरिसे वा नाणदे वा जं मए सएणं अत्थसारेणं राय-
 कज्जाओ अप्पाण विमोईए । तए णं सा भद्दा धणं सत्थवाहं एवं वयासी-
 कहं णं देवाणुप्पिया । मम तुह्मी वा नाव आणदे वा भविस्सइ जेणं तुमं मम
 पुत्तघायगस्स नाव पच्चामित्तस्स ताओ विपुलाओ असणाओ ४ संविभागं
 करोसि । तए णं से धणे भइ भारियं एव वयासी- नो खलु देवाणुप्पिए ।
 धम्मो त्ति वा तवो त्ति वा कयपडिकइया इ वा लोणजत्ता इ वा नायए इ वा
 संधाडिए इ वा सहाए इ वा सुहि त्ति वा ताओ विपुलाओ असणाओ ४
 संविभागे कए नन्नत्थ सरीरचित्ताए । तए णं सा भद्दा धणेणं सत्थवाहेणं
 एवं वुत्ता समाणी हट्ठा नाव आसणाओ अब्भुट्ठेइ २ कंठाकंठि अवयासेइ
 खेमकुसलं पुच्छइ २ ण्हाया नाव पायच्छित्ता विपुलाइं भोगभोगाइं भुज-
 माणी विहरइ । तए ण से विजए तक्क्रे चारगसालाए तेहिं बंधेहि वहेहिं
 कसप्पहारेहि य नाव तण्हाए य छुहाए य परव्वभमाणे कालमासे कालं
 किच्चा नरएसु नेरइयत्तीए उववन्ने । से णं तत्थ नेरइए जाए काले
 कालोभासे नाव वेयणं पच्चणुव्वभवमाणे विहरइ । से णं तओ उव्वट्ठित्ता
 अणादीयं अणर्वदग्गं चाउरंतसंसारकंतारं अणुपरियट्ठिस्सइ । एवामेव
 जंबू । जे णं अम्हं निगंथो वा २ आयरियउवज्झायाणं अंतिए मुंडे
 भवित्ता अगाराओ अणगारियं पव्वइए समाणे विपुलमणिमोत्तियधण-
 कणगरयणसारेणं लुब्भइ से वि एवं चेव ।

(47) तेणं कालेणं २ थेरा भगवंतो जाइसंपन्ना नाव पुव्वानुपुव्वि
 चरमाणा नाव जेणेव रायगिहे नयरे जेणेव गुणसिलए चेइए नाव अद्दा-
 पडिरूवं उग्गहं उग्गिण्हित्ता संजमेणं तवसा अप्पाणं भावेमाणा विहरंति ।
 परिसा निग्गया धम्मो कहिओ । तए णं तस्स धणस्स सत्थवाहस्स बहु-
 जणस्स अंतिए एयमट्ठं सोच्चा निसम्म इमेयारूवे अज्झत्थिए नाव
 समुप्पज्जित्था - एवं खलु थेरा भगवंतो जाइसंपन्ना इहमागया इहसपत्ता ।
 तं इच्छामि णं थेरे भगवन्ते वंदामि नमंसामि ण्हाए नाव सुद्धप्पावेसाइं
 मज्झाइं वत्थाइं पवरपरिहिए पायविहारचारेणं जेणेव गुणसिलए चेइए
 जेणेव थेरा भगवंतो तेणेव उवागच्छइ २ वंदइ नमंसइ । तए णं थेरा

धणस्स विचित्तं धम्ममाइन्वन्ति । तए णं से धणे सत्थवाहे धम्म त्थोञ्जा
एवं वयासी — सइहामि णं भते । निग्गथे पावयणे जाव पन्वडाए जाव
बहूणि वांसाणि सामण्णपरियाग पाउणित्ता भत्त पञ्चकपाइत्ता मासियाण
सेलेहणाए सट्ठि भत्ताइं अणसणाए छेदिता कालमासे कालं किञ्चा
सोहम्मसे कएपे देवत्ताए उववन्ने । तत्थ ण अत्थेगडयाण देवाण चत्तारि
पलिओवमाइं ठिई पन्नत्ता । तत्थ णं धणस्स वि देवस्स चत्तारि पलिओव-
माइं ठिई पन्नत्ता । से ण धणे देवे ताओ देवलोगाओ आउक्कएण
ठिइक्खएणं भवक्खएणं अणतरं चय चइत्ता महाविदेहे वासे मिज्झिठिड
जाव सन्वदुक्खाणमतं करेहिइ ।

(48) जहा ण जंबू । धणेण सत्थवाहेण नो धम्मो त्ति वा जाय
विजयस्स तक्करस्स ताओ विपुलाओ असणाओ ४ मधिभागे कए नन्नत्थ
सरीरसारक्खणट्ठाए एवामेव जंबू । जे ण अम्ह निग्गथे वा जाव पन्व-
डाए समाणे ववगयण्हाणमहणपुप्फगधमहालकारविभूसे इमस्स ओरालिय-
सरीरस्स नो वण्णहेउ वा रूवहेउ वा देलविमयहेउ वा त विपुल असण ४
आहारमाहारेइ नन्नत्थ नाणदसणचरित्ताणं वहणट्ठेयाए से णं इहलोए चेव
बहूणं समणाणं, बहूणं समणीणं बहूण सावगाण य सावियाण य अञ्जिजे
जाव पञ्जुवासणिजे भवइ । परलोए वि य ण नो आगच्छइ बहूणि हत्थ-
च्छेयणाणि य कण्णच्छेयणाणि य नासाछेयणाणि य एव हियउप्पायणाणि
य वसणुप्पायणाणि य उल्लवणाणि य पाविहिइ अणार्इयं च ण अणवदग्गं
दीहमद्धं जाव वीईवइस्सइ जहा व से धणे सत्थवाहे ।

एवं खलु जंबू । समणेणं जाव सपेत्तण दोषस्स नायज्झयणस्स
अयमट्ठे पन्नत्ते त्तिवेमि ॥

॥ बीयं अज्झयणं समत्तं ॥

॥ तच्च अज्झयणं ॥

(49) जइ णं भंते । समणेणं जाव सपत्तेणं दोषस्स अज्झ-
यणस्स नायाधम्मकहाणं अयमट्ठे पन्नत्ते तइअस्स अज्झयणस्स के अट्ठे
पन्नत्ते ? एवं खलु जंबू । तेणं कालेणं २ चंपा नामं नयरी होत्था वण्णओ ।
तीसे णं चंपाए नयरीए बहिया उत्तरपुरत्थिमे दिसीभाए सुभूमिभागे नामं
उज्जाणे सैव्वउयपुप्फफलसमिद्धे सुरम्मे नंदणवणे इव सुहसुरभिसीयल-
ज्जायाए संमणुबद्धे । तस्स णं सुभूमिभागस्स उज्जाणस्स उत्तरपुरत्थिमे
एगदेसंमिं माल्लियाकच्छेए होत्था वण्णओ । तत्थ णं एगा वर्णमयूरी दो मुट्ठे
परियगिणं पिट्ठुंडीपंडुरे निव्वणे निरुद्धए भिन्नमुट्ठिप्पमाणे मयूरी अंदए
पसवइ २ सएणं पक्खेवाएणं सारक्खमाणी संगोवेमाणी संचिहेमाणी
विहरइ । तत्थ णं चंपाए नयरीए दुवे सत्थवाहदारगा परिवसंति तंजहो -
जिणदत्तपुत्ते य सागरदत्तपुत्ते य सहजायया सहवड्डियया सहपंसु-
कीलियया सहदारदरिसी अन्नमन्नमणुरत्ता अन्नमन्नमणुववया अन्नमन्न-
च्छंदाणुवत्तया अन्नमन्नदियइच्छियकारया अन्नमन्नेसु गिहेसु कम्मीइं केर-
णिज्जाइं पच्चणुवभवमाणा विहरति ।

(50) तए णं तेसिं सत्थवाहदारगाणं अन्नया कयाइ एगयओ
साहियाणं समुवागयाणं सन्निसण्णाणं सन्निविट्ठाणं इमेयारूवे मिहोकहा-
समुहावे समुप्पजित्था - जन्नं देवाणुप्पिया । अम्हं सुइं वा दुइं वा पव्वज्जीं
वा विदेसगमणं वा समुप्पजइ तं णं अम्हेहिं एगयओ समेच्चं नित्थरियव्वं
तिक्कट्ठु अन्नमन्नमेयारूवं संगारं पडिसुणेति सक्कम्मसंपउत्ता जाया याविं
होत्था ।

(51) तत्थ ण चंपाए नयरीए देवदत्ता नामं गणिया परिवसइ
अट्ठा जाव भज्जपाणा चउसट्ठिकलापांडिया चउसट्ठिगणियागुणोववेया अउ-
णत्तीसविसेसे रममाणी एकवीसरइगुणप्पहाणा बत्तीसपुरिसोवयारुकुसला
नवंगसुत्तपडिवोहिया अट्टारसदेसीभासाविसारया सिंगारागारचारुवेसा
संगयगयहसिय जाव ऊसियज्झया सहस्सलंभा विदिन्नत्तचामरवालवीय-
णिया कण्णीरहप्पयाया वि होत्था बहूणं गणियासहस्साणं ओहैवच्चं जाव

विहरइ । तए णं तेसिं सत्थवाहदारगाणं अन्नया कयाइं पुव्वरत्तावरेत्तक-
लसमयंसि जिमियभुत्तत्तरागयाणं समाणाणं आयन्ताणं चोक्खाणं परम-
सुइभूयाणं सुहासणवरगयाणं इमेयारूवे मिहोक्कासमुल्लावे समुप्पज्जित्था-
सेयं खलु अम्हं देवाणुप्पिया । कलं जाव जलंते विपुलं असणं ४ उव-
क्खड्डावेत्ता तं विपुलं असणं ४ धूवपुप्फगंधवत्थं गहाय देवदत्ताए गणियाए
सद्धिं सुभूमिभागस्स उज्जाणसिरिं पच्चणुव्वभवमाणाणं विहरित्तए तिकट्ठ
अन्नमन्नस्स एयमट्ठं पडिसुणेंति २ कलं पाउप्पभायाए कोडुंवियपुरिसे
सहावेंति २ एवं वयासी — गच्छह णं देवाणुप्पिया ! विपुलं असणं ४
उवक्खड्डावेह २ तं विपुलं असणं ४ धूवपुप्फं गहाय जेणेव सुभूमिभागे
उज्जाणे जेणेव नंदापुक्खरिणी तेणामेव उवागच्छह २, नंदाए पोक्खरि-
णीए अदूरसामंते थूणामंडवं आहणह २ आसियसम्मज्जिओवलित्तं
सुगंधं जाव कलियं करेह २ अम्हं पडिवालेमाणा २ चिट्ठह जाव चिट्ठंति ।
तए णं ते सत्थवाहदारगा दोच्चपि कोडुंवियपुरिसे सहावेंति २ एवं
वयासी — खिप्पामेव लहुकरणजुत्तजोइयं समखुरवालिहाणं समलिहिय-
तिक्खगासिंगएहिं रययामयघंटसुत्तरज्जुपवरकंचणखचियनत्थपग्गहो-
वग्गहिणहिं नीलुप्पलकर्यामेलएहिं पवरगोणजुवाणएहिं नानामणिरयण-
कंचणघंटियाजालपरिक्खित्तं पवरलक्खणोववेयं जुत्तामेव पवहणं उवणेह ।
ते वि तहेव उवणेंति । तए णं ते सत्थवाहदारगा ण्हाया जाव सरीरा
पवहणं दुरुहंति २ जेणेव देवदत्ताए गणियाए गिहे तेणेव उवागच्छंति २
पवहणाओ पच्चोरुहंति २ देवदत्ताए गणियाए गिहं अणुप्पविसंति । तए णं
सा देवदत्ता गणिया ते सत्थवाहदारए एज्जमाणे पासइ २ हट्ठतुट्ठा
आसणाओ अम्भुट्ठेइ २ सत्तट्ठ पयाइं अणुगच्छइ २ ते सत्थवाहदारए
एवं वयासी — संदिंसंतुं णं देवाणुप्पिया ! किमिहागमणप्पओयणं ।
तए णं ते सत्थवाहदारगा देवदत्तं गणियं एवं वयासी — इच्छामो णं
देवाणुप्पिए ! तुक्कोहिं सद्धिं सुभूमिभागस्स उज्जाणसिरिं पच्चणुव्वभव-
माणा विहरित्तए । तए णं सा देवदत्ता तेसिं सत्थवाहदारगाणं एयमट्ठं
पडिसुणेइ २ ण्हाया कयवलिकम्मा किं ते पवर जाव सिरिसमाणवेसा

जेणेव सत्थवाहदारगा तेणेव उवागया । तए णं ते सत्थवाहदारगा देव-
दत्ताए गणियाए सद्धिं जाणं दुरूहंति २ चंपाए नयरीए मज्झमज्जेणं
जेणेव सुभूमिभागे उज्जाणे जेणेव नंदापोक्खरिणी तेणेव उवागच्छंति
२ पवहणओ पच्चोरुहंति २ नंदापोक्खरिणी ओगाहंति २ जलमज्जणं
करंति जलकिं करंति ण्हायी देवदत्ताए सद्धिं पच्चुत्तरंति जेणेव थूणा-
मंडवे तेणेव उवागच्छंति २ अणुप्पविसंति २ सच्चालंकारभूसिया आसत्था
वीसत्था सुहासणवरगया देवदत्ताए सद्धिं तं विपुलं असणं ४ धूवपुप्फ-
गोधवत्थं आसाएमाणा विसाएमाणा परिभाएमाणा परिभुंजंति एवं च णं
विहरंति जिमियभुत्ततरागया वि य णं समाणा आयंता देवदत्ताए सद्धिं
विपुलाइं कामभोगाइं मुंजमाणा विहरंति ।

(52) तए णं ते सत्थवाहदारगा पुव्वावरणहकालसमयांसि देव-
दत्ताए गणियाए सद्धिं थूणामडवाओ पडिनिक्खमंति २ हत्थसंगेहीए
सुभूमिभागे वहूसु आळिघरएसु जाव कुसुमघरएसु य उज्जाणसिरिं पच्च-
णुब्भवमाणा विहरंति ।

(53) तए णं ते सत्थवाहदारगा जेणेव से मालुयाकच्छए तेणेव
पहारेत्थ गमणाए । तए णं सा वणमयूरी ते सत्थवाहदारए एज्जमाणे
पासइ २ भीया तत्था महया २ सहेणं केकारवं विणिमुयमाणी २
मालुयाकच्छाओ पडिनिक्खमइ २ एगंसि रुक्खडालयंसि ठिच्चा ते सत्थ-
वाहदारए मालुयाकच्छं च अणिमिसाए दिट्ठीए पेहंमाणी २ चिट्ठइ । तए णं
ते सत्थवाहदारगा अन्नमन्नं सहावेंति २ एवं वयासी — जहा णं देवाणु-
प्पिया ! एसा वणमयूरी अम्हे एज्जमाणे पासित्ता भीया तत्था तसिया
उव्विग्गा पलाया महया २ सहेणं जाव अम्हं मालुयाकच्छयं च पेच्छमाणी
२ चिट्ठइ तं भवियव्वमेत्थ कारणेणं तिकट्ठु मालुयाकच्छयं अतो अणुप्प-
विसति । तत्थ णं दो पुट्ठे परियागए जाव पासित्ता अन्नमन्नं सहावेंति २
एवं वयासी — सेयं खलु देवाणुप्पिया ! अम्हं इमे वणमयूरीअंडए
साणं जाइमत्ताणं कुक्कुडियाणं अंडएसु पक्खिवावित्तए । तए णं ताओ
जाइमत्ताओ कुक्कुडियाओ एणं अंडए सए य अंडए सएणं पंखवाएणं

सारक्खमाणीओ संगोर्वेमाणीओ विहरिस्संति । तए णं अम्हं एत्थ दो
कीलावणगा मयूरपोयगा भविस्संति त्तिकट्ठु अन्नमन्नसं पयमद्वं पढि-
सुणेंति २ सए सए दासचेडए सहावेंति २ एवं वयासी - गच्छइ णं
तुम्हे देवाणुप्पिया । इमे अंडए गहाय सगाणं कुक्कुडीणं अंडए सु पक्खि-
वह जाव ते पक्खिवेंति । तए णं ते सत्थवाहदारगा देवदत्ताए गणियाए
साद्धं सुभूमिभागस्स उज्जाणसिरिं पच्चणुब्भवमाणा विहरित्ता तमेव
जाणं दुरूढा समाणा जेणेव चंपा नयरी जेणेव देवदत्ताए गणियाए गिह्
तेणेव उवागच्छंति २ देवदत्ताए गिहं अणुप्पविस्संति २ देवदत्ताए
गणियाए विउलं जीवियारिहं पीइदाण दलयंति २ सकारेंति सम्माणेति २
देवदत्ताए गिहाओ पढिनिक्खमांति २ जेणेव सयाइं २ गिहाइं तेणेव
उवागच्छंति २ सकम्मसंपत्ता जाया यावि होत्था ।

(54) तत्थ णं जे से सागरदत्तपुत्ते सत्थवाहदारए से णं कलं
जाव जलंते जेणेव से वणमयूरीअंडए तेणेव उवागच्छइ २ तंसि मयूरी-
अंडयंसि संकिए कंखिए विइगिच्छसमावन्ने भेयसमावन्ने कलुससमावन्ने
किन्नं ममं एत्थ कीलावणए मयूरपोयए भविस्सइ उदाहु नो भविस्सइ
त्तिकट्ठु तं मयूरीअंडयं अभिक्खणं २ उव्वंत्तेइ परियत्तेइ आसारेइ
संसारेइ चालेइ फंदेइ घट्टेइ खोभेइ अभिक्खणं २ कण्णमूलंसि टिट्ठि-
यावेइ । तए ण से वणमयूरीअंडए अभिक्खणं २ उव्वत्तिज्जमाणे जाव
टिट्ठियावेज्जमाणे पोच्चडे जाए यावि होत्था । तए णं से सागरदत्तपुत्ते
सत्थवाहदारए अन्नया कयाइं जेणेव से वणमयूरीअंडए तेणेव उवागच्छइ
२ तं मयूरीअंडयं पोच्चडमेव पासइ २ अहो णं ममं एत्थ कीलावणए
मयूरपोयए न जाए त्तिकट्ठु ओहयमण जाव झियायइ । एवामेव समणा-
उसो । जो अम्हं निगंथो वा २ आयरियउवज्झायाणं अंतिए पव्वइए
समाणे पंचमहव्वएसु जाव छज्जीवनिकाएसु निगंथे पावयणे संकिए
जाव कलुससमावन्ने से णं इहभवे चेव बहूणं समणानं २ बहूणं सावगाण
सावियाणं हीलणिज्जे निंदाणिज्जे खिसणिज्जे गरहणिज्जे परिभवणिज्जे
परलोए विय णं आगच्छइ बहूणि वंडणाणि य जाव ससारं अणुपरियट्टइ ।

• (55) तए णं से जिणदत्तपुत्ते जेणेव से मयूरीअंडए-तेणेव उवा-
गच्छइ २ तंसि मयूरीअंडयंसि निस्संकिए सुव्वत्तए णं मम एत्थ कीला-
वणए मयूरपोयए भविस्सइ त्तिकट्ठु तं मयूरीअंडयं अभिक्खणं २ नो
उव्वत्तेइ जाव नो टिट्ठियावेइ । तए णं से मयूरीअंडए अणुव्वत्तिब्ज-
माणे जाव अटिट्ठियाविज्जमाणे कालेणं समएणं उब्भिन्नमयूरपोयए एत्थ
जाए । तए णं से जिणदत्तपुत्ते मयूरपोययं पासइ २ हट्ठुट्ठे मयूर-
पोसए सहावेइ २ एवं बयासी - तुम्हे णं देवाणुप्पिया । इमं मयूरपोयगं
बहूहिं मयूरपोसणपाओग्गेहिं दव्वेहिं अणुपुव्वेणं सारक्खमाणं संगो-
वेमाणं सुव्वहेइ नट्ठुल्लगं च सिक्खावेह । तए णं ते मयूरपोसगा
जिणदत्तस्स पुत्तस्स एयमट्ठं पडिसुणोति २ तं मयूरपोयगं गेण्हंति जेणेव
सए गिहे तेणेव उवागच्छंति २ तं मयूरपोयगं जाव नट्ठुल्लगं सिक्खा-
वेंति । तए णं से वणमयूरपोयए उम्मुक्कवालभावे विन्नाय जाव लक्खण-
वंजणगुणोवए माणुस्माणप्पमाणपडिपुण्णपक्खपेहुणकलावे विचित्तापिच्छ-
सत्तचंदए नीलकंठए नच्चणसीलए एगाए चप्पुडियाए कयाए समाणीए
अणेगाइ नट्ठुल्लगसयाइं केकारवसयाणि य करेमाणे विहरइ । तए णं
ते मयूरपोसगा तं मयूरपोयगं उम्मुक्क जाव करेमाणं पासित्ताणं तं मयूरपोयगं
गेण्हंति २ जिणदत्तपुत्तस्स उव्वणोति । तए णं से जिणदत्तपुत्ते सत्थवाहदारए
मयूरपोयगं उम्मुक्क जाव करेमाणं पासित्ता हट्ठुट्ठे तेसिं विपुलं ज्जीवियारिइं
पीइदाणं दलयइ २ पडिविसज्जेइ । तए णं से मयूरपोयगे जिणदत्तपुत्तेणं
एगाए चप्पुडियाए कयाए समाणीए नंगोलाभंगसिरोधरे सेयावंगे
ओरालियपइण्णपक्खे उक्खित्तचंदकाइयकलावे केक्काइयसयाणि विमुंच-
माणे नच्चइ । तए णं से जिणदत्तपुत्ते तेणं मयूरपोयएणं चंपाए नयरीए
सिंघाडग जाव पहेसु सएहि य साइस्सिएहि य सयसाइस्सिएहि य पणि-
एहि य जयं करेमाणे विहरइ । एवामेव समणाउसो । जो अम्हं निगंथो
वा २ पव्वइए समाणे पंचमहव्वएसु छज्जीवनिकाएसु निगंथे पावयणे
निस्संकिए निक्कखिए निव्विइंगिच्छे से णं इहभवे चेव बहूणं समणाणं

जाव वीइवइस्सइ ।

एवं खलु जंदू ! समणेणं जाव संपत्तेणं नायाणं तच्चस्स अज्झ-
यणस्स अयमद्वे पन्नत्तोत्ति वेमि ॥

॥ तच्च अज्झयणं समत्तं ॥ ३ ॥

॥ चउत्थं अज्झयणं ॥ •

(56) जइ णं भंते ! समणेण ३ नायाणं तच्चस्स नायज्झयणस्स अयमट्ठे-पन्नत्ते चउत्थस्स णं नायाणं के अट्ठे पन्नत्ते ? इवं खलुं जंवू ! तेणं कालेणं २ वाणारसी नामं नयरी होत्था वण्णओ । तीसे णं वाणारसीए नयरीए उत्तरपुरत्थिमे दिसीभाए गंगाए महानईए• मयंगतीरइहे नामं दहे होत्था आणुप्पुवसुजायवप्पगंभीरसीयलज्जे अच्छविमलसलिल-पुल्लिच्छन्ने संछन्नपत्तपुप्फपलासे बहुउप्पलपत्तमकुसुयत्तलिणसुभगसोगं-धियपुंडरीयमहापुंडरीयसयपत्तसहस्सपत्तकेसरपुप्फोवाचिए पासाईए ४ । तत्थ णं बहूणं मच्छाण य कच्छभाण य गाहाण य मगराण य सुंसु-माराण य सयाणि य सहस्साणि य सयसहस्साणि य जूहाइं निब्भयाइं निरुव्विग्गाइं सुहंसुहेणं अभिरममाण्णइं २ विहरंति । तस्स णं मयंगतीर-इहस्स अदूरसामंते एत्थ णं महं मौलुयाकच्छए होत्था वण्णओ । तत्थ णं दुवे पावसियालगा परिवसंति पावा चंडा रुद्धां तल्लिच्छा साहसिया लोहियपाणी आमिसत्थी आमिसाहारा आमिसप्पिया आमिसलोला आमिसं गवेसमाणा रत्तिं वियालचारिणो दिर्यां पच्छंन्नं वि चिट्ठंति । तए णं ताओ मयंगतीरइहाओ अन्नया कयाइं सूरियंसि चिरत्थमियंसि लुलि-याए संझाए पविरलमाणुसंसि निसंतपडिनिस्तंतंसि समाणंसि दुवे कुम्मगा आहारत्थी आहारं गवेसमाणा सणियं २ उत्तरंति तस्सेव मयंगतीर-इहस्स परिपेरंतेणं सव्वओ समंता परिघोलेमाणा २ वित्तिं कप्पेमाणा विहरंति । तयाणंतं च णं ते पावसियालगा आहारत्थी जाव आहारं गवेसमाणा मौलुयाकच्छगाओ पडिनिक्खमंति २ जेणेव मयंगतीरइहे तेणेव उवागच्छंति २ तस्सेव मयंगतीरइहस्स परिपेरंतेणं परिघोलेमाणा २ वित्तिं कप्पेमाणा विहरंति । तए णं ते पावसियाला ते कुम्मए पासंति २ जेणेव ते कुम्मए तेणेव पहारेत्थ गमणाए । तए णं ते कुम्मगा पावसियालपु एज्जमाणे पासंति २ भीया तत्था तसिया उव्विग्गा संजाय-मया हत्थे य पाए य गांवाए य सएहिं २ काएहि साहरंति २ निच्चला निष्फंदा तुसिणीय संचिट्ठंति । तए णं ते पावसियालगा जेणेव ते कुम्मगा

तेणेव उवागच्छंति २ ते कुम्मगा सव्वओ समंता उव्वत्तेति परियत्तेति आसारेति ससारंति चालेति घट्टेति फंदंति खोभेति नहेहि आलुपति' दंतोहि यं अक्खोडंति नो चेव ण सचाएंति तेसिं कुम्मगाण सरीस्स आवाहं वा पवाहं वा वावाहं वा उप्पाइत्तए छविच्छेय वा करित्तए । तए ण ते पावसियाळगा ते कुम्मए दोच्चपि तच्चपि सव्वओ समंता उव्वत्तेति' जाव नो चेव ण संचाएंति करित्तए ताहे सता तता परितंता निव्विण्णा समाणा सणिय २ पच्चोसकंति एगंतमवक्कमति २ निच्चल्ला निप्फंत्ता तुसिणीया संचिद्धति । तत्थ ण एगे कुम्मए ते पावसियाळए चिरगए दूरंगए जाणित्ता सणिय २ एगं पाय निच्छुभइ । तए णं ते पावसियाळगा तेण कुम्मएणं सणियं २ एग पाय नीणिय पासंति २ सिग्घं तुरियं चवलं चंडं जइण वेगियं जेणेव से कुम्मए तेणेव उवागच्छति २ तस्स ण कुम्मगस्स तं पायं नखेहिं आलुपति दंतोहि अक्खोडंति तओ पच्छा मस च सोणिय च आहारंति २ तं कुम्मगं सव्वओ समंता उव्वत्तेति जाव नो चेव ण सचाएंति करित्तए ताहे दोच्चपि अवक्कमंति एवं चत्तारि वि पाया जाव साणिय २ गीव नीणेइ । तए णं ते पावसियाळगा तेणं कुम्मएण गीवं नीणियं पासति २ सिग्घ चवल ४ नहेहिं दंतोहि य कवाल विहाडंति २ त कुम्मगं जीवियाओ ववरोवेंति २ मंस च सोणियं च आहारंति । एवामेव समणाउसो । जो अम्ह निग्गतो वा २ आयरियउवज्झायाण अतिए पव्वइए समाणे पच य से इंदिया अगुत्ता भवंति से णं इहभवे चेव वहुण समणाण ४ हीलणिज्जे परलोए वि य णं आगच्छइ वहुणं दहणाणं जाव ससार अणुपरियट्टइ जहा व से कुम्मए अगुत्तिंदिए । तए णं ते पावसियाळगा जेणेव से दोच्चे कुम्मए तेणेव उवागच्छंति २ तं कुम्मगं सव्वओ समंता उव्वत्तेति जाव दंतोहि अक्खोडंति जाव करित्तए । तए ण ते पावसियाळगा दोच्चपि तच्चपि जाव नो सचायंति तस्स कुम्मगस्स किंचि आवाहं वा विवाहं वा जाव छविच्छेय वा करित्तए ताहे संता तंता परितंता निव्विण्णा समाणा जामेव दिसं 'पाउब्भूया तामेव दिसं पाडिगया । तए णं से कुम्मए ते

पावसियालए चिरगए दूरगए जाणित्ता सणियं २ गीवं नेणेइ २ दिसा-
 वलौयं करेइ २ जमगसमगं चत्तारि वि पाए नीणेइ २ ताए उक्किट्ठाए
 कुम्मगईए वीईवयमाणे २ जेणेव मयंगतीरइहे तेणेव उवागच्छइ २
 मित्तनाईनियगसयणसबंधिपरियणेणं सद्धिं अभिसमन्नागए यावि होत्था ।
 एवामेव समणाउसो । जो अम्हं समणो वा समणी वा पच मंहव्वयाइं
 इंदियाइं गुत्ताइ भवन्ति से^१ णं इहभवे चेव बहूणं समणां ४ नो हील-
 णिल्ले नो निंदणिल्ले परलोए वि य णं सुग्गइं गच्छइ बहूणं नो दंढणाणं
 नो सुंढणाणं जाव संसारं नो अणुपरियट्ठई जहा व से कुम्मए गुत्तिंदिए ।
 - एवं खलु जंबू । समणेणं भगवया महावीरेणं चउत्थस्स नायज्झ-
 यणस्स अथमट्ठे पन्नत्तोत्ति बेमि ॥

॥ चउत्थं नायज्झयणं समत्तं ॥ ४ ॥

॥ पंचरां अज्झयणं ॥

(57) जइ णं भंतें ! समणेणं ३ चउत्थस्स नायज्झगणस्स अयमिद्वे पन्नत्ते पंचमस्स नायज्झयणस्स के अद्वे पन्नत्ते ? एवं सलु जयू ! तेणं कालेणं २ बारवई नामं नयरी होत्था पाईणपडीणास्यां उदीण-
दाहिणवित्थिण्णा नवजोयणवित्थिण्णा दुवालसजोयणायाम् धणवइमइ-
निम्माया चार्मायिरपवरपागारा नाणामणिपचवण्णकविसीसगसोहिया अल-
यापुरिसंकासा पमुइयपक्कीलिया पच्चक्ख देवलोगभूया । तीसे णं बारव-
ईए नयरीए वहिया उत्तरपुरत्थिमे दिसीभाए रेवयगे नामं पव्वए होत्था
तुंगे गर्भाणतलमणुलिहतसिहरे नाणाविहगुच्छगुम्मलयावट्ठिपरिगए हंस-
मियमयूरकोंचसारसचक्कवायमयणमालकोइलकुलोववेए अणेगंतडकडग-
वियरउज्झरपवायपव्वभारसिहरपउरे अच्छरगणदेवसंधचारणविज्जाहर-
मिहुणसंविचिण्णे निच्चच्छणए दसारवरवीरपुरिसतेलोक्खलवगाणं
सोमे सुभगे पियदंसणे सुरूवे पासाईए ४ । तस्स ण रेवयगस्स अदूर-
सामंते एत्थ णं नंदणवणे नामं उज्जाणे होत्था सव्वर्यपुप्फफलसामिद्वे
रम्मे नंदणवणप्पगासे पासाईए ४ । तस्स णं उज्जाणस्स बहुमज्झदेसभाए
सुरप्पिए नामं जक्ख्वाययणे होत्था वण्णओ । तत्थ णं बारवईए नयरीए
कण्हे नामं वासुदेवे राया परिवसइ । से ण तत्थ समुहविजयपामो-
क्खाणं दसण्हं दसाराणं बलदेवपामोक्खाणं पचण्ह महावीराणं उगसेण-
पामोक्खाणं सोलसण्हं राईसहस्साणं पज्जुन्नपामोक्खाणं अद्दुट्ठाणं कुमार-
कोडीणं संबपामोक्खाणं सट्ठीए दुइतसाहस्सीणं वीरसेणपामोक्खाणं
एक्कवीसाए वीरसाहस्सीणं महासेणपामोक्खाणं छप्पन्नाए बलवगसाह-
स्सीणं रुप्पिणिपामोक्खाणं वत्तीसाए महिलासाहस्सीणं अणगसेणा-
पामोक्खाणं अणेगाणं गणियासाहस्सीणं अन्नेसि च बहूणं राईसरतल-
वर जाव सत्थवीहपभिईणं वेयडुगिरिसागंरपेरंतस्स य दादिणडुभरहस्स
य बारवईए नयरीए आदेवच्च जाव पालेमाणे विहरइ ।

(58) तत्थ णं बारवईए थावच्चा नाम गाहावइणी परिवंसइ अड्डा
जाव अपरिभूया । तीसे ण थावच्चाए गाहावईणीए पुत्ते थावच्चापुत्ते

नामं सत्यवाहदारए होत्था सुकुमालपाणिपाए जाव सुरूवे । तए णं सा
 थावञ्चा गाहावहणी तं दारगं साइरेगअट्ठवासजायं जाणित्ता सोहणंसि
 तिहिकरणनक्खत्तमुट्ठत्तंसि कलयारियस्स उवणेइ जाव भीगसमत्थं
 जाणित्ता । वत्तीसाए इब्भकुलबालियाण एगदिवसेणं पाणिं गेण्हावेइ
 वत्तीसओ दाओ जाव वत्तीसाए इब्भकुलबालियाहिं सद्धिं विपुले सइ-
 फरिसरसरूववण्णगंधे जाव भुंजमाणे विहरइ । तेणं कालेणं २ अरहा
 अरिट्ठनेमी सो चेष वण्णओ दसघणुस्सेहे निलुप्पलगवलगुलियअयासि-
 कुसुमप्पगासे अट्ठारसहि समणसाहस्सीहिं चत्तालीसाए अज्जिआसाह-
 स्सीहिं सद्धिं संपरिवुडे पुव्वाणुपुर्व्व चरमाणे जाव जेणेव बारवई नगरी
 जेणेव रेवयगपव्वए जेणेव नंदणवणे उज्जाणे जेणेव सुरापियस्स
 जक्खस्स जक्खाययणे जेणेव असोगवरपायवे तेणेव उवागच्छइ २
 अहापडिरूवं उगगहं ओगिणिहत्ता संजमेणं तवसा अप्पाणं भावेमाणे
 विहरइ । परिसा निग्गम्या धम्मो कहिओ । तए णं से कण्हे वासुदेवे
 इमीसे कहाए लद्धट्ठे समाणे कोहुंबियपुरिसे सहावेइ २ एवं वयासी —
 खिप्पामेव भो देवाणुप्पिया ! सभाए सुहम्माए मेघोघरसियं गंभीर-
 महरुसइं कोमुइयं भेरिं तालेइ । तए णं ते कोहुंबियपुरिसा कण्हेणं
 वासुदेवेणं एवं वुत्ता समाणा हट्ठ जाव मत्थए अंजलिं कट्ठु एवं
 सीमी । तह त्ति जाव पडिसुणेंति २ कण्हस्स वासुदेवस्स अंतियाओ
 पडिनिक्खमंति २ जेणेव सभा सुहम्मा जेणेव कोमुइया भेरी तेणेव
 उवागच्छंति २ तं मेघोघरसियगंभीरमहरुसइं कोमुइयं भेरिं तालेंति ।
 तओ निद्धमहरुगंभीरपडिसुएणं पिव सारइएण बलाहएणं अणुरसियं
 भेरीए । तए ण तीसे कोमुइयाए भेरीए तालियाए समाणीए बारवईए
 नयरीए नवजोयणवित्थिण्णाए दुवालसजोयणायाप्पाए सिंघाडगतिथ-
 चउक्कचच्चरकंदरदरीविवरकुहरगिरिसिहरनगरगोपुरपासायदुर्वारभवणदेउ-
 लपडिस्सुयासयसहस्ससंकुलं करेमाणे बारवईए नयरीए सन्भिन्तरबाहि-
 रियं सव्वओ समता सदे विप्पसरित्था । तए णं बारवईए नयरीए
 नवजोयणवित्थिण्णाए बारसजोयणायाप्पाए समुइविजयपामोक्खा दस

दसारा जाव गाणियासहस्सुइं कोमुईयाए भेंरीए सहं सोच्चा निसम्म हट्टुट्ठा जाव ण्हाया आविद्धवग्घारियमल्लदामकलावा अहयवत्थचंदणो-
 किंन्नगायसरिआ अप्पेगइया हयगया एवं गयगया रहसीयासंदमाणीगया
 अप्पेगइया यायविहारचारेणं पुरिसवग्गुरापारिक्खित्ता कण्हस्स वासुदेवस्स
 अंतिए पाउवभवित्था । तए णं से कण्हे वासुदेवे समुदविजयपामोक्खे
 दस दसारे जाव अंतियं पाउवभवमाणे पासित्ता हट्टुट्ठे जाव कोडुविय-
 पुरिसे सहावेइ २ एवं वयासी - खिप्पामेव भो देवाणुप्पिया ! चाउर-
 गिणिं सेणं सज्जेइ विजयं च गंधहत्थि उवट्ठवेइ । तेवि तहेव उवट्ठवेंति
 जाव पज्जुवासंति ।

(59) थावच्चापुत्ते वि निग्गाए जहा मेहे तहेव धम्मं सोच्चा
 निसम्म जेणेव थावच्चा गाहावइणी तेणेव उवागच्छइ २ पायग्गहण
 करेइ जहा मेहस्स तहा चेव निवेयणा जाहे नो सचाएइ विसयाणुलोमाहि
 य विसयपडिकूलाहि य वहूहिं आघवणाहि य पन्नवणाहि य सन्नवणाहि
 य विन्नवणाहि य आघवित्तए वा ४ ताहे अकामिया चेव थावच्चापुत्तस्स
 निक्खमणमणुमन्नित्था । तए णं सा थावच्चा आसणाओ अब्भुट्ठेइ २
 महत्थं महग्घ महरिह रायारिहं पाहुड गेण्हइ २ मित्त जाव सपरिवुद्धा
 जेणेव कण्हस्स वासुदेवस्स भवणवरपडिट्टुवारटेसभाए तेणेव उवा-
 गच्छइ २ पडिहारदेसिएणं मग्गेण जेणेव कण्हे वासुदेवे तेणेव उवा-
 गच्छइ २ करयल जाव वद्धावेइ २ तं महत्थ ३ पाहुडं उवणेइ २ एवं
 वयासी - एवं खलु देवाणुप्पिया । मम एगे पुत्ते थावच्चापुत्ते नामं
 दारए इट्ठे जाव ससारभउव्विग्गे भीए इच्छइ अरहओ अरिट्ठनेमिस्स जाव
 पव्वइत्तए । अहं णं निक्खमणसक्कारं करेमि । इच्छामि ण देवाणु-
 प्पिया । थावच्चापुत्तस्स निक्खममाणस्स छत्तमउडचामराओ य विट्ठि-
 न्नाओ । तए णं कण्हे वासुदेवे थावच्चागाहावइणी एव वयासी - अच्छाहि
 णं तुमं देवाणुप्पिए ! सुनिव्वयवीसत्था । अहं ण सयमेव थावच्चा-
 पुत्तस्स दारगस्स निक्खमणसक्कारं करिस्सामि । तए णं से कण्हे
 वासुदेवे चाउरंगिणीए सेणाए विजयं हत्थिरयणं दुरुदे समाणे जेणेव

थावच्चाए गाहावइणीए भवणे तेणेव उवागच्छइ २. थावच्चापुत्तं एवं वयासी - मां णं तुमं देवाणुप्पिया ! मुंढे भवित्ता पव्वयाहि । मुंजाहि ण देवाणुप्पिया । विपुले माणुस्सए कामभोगे मम बाहुच्छायापरिग-
हिए । केवलं देवाणुप्पियस्स नो संवाएमि वाउकायं उवरिमेणं गच्छ-
माणं निवारित्तए । अन्ने णं देवाणुप्पियस्स जं किंचि अभाहं वा विबाहं
वा उप्पाएइ तं सव्वं निवारेमि । तए णं से थावच्चापुत्ते कण्हेणं
वासुदेवेणं एवं वुत्ते समाणे कण्हं वासुदेवं एवं वयासी - जइ णं देवाणु -
प्पिया ! मम जीवियंतकरणिब्जं मच्चुं एज्जमाण निवारेसिं जर वा
सरीरूवविणीसाणिं सरीरं अइवयमाणं निवारेसि तए णं अहं तव
बाहुच्छायापरिगहिए विउले माणुस्सए कामभोगे मुंजमाणे विहरामि ।
तए णं से कण्हे वासुदेवे थावच्चापुत्तेणं एवं वुत्ते समाणे थावच्चापुत्तं
एवं वयासी - एए ण देवाणुप्पिया दुरइक्कमणिज्जा । नो खलु
सक्का सुबलिएणावि • देवेण वा दाणवेण वा निवारित्तए नन्नत्थ
अप्पणो कम्मक्खएणं । तए णं से थावच्चापुत्ते कण्हं वासुदेवं एवं
वयासी - जइ ण एए दुरइक्कमणिज्जा नो खलु सक्का सुबलिएणावि देवेण
वा दाणवेण वा निवारित्तए नन्नत्थ अप्पणो कम्मक्खएणं तं इच्छामि
णं देवाणुप्पिया ! अन्नाणमिच्छत्तअविरइक्कसायसंचियस्स अत्तणो कम्म-
क्खयं करित्तए । तए णं से कण्हे वासुदेवे थावच्चापुत्तेणं एवं वुत्ते
समाणे कोहुंबियपुरिसे सहावेइ २ एवं वयासी - गच्छइ ण देवाणुप्पिया ।
वारवईए नयरीए सिंघाडगतिग जाव पहेसु य हत्थिखंधवरगया महया २
सदेणं उग्घोसेमाणा २ उग्घोसणं करेइ - एवं खलु देवाणुप्पिया !
थावच्चापुत्ते संसारभजविग्गे भीए जम्मणमरणाणं इच्छइ अरहओ
अरिट्ठनेमिस्स अंतिए मुंढे भवित्ता पव्वइत्तए । तं जो खलु देवाणुप्पिया !
राया वा जुवराया वा देवी वा कुमारे वा ईसरे वा तलवरे वा कोहुं-
बियमाढंबियइक्कभसोद्विसेणावइसत्थवाहे वा थावच्चापुत्तं पव्वयंतमणु-
पव्वयइ तस्स णं कण्हे वासुदेवे अणुजाणइ पच्छाउरस्स वि य से मित्त-
नाइनियगसंबंधिपरिजणस्स जोगक्खेमं वट्टमाणं पडिवइइ त्तिकट्ठु घोसणं

घोसेह जाव घोसंवि । तए ण थावच्चापुत्तस्म अणुराएण पुरिससहस्स
 निक्खमणाभिमुह ण्हायं जाव सञ्चालकारविभूसियं पत्तेयं २ पुरिमसहस्स-
 बाहिणीसु^० सिवियासु दुरुद्ध समेण भित्तनाडपरिवुद्ध थावच्चापुत्तस्स
 अंतियं पाउब्भूयं । तए णं से कण्हे वासुदेवे पुरिससहस्स अतिय पाउ-
 ञ्चममाणं पासइ. २ कोहुवियपुरिसे सदावेइ २ एव वयासी — जहा मेहस्स
 निक्खमणाभिसेओ तहैव सेयापीएहिं कलसेहिं ण्हावेइ जाव अरहओ अरिद्ध-
 नेमिस्स छत्ताइच्छत्तं पढागाइपढागं पासइ २ विज्जाहरचारणे जाव पासित्ता
 सीयाओ. पच्चोरुहइ । तए ण से कण्हे वासुदेवे थावच्चापुत्त पुरओ
 काउं जेणेव अरहा अरिद्धनेमी सञ्च त चेव जाव आभरण ओमुयइ । तए
 णं सा थावच्चा गाहावईणी हसलक्खणेण पढगसाढएण आमरणमहा-
 लंकारं पडिच्छइ हारवारिधाराछिन्नमुत्तायलिप्पगामाइ असूणि विणिमुच-
 माणी २ एवं वयासी — जइयव्व जाया ! घटियव्व जाया ! परक्क-
 मियव्व जाया ! आस्सि च णं अट्ठे नो पमाएयव्व । जामेव दिसिं पाउ-
 ञ्भूया तामेव दिसिं पडिगया । तए ण से थावच्चापुत्ते पुरिससहस्सेण
 सद्धिं सयमेव पंचमुट्ठियं लोय करेइ जाव पञ्चइए । तए ण से थावच्चा-
 पुत्ते अणगारे जाए इरियासमिए भासासमिए जाव विहरइ । तए णं से
 थावच्चापुत्ते अरहओ अरिद्धनेमिस्स तहारूवाण थेराण अतिए सामा-
 इयमाइयाइं इक्कास अंगाइ चोइसपुव्वाइ अहिच्चइ २ वहुहिं जाव चउत्थेणं
 विहरइ । तए णं अरहा अरिद्धनेमी थावच्चापुत्तस्स अणगारस्स तं इन्भाइय
 अणगारसहस्स सीसत्ताए दलयइ । तए णं से थावच्चापुत्ते अन्नया
 कयाइं अरहं अरिद्धनेमिं वंदइ नमसइ २ एवं वयासी — इच्छामि णं
 भंते । तुब्भेहिं अन्नणुन्नाए समाणे अणगारसहस्सेणं सद्धिं वहिया
 जणवयविहार विहरिस्सए । अहासुह देवाणुप्पिया । तए ण से थावच्चापुत्ते
 अणगारसहस्सेण सद्धिं तेणं उरालेण उग्गेण पयत्तेणं पग्गहिणं वहिया
 जणवयविहार विहरइ ।

(60) तेणं कालेण २ सेलगपुरे नामं नगरं होत्या । सुभूमि-
 भागे उज्जाणे । सेलए राया पउर्मावई देवी मडुए कुमारे जुवराया ।

तस्स णं सेल्लगस्स पंथगपामोक्खा णं पंच मंतिसया होत्था उत्पत्तियाए
 ४ उववेया रज्जधुरं चित्तयंति । थावच्चापुत्ते सेल्लगपुरे समोसेढे ।
 राया निग्गाए धम्मकहा । धम्मं सोच्चा जहा णं देवाणुप्पियाणं अंतिए
 बह्वे उग्गा भोगा जाव चइत्ता हिरणं जाव पव्वइया तहा णं अहं नो
 संचाएमि पव्वइत्तए । अहं णं देवाणुप्पियाणं अंतिए पंचाणुव्वइयं
 जाव समणोवासए जाए अहिगयजीवाजीवे जाव अम्पाणं भावेमाणे
 विहरइ । पंथगपामोक्खा पंच मंतिसया य समणोवासया जाया ।
 थावच्चापुत्ते बहिया जणवयविहारं विहरइ । तेणं कालेणं २ सोगं-
 धियां नुमं नयदी होत्था वण्णओ । नीलासोए उज्जाणे वण्णओ । तत्थ णं
 सोगंधियाए नयरीए सुदंसणे नामं नयसेट्ठी परिवसइ ओहु जाव अपरि-
 भूए । तेणं कालेणं २ सुए नामं परिव्वायए होत्था रिउव्वेयजउव्वेय-
 सामवेयअथव्वणवेयसट्ठितंतकुसले • संखसमए लद्धहे पंचर्जामपंच-
 नियमजुत्तं सोयमूलं दसुप्पयारं परिव्वायगधम्मं दाणधम्मं च सोय-
 धम्मं च तित्थाभिसेयं च आधवेमाणे पन्नवेमाणे परूवेमाणे धाउरत्त-
 पवरवत्थपरिहिए तिदंडकुंडियलत्तल्लालयअंकुसपवित्तयकेसरिहत्थगए
 परिव्वायगसहस्सेणं सद्धिं सपरिवुडे जेणेव सोगंधिया नयरी जेणेव परि-
 व्वायगावसहे तेणेव उवागच्छइ २ परिव्वायगावसहंसि भंडगनिकखेवं
 करेइ २ संखसमएणं अप्पाणं भावेमाणे विहरइ । तए णं सोगंधियाए
 नगरीए सिंघाडग जाव बहुजणो अन्नमन्नस्स एवमाइक्खइ — एवं खलु
 सुए परिव्वायए इहमागए जाव विहरइ । परिसा निग्गया । सुदसणो वि
 निग्गाए । तए णं से सुए परिव्वायए तीसे परिसाए सुदंसणस्स अन्नेसि
 च बहूणं संखाणं धम्मं परिकहेइ — एवं खलु सुंदसणा । अम्हं सोय-
 मूलए धम्मे पन्नत्ते । से वि य सोए धम्मे दुविहे पन्नत्ते तंजहा —
 दव्वसोए य भावसोए य । दव्वसोए य उदएण मट्ठियाए य । भावसोए
 दव्वेहि य मंतेहि य । जण अम्हं देवाणुप्पिया । किंचि असुई भवइ
 तं सव्वं सज्जपुढवीए ओलिंपइ तओ पच्छा सुद्धेण वारिणा पक्खा-
 लिज्जइ तओ तं असुई सुई भवइ । एवं खलु जीवा जलाभिसेव-

पूयप्पाणो अविग्घेणं सर्गं गच्छति । तए णं से सुदंसणे सुयस्स आतिए
 धम्मं सोच्चा हट्ठे सुयस्स अंतियं सोयमूलय धम्मं गेण्हइ २
 परिंवायए विचलेणं असणेण ४ पडिछामेमाणे जाव विहरइ । तए
 णं से सुए परिंवायगंवसहाओ सोगंधियाओ नयरीओ निग्गच्छइ २
 बहिया जणवयविहारं विहरइ । तेणं कालेणं २ थावच्चासुत्तस समो-
 सरणं । परिंसा-निग्गया । सुदंसणो वि निग्गओ थावच्चापुत्तं वदइ
 नमसइ २ एवं वयासी - तुम्हाण किंमूलए धम्मे पन्नत्ते ? तए ण से
 थावच्चापुत्ते सुदंसणेण एव वुत्ते समाणे सुदंसण एव वयासी - सुदं-
 सणा । विणयमूले धम्मे पन्नत्ते । से विय विणए दुविहे पन्नत्ते, तजहा-
 अगारविणए अणगारविणए य । तत्थ ण जे से अगारविणए से णं पच
 अणुव्वयाइ सत्त सिक्खावयाइ एक्कारस उवासगपडिमाओ । तत्थ ण जे से
 अणगारविणए से णं पंच महव्वयाइं तजहा - सन्वाओ पाणाइवायाओ
 वेरमणं सन्वाओ मुसावायाओ वेरमणं सन्वाओ अदिन्नादाणाओ वेरमण
 सन्वाओ मेहुणाओ वेरमणं सन्वाओ परिगहाओ वेरमणं सन्वाओ
 राइभोयणाओ वेरमणं जाव मिच्छादंसणसहाओ दसविहे पच्चक्खाणे
 बारस भिक्खुपडिमाओ इच्चेणं दुविहेण विणयमूलएण धम्मेण आणुपुव्वेणं
 अट्ठकम्मपंगडीओ खवेत्ता लोयगपईट्ठाणा भवति । तए णं थावच्चापुत्ते
 सुदंसणं एवं वयासी - तुम्भं णं सुदसणा । किंमूलए धम्मे पन्नत्ते ?
 अम्हाणं देवाणुप्पिया । सोयमूलए धम्मे पन्नत्ते जाव सर्गं गच्छंति ।
 तए णं थावच्चापुत्ते सुदंसणं एव वयासी - सुदसणा । से जहानामए
 केइ पुरिसे एगं महं रुहिरकयं वत्थं रुहिरेण चेव धोवेज्जा तए णं सुद-
 सणा । तस्स रुहिरकयस्स वत्थस्स रुहिरेण पक्खालिज्जमाणस्स अत्थि
 काइ सोही ? नो इणट्ठे समट्ठे । एवामेव सुदंसणा । तुम्भंपि पाणाइ-
 वाएण जाव मिच्छादंसणसहेण नत्थि सोही जहा तस्स रुहिरकयस्स
 वत्थस्स रुहिरेणं चेव पक्खालिज्जमाणस्स नत्थि सोही । सुदंसणा ! से
 जहानामए केइ पुरिसे एगं महं रुहिरकयं वत्थं सज्जियाखारेणं अणु-
 लिपइ २ पयणं आरोहेइ २ उण्हं गाहेइ तओ पच्छा सुद्वेण वारिणा

धोवेज्जं से नूणं सुदंसणा ! तस्स रुहरिकयस्स वत्थस्स सज्जियास्सारेणं
 अणुलित्तस्स पयणं आरोहियस्स उण्हं गाहियस्स सुद्धेणं वारिणा पक्खा-
 लिज्जमाणस्स सोही भवइ ? हंता भवइ । एवामेव सुदंसणा । अम्हं
 पि पाणाइधायवेरमणेणं जाव मिच्छादंसणसल्लवेरमणेणं अत्थि सोही
 जहा बां तस्स रुहरिकयस्स वत्थस्स जाव सुद्धेण वारिणा पक्खालिज्ज-
 माणस्स अत्थि सोही । तत्थ णं सुदंसणे संबुद्धे थावच्चापुत्तं वंदइ नमंसइ
 २ एवं वयासी — इच्छामि णं भते ! धम्मं सोच्चा जाणित्तए जाव
 समणोवासए जाए अभिगयजीवाजीवे जाव पडिलाभेमाणे विहरइ । तए
 णं तस्स सुयस्स परिन्वायगस्स इमीसे कहाए लद्धट्ठस्स समाणस्स अय-
 मेयारूवे जाव समुप्पज्जित्था — एवं खलु सुदंसणेणं सोयधम्मं विप्पज-
 हाय विणयमूले धम्मे पडिवन्ने । तं सेयं खलु मम सुदंसणस्स दिट्ठिं
 वामेत्तए पुणरवि सोयमूलए धम्मे आघवित्तए त्तिकट्ठु एव संपेहेइ २
 परिन्वायगसहस्सेणं सद्धिं जेणेव सोगंधिया नयरी जेणेव परिन्वायगा-
 वसहे तेणेव उवागच्छइ २ परिन्वायगावसहंसि मंडानिक्खेवं करेइ २
 धाउरत्तवत्थपवरपरिहिए पविरलपरिन्वायगेणं सद्धिं सपरिवुडे परिन्वा-
 यगावसहाओ पडिनिक्खमइ २ सोगंधियाए नयरीए मज्झमज्जेणं जेणेव
 सुदंसणस्स गिहे जेणेव सुदंसणे तेणेव उवागच्छइ । तए णं से सुदंसणे
 तं सुयं एज्जमाणं पासइ २ नो अब्भुट्ठेइ नो पच्चुग्गच्छइ नो आढाइ
 नो वंदइ तुसणीए सचिद्धइ । तए ण से सुए परिन्वायए सुदंसण
 अणुब्भुट्ठियं पासित्ता एवं वयासी — तुम्हे णं सुदंसणा ! अन्नया ममं
 एज्जमाणं पासित्ता अब्भुट्ठेसि जाव वदसि । इयारिं सुदंसणा ! तुमं
 मम एज्जमाणं पासित्ता जाव नो वंदसि । तं कस्स णं तुमे सुदंसणा !
 इमेयारूवे विणयमूले धम्मे पडिवन्ने ? तए णं से सुदंसणे सुएणं परि-
 न्वायगेणं एवं तुत्ते समाणे आसणाओ अब्भुट्ठेइ २ करयल जाव सुयं
 परिन्वायगं एवं वयासी — एवं खलु देवाणुप्पिया ! अरहओ अरिद्ध-
 नेमिस्स अंतेवासी थावच्चापुत्ते नामं अणगारे जाव इहमागए इह चेव
 नीलासोए उज्जाणे विहरइ । तस्स णं अंतिए विणयमूले धम्मे पडिवन्ने ।

तए णं से सुए सुदंसणं एवं वयासी — तं गच्छामो णं सुदसणा । तव
धम्मायरियस्स थावच्चापुत्तस्स अंतियं पाउव्ववामो इमां च णं एया-
रूबाइं अट्ठाइं हेऊइं पसिणाइं कारणाइं वागरणाइं पुच्छामो । तं जइ
मे से इमाइं अट्ठाइ जाव वागरइ तओ णं वदामि नमसामि । अह मे से
इमाइं अट्ठाइ जाव नो से वागरेइ तओ णं अहं पणहि धेव अट्ठेहि
हेऊहिं निष्पट्ठपसिणवागरणं करिस्सामि । तए ण से सुए परिव्वायग-
सहस्सेणं सुदंसणेण य सेट्ठिणा सद्धि जेणेव नीलासोए उज्जाणे जेणेव
थावच्चापुत्ते अणगारे तेणेव उवागच्छइ २ थावच्चापुत्तं एवं वयासी
— जत्ता ते भते ! जवणिज्ज ते अन्वावाह फासुयविहार ? तए ण
से थावच्चापुत्ते सुएणं एवं वुत्ते समाणे सुय परिव्वायग एवं वयासी
— सुया ! जत्तावि मे जवणिज्ज पि मे अन्वावाह पि मे फासुविहारं पि
मे । तए ण सुए थावच्चापुत्त एवं वयासी — किं भते ! जत्ता ? सुया !
ज ण मम नाणदंसणचरित्तवसजममाइणहि जोणहिं जोयणा से तं
जत्ता । से किं त भंते ! जवणिज्ज ? सुया ! जवणिज्जे दुविहे पन्नत्ते
तंजहा — इदियजवणिज्जे य नोइदियजवणिज्जे य । मे किं त इदिय-
जवणिज्जं ? सुया ! जं णं ममं सोयंदियचक्खिदियघाणिदियजिह्वि-
दियफासिंदियाइं निरुवहयाइ वसे वट्ठंति से त इदियजवणिज्जे । से
किं तं नोइंदियजवणिज्जे ? सुया ! जं ण कोहमाणमायालोभा स्त्रीणा
उवसंता नो उदयंति से तं नोइंदियजवणिज्जे । से किं त भते ! अन्वा-
वाहं ? सुया ! जं णं मम वाइयपित्तियसिभियसन्निवाइयविविहरोगायंका
नो उदीरंति से त अन्वावाह । से किं त भंते ! फासुविहार ? सुया ! जं णं
आरामेसु उज्जाणेषु देउलेसु सभासु पत्तासु इत्थीपसुपढगविज्जयासु
वसहीसु पाढिहारियं पीढफलगसेज्जासथारयं ओगिण्हित्ताण विहरामि
से तं फासुविहारं । सरिसवया भंते ! किं भक्खेया अभक्खेया ? सुया !
सरिसवया भक्खेया वि अभक्खेया वि । से केणट्ठेणं भंते ! एवं वुच्चइ
सरिसवया भक्खेया वि अभक्खेया वि ? सुया ! सरिसवया दुविहा
पन्नत्ता तंजहा — भित्तसरिसवया य धन्नसरिसवया य । तत्थ ण जे ते

मिच्चसरिसवया ते तिविहा पन्नत्ता तंजहा - सहजायया सहवड्डियया सहपंसुकीलिया य । ते णं समणाणं निग्गथाणं अभक्खेया । तत्थ णं जे ते धम्मसरिसवया ते दुविहा पन्नत्ता तंजहा - सत्थपरिणया य असत्थपरिणया य । तत्थ णं जे ते असत्थपरिणया ते समणाणं निग्गथाणं अभक्खेया । तत्थ णं जे ते सत्थपरिणया ते दुविहा पन्नत्ता तंजहा - फासुया य अफासुया य । अफासुया णं सुया ! नो भक्खेया । तत्थ णं जे ते फासुया ते दुविहा पन्नत्ता तंजहा - जाइया य अजाइया य । तत्थ णं जे ते अजाइया ते अभक्खेया । तत्थ णं जे ते जाइया ते दुविहा पन्नत्ता तंजहा - एसणिज्जा य अणेसणिज्जा य । तत्थ णं जे ते अणेसणिज्जा ते अभक्खेया । तत्थ णं जे ते एसणिज्जा ते दुविहा पन्नत्ता तंजहा - लद्धा य अलद्धा य । तत्थ णं जे ते अलद्धा ते अभक्खेया । तत्थ णं जे ते लद्धा ते निग्गथाणं भक्खेया । एएणं अट्ठेणं सुया ! एवं वुच्चइ सरिसवया भक्खेया वि अभक्खेया वि । एवं कुलत्था वि भाणियन्वा नवरं इमं नाणत्तं - इत्थिकुलत्था य धम्मकुलत्था य । इत्थिकुलत्था तिविहा पन्नत्ता तंजहा - कुलवड्डूया य कुलमाडया इ य कुलधूया इ य । धम्मकुलत्था तहेव । एवं मासा वि नवरं इमं नाणत्तं - मासा तिविहा पन्नत्ता तंजहा - कालमासा य अत्थमासा य धम्ममासा य । तत्थ णं जे ते कालमासा ते णं दुवाल्सविहा पन्नत्ता तंजहा - सावणे जाव आसाढे । ते णं सममाणं २ अभक्खेया । अत्थमासा दुविहा - रूपमासा य सुवण्णमासा य । ते ण अभक्खेया । धम्ममासा तहेव । एगे भवं दुवे भवं अणेगे भवं अक्खए भवं अण्वए भवं अवट्ठिए भवं अणेगभूयभावभविए वि भवं ? सुया ! एगे वि अहं जाव अणेगभूयभावभविए वि अहं । से केणट्ठेणं भंते ! एगेवि अहं जाव सुया ! दण्वट्ठयाए एगे वि अहं नाणदंसणट्ठयाए दुवे वि अहं पएसट्ठयाए अक्खए वि अहं अण्वए वि अहं अवट्ठिए वि अहं उवओगट्ठयाए अणेगभूयभावभविए वि अहं । एत्थ णं से सुए संबुद्धे थावच्चापुत्तं वंदइ नमंस्सइ २ एवं श्वासी - इच्छामि णं भंते ! तुब्भं अंविए

केवलपन्नत्तं धम्मं निसावित्तए । धम्मकहा माणियव्वा । तए णं से सुए
परिन्वायए थावच्चापुत्तस्स अंतिए धम्मं सोच्चा निसम्म एव वयासी -
इच्छामि णं भते ! परिन्वायगसहस्सेण सद्धि संपरिवुडे देवाणुप्पियाणं
अंतिए मुंढे भवित्ता पव्वइत्तए । अहासुहं देवाणुप्पिया जाव उत्तरंमुरत्थिमे
दिसीभाए तिदंडय जाव धाउरत्ताओ य एगंते एंढेइ २ सयमेव सिद्धं
उप्पाडेइ २ जेणेव थावच्चापुत्ते २ तेणेव उवागच्छइ जाव मुंढे भवित्ता
जाव पव्वइए सामाइयमाइयाइ इक्कारस अगाइं चोइसपुन्वाइ अदिज्जइ ।
तए णं थावच्चापुत्ते सुयस्स अणगारस्स सहस्स सीसत्ताए विररइ । तए ण
थावच्चापुत्ते सोगधियाओ नीलासोयाओ पडिनिक्खमइ २ वडिया जणव-
यविहारं विहरइ । तए ण से थावच्चापुत्ते अणगारसहस्सेणं सद्धि स-
परिवुडे जेणेव पुंडरीयपव्वए तेणेव उवागच्छइ २ पुंडरीय पव्वय सणिय
२ दुरुहइ २ मेघघणसन्निगास देवसन्निवाय पुढविसिलापट्टय जाव
पाओवगमणं कैए । तए णं से थावच्चापुत्ते वहूणि वासाणि मामण्ण-
परियाणं पाउणित्ता मासियाए सल्लेहणाए मट्ठि भत्ताइ अणसणाए छेण्ड
जाव केवलवरनाणदंसणं समुप्पाडेत्ता तओ पच्छा सिद्धे जाव प्पहीणे ।

(61) तए णं से सुए अन्नया कयाइ जेणेव सेलगपुरे नगरे जेणेव
सुभूमिभागे उज्जाणे समोसरण परिसा निग्गया सेलओ निग्गच्छइ धम्म
सोच्चा जं नवर देवाणुप्पिया । पंथगपामोक्खाइ पच मतिसयाइ आपु-
च्छामि मंडुयं च कुमारं रज्जे ठावेमि तओ पच्छा देवाणुप्पियाणं अन्तिए
मुंढे भवित्ता अगाराओ अणगारियं पव्वयामि । अहासुह । तए ण से
सेलए राया सेलगपुरं नगरं अणुप्पविसइ २ जेणेव सए गिहे जेणेव
बाहिरिया उवट्ठाणसाला तेणेव उवागच्छइ २ सीहासणे निसण्णे । तए
णं से सेलए राया पंथगपामोक्खा पच मंतिसया सदावेइ २ एव वयासी -
एवं खलु देवाणुप्पिया । मए सुयस्म अंतिए धम्मो निसते । से वि य मे
धम्मो इच्छिए पडिच्छिए अभिरुइए । अह ण देवाणुप्पिया । ससार-
भउव्विगे जाव पव्वयामि । तुम्हे णं देवाणुप्पिया किं करेह किं ववसह
किं वा मे हियइच्छिए समत्थे ति ? तए णं ते पंथगपामोक्खा सेलग

रायं, एवं वयासी—जइ णं तुब्भे देवाणुप्पिया । संसार जाव पन्वयह
अम्हाणं देवाणुप्पिया । को अन्ने आधारे वा आलंवे वा ? अम्हे वि य णं
देवाणुप्पिया ! संसारभउव्विग्गा जाव पन्वयामो । जइ णं देवाणुप्पिया !
अम्हं बहुसुं कज्जेसु य जाव तहा णं पन्वइयाण वि समाणंणं बहुसु जाव
चक्खुभूए* । तए णं से सेलगे पंथगपामोक्खे पंच मंतिअए एवं वयासी—
जइ णं तुब्भे देवाणुप्पिया । संसार जाव पन्वयह तं गच्छह णं देवाणुप्पिया !
सएसु २ कुडुंबेसु जेट्ठपुत्ते कुडुंबमज्जे ठावेत्ता पुरिससहस्सवाहिणीयाओ
सीयाओ दुरुद्धा समाणा मम अंतियं पाउब्भवह । तेवि तहेव, पाउब्भ-
वंति* । तए णं से सेलए राया पंच मंतिसयाइं पाउब्भवमाणाइं पासइ
हट्ठट्ठे कोडुंबियपुरिसे सदावेइ २ एवं वयासी — खिप्पामेव भो देवाणु-
प्पिया ! मंडुयस्स कुमारस्स महत्थं जाव रायाभिसेयं उवट्ठवेइ जाव अभि-
सिंचइ जाव राया जाए विहरइ । तए णं से सेलए मंडुयं रायं आपुच्छइ ।
तए णं मंडुए राया कोडुंबियपुरिसे सदावेइ २ एवं वयासी — खिप्पामेव
सेलमापुरं नयरं आसिय जाव गंधवट्ठिभूयं करेइ कारवेइ य २ एवमाणत्तियं
पच्चप्पिणह । तए णं से मंडुए दोच्चंपि कोडुंबियपुरिसे सदावेइ २
एवं वयासी — खिप्पामेव सेलगस्स रत्तो महत्थं जाव निक्खमणा-
भिसेयं जहेव मेहस्स तहेव नवर पउर्मावईदेवी अगगेसे पडिच्छइ सन्वेवि
पडिगहं गहाय सीयं दुरुहंति अवघेसं तहेव जाव समाइयमाइयाइं एक्का-
रस अंगाइं अदिज्जइ २ बहूहिं चउत्थ जाव विहरइ । तए णं से सुए
सेलगस्स अणगारस्स ताइं पंथगपामोक्खाइं पंच अणगारसयाइं सीस-
त्ताए वियरइ । तए णं से सुए अन्नया कयाइ सेलगपुराओ सुभूमि-
भागाओ उज्जाणाओ पडिनिक्खमइ २ बहिया जणवयविहारं विहरइ ।
तए णं से सुए अणगारे अन्नया कयाइ तेणं अणगास्सहस्सेणं सद्धिं संपरि-
बुडे पुन्वाणुपुर्व्वं चरमाणे गामाणुगामं विहरमाणे जेणेव पुंडरीयपन्वए
तेणेव उव्वगच्छइ जाव सिद्धे ।

(62) तए णं तस्स सेलगस्स रायरिसिस्स तेहिं अंतैहि य पंतैहि
य तुच्छेहि य लूहेहि य औरसेहि य विरसेहि य सीएहि य षण्हेहि य

कालाङ्कतेहि यं पमाणाङ्कतेहि यं निच्च पाणभोयणेहि यं पयइसु-
 कुमालस्स यं सुहोचियस्मं सरीरगसि वेयणा पाउब्भूया उज्जला जाव
 दुरहियासा कंदुदाहपित्तज्जरपरिगयसरीरे यावि विहरइ । तए ण से
 सेलए तेणं रोगायंकेण सुक्खे जाए यावि होत्था । तए णं से सेलए
 अन्नया कयाइं पुब्बाणुपुब्बि चरमाणे जाव जेणेव सुभूमिभागे जाव
 विहरइ । परिसा निग्गया मड्डओ वि निग्गओ सेलग अणगारं वंदइ
 जाव पञ्जुवासइ । तए ण से मड्डए राया सेलगस्स अणगारस्स सरी-
 रगं सुक्कं जाव सव्वाबाहं सरोगं पासइ २ एव वयासी—अहं णं भते ।
 तुब्भं अहापवत्तेहिं तिगिच्छिण्हिं अहापवत्तेण ओसइभेसज्जभत्त-
 पाणेणं तिगिच्छं आउंटावेमि । तुब्भं णं भते । मम जाणसालासुं समो-
 सरहं फासुएसणिज्ज पीढफलगसेज्जासंधारणं ओगिण्हित्ताणं विहरइ ।
 तए णं से सेलए अणगारे मंडुयस्स रत्तो एयमट्ठं तहत्ति पडिसुणेइ ।
 तए णं से मंडुए सेलग वदइ नमंसइ २ जामेव दिसि पाउब्भूए तामेव
 दिसि पडिगए । तए णं से सेलए कल्ल जाव जलते सभट्ठमत्तोवगण-
 मायाए पंथगयामोक्खेहि पंचहिं अणगारसएहिं साद्धिं सेलगपुरमणुप्प-
 विसइ जेणेव मंडुयस्स जाणसाला तेणेव उवागच्छइ २ फासुय पीढ
 जाव विहरइ । तए णं से मंडुए तिगिच्छिण्हं सहावेइ २ एव वयासी-
 तुब्भं णं देवाणुपिया । सेलगस्स फासुएसणिज्जेण जाव तिगिच्छ
 आउंटेइ । तए णं तिगिच्छया मंडुएणं रत्ता एव वुत्ता दट्ठतुट्ठा सेलगस्स
 अहापवत्तेहि ओसइभेसज्जभत्तपाणेहि तिगिच्छ आउंटेति मज्जपाणगं च
 से उवदिसति । तए णं तस्स सेलगस्स अहापवत्तेहि जाव मज्जपाणएणं
 से रोगायंके उवसते जाए यावि होत्था हट्ठे वलियंसरीरे जाए ववगय-
 रोगायंके । तए णं से सेलए तंसि रोगायंकेसि उवसंतंसि समाणंसि तंसि
 विपुलंसि असणंसि ४ मज्जपाणए यं मुच्छिण्हं गदिए गिद्धे अज्झोववन्ने
 ओसन्ने ओसन्नविहारी एवं पासत्थे २ कुसीले २ पमत्ते २ संसत्ते २ उंउवड्ड-
 पीढफलगसेज्जासंधारणं पमत्ते यावि विहरइ नो संचाएइ फासुएसणिज्जं
 पीढं पच्चप्पिणित्ता मंडुयं च रायं आपुच्छित्ता बहिया जाव विहरित्तए ।

(63) तए णं तेसिं पंथंगवज्जाणं पंचण्हं अणगारसयाणं अन्नया कयाइ एगयओ सहियाणं नाव पुव्वरत्तावरत्तकालसमयांसि धम्मजागरियं जागरमाणं अयमेयारूवे अज्झत्थिए नाव समुप्पज्झित्था — एवं खलु सेलए रायरिसी चइत्ता रज्जं च ४ नाव पव्वइए विचले असणे ४ मज्जपाणए मुच्छिए ४ नो संचाएइ चइत्तं नाव विहरित्तए । नो खलु कप्पइ देवाणुप्पिया । समणाणं नाव पमत्ताणं विहरित्तए । त सेय खलु देवाणुप्पिया अम्हं कल्ल सेलणं रायरिसिं आपुच्छित्ता पाढिहारियं पीढफलगसेज्जासंथारयं पच्चप्पिणित्ता सेलगस्स अणगारस्स पथयं अणगारं वेयावच्चकरं ठाव्हेत्ता बहिया अब्भुज्जएणं नाव विहरित्तए । एवं संपेहेति २ कल्ल जेणेव सेलगरायरिसी आपुच्छित्ता पाढिहारियं पीढफलग नाव पच्चप्पिणंति २ पंथयं अणगारं वेयावच्चकरं ठाव्हेति २ बहिया नाव विहरंति ।

(64) तए णं से पंथए सेलगस्स सेज्जासंथारउच्चारपासवणखेहं सिंघाणमलाओ ओसहमेसज्जभत्तपाणएणं अगिलाए विणएणं वेयावडियं करेइ । तए णं से सेलए अन्नया कयाइ कत्तियचाउम्मासियंसि विचलं असणं ४ आहारमाहारिए सुवहुं च मज्जपाणयं पीए पुव्वावरणहकालसमयांसि सुहप्पसुत्ते । तए णं से पंथए कत्तियचाउम्मासियंसि कयकाउस्सगो देवसियं पडिक्कमणं पडिक्कते चाउम्मासिय पडिक्कामिउक्कामे सेलणं रायरिसि खामणट्ठयाए सीसेणं पाएसु संघट्टेइ । तए ण से सेलए पंथएणं सीसेणं पाएसु संघट्टिए समाणे आसुरुत्ते नाव मिसिमिसेमाणे उट्टेइ २ एवं वयासी — से केस णं भो एस अपत्थियपत्थिए नाव वज्जिए जे ण ममं सुहप्पसुत्तं पाएसु संघट्टेइ ? तए णं से पंथए सेलएणं एवं वुत्ते समाणे भीए तत्थे तसिए करयल नाव कट्ठु एवं वयासी — अहं णं भंते । पंथए कयकाउस्सगो देवसियं पडिक्कमणं पडिक्कते चाउम्मासियं खामेमाणे देवाणुप्पियं वंदमाणे सीसेणं पाएसु संघट्टेमि । तं खामेमि णं तुम्हे देवाणुप्पिया । खमन्तु मे अवराहं तुमं णं देवाणुप्पिया । नाइमुज्जो एवं करणयाए त्तिकट्ठु सेलयं अणगारं एयमहुं सम्मं विणएणं मुज्जो २ खामेइ । तए णं वस्स सेलगस्स रायरिसिस्स पंथएणं एवं वुत्तस्स अयमे-

यारूवे जाव समुप्पज्जित्था—एवं खलु अहं रज्जं च जाव ओसत्तो जाव उउवद्धपीढं विहरामि । तं नो खलु कप्पइ समणाणं २ पासत्थाणं जाव विहरित्तं । तं सेयं खलु मे कल्ल मंडुयं रायं आपुच्छित्ता पाढिहारिय पीढफलगसेज्जासंथारगं, पच्चाप्पिणित्ता पंथएणं अणगारेणं सद्धिं वहिया अम्भुज्जएणं जाव जणवयविहारेणं विहरित्तं । एवं सपेहेइ २ कल्ल जाव विहरइ ।

(65) एवामेव समणाउसो । जाव निग्गथो वा २ ओसत्ते जाव संथारए पमत्ते विहरइ से ण इहलोए चेव वहूणं समणाण ४ हील्लं णिज्जे ससारो भाणियव्वो । तए ण ते पंथगवज्जा पच अणगारसया इमीमे कहाए लद्धट्ठा समाणा अन्नमन्नं सहावेति २ एव वयासी — एव खलु सेलए रायरिसी पंथएणं वहिया जाव विहरइ । तं सेयं खलु देवाणु-प्पिया ! अम्हं सेलग रायरिसिं उवसपज्जित्ताणं विहरित्तं । एव सपे-हेंति २ सेलगं रायरिसिं उवसंपज्जित्ताणं विहरति ।

(66) तए णं से सेलए रायरिसी पथगपामोक्खा पंच अणगारसया वहूणि वासाणि सामण्णपरियागं पारणित्ता जेणेव पुंडरीयपव्वए तेणेव उवागच्छंति २ जहेव थावन्चापुत्ते तहेव सिद्धा ४ । एवामेव समणाउसो । जो निग्गंथो वा २ जाव विहरिस्सइ ।

एवं खलु जवू ! समणेणं भगवया महावीरेणं जाव संपत्तेणं पंचमस्स नायज्झयणस्स अयमट्ठे पन्नत्ते त्तिवेमि ॥

॥ पंचमं नायज्झयणं समत्तं ॥

॥ छट्ठं अज्झयणं ॥

(67) जइ णं भंते ! समणेण जाव संपत्तेणं पंचमस्स नायज्झ-यणस्स अयमट्ठे पन्नत्ते छट्ठस्स ण भंते ! नायज्झयणस्स समणेण जाव संपत्तेणं के अट्ठे पन्नत्ते ? एवं खलु जवू ! तेणं कालेणं २ राय्यिगेहे समोसरणं परिसा निग्गया । तेणं कालेण २ समणस्स जेहे

इंदभूई नामं अणगारे अदूरसंभते जाव सुक्कज्जुणोवगए विहरइ । तए
 णं से इंदभूई जायसद्धे जाव एवं वयासी — कहं णं भंते । जीवा गरु-
 यत्तं वा लहुयत्तं वा हव्वमागच्छंति ? गोयमा । से ज़हानामए केइ
 पुरिसे एगं मंहं सुक्कतुं न्निच्छिदं निरुवहयं दब्भेहि य कुसेहि य वेढेइ
 २ मट्टियालेवेणं लिपइ २ उण्हे दलयइ २ सुक्कं समाणं दोच्चंपि दब्भेहि
 य कुसेहि य वेढेइ २ मट्टियालेवेणं लिपइ २ उण्हे दलयइ २ सुक्के
 समाणे तच्चंपि दब्भेहि य कुसेहि य वेढेइ मट्टियालेवेणं लिपइ । एवं
 खलु एएणं उवाएणं सत्तंरत्तं वेढेमाणे अंतरा लिप्पमाणे अंतरा सुक्का-
 वेमाणे जाव अट्ठहि मट्टियालेवेहिं आलिपइ २ अत्थाहमतारमपोरिसियंसि
 उदगंसि पक्खिवेज्जा । से नूणं गोयमा । से तुंवे तेसिं अट्ठण्हं मट्टिया-
 लेवेणं गुरुययाए भारियाए उप्पि सलिलमइवइत्ता अहे धरणियलपइट्ठाणे
 भवइ । एवामेव गोयमा । जीवावि पाणाइवाएणं जाव मिच्छादंसणसल्लेणं
 अणुपुण्वेणं अट्ठकम्मपगडीओ समज्जिणित्ता तासिं गरुययाए भारिययाए
 एवामेव कालमासे कालं किञ्चा धरणियलमइवइत्ता अहे नरगतलपइट्ठाणा
 भवन्ति । एवं खलु गोयमा । जीवा गरुयत्तं हव्वमागच्छंति । अहे णं
 गोयमा । से तुंवे तंसिं पढामिळुंगंसि मट्टियालेवंसि तिन्नंसि कुहियसि
 परिसडियंसि ईसिं धरणियलाओ उप्पइत्ताणं चिट्ठइ । तयाणंतरं दोच्चंपि
 मट्टियालेवे जाव उप्पइत्ताणं चिट्ठइ । एवं खलु एएणं उवाएणं तेसु अट्ठसु
 मट्टियालेवेसु तिन्नेसु जाव विमुक्कबंधणे अहे धरणियलमइवइत्ता उप्पि
 सलिलं तलपइट्ठाणे भवइ । एवामेव गोयमा । जीवा पाणाइवायवेरमणेणं
 जाव मिच्छादंसणसल्लवेरमणेणं अणुपुण्वेणं अट्ठकम्मपगडीओ खवेत्ता
 गगणतलमुप्पइत्ता उप्पि लोथगपइट्ठाणा भवन्ति । एवं खलु गोयमा ।
 जीवा लहुयत्तं हव्वमागच्छंति ।

एवं खलु जंवू ! समणेणं जाव संपत्तेणं छट्ठस्स नायज्झयणस्स
 अयमट्ठे पण्णत्ते तिन्नेमि ॥

॥ छट्ठ नायज्झयणं समत्तं ॥

॥ सत्तमं अज्झयणं ॥

(68) जइ णं भंते । समणेणं जाव संपत्तेणं छट्ठस्स नायज्झयणस्स अयमद्वे पन्नत्ते सत्तमस्स णं भंते । नायज्झयणस्स के अद्वे पन्नत्ते ? एवं खलु जंबू । तेणं कालेणं २ रायगिहे नामं नयरे होत्था । सुभूमिभागे उज्जाणे । तत्थ णं रायगिहे नयरे धेणे नामं सत्थवादे परिवसइ अद्वे जाव अपरिभूए । भइ भारिया अहीणपांचिंदियसरीरा जाव सुरूवा । तस्स णं धणस सत्थवाहस्स पुत्ता भइए भारियाए अत्तया चत्तारि सत्थवाहदारगा होत्था तंजहा — धणपाले धणदेवे धणगोवे धणरक्खिए । तस्स णं धणस्स सत्थवाहस्स चउण्हं पुत्ताणं भारियाओ चत्तारि सुगहाओ होत्था तंजहा — उज्झिया भोगवइथा रक्खइथा रोहिणिया । तए णं तस्स धणस्स सत्थवाहस्स अन्नया कयाहं पुनवरत्तावरत्तकालसमयंसि इमेयारूवे अज्झत्थिए ४ जाव समुप्पज्जित्था — एवं खलु अहं रायगिहे नयरे बहूणं राईसरतलवर जाव पमिईणं सयस्स य कुडुंवस्स वहुसु कज्जेसु य कारणेसु य कोडुंवेसु य मंतणेसु य गुब्बेसु रहस्सेसु निच्छएसु ववहारेसु य आपुच्छणिज्जे पडिपुच्छणिज्जे मेढी पमाण आहारे आलंवणे चक्खू मेढी पमाणभूए सव्वकज्जवड्ढावए । तं न नज्जइ णं मए गयंसि वा चुयसि वा मयंसि वा भग्गंसि वा लुग्गंसि वा सडियंसि वा पडियंसि वा विदेसगयंसि वा विप्पवसियंसि वा इमस्स कुडुंवस्स के मन्ने आहारे वा आलवे वा पडिवंधे वा भविस्सइ । त सेयं खलु मम कलं जाव जलंते विपुलं असणं ४ उवक्खडावेत्ता मित्तनाइ० चउण्ह य सुण्हाणं कुलघरवग्गं आमंतेत्ता तं मित्तनाइनियगसयण० चउण्ह य सुण्हाणं कुलघरवग्गं विपुलेण असणेण ४ धूवुप्फवत्थगंध जाव सक्कोरेत्ता समाणेत्ता तस्सेव मित्तनाइ जाव चउण्हं सुण्हाणं कुलघरवग्गस्स य पुरओ चउण्हं सुण्हाणं परिक्खणट्ठयाए पंच २ सालिअक्खिए दलइत्ता जाणामि ताव का किइ वा सारक्खेइ वा सगोवेइ वा संबड्ढेइ वा । एवं संपेदेइ २ कलं जाव मित्तनाइ० चउण्हं सुण्हाणं कुलघरं आमतेइ २ विपुलं असणं ४ उवक्खडावेइ तओ पच्छा ण्हाए० भोयणमंडवंसि

सुहाण्णवरगणं तं मित्तनाइ० चउण्हं सुण्हाणं कुलघरवग्गेणं सद्धिं तं विपुलं असणं ४ जाव सक्कोरेइ २ तस्सेव मित्तनाइ० चउण्हं य सुण्हाणं कुलघरवग्गात्स य पुरओ पंच सालिअक्खए गेण्हइ २ जेह्मं सुण्हं उज्झियं सदावेइ २ एवं वयासी — तुमं णं पुत्ता ! मम हत्थाओ इमे पंच सालिअक्खए गेण्हाहि २ अणुपुव्वेण सारक्खमाणी संगोवेमाणी विहराहि । जया णं अहं पुत्ता ! तुमं इमे पंच सालिअक्खए जाएज्जा तथा ण तुमं मम इमे पंच सालिअक्खए पढिनिज्जाएज्जासि त्तिक्कट्ठु सुण्हाए हत्थे दलयइ २ पढिवित्तज्जेइ । तए णं सा उज्झिया घणत्स तह त्ति एयमहं पढिक्खणेइ २ घणत्स सत्थवाहत्स हत्थाओ ते पंच सालिअक्खए गेण्हइ २ एगंतमवक्कमइ एगंतमवक्कमियाए इमेयारुवे अज्झात्थिए ४ जाव समुप्पज्जित्था — एवं खलु तायाणं कोट्ठागारासि बहवे पट्ठा सालीण पढिपुण्णा चिट्ठंति । तं जया णं मम ताओ इमे पंच सालिअक्खए जाएसइ तथा णं अहं पट्ठंतराओ अन्ने पंच सालिअक्खए गहाय दाहानि त्तिक्कट्ठु एवं सपेहेइ २ ते पंच सालिअक्खए एगते एहेइ सकम्मसंजुत्ता जाया यावि होत्था । एवं भोगवइयाए वि नवरं सा छेहइ २ अणुगिलइ २ सकम्मसंजुत्ता जाया यावि होत्था । एवं रक्खित्था वि नवरं गेण्हइ २ इमेयारुवे अज्झात्थिए ४ — एवं खलु मम ताओ इमत्स मित्तनाइ० चउण्हं य सुण्हाणं कुलघरवग्गात्स य पुरओ सदावेत्ता एवं वयासी — तुमं णं पुत्ता ! मम हत्थाओ जाव पढिनिज्जाएज्जासि त्तिक्कट्ठु मम हत्थंति पंच सालिअक्खए दलयइ । तं भविचव्वं एत्थ कारणेणं त्तिक्कट्ठु एवं संपेहेइ २ ते पंच सालिअक्खए सुद्धे वत्थे वंघइ २ रयणकरंडियाए मक्खिवइ २ उसीसामूले ठावेइ २ तिसंझं पढिजागरमाणी २ विहरइ । तए णं से घणे सत्थवाहे तहेव मित्त जाव चरंत्थि रोहिणीयं सुण्हं सदावेइ २ जाव तं भवियव्वं एत्थ कारणेणं त्तिक्कट्ठु सेयं खलु मम एए पंच सालिअक्खए सारक्खमाणीए संगोवेमाणीए संवट्ठेमाणीए त्तिक्कट्ठु एवं संपेहेइ २ कुलघरपुरिसे सदावेइ २ एवं वयासी — तुम्हे णं देवागुप्पिंया ! एए पंच सालिअक्खए गेण्हइ २ पढम-

पाउसंसि महावुट्टिकायंसि निवइयंसि समणंसि खुड्ढागं केयारं सुपरि-
 कम्मियं करेह २ इमे पंच सालिअक्खए वावेह २ दोच्चंपि तच्चंपि
 उक्खयनिहए करेह २ वाडिपक्खेवं करेह २ सारक्खमाणा संगोवेमाणा
 अणुपुब्बेणं संबुद्धेह । तए णं ते कोडुंबिया रोहिणीए एयमद्व पंडिसुणेति
 ते पंच सालिअक्खए गेण्हंति २ अणुपुब्बेणं सारक्खति संगोषीति । तए
 णं ते कोडुंबिया पढमपाउसंसि महावुट्टिकायंसि निवइयंसि समणंसि
 खुड्ढागं केयारं सुपरिकम्मियं करेंति २ ते पंच सालिअक्खए ववंति
 दोच्चंपि तच्चंपि उक्खयनिहए करेंति २ वाडिपरिक्खेवं करेंति अणुपु-
 ब्बेणं सारक्खेमाणा संगोवेमाणा सबुद्धेमाणा विहरंति । तए णं ते साली
 अणुपुब्बेणं सारक्खज्जमाणा संगोवज्जमाणा संबुद्धिज्जमाणा साली जाया
 किण्हा किण्होभासा जाव निउरंबभूया पासाइया ४ । तए णं ते साली
 पत्तिया वात्तिया गब्भिया पसूइया आगयगंधा खीराइया वद्धफला पक्का परि-
 यागया सल्लइया पत्तइया हरियपव्वकंडा जाया यवि होत्था । तए णं
 ते कोडुंबिया ते साली पत्तिए जाव सल्लइयपत्तइए जाणित्ता तिक्खेहिं नव-
 पज्जणएहि असिएहिं लुणंति २ करयलमलिए करेंति २ पुणंति । तत्थ णं
 चोक्खाणं सूईयाण अखंडाणं अफुडियाणं छडछडापूर्याणं सालीणं माग-
 हए पत्थए जाए । तए णं ते कोडुंबिया ते साली नवएसु घडएसु
 पक्खिवंति उल्लिपंति २ लल्लियमुहिए करेंति २ कोट्ठागारस्स एगदेसंसि
 ठावेंति २ सारक्खमाणा संगोवेमाणा विहरंति । तए णं ते कोडुंबिया
 दोच्चसि वासारत्तंसि पढमपाउसंसि महावुट्टिकायंसि निवइयंसि
 खुड्ढागं केयारं सुपरिकम्मियं करेंति ते साली ववंति दोच्चंपि उक्खाय-
 णिहए जाव लुणंति जाव चलणतलमलिए करेंति २ पुणंति । तत्थ णं
 सालीण बहवे कुंडवा जाव एगदेसंसि ठावेंति २ सारक्खेमाणा संगोवे-
 माणा विहरंति । तए णं ते कोडुंबिया तच्चंसि वासारत्तंसि महावुट्टि-
 कायंसि निवइयंसि बहवे केयारे सुपरिकम्मिए जाव लुणंति २ सवहंति २
 खलयं करेंति २ मलेति जाव बहवे कुंभा जाया । तए णं ते कोडुंबिया
 साली कोट्ठागारसि पंहेवंति जाव विहरंति १ चउत्थे वासारत्ते बहवे

कुंभझया जाया । तए णं तस्स धणस्स पंन्नमयंसि संवच्छरसि परि-
णममणंसि पुंवरत्तावरत्तकालसमयंसि इमेयारूवे अब्झत्थिए ४ जाव
समुप्पज्जित्था — एवं खलु मए इओ अईए पंचमे संवच्छरे चउण्हं
सुण्हणं परिक्खणट्ठयाए ते पंच २ सालिअक्खया हत्थे दिन्ना । तं सेयं
खलु मम कलं जाव जलंते पंच सालिअक्खए परिजाइत्तए जाव जाणामि
काए किह सारक्खिया वा संगोविया वा सवड्डिया वा । एवं संपेहेइ २
कलं जाव जलंते विपुलं असणं ४ मित्तनाइनियगं चउण्ह य सुण्हणं
कुलधरवग्गं जाव सम्माणित्ता तस्सेव मित्त जाव चउण्ह य सुण्हणं कुल-
धरवग्गस्स पुरओ जेट्ठं उज्झिययं सहावेइ २ एवं वयासी — एवं खलु
अहं पुत्ता । इओ अईए पंचमंसि संवच्छरंसि इमस्स मित्त जाव चउण्ह
य सुण्हणं कुलधरस्स य पुरओ तव हत्थंसि पंच सालिअक्खए दलयामि
जया णं अहं पुत्ता । एए पंच सालिअक्खए जाएज्जा तथा णं तुम
मम इमे पंच सालिअक्खए पडिनिब्जाएसि त्तिकट्ठु । से नूणं पुत्ता ।
अट्ठे समट्ठे ? हंता अत्थि । तं णं तुमं पुत्ता । मम ते सालिअक्खए
पडिनिब्जाएसि । तए णं सा उज्झिया एयमट्ठं धणस्स पडिसुणेइ जेणेव
कोट्ठागारं तेणेव उवागच्छइ २ पल्लाओ पंच सालिअक्खए गेण्हइ २
जेणेव धणे सत्थवाहे तेणेव उवागच्छइ २ एवं वयासी — एए णं
ते पंच सालिअक्खए त्तिकट्ठु धणस्स हत्थंसि ते पंच सालिअक्खए
दलयइ । तए णं धणे उज्झियं सवहसावियं करेइ २ एवं वयासी — किं
णं पुत्ता । ते चेव पंच सालिअक्खए उदाहु अन्ने ? तए णं उज्झिया धणं
सत्थवाहं एवं वयासी — एवं खलु तुब्भे ताओ ! इओ अईए पंचमे संव-
च्छरे इमस्स मित्तनाइ० चउण्ह य जाव विहराहि । तए णं अहं तुब्भं
एयमट्ठं पडिसुणेमि ते पंच सालिअक्खए गेण्हामि एंगंतमवक्कामि । तए
णं मम इमेयारूवे अब्झत्थिए ४ जाव समुप्पज्जित्था — एवं खलु तायाणं
कोट्ठागारंसि जाव सकम्मसंजुत्ता । तं नो खलु ताया । ते चेव पंच सालि-
अक्खए एए णं अन्ने । तए णं सें धणे उज्झियाए अंतिए एयमट्ठं सोच्चा
निसुम्भ आसुरूत्ते जाव मिसिंमिसेमाणे उज्झियं तस्स मित्तनाइ० चउण्हं

सुण्हाणं कुलघरवग्गस्स यं पुरओ तस्स कुलघरस्स छारुज्झियं च छाणु-
 ज्झियं च कयवरुज्झियं च संपुच्छियं च सम्मग्गिअ च पाउवदाइयं च
 ण्हाणोवदाइयं च बाहिरपेसणकारियं च ठवेइ । एवामेव समणाउसो ।
 जो अम्हं निगंथो वा २ जाव पव्वइए पच य से महव्वयाइं न्निज्झियाड
 भवति से णं इहभवे चेव वहूणं समणाणं ४ हीलणिज्जे जाव अणुपरि-
 यट्ठइस्सइ जहा सा उज्झिया । एवं भोगवइया वि नवरं तस्स कुलघरस्स
 कांडितियं च कोट्टितियं च पीसंतियं च एवं रुच्चतियं रघंतियं परिवेसं-
 तियं च परिभायंतियं च अट्ठितरियं च पेसणकारि महाणसिणि ठवेइ ।
 एवामेव समणाउसो । जो अम्हं समणो वा पच य से महव्वयाइं
 फोडिय्याइं भवति से णं इहभवे चेव वहूणं समणाणं ४ जाव हीलणिज्जे
 ४ जहाव सा भोगवइया । एव रक्खिइयावि नवरं जेणेव वासघरे
 तेणेव उवागच्छइ २ मंजूस विहाडेइ २ रयणकरडगाओ ते पच सालि-
 अक्खए गेण्हइ २ जेणेव धणे सत्थवाहे तेणेव उवागच्छइ २ पच
 सालिअक्खए धणस्स हत्थे दलयइ । तए ण से धणे रक्खिइयं एव
 वयासी - किं णं पुत्ता । ते चेव एए पंच सालिअक्खए उदाहु अत्ते ?
 तए णं रक्खिइया धणं एव वयासी - ते चेव ताया । एए पंच
 सालिअक्खया नो अत्ते । कहं ण पुत्ता ? एवं खलु ताओ । तुब्भे
 इओ पंचमंमि जाव भवियव्वं एत्थ कारणेणं तिकट्ठु ते पंच सालि-
 अक्खए सुद्धे वत्थे जाव तिसंझ पडिजागरमाणी यावि विहरामि ।
 तओ एएणं कारणेण ताओ । ते चेव पच सालिअक्खए नो अत्ते ।
 तए णं से धणे रक्खिइयाए अंतियं एयमट्ठं सोच्चा हट्ठतुट्ठे तस्स
 कुलघरस्स हिरण्णस्स य कंसदूसविपुल्लघण जाव सावएज्जस्स य भंढा-
 गारिणिं ठवेइ । एवमेव समणाउसो । जाव पंच य से महव्वयाइं
 रक्खिइयाइं भवति से णं इहभवे चेव वहूणं समणाणं ४ अच्चीणज्जे जाव
 जहा सा रक्खिइया । रोहिणीया वि एवं चेव नवरं तुब्भे दाओ मम
 सुबहुयं सगडीसागडं दलाह जाणं अहं तुब्भे ते पंच सालिअक्खए
 पडिनिज्जाएमि । तए णं से धणे रोहिणिं एवं वयासी - कहं णं तुमं

मम पुत्ता ! ते पंच सालिअक्खए सगढसागढेणं निज्जाएस्ससि ? तए णं सा रोहिणी धणं एवं वयासी - एवं खलु ताओं ! इओ तुब्भे पंचमे संवच्छरे इमस्स मित्त जाव बहवे कुंभसया जाया तेणेक्क कमेण । एवं खलु मीओ ! तुब्भे ते पंच सालिअक्खए सगढीसागढेणं निज्जाएमि । तए णं से धणे सत्थवाहे रोहिणीयाए सुबहुयं सगढीसागढं दलयइ । तए णं रोहिणी सुबहुं सगढीसागढं गहाय जेणेव सए कुलघरे तेणेव उवागच्छइ कोट्टागारं विहाडेइ २ पळे उब्भिदइ २ सगढीसागढं भरेइ २ रायगिह नगरं मब्भंमब्भेणं जेणेव सए गिहे जेणेव धणे सत्थवाहे तेणेव उवागच्छइ । तए णं रायगिहे नयरे सिंघाडग जाव बहुजणो अन्नमन्नं एवमाइक्खइ ४ - धन्ने णं देवाणुपिया ! धणे सत्थवाहे जस्स णं रोहिणीया सुण्हा पंच सालिअक्खए सगढसागढेणं निज्जाएइ । तए णं से धणे सत्थवाहे ते पंच सालिअक्खए सगढसागढेणं निज्जाएइ पासइ २ हट्ठ जाव पडिच्छइ २ तस्सेव मित्तनाइ० चउण्ह य सुण्हाणं कुलघरपुरओ रोहिणीयं सुण्हं तस्स कुलघरस्स बहूसु कज्जेसु य जाव रहस्सेसु य आपुच्छणिज्जं जाव वट्ठावियं पमाणभूयं ठावेइ । एवामेव समणाउसो ! जाव पंच से महव्वयाइं संवड्डियाइं भवंति से णं इहभवे चेव बहूणं समणाणं जाव वीईवइस्सइ जहा व सा रोहिणीया ।

एवं खलु जंबू ! समणेणं भगवया महावीरेणं जाव संपत्तेणं सत्तमस्स नायज्झयणस्स अयमट्ठे पन्नत्ते त्तिबेमि ॥

॥ सत्तमं अज्झयणं समत्त ॥ ७ ॥

॥ अट्ठमं अज्झयणं ॥

(69) जइ णं भंते । समणेणं जाव सपत्तेण सत्तमस्स नायज्झ-
यणस्स अयमट्ठे पन्नत्ते अट्ठमस्स णं भत्ते । के अट्ठे पन्नत्ते ? एवं खलु
जंबू । तेणं कालेणं २ इहेव जवूदीवे २ महाविदेहे वासे मंडरस्स पव्व-
यस्स पच्चत्थिमेणं निसदस्स वासहरपव्वयस्स उत्तरेण सीओयाए महा-
नदीए दाहिणेणं सुहावहस्स वक्खारपव्वयस्स पच्चत्थिमेण पच्चत्थिम-
लवणसमुदस्स पुरत्थिमेणं एत्थ णं सलिलावई नाम विजए पन्नत्ते ।
तत्थ णं सलिलावईविजए वीयसोगा नामं रायहाणी पन्नत्ता नवजोयण-
वित्थिर्णा जाव पच्चक्खं देवलोगभूया । तीसे ण वीयसोगाए रायहाणीए
उत्तरपुरत्थिमे दिसीभाए इदकुंभे नाम उज्जाणे । तत्थ ण वीयसोगाए
रायहाणीए वले नाम राया । तस्स वारिणीपामोक्खं देवीसहस्स ओरोहे
होत्था । तए णं सा धारिणी देवी अन्नया कयाइ सीह सुमिणे पासि-
त्ताणं पडिबुद्धा जाव महव्वले दारए जाए उम्मुक्क जाव भोगसमत्थे । तए
णं तं महव्वलं अम्मापियरो सरिसियाण कमलसिरिपामोक्खाण पचण्ह
रायवरकन्नासयाण एगदिवसेण पाणि गेण्हावेति । पच पासायसया
पंचसओ दाओ जाव विहरइ । थेरागमेण इंदकुंभे उज्जाणे समोसढे परिसा
निग्गया बलो वि निग्गओ धम्म सोच्चा निसम्म ज नवर महव्वल
कुमारं रज्जे ठावेई जाव एक्कारसगवी बहूणि वासाणि सामण्णपरियागं
पाजणित्ता जेणेव चारुपव्वए मासिएण भत्तेण सिद्धे । तए ण सा कमल-
सिरी अन्नया कयाइ सीहं सुमिणे जाव बलभदो कुमारो जाओ जुवराया
यावि होत्था । तस्स ण महव्वलस्स रत्तो इमे छप्पियवालवयंसगा
रायाणो होत्था तंजहा—अयले धरणे पूरणे वसू वेसमणे अभिचदे सहजा-
यया जाव संहिच्चाए नित्थरियव्वे त्तिर्कट्ठु अन्नमन्नस्स एयमट्ठं पडि-
सुणेंति । तेणं कोलेण २ इदकुंभे उज्जाणे थेरा समोसढा । परिसा
निग्गया । महव्वले णं धम्मं सोच्चा जं नवरं छप्पियवालवयंसए आपु-
च्छामि बलभदं च कुमार रज्जे ठावेमि जाव छप्पियवालवयंसए आपु-
च्छइ । तए णं ते छप्पिय० महव्वलं रायं एव वयासी — जइ णं देवाणु-

पिया। तुम्हे पन्वयह अम्हं के अन्न आहारे जाव पन्वयामो । तए ण से महब्बले राया ते छपिय० एवं वयासी — जइ णं तुम्हे मए सार्द्धि जाव पन्वयह तो णं गच्छह जेट्ठे पुत्ते सएहिं २ रज्जेहिं ठावेहं पुरिस-सहस्सवाहिणीओ सीयाओ दुरूढा जाव पाबब्भन्ति । तए णं से महब्बले राया छपियेबालवयंसए पाबब्भूए पासइ २ हट्ठ जाव कोहुंवियपुरिसे सहावेइ २ बलभद्दस्स रायाभिसेओ जाव आपुच्छइ । तए णं से महब्बले जाव महया इड्डीए पव्वइए एकारसअंगवी बहूहिं चउत्थ जाव भावेमाणे विहरइ । तए णं तेसिं महब्बलपामोक्खाणं सत्तण्हं अणगाराण अन्नया कयाइ एगयओ सहियाणं इमेयारूवे मिहोकहासमुल्लवे समुप्पज्जित्था — जं णं अम्हं देवाणुपिया एगे तवोकम्मं उवसंपज्जित्ताणं विहरइ तं णं अम्हेहिं सन्वेहिं तवोकम्मं उवसंपज्जित्ताणं विहरित्तए त्तिक्कट्ठ अन्न-मन्नस्स एयमट्ठं पडिसुणेंति २ बहूहिं चउत्थ जाव विहरंति । तए णं से महब्बले अणगारे इमेजं कारणेणं इत्थिनामगोयं कम्मं निव्वत्तिसु — जइ णं ते महब्बलवज्जा छ अणगारा चउत्थं उवसंपज्जित्ताणं विहरंति तओ से महब्बले अणगारे छट्ठं उवसंपज्जित्ताणं विहरइ । जइ णं ते महब्बलवज्जा छ अणगारा छट्ठं उवसंपज्जित्ताणं विहरंति तओ से महब्बले अणगारे अट्ठमं उवसंपज्जित्ताणं विहरइ । एवं अह अट्ठमं तो वसमं अह वसम तो दुबालसमं । इमेहि य ण वीसाएहि य कारणेहिं आसेवियबहुलीकएहिं तिथयरनामगोयं कम्मं निव्वत्तेसु तंजहा — अरहतसिद्धपवयणगुरुथेरबहुस्सुए तवस्सीसुं । वच्छल्लया य तेसिं अभिक्ख नाणोवओगा य ॥१॥ दंसणविणए आवस्सए य सीलव्वए निरइयारो । खणलवतवर्चियाए वेयावच्चे समाही य ॥२॥ अपुव्व-माणगहणे सुयभत्ती पवयणे पहावणया । एएहिं कारणेहिं तिथयरत्तं लहइ सो उ ॥३॥ तए णं ते महब्बलपामोक्खा सत्त अणगारा मासियं भिक्खुपडिं उवसंपज्जित्ताणं विहरंति जाव एगराईयं । तए णं ते मह-ब्बलपामोक्खा सत्त अणगारा खुट्ठागं सीहनिक्कीलियं तवोकम्मं उवसंप-ज्जित्ताणं विहरंति तंजहा — चउत्थं करेति २ सव्वकामगुणियं पारेति २

छट्ठं करेति २ चउत्थं करेति २ अट्ठमं करेति २ छट्ठं करेति २ दसमं करेति २ अट्ठमं करेति २ दुवालसमं करेति २ दसमं करेति २ चौहसमं करेति २ दुवालसमं करेति २ सोलसमं करेति २ चौहसमं करेति २ अट्ठारसमं करेति २ सोलसमं करेति २ वीसइमं करेति २ अट्ठारसमं करेति २ वीसइमं करेति २ सोलसमं करेति २ अट्ठारसमं करेति २ चौहसमं करेति २ सोलसमं करेति २ दुवालसमं करेति २ चौहसमं करेति २ दसमं करेति २ दुवालसमं करेति २ अट्ठमं करेति २ दसमं करेति २ छट्ठं करेति २ अट्ठमं करेति २ चउत्थं करेति २ छट्ठं करेति २ चउत्थं करेति सव्वत्थं सव्वकामगुणिणं पारेति । एव खलु एसा खुड्ढागसीहनिक्कीलियस्स तवोकम्मस्स पढमा परिवाडी छहि मासेहि सत्तहि य अहोरत्तेहि य अहासुत्तं जाव आराहिया भवइ । तयाणतर दोच्चाए परिवाडीए चउत्थं करेति नवरं विगय्यवज्ज पारेति । एवं तच्चाएवि परिवाडीए नवरं पारणए अलेवाड पारेति । एव चउत्थावि परिवाडी नवरं पारणए आयविलेण पारेति । तए णं ते महव्वलपामोक्खा सत्त अणगारा खुड्ढागं सीहनिक्कीलियं तवोकम्मं दोहि संवच्छरेहि अट्ठावीसाए अहोरत्तेहि अहासुत्तं जाव आणाए आराहेत्ता जेणेव थेरे भगवन्ते तेणेव उवागच्छंति २ थेरे भगवन्ते वदंति नमसंति २ एवं वयासी—इच्छामो णं भन्ते । महालय सीहनिक्कीलियं तथेव जहा खुड्ढाग नवर चोत्तीसइमाओ नियत्तइ एगाए परिवाडीए कालो एगेणं सवच्छरेणं छहि मासेहि अट्ठारसहि य अहोरत्तेहि समप्पेइ । सव्वपि सीहनिक्कीलियं छहि वासेहि दोहि मासेहि बारसहि य अहोरत्तेहि समप्पेइ । तए ण ते महव्वलपामोक्खा सत्त अणगारा महालयं सीहनिक्कीलियं अहासुत्तं जाव आराहित्ता जेणेव थेरे भगवन्ते तेणेव उवागच्छंति २ थेरे भगवन्ते वदंति नमसंति २ वहुणि चउत्थं जाव विहरंति । तए ण ते महव्वलपामोक्खा सत्त अणगारा तेणं उरालेणं सुक्का भुक्खा जहा खदओ नवरं थेरे आपुच्छित्ता चारुपव्वयं साणियं दुरुहंति जाव दोमासियाए संलेहणाए सवीसं भत्तसय चतुरासीइ वाससयसहस्साइं सामण्णपरियागं पाउणंति २ चुलसीइं पुव्वसयसहस्साइं

सन्वाज्यं पालइत्ता जयंते विंमाणे देवत्ताए उव्वन्ना ।

(70)*तत्थ णं अत्थेगइयाणं देवाणं वत्तीसं सागरोवमाइं ठिई पन्नत्ता । तत्थ ण महव्वलवज्जाणं छण्हं देवाणं देसूणाइ वत्तीसं सागरोवमाइं ठिई । महव्वलस्स देवस्स पडिपुण्णाइं वत्तीसं सागरोवमाइं ठिई । तए णं ते महव्वलवज्जा छप्पि देवा ताओ देवल्लोगाओ आउ-
क्खएण जाव अणंतरं चय चइत्ता इहेव जंबुदीवे २ भारहे वासे विसुद्ध-
पिइमाइवसेसु रायकुलेसु पत्तेय २ कुमारत्ताए पच्चायाया तंजहा —
पडिबुद्धी इक्खागराया, चंदच्छाए अंगराया, संखे कासिराया, रूपी
कुणाळाहिवई, अदीणसत्तू कुरुराया, जियसत्तू पंचालाहिवई । तए णं से
महव्वले देवे तिहिं नाणेहिं समगे उच्चट्ठाणगएंसु गहेसु सोमासु दिसासु
वित्तिमिरासु विसुद्धासु जइएसु सज्जेसु पयाहिणाणुकूलंसि भूमिस-
प्पिसि मारुयंसि पवायंसि निप्पन्नसस्समेइणीयंसि कालंसि पमुइयप-
क्कीलिएसु जणवएसु अद्धरत्तकालसमयंसि आस्सिणीनक्खत्तेणं जोग-
मुवागएणं जे से गिम्हणं पढमे मासे दोच्चे पक्खे चेत्तसुद्धे तस्स णं
चेत्तसुद्धस्स चउत्थिपक्खेण जयंताओ विंमाणो वत्तीसं सागरोवम-
ट्ठिइयाओ अणंतरं चयं चइत्ता इहेव जंबुदीवे २ भारहे वासे मिहिलाए
रायहाणीए कुभगस्स रओ पभावईए देवीए कुच्छिसि आहा-
रवक्कंतीए भववक्कंतीए सरीरवक्कंतीए गम्भत्ताए वक्कंते । तं रयणिं च
णं चोइस महासुमिणा वण्णओ । भत्तारकहणं सुमिणपाढगपुच्छा जाव
विहरइ । तए णं तीसे पभावईए देवीए तिण्हं मासाणं बहुपडिपुण्णाणं
इमेयारूवे डोहले पाउब्भूए — धन्नाओ णं ताओ अम्मयाओ जाओ णं
जलथलयभासुरप्पभूएणं दसद्ववण्णेणं मल्लेणं अत्थुयपच्चत्थुयंसि सय-
णिज्जंसि सान्निसण्णाओ संनिवन्नाओ य विहरंति एग च महं सिरिदाम-
गंडं पाढलमल्लियचंपगअसोगपुन्नागनागमरुयगदमणगअणोव्वज्जय-
पउरपरमसुहदरिसणिज्जं महया गंधद्वण्णिं मुयतं अग्घायमाणीओ डोहलं
विणेंति । तए णं तीए पभावईए इमं एयारूवं डोहलं पाउब्भूयं पासित्ता
अहासन्निहिया व्वाणमंतरा देवा खिप्पामेव जलथलय जाव दसद्ववण्ण-

मल्लं कुंभगसो य भारगसो य कुंभगस्स रत्तो भवणंसि साहरंवि एणं
च णं मद्दं सिरिदामगंडं जाव मुयंतं उवणेंति । तए णं सा पभावई
देवी जलथलय जाव मल्लेणं दोहलं विणेइ । तए णं सा पभावई
देवी पसत्थदोहला जात विहरइ । तए णं सा पभावई देवी
नवण्हं मासाणं अद्धट्टमाण य रायंदियाणं जे से हेमंताणं पढभे मासे
दोच्छे पक्खे मग्गसिरसुद्धे तस्स णं एक्कारसीए पुव्वरत्तावरत्तकाल-
समयांसि अरिसणीनक्खत्तेणं उच्चट्टाण जाव पमुइयपक्कीलिएसु जणवएसु
आरोगारोगं एगूणवीसइमं तिस्थयरं पयाया ।

(71) तेण कोलणं २ अहेल्लोगवत्थव्वाओ अट्ट दिसाकुमारी-
मयहरियाओ जहा जंबुद्वीपवत्तीए जम्मणं ख्वं नवरं मिहिलाए कुंभगस्स
पभावईए अभिलावो संजोएयव्वो जाव नंदीसरवरदीवे महिमा । तथा
णं कुंभए राया बहूहिं भवणवईहिं ४ तिस्थयरजायकम्मं जाव नामकरणं
—जम्हा णं अम्हं इमीए दारियाए माऊए मल्लसयणीयंसि डोहले विणीए
तं होउ णं नामेणं मल्ली जहा महव्वले जाव परिवड्डिया — सा बड्डई
भगवई दियलोयचुया अणोवसासिरीया । दासीदासपरिचुडा परिक्किणा
पीढमदेहि ॥१॥ असियसिरया सुनयणा विंबोट्टी धवलदंतपंतीया ।
वरकमलकोमलंगी फुल्लुपलगंधनीसासा ॥२॥

(72) तए णं सा मल्ली विदेहरायवरकन्ना उम्मुक्कवालभावा जाव रुवेण
य जोव्वणेण य लावण्णेण य अईव २ उक्किट्टा उक्किट्टसरीरा जायावि होत्था ।
तए णं सा मल्ली देसूणवाससयजाया ते लप्पि रायाणो विउल्लेणं ओहिणा
आभोएमाणी २ विहरइ तंजहा — पडिबुद्धिं जाव जियसत्तुं पंचालाहि-
वइ । तए णं सा मल्ली कोडुंविचपुरिसे सदावेइ २ एवं वयासी — गच्छह
णं तुव्वे देवाणुप्पियह! असोगवणियाए एणं मद्दं मोहणघरं करेह अणेग-
खंभसयसन्निविट्टं । तस्स णं मोहणघरस्स बहुमज्झदेसभाए छ गवभ-
घरए करेह । तेसि णं गवभघरगाणं बहुमज्झदेसभाए जालघरयं
करेह । तस्स णं जालघरयस्स बहुमज्झदेसभाए मणिपेढियं करेह जाव
पञ्चप्पिणंति । तए णं सा मल्ली मणिपेढियाए उवरिं अप्पणो सरिसियं

सरित्तुयं सरिव्वयं सरिसलावण्णजोव्वण्णगुणोव्वेयं कण्णमयं मत्थय-
च्छिद्धं पडमण्यलपिहाणं पडिमं करेइ २ जं विउलं असणं ४ आहारेइ
तओ मणुत्ताओ असणाओ ४ कल्लकल्लि एगमेगं पिढं गह्णय तीसे कण्णा-
मईए मत्थयच्छिद्धाए जाव पडिमाए मत्थयंसि पन्निखवमाणी २ विहरइ ।
तए णं तीसे कण्णममईए जाव मत्थयच्छिद्धाए पडिमाए एगमेगासि पिढे
पक्खिप्पमाणे २ तओ गंधे पाउव्वभवइ से जहानामए अहिमडे इ वा
जाव एत्तो अणिट्ठतराए अमणामतराए चेव ।

(73) तेणं कालेणं २ कोसला नामं जणवए । तत्थ णं सागेए
नामं नयरे । तस्स णं उत्तरपुरत्थिमे दिसीभाए एत्थ णं महगे नाग-
घरए होत्था दिव्वे सच्चवे सच्चोवीए संनिहिियपाडिहेरे ! तत्थ णं
सागेए नयरे पडिबुद्धी नामं इक्खागराया परिवसइ पडमावई देवी सुबुद्धी
अमच्चवे सौमदह ० । तए णं पडमावईए देवीए अन्नया कयाइ नाग-
जन्नए यावि होत्था । तए णं सा पडमावई नागजन्नमुवट्ठियं जाणित्तो
जेणेव पडिबुद्धी करयल जाव एवं वयासी - एवं खलु सामी ! मम
कल्लं नागजन्नए भविस्सइ । तं इच्छामि णं सामी ! तुब्भेहि अब्भणु-
त्ताया समाणी नागजन्नयं गमित्तए । तुब्भेवि णं सामी ! मम नागजन्न-
यंसि समोसरइ । तए णं पडिबुद्धी पडमावईए एयमट्ठं पडिसुणेइ ।
तए णं पडमावई पडिबुद्धिणा रत्ता अब्भणुत्ताया समाणी इट्ठा जाव कोडु-
वियपुरिसे सदावेइ २ एवं वयासी - एवं खलु देवाणुप्पिया ! मम कल्ल
नागजन्नं भविस्सइ । तं तुब्भे मालागारे सदावेइ २ एवं वयाह - एवं
खलु पडमावईए देवीए कल्लं नागजन्नए भविस्सइ । तं तुब्भे ण देवा-
णुप्पिया ! जलथलयदसद्धवण्णं मल्लं 'नागघरयंसि साहरइ एगं च णं
महं सिरिदामगंडं उवणेइ । तए णं जलथलयदसद्धवण्णेणं मल्लेणं
नाणाविहभत्तिसुविरइयं हंसमियमयूरकोचसारसचक्कवायमयणसाल-
कोइलकुलोव्वेयं ईहामिय जाव भत्तिचित्तं महग्घं महरिहं विउलं पुप्फ-
मंडवं विरएइ । तस्स णं बहुसज्झदैसभाए एगं महं सिरिदामगंडं जाव
गंधर्द्धणिं मुयंतं उल्लोयंसि आल्लेवइ २ पडमावई देविं पडिवालेमाणा २

चिद्धह । तए णं ते कोडुविया जाव चिट्ठंति । तए णं सा पउमावई देवी
 कल्लं कोडुविए एवं वयासी - खिप्पामेव भो देवाणुपिया । सागेयं
 नयरं सट्ठिभतरवाहिरियं आसियसम्मज्जिओवलित्त जाव पच्चपिणति ।
 तए णं सा पउमावई दोच्छंति कोडुविय जाव खिप्पामेव लहुकरण्णुत्त जाव
 जुत्तामेव उवट्ठवेंति । तए णं सा पउमावई अंतो अतेउरंमि ण्हाया
 जाव धम्मियं जार्णं दुरुढा । तए ण सा पउमावई नियगपरियालमपरि-
 वुढा सागेयं नयरं मज्झमज्जेणं निज्जाड २ जेणेव पुक्खरणी तेणेव
 उवागच्छइ २ पोक्खराणि ओगाहेइ २ जलमज्जण जाव परममुडभूया
 उल्लपडसाडया जाइ तत्थ उप्पलाइ जाव गेण्हइ २ जेणेव नामघरण
 तेणेव पहारेत्थ गमणाए । तए णं पउमावईए दासचेडीओ वहुओ
 पुप्फपडलगाहत्थगयाओ धूवकडंछुयहत्थगयाओ पिट्ठओ समणुगच्छति ।
 तए णं पउमावई सव्विड्डीए जेणेव नागघरण तेणेव उवागच्छइ
 २ नागघरं अणुपविसइ २ लोमहत्थगं जाव धूव डहइ २ पडिबुद्धिं
 पडिवालेमाणी २ चिद्धह । तए ण पडिबुद्धी ण्हाए हत्थिरांधवरणए
 सकोरंट जाव सेयवरचामराहि य ह्यगयरहमहयाभडचडगरपहकरेहि
 सागेयं नगर मज्झमज्जेणं निग्गच्छइ २ जेणेव नागघरण तेणेव
 उवागच्छइ २ हत्थिखंधाओ पच्चोरुहइ २ आलोण पणाम करेइ
 २ पुप्फमंडवं अणुपविसइ २ पासइ तं ण्ग मह मिरिदामगड ।
 तए ण पडिबुद्धी त सिरिदामगड सुचिर काल निरिक्खइ २ तासि
 सिरिदामगडंसि जायविम्हए सुबुद्धिं अमच्च एवं वयासी - तुम देवाणु-
 पिया । मम दोच्छेणं वहुणि गामागर जाव सन्निवेसाइं आहिडासि बहूण
 य राईसर जाव गिहाइं अणुपविससि । तं आत्थि ण तुमे काहिचि परि-
 सए सिरिदामगडे दिट्ठपुण्वे जारिसए ण इमे पउमावईदेवीए सिरिदाम-
 गडे ? तए ण सुबुद्धी पडिबुद्धि रायं एव वयासी - एवं खलु सामी !
 अहं अन्नया कयाइं तुब्भं दोच्छेण मिहिल रायहाणि गए । तत्थ ण मए
 कुंभगस्स रत्तो धूयाए पभावईए देवीए अत्तर्याए मल्लीए सवच्छरपडि-
 लेहणगासि दिण्वे सिरिदामगडे दिट्ठपुण्वे । तस्स णं सिरिदामगडस्स इमे

पउमावईए देवीए सिरिदामगंडे सयसईस्सइमंपि कलं न अगघइ । तए णं पढिबुद्धी सुबुद्धिं अमच्चं एवं वयासी - केरिसिया णं देवाणुप्पिया ! मल्ली २ जस्स णं संवच्छरपडिलेहणयंसि सिरिदामगंडस्स षउमावईए देवीए सिरिदामगंडे सयसईस्सइमंपि कलं न अगघइ ? तए णं सुबुद्धी पढिबुद्धिं इक्खामरायं एवं वयासी - मल्ली विदेहरायवरकन्नगा सुपइट्ठिय-कुम्भुन्नयचारुचरणा वण्णओ । तए णं पढिबुद्धी सुबुद्धिस्स अमच्चस्स अंतिए एयमहं सोष्वा निसम्म सिरिदामगडजणियहासे दूय सदावेइ २ एवं वयासी - गच्छाहि णं तुमं देवाणुप्पिया । मिहिळं रायहाणि । तत्थ णं कुंभगस्स रत्ते धूयं पमावईए आत्तियं मल्लिं २ मम भारियत्ताए वरेहि जइ वि यं णं सा सयं रज्जसुका । तए णं से दूए पढिबुद्धिणा रत्ता एवं वुत्ते समाणे हट्ठं जाव पढिसुणेइ २ जेणेव सए गिहे जेणेव चाउगघटे आसरहे तेणेव उवागच्छइ २ चाउगघटं आसरहं पडिकप्पावेइ २ दुरूढे जाव हयगयमहयाभडचुडगरेणं साएयाओ निग्गच्छइ २ जेणेव विदेह-जणवए जेणेव मिहिला रायहाणी तेणेव पहारेत्थ गमणाए (१) ।

(74) तेण कालेणं २ अंगा नाम जणवए होत्था । तत्थ णं चंपा नामं नयरी होत्था । तत्थ ण चंपाए नयरीए चंदच्छाए अंगराया होत्था । तत्थ णं चंपाए नयरीए अरहन्नगपामोक्खा बहवे संजत्तानावावाणियगा परिवसंति अट्ठा जाव अपरिभूया । तए णं से अरहन्नगे समणोवासए यावि होत्था अहिगयजीवाजीवे वण्णओ । तए णं तेसिं अरहन्नगपामोक्खाणं संजत्तानावावाणियगाणं अन्नया कयाइ एगयओ सहियाणं इमेयारूवे मिहोक्कहाँसमुल्लावे समुप्पज्जित्था - सेयं खलु अम्हं गणिमं धरिमं च मेज्जं च परिच्छेज्जं च भंडगं गृहाय लवणसमुहं पोयवहणेण ओगाहित्तए त्तिक्टु अन्नमन्नस्स एयमहं पढिसुणेंति २ गणिमं च ४ गेण्हंति २ सगढीसागडयं सज्जेति २ गणिमस्स ४ भंडगस्स सगडसागाडियं भरेति २ सोहणंसि तिहिकरणनक्खत्तमुहुत्तंसि विउलं असणं ४ उवक्खडावेति मित्तनाइ भोयणवेलाए भुंजावेति जाव आपुच्छंति २ सगढीसागडियं जोयंति २ चंपाए नयरीए मज्झमज्जेण निग्गच्छंति २ जेणेव गंभीरए

पोयपट्टणे तेणेव उवागच्छंति २ सगडीसांगडियं मोयंति २ पोयवहणं सज्जेति २ गाणिमत्स जाव चवविहभंडगस्स भरेति तदुल्लण य समि-
यत्त च वेल्लत्त च वयत्त यं गुलत्त य गोरसत्त य उदगत्त य उदय-
मायणाण च ओसहाण ग्र भेसज्जाण च तणत्त य कट्ठत्त य अत्तवरणाण य
पहरणाण य अत्तेसिं च वट्ठण पोयवहणपाळणाणं दव्वाण पोयवहणं भरेति
सोहणसि विहिक्करणनक्खत्तमुहुत्तंसि विट्ठ असण ४ उवक्खडावेति २
मित्तनाइ० आपुच्छंति २ जेणेव पोयट्टाणे तेणेव उवागच्छंति । तए णं
तेसिं अरहन्नग जाव बाणियगाण परियणो जाव ताहिं इट्ठाहिं जाव वग्गहिं
अभिनदंता य अभिसंयुणमाणा य एव वयासी—अज्ज! ताप! माय! भाउल!
भाइणेज्ज! भगवया समुहेणं अभिरक्खिज्जमाणा ० चिरं जीवह भदं च
मे पुणरवि लद्धे कयकज्जे अणहसम्मो नियग घर हव्वमागए पासामो
त्तिकट्ठ ताहिं सोमाहिं निट्ठाहिं दीहाहिं सप्पिवासाहिं पप्पुयाहिं दिट्ठाहिं
निरिक्खमाणा मुहुत्तमेत्तं सचिद्धति । तओ समाणिएसु पुप्फवलिकम्मेसु
दिन्नेसु सरसरत्तचट्ठणदहरपचगुलितलेसु अणुक्खित्तंसि धूवासि पूइएसु समु-
ह्वाएसु संसारियासु बल्लयवाहासु ऊसिएसु सिएसु झयग्गेसु पटुप्पवाइएसु
वूरेसु जईएसु सव्वसत्तेसु गहिएसु रायवरसासणेसु महया उक्किट्ठसीह-
नाय जाव रवेण पक्खुभियमहासमुहरवभूयंपिव मेइणिं करेमाणा एगादिसिं
जाव बाणियगा नावाए दुरुट्ठा । तओ पुत्तमाणावो वक्कमुदीहु—इं भो !
सव्वेत्तिमैवि अत्थसिद्धी उवट्ठियाइ कल्लणाइ पडिहयाइं सव्वपावाइं
जुत्तो पूतो विजओ मुहुत्तो अयं वैसकालो । तओ पुत्तमाणाएणं वक्क-
मुदाहरिए हट्ठुट्ठे उच्छिधारकण्णधारगम्भिज्जसंजत्तानावावाणियगा
वावारिसुं त नाव पुण्णुच्छंण पुण्णमुहिं वंघणेहितो मुचंति । तए णं सा नावा
विमुक्खंघणा पवप्पवल्लसमाहया ऊसियासिया विततपंखा इव गरुळ-
जुवई गंगासलिलतिक्खसोचवेगेहिं सखुर्म्ममाणी २ उर्म्मीतरंगमाला-
सहत्ताइं समइच्छमाणी २ कइवएहिं अहोरत्तेहिं लवणसमुद अणेगाइं
जोयणत्तयाइं ओगाढा । तए णं तेसिं अरहन्नगपासोक्खाणं संजत्तानावा-
बाणियगाण लवणसमुद अणेगाइं जोयणत्तयाइ ओगाढाणं समीणाणं

बहुइं चप्पाइयसयाइं पाउब्भूयाइं तंजहा — अकाले गब्जिए अकाले विञ्जुए
 अकाले थणियंसहे अभिक्खणं २ आगासे देवयाओ नच्चति एगं च णं
 महं पिसायरूवं पासंति तालजंघं दिवंगयाहिं वाहाहिं मसिमूसगमहिस-
 कालंगं भरियमेहवण्णं लंबोहं निग्गयग्गदंतं बिहालियजमलजुयलजीहं
 आऊंसियवयणगंडदेसं चीणचिमिढनासियं विगयभुग्गभग्गसुमयं खब्बोय-
 गदिस्तचक्खुरागं उत्तासणगं विसालवच्छ विसालकुच्छिं पलंबकुच्छिं
 पहासियपयलियपयडियगत्तं पणवमाणं अप्पोढत अभिर्वयंतं अभि-
 गंजंतं बहुसो २ अट्टट्टहासे विणिम्मुयंतं नीलुप्पलगवलगुलियक्षयसि-
 कुसुमप्पगासं खुरधारं असिं गहाय अभिमुहर्मावयमाणं पासंति । तए
 णं ते अरहन्नगवज्जा संजत्तानावावाणियगा एगं च ण महं तालपिसायं
 पासित्ता तालजंघं दिवंगयाहि वाहाहिं फुट्टिसिरं भमरनिगरवरमासरासि-
 माहिसकालंगं भरियमेहवण्णं सुप्पणहं फालसरिसजीह लंबोहं धवल-
 बट्टासिलिद्धतिक्खथिरपीणकुडेलदाढोवगूढवयणं विकोसियधारासि-
 जुयलसमसरिसतणुयचंचलगलंतरसलोलचंबलफुरुफुरेतनिहालियगजीहं
 अवयंछियमहल्लविगयवीभच्छलीलपगलंतरत्ततालुय हिंगुलयसगम्भ-
 कदरावलं व अंजणगिरिस्स अग्गिजालुगिलंतवयणं आऊंसियअक्ख-
 चम्मंउड्डगंडदेसं चीणचिमिढंवंकभग्गनासं रोसागयधमधमंतमारुय-
 निट्टुरखरफरुसझुसिरं ओभुग्गनासियपुड वडंउब्भडरइयभीसणमुहं
 लद्धमुहकण्णसक्कुलियमहंतविगयलोमसखालगलवतचंलियकण्णं पिंगल-
 दिप्पंतलोथेणं भिउडित्तिनिहोळ नरासिरमालपरिणद्धंविंधं विचित्तगोणस-
 सुबद्धपरिकरं अवहोलंतपुप्फयायंतसप्पविच्छुयगोधुंदरनउलसरडविरइय-
 विचित्तेवयच्छमालियागं भोगकूरकण्हसप्पधमधमंतलंबंतकण्णपूरं मज्जार-
 सियाललइयखंधं दित्तधूर्धूरंतधूयकयकुंतैलसिर घंटरवेण भीमं भयंकर
 कायरजणहियंयफोडणं दित्तमट्टट्टहासं विणिम्मुयत वसारुहिरपूयमंस-
 मलमलिणपोच्चडतणु उत्तासणयं विसालवच्छ पेच्छंताभिन्नहंमुह-
 नयणकण्णवरवग्घचित्तकंत्तीणियंसैण सरसरुहिरगयचम्मविययंऊसविय-
 बाहुजुयलं ताहि य खरंफरुसअसिणिद्धंअणिट्टदित्तअसुभअप्पिय-

अकंतवग्गूहि य तज्जयंतं मासंति तं तालपिसायरूवं एज्जमाणं पासंति २
 भीया संजायभया अन्नमन्नस्स काय समतुरंगेमाणा २ बहूणं इंदाण
 य खंदाणं य रुद्धसिबवेसमणनागाणं भूयाण य जक्खाण य अज्जकोट्ट-
 किरियाणं यं बहूणि उवाइयसयाणि ओवाइयमाणा २ चिद्धंति । तए
 णं से अरहन्नए समणोवासए तं दिव्वं पिसायरूवं एज्जमाणं पासइ २
 अभीए अतत्थे अच्चलिए असंभंते अणाउले अणुव्विग्गे अभिन्नमुह-
 रागनयणवण्णे अदीणविमणमाणसे पोयवहणस्स एगदेसंसि वत्थंतेणं
 भूमिं पन्नज्जइ २ ठाणं ठाइ २ करयल जाव एवं वयासी — नमोत्थु णं
 अरहंताणं जाव संपत्ताणं । जइ णं अहं एत्तो उवसग्गाओ मुच्चांमि तो मे
 कप्पइ पारित्तए । अहं णं एत्तो उवसग्गाओ न मुच्चांमि तो मे तद्वा
 पच्चक्खाएयंवे तिकट्ठु सागारं भत्त पच्चक्खाइ । तए णं से पिसाय-
 रूवे जेणेव अरहन्नगे समणोवासए तेणेव उवागच्छइ २ अरहन्नगं
 एवं वयासी — हं भो ! अरहन्नगा अपत्थियपत्थिया जाव परिवज्जिया !
 नो खलु कप्पइ तव सीलव्वयगुणवेरमणपच्चक्खाणपोसहोववासाइं
 चालित्तए वा एवं खोभित्तए वा खंडित्तए वा भंजित्तए वा उज्झित्तए
 वा परिच्चइत्तए वा । तं जइ ण तुम सीलव्वयं जाव न परिच्चयसि
 तो ते अहं एयं पोयवहणं दोहिं अंगुलियाहिं गेण्हामि २ सत्तट्ठतल्लं-
 प्पमाणमेत्ताइं उट्ठु वेह्मासं उव्विह्मामि अंतोजलंसि निच्छोलेमि जाणं
 तुमं अट्ठुहट्ठवसट्ठे असमाहिपत्ते अकाले चेव जीवियाओ ववरोविज्जसि ।
 तए णं से अरहन्नगे समणोवासए तं देवं मणसा चेव एवं वयासी —
 अहं णं देवाणुप्पिया ! अरहन्नए नामं समणोवासए अहिगयजीवाजीवे ।
 नो खलु अहं सक्का केणइ देवेण वा जाव निग्गंथाओ पावयणाओ चालि-
 त्तए वा खोभित्तए वा विपरिणामित्तए वा । तुम णं जा सद्दा तं करोहि
 त्तिकट्ठु अभीए जाव अभिन्नमुहरागनयणवण्णे अदीणविमणमाणसे
 निच्चले निप्फंदे तुसिणीए धम्मज्झाणोवगए विहरइ । तए णं से दिव्वे
 पिसायरूवे अरहन्नगं समणोवासगं दोच्चंप्पि तच्चंप्पि एवं वयासी — हं
 भो अरहन्नगा ! जाव धम्मज्झाणोवगए विहरइ । तए णं से दिव्वे

पिसायरूवे अरहन्नगं धम्मज्झाणोवगयं^१ पासइ २ बलियतरागं आसुरुत्ते
तं पोयवहणं^२ दोहिं अंगुलियाहिं गिण्हइ २ सत्तट्ठत्ताहं जाव अरहन्नगं
एवं वयासी — हं भो अरहन्नगा ! अपत्थियपत्थिया ! नो खलु कप्पइ
तव सीलब्बयं तदेव जाव धम्मज्झाणोवगए विद्दइ । तए ण से पिसाय-
रूवे अरहन्नगं जाहे नो संचाएइ निगंगाओ चालित्तए वा तहेवं संते
जाव निव्विण्णे तं पोयवहणं सणियं २ उवरिं जलस्सं ठवेइ २ तं दिव्वं
पिसायरूवं पडिसाहरेइ २ दिव्वं देवरूवं विउव्वइ २ अंतत्तिक्खपडि-
वन्ने सखिंखिणीयाइ जाव परिहिए अरहन्नगं समणोवासगं एवं वयासी —
हं भो अरहन्नगा ! धन्नोसि णं तुम देवाणुप्पिया ! जाव जीवियफले
जस्स णं तव निगंगं पावयणे इमेयरूवां पडिवत्ती लद्धा पत्ता अभि-
समन्नागया । एवं खलु देवाणुप्पिया ! सक्के देविंदे देवराया सोहम्मं
कप्पे सोहम्मवडिंसए विमाणे सभाए सुहम्माए बहूण देवाणं मज्झगए
महया २ सहेणं एवं आइक्खइ ४— एवं खलु जंबुदीवे २ भारहे वासे
चंपाए नयरीए अरहन्नए समणोवासए अभिगयजीवाजीवे नो खलु
सक्का केणइ देवेण वा ६ निगंगाओ पावयणाओ चालित्तए जाव विप-
रिणामित्तए वा । तए णं अहं देवाणुप्पिया ! सक्कस्स नो एयमट्ठं सह-
हामि । तए णं मम इमेयरूवे अज्झत्थिए — गच्छामि ण अहं अरहन्नगस्स
अंतियं पाउव्ववामि जाणामि ताव अहं अरहन्नगं किं पियधम्मं नो
पियधम्मं, दढधम्मं नो दढधम्मं, सीलव्वयगुणे किं चालेइ जाव
परिच्चयइ नो परिच्चयइ त्तिकट्ठु एवं संपेहेमि २ ओहिं पञ्जामि २
देवाणुप्पियं ओहिणा आभोएमि २ उत्तरपुरत्थिमं २ उत्तरवेउव्वियं ०
ताए उक्किट्ठाए जेणेव लवणसमुद्दे जेणेव देवाणुप्पिया तेणेव उवागच्छामि
२ देवाणुप्पियं उवसगं करेमि नो चेव णं देवाणुप्पिया भीया वा । तं
जं णं सक्के ३ एवं वयइ सच्चे ण एसमट्ठे । तं दिट्ठे^४ णं देवाणुप्पि-
याणं इद्धी जाव परक्कमे लद्धे पत्ते अभिसमन्नागए । तं खामेमि णं देवाणु-
प्पिया ! खमंतु मरंहंतु णं देवाणुप्पिया । नाइभुजो एंवकरणयाए त्तिकट्ठु
पजलिउडे पायवडिए एयमट्ठं विणएणं भुज्जो २ खामेइ अरहन्नगस्स य

दुवे कुंडलजुयले दलयइ २ जामेव तिसिं पाउभूए तामेव पाडिगए ।

(75) तए ण से अरहन्नए निरुवसग्गमितिकट्टु पाडेमं पारेइ ।
 तए णं ते 'अरहन्नगपामोक्खा जाव वाणियगा दक्खिणाणुकूलेणं वाएणं
 जेणेव गंभीरए पोयट्टाणे तेणेव उवागच्छति २ पोय लंवेति' न मगढि-
 सागढं सज्जेति, तं गणिम च ४ सगढी० संकामेति २ सगढी०
 जेविति २ जेणेव मिहिला तेणेव उवागच्छति २ मिहिलाए रायहाणीए
 वहिया अग्गुज्जाणसि सगढीसागढं मोएति २ महत्थं विलटं रायारिह
 पाहुइ कुंडलजुयलं च गेण्हति २ अणुप्पविमति २ जेणेव कुंभए तेणेव
 उवागच्छति २ करयल जाव महत्थ दिव्व कुंडलजुयल उदणेंति । णएण
 कुंभए तेसिं मंज्जेत्तगाण जाव पाडिच्छइ २ माहिं २ सहावेइ २ तं दिव्वं
 कुंडलजुयल महीए २ पिणद्धेइ २ पडिविमज्जेइ । तए ण मे कुंभए राया
 ते अरहन्नगपामोक्खे जाव वाणियगे विपुलेण वत्थगं वमहालकरोण जाव
 उत्सुक्क वियरइ २ रायमग्गमोगाढे य आवामे वियरइ २ पडिविसज्जेइ ।
 तए ण अरहन्नगसज्जता जेणेव रायमग्गमोगाढे आवामे तेणेव उवा-
 गच्छति २ मडववहरणं करेति पडिभडे गेण्हति २ सगढी० भरेति जेणेव
 गंभीरए पोयपट्टणे तेणेव उवागच्छति २ पोयवहण मज्जेति २ भंड सका-
 मेति दक्खिणाणुकूले जेणेव चपां पोयट्टाणे तेणेव पोय लंवेति २ सगढी०
 सज्जेति २ त गणिमं ४ सगढी० संकामेति जाव महत्थ महग्घ पाहुइ दिव्व
 च कुंडलजुयलं गेण्हति २ जेणेव चदच्छाए अंगराया तेणेव उवागच्छति २
 तं महत्थं जाव उवणेंति । तए ण चदच्छाए अंगराया त दिव्वं महत्थं
 कुंडलजुयलं पाडिच्छइ २ ते अरहन्नगपामोक्खे एवं वयासी—तुव्भे णं
 देवाणुप्पिया । वहुणि गामागर जाव आहिंइह लवणसमुद च अभिक्खणं
 २ पोयवहणेहि ओग्गहेह । त अत्थियाइ भे केइ कट्ठिचि अच्छेए दिट्ठ-
 पुब्बे ? तए णं ते अरहन्नगपामोक्खा चंदच्छायं अंगराय एव वयासी—
 एव खलु सामी । अम्हे इहेव चपाए नयरीए अरहन्नगपामोक्खा वहवे
 संजत्तगानावावाणियगा परिवसामो । तए णं अम्हे अन्नया कयाइ गणिमं
 च ४ तहेव अहीणअडरित्त जाव कुंभगस्म रज्जो उवणेमो । तए णं से

कुंभपु मल्लीए २ तं दिव्वं कुंडलजुयलं पिणद्धेइ २ पडिविसज्जेइ । तं एस णं सामी । अम्हेहिं कुंभगरायभवणंसि मल्ली २ अच्छेरए दिट्ठे । तं नो खलु अन्ना कावि तारिसिया देवकन्ना वा जाव जारिसिया णं मल्ली २ । तए णं ज्वंदच्छाए अरहन्नगपामोक्खे सक्कारेइ सम्माणेइ २ उस्सुंकं वियरइ पडिविसज्जेइ । तए णं चंदच्छाए वाणियगज्जाणियहासे दूयं सद्दवेइ जाव जइ वि य णं सा सयं रज्जसुक्का । तए णं से दूए हट्ठ जाव पहारेत्थ गमणाए (२) ।

(76) तेणं कालेणं २ कुणाला नामं जणवए होत्था । तत्थ णं सावस्थी नामं नयरी होत्था । तत्थ णं रुप्पी कुणालाहिंवई नामं राया होत्था । तस्स णं रुप्पिस्स धूया धारिणीए देवीए अत्तया सुबाहु नामं दारिया होत्था सुकुमाल जाव रूवेण य जोव्वणेण य लावण्णेण य उक्किट्ठा उक्किट्ठसरीरा जाया यावि होत्था । तीसे णं सुबाहुए दारियाए अन्नया चाउम्मासियमज्जणए नाए यावि होत्था । तए णं से रुप्पी कुणालाहिंवई सुबाहुए दारियाए चाउम्मासियमज्जणयं उवट्ठियं जाणइ २ कोडुविय-पुरिसे सद्दवेइ २ एवं वयासी — एवं खलु देवाणुप्पिया । सुबाहुदारियाए कलं चाउम्मासियमज्जणए भविस्सइ । तं तुब्भे णं रायमग्गमोगाढंसि मंडवंसि जलथलयदसद्धवणमल्लं साहरह जाव सिरिद्धामगंडं ओल्लंति । तए णं से रुप्पी कुणालाहिंवई सुवण्णगारसेणं सद्दवेइ २ एवं वयासी — खिप्पामेव भो देवाणुप्पिया । रायमग्गमोगाढंसि पुप्फमंडवंसि नाणाविह-पंचवण्णेहिं तंदुलेहिं नयरं आलिहह तस्स बहुमज्झदेसभाए पट्ठयं रएह जाव पच्चपिणंति । तए णं से रुप्पी कुणालाहिंवई हत्थिखंधवरगए चाडरंगिणीए सेणाए महया भडच्चडगर जाव अतेउरपरियालसंपरिवुडे सुबाहुं दारियं पुरओ कट्ठ जेणेव रायमग्गे जेणेव पुप्फमंडवे तेणेव उवागच्छइ २ हत्थिखंधाओ पच्चोरुहइ २ पुप्फमंडवे अणुप्पविसइ २ (सीहासणवरगए पुरत्थाभिमुहे सन्निसण्णे । तए णं ताओ अतेउरियाओ सुबाहुं दारियं पट्ठयंसि दुरुहंति २ सेथापीयएहिं कलसेहिं ण्हाणेंति २ सव्वालंकारविभूसियं करेंति २ पिउणो पार्यवंदियं उवणेंति । तए णं सुबाहु

दारिया जेणेव रूपी राया तेणेव उवागच्छइ २ पायगहणं करइ. तए
णं से रूपी राया सुवाहुं दारियं अंके निवेसेइ २ सुवाहुदरियाए रुवेण
य जोव्वणेणं य लावण्णेणं य जायविम्हए वरिसधरं सदावेड २ एवं
वयासी - तुमं णं देवाणुप्पिया ! मम दोच्चेणं वहूणि गांसागरनगर-
गिहाणि अणुप्पविससि । त अत्थियाइं ते कस्सइ रत्तो वा ईमरस्म वा
कहिं चि एयारिसेए मज्जणए दिट्ठपुव्वे जारिमए ण इमीसे सुवाहुदरियाए
मज्जणए ? तए णं से वरिसधरे रुप्पि करयल जाव वद्धावेत्ता एवं वयासी -
एवं खलु सामी ! अहं अन्नया तुव्वं दोब्बेणं मिहिलं गए । तत्थ णं मए
कुंभगस्स रत्तो धूयाए पभावईए देवीए अत्तयाए मल्लीए २, मज्जणए
दिट्ठे । तस्स ण मज्जणगस्स ईमीए सुवाहुदरियाए मज्जणए मयसहस्म-
इमपि कल न अगघइ । तए ण से रूपी राया वरिसवरस्म अत्थिय
एयमट्ठं सोच्चा निसम्म मज्जणगज्जाणियहासे दूय सदावेड जाव जेणेव
मिहिला नयरी तेणेव पहारेत्थ गमणाए (३) ।*

(77) तेण कालेणं २ कासी नाम जणवए होत्था । तत्थ णं वाणा-
रसी नामं नयरी होत्था । तत्थ ण सखे नामं कासीराया होत्था । तए ण
तीसे मल्लीए २ अन्नया कयाइ तस्स दिव्वस्स कुंडलजुयलस्स सधी
विसंघडिए यावि होत्था । तए ण से कुंभए राया सुवण्णगार-
सेणीं सदावेइ २ एवं वयासी - तुव्वे ण देवाणुप्पिया ! इमस्स
दिव्वस्स कुंडलजुयलस्स संधि सघाडेइ । तए ण सां सुवण्णगार-
सेणी एयमट्ठं तहाति पडिसुणेइ २ तं दिव्वं कुंडलजुयलं गेण्हइ २
जेणेव सुवण्णगारभिसियाओ तेणेव उवागच्छइ २ सुवण्णगारभिसि-
यासु निवेसेइ २ वहूहिं आएहि य जाव परिणामेमाणा इच्छति तस्स
दिव्वस्स कुंडलजुयलस्स संधि घडित्तए नो चेव णं सचाएइ घडित्तए ।
तए णं सां सुवण्णगारसेणी जेणेव कुंभए तेणेव उवागच्छइ २ करयल
जाव वद्धावेत्ता एव वयासी - एवं खलु सामी ! अज्ज तुम्हे अम्हे
सदावेह जाव संधिं सघाडेत्ता एवमाणत्तिय पच्चप्पिणह । तए ण अम्हे तं
दिव्वं कुंडलजुयलं गेण्हामो जेणेव सुवण्णगारभिसियाओ जाव नो

संचाएओ संचाडित्तए । तए ण अम्हे सामी ! एयस्स दिव्वस्स कुंडलस्स अन्नं सरिसय कुंडलजुयलं घडेमो । तए णं से कुंभए राया तीसे सुवण्णगारसेणीए अंतिए एयमट्ठ सोच्चा 'निसम्म आसुरुत्ते' ४ तिवालियं भिउडिं निडाले सहट्ठु एवं वयासी - केस णं तुव्मे कलायाणं भवह जे णं तुव्मे इमस्स दिव्वस्स कुंडल-जुयलस्स नो संचाएह संधिं संचाडित्तए ? ते सुवण्णगारे निव्विसए आणवेइ । तए णं ते सुवण्णगारा कुंभगेणं रत्ता निव्विसया आणत्ता समाणा जेणेव साइ २ गिहाइं तेणेव उवागच्छंति २ समंडमुत्तोव-गरणमयाए मिहिलाए रायहाणीए मज्झमज्झेणं निक्खमंति २ विदेहस्स जणवयस्स मज्झमज्झेणं जेणेव कासी जणधए जेणेव वाणारसी नयरी तेणेव उवागच्छंति २ अग्गुज्जाणंसि सगडीसागडं मोएंति २ महत्थं जाव पाहुडं गेण्हंति २ वाणारसीए नयरीए मज्झमज्झेणं जेणेव संखे कासिराया तेणेव उवागच्छंति २ करयल जाव वट्ठावेंति एवं वयासी - अम्हे णं सामी ! मिहिलाओ कुंभएणं रत्ता निव्विसया आणत्ता समाणा इह हव्वमागया । तं इच्छामो णं सामी ! तुव्मं बाहुच्छाया-परिगहिया निव्वमया निरुव्विग्गा सुहंसुहेणं परिवसिउं । तए णं संखे कासीराया ते सुवण्णगारे एवं वयासी - किं णं तुव्मे देवाणुप्पिया ! कुंभएणं रत्ता निव्विसया आणत्ता ? तए णं ते सुवण्णगारा संखं एवं वयासी - एवं खलु सामी ! कुंभगस्स रत्तो धूयाए पभावईए देवीए अत्तयाए मल्लीए कुंडलजुयलस्स संधी विसघडिए । तए णं से कुंभए सुवण्णगारसेणिं सहावेइ जाव निव्विसया आणत्ता । तं एएणं कारणेणं सामी ! अम्हे कुंभएण निव्विसया आणत्ता । तए णं से संखे सुवण्णगारे एवं वयासी - केरिसिया णं देवाणुप्पिया ! कुंभस्स रत्तो धूया पभावई-देवीए अत्तयां मल्ली विदेहरायवरकत्ता ? तए णं ते सुवण्णगारा संखं रायं एवं वय्मसी - नो खलु सामी ! अत्ता कावि तारिसिया देवकत्ता वा गंधव्वकत्ता वा जाव जारिसिया णं मल्ली २ । तए णं से संखे कुंडल-जणियहासे दूर्य सहावेइ जाव तेहव पहारेत्थ गमणाए ४ ।

(78) तेणं कालेणं २ कुरुजणवए' होत्था । हत्थिणाउरे, नयरे ।
 अदीणसत्तू नामं राया होत्था जाव विहरइ । तत्थ णं मिहिलाए तस्स ण
 कुंभगस्स पुत्ते, पभावईए अत्तए मल्लीए अणुमग्गजायए मल्लदिन्ने नाम
 कुमारे जव जुवराया यावि होत्था । तए ण मल्लदिन्ने कुमारे अन्नया
 कोडुंबियपुरिसे सदावेइ २ एवं वयासी - गच्छइ ण तुब्भे मम पमंद-
 वणंसि एग महं चित्तसभं करेह २ अणेग जाव पच्चप्पिणति । तए णं
 से मल्लदिन्ने चित्तगरसेणिं सदावेइ २ एव वयासी - तुब्भे णं देवाणु-
 प्पिया ! चित्तसभ हावभावविलासविब्बोयकल्लिणहि रूवेहि चित्तेह जांव
 पच्चप्पिणह । तए ण सा चित्तगरसेणी तहत्ति पडिसुणेइ २ जेणेव
 सयाइं गिहाइं तेणेव उवागच्छइ २ तूलियाओ वण्णाय गेण्हइं २
 जेणेव चित्तसभा तेणेव अणुप्पविसइ २ भूमिभागे विरयइ २
 भूमिं सजेइ २ चित्तसभं हावभाव जाव चित्तेउ पयत्ता यावि होत्था ।
 तए णं एगस्स चित्तगरस्स इमेयारूवा न्निच्चगरलद्धी लद्धा पत्ता
 अभिससन्नागदा - जस्स ण दुपयस्स वा चउप्पयस्स वा अपयस्स
 वा एगदेसमवि पासइ तस्स ण देसाणुसारेण तयाणुरूव रूव
 निवत्तेइ । तए णं से चित्तगरए मल्लीए जवणियतरियाण जालतरेण
 पायंगुडं पासइ । तए ण तस्स चित्तगरस्स इमेयारूवे अज्झत्थिए जाव
 समुप्पज्जित्था - सेय खलु ममं मल्लीए २ पायंगुट्ठाणुसारेण सरिसग
 जाव गुणोववेयं रूवं निवत्तित्तए । एवं सपेहेइ २ भूमिभागं सजेइ
 मल्लीए २ पायंगुट्ठाणुसारेणं जाव निव्वत्तेइ । तए ण सा चित्तगरसेणी
 चित्तसभं जाव हावभावं चित्तेइ २ जेणेव मल्लदिन्ने कुमारे तेणेव उवा-
 गच्छइ जाव एवमाणात्तियं पच्चप्पिणइ । तए ण मल्लदिन्ने चित्तगरसेणिं
 सकारेइ २ विपुलजीवियारिहं पीडदाण दलयइ २ पडिविसजेइ । तए
 णं मल्लदिन्ने अन्नया ण्हाए अतेउरपरियालसंपरिवुडे अम्मधाईए साद्धि
 जेणेव चित्तसभा तेणेव उवागच्छइ २ चित्तसभं अणुप्पविसइ २ हाव-
 भावविलासविब्बोयकल्लियाइं रूवाइं पासमाणे जेणेव मल्लीए २ तयाणु-
 रूवं निव्वत्तिए तेणेव पहारेत्थ गमणाए । तए णं से मल्लदिन्ने मल्लीए २

तयाणुरुवं निव्वत्तियं पासइ २ इमेयारूवे अज्झत्थिए जाव समुप्प-
ज्जित्था - एसं णं मल्ली २ तिकट्ठु लज्जिए वीट्ठिए विट्ठे सणियं २
पच्चोसक्कइ । तए णं तं मल्लदिन्ने अम्मधाई सणिय २ पच्चोसक्कतं
पासित्ता एवे वयासी - किन्नं तुम पुत्ता ! लज्जिए वीट्ठिए विट्ठे
सणिय २ पच्चोसक्कसि ? तए णं से मल्लदिन्ने अम्मधाई एव वयासी -
जुत्त ण अम्मो ! मम जेद्दाए भगिणीए गुरुदेवयभूयाए लज्जणिज्जाए
मम चित्तगरणिव्वत्तियं सभं अणुपविसित्तए ? तए णं अम्मधाई
मल्लदिन्नं कुमारं एवं वयासी - नो खलु पुत्ता ! एस मल्ली । एसं णं
मल्लीए २ चित्तगरएण तयाणुरुवे निव्वत्तिए । तए णं से मल्लदिन्ने
अम्मधाई एयमट्ठ सोच्चा निसम्म आसुरुत्ते ४ एवं वयासी - केसं णं
भो से चित्तगरए अपत्थियपत्थिए जाव परिवज्जिए जे णं मम
जेद्दाए भगिणीए गुरुदेवयभूयाए जर्षं निव्वत्तिए तिकट्ठु तं चित्तगरं
वज्झं आणवेइ । तए णं सा चित्तगरसेणी इमीसे कहाए लद्धहा समाणा
जेणेव मल्लदिन्ने कुमारे तेणेव उवागच्छइ २ करयलपरिग्गाहिं जाव वद्धा-
वेत्ता एवं वयासी - एवं खलु सामी ! तस्स चित्तगरस्स इमेयारूवा
चित्तगरलद्धी लद्धा पत्ता अभिसमन्नागया - जस्स णं दुपयस्स वा जाव
निवत्तेइ । तं मा णं सामी ! तुम्हे तं चित्तगरं वज्झ आणवेइ । तं तुम्हे
णं सामी ! तस्स चित्तगरस्स अन्नं तयाणुरुवं दहं निव्वत्तेइ । तए णं
से मल्लदिन्ने तस्स चित्तगरस्स संडासगं छिंदीवेइ २ निव्विसयं आण-
वेइ । तए णं से चित्तगरए मल्लदिन्नेणं निव्विसए आणत्ते समंडमत्तो-
वगरणमायाए मिहिलाओ नयरीओ निक्खमइ २ विदेहं जणवयं मज्झं-
मज्जेण जेणेव कुरुजणवए जेणेव हत्थिणाउरे नयरे तेणेव उवागच्छइ २
मंडनिकखेव करेइ २ चित्तफलगं सज्जेइ २ मल्लीए २ पायंगुहाणुसारेण
रूवं निव्वत्तेइ २ कक्खतरंसि छुम्भइ २ महत्थं जाव पाहुंडं गेण्हइ २
हत्थिणाउरं नयरे मज्झंमज्जेणं जेणेव अदीणसत्तू राया तेणेव उवागच्छइ
२ तं करयल जाव वद्धावेइ २ पाहुंडं उवणेइ २ एव वयासी - एवं खलु
अहं सामी ! मिहिलाओ रायहाणीओ कुम्भस्स रत्तो पुत्तेणं पभावईए

देवीए अत्तएणं मल्लदिन्नेणं कुमारेणं निव्विसए आणत्ते समाणे इहं हव्व-
मागए । तं इच्छामि णं सामी ! तुब्भं बाहुच्छायापरिग्गहिए जाव परि-
वसित्तए । तए णं से अदीणसत्तु राया तं चित्तगरदारयं एवं वयासी -
किन्नं तुम्भं देवाणुप्पिया ! मल्लदिन्नेणं निव्विसए आणत्ते !, तए णं से
चित्तगरदारए अदीणसत्तु रायं एवं वयासी - एवं खलु सामी ! मल्लदिन्ने
कुमारे अन्नया कयाइ चित्तगरसेणं सहावेइ २ एवं वयासी - तुब्भे णं
देवाणुप्पिया ! मम चित्तसमं तं चेव सव्वं भाणियव्वं जाव मम संडासगं
ल्लिंदीवेइ २ निव्विसयं आणवेइ । तं एवं खलु अहं सामी ! मल्लदिन्नेणं
कुमारेणं निव्विसए आणत्ते । तए णं अदीणसत्तु राया तं चित्तगरं एवं
वयासी - से केरिसए णं देवणुप्पिया ! तुमे मल्लीए तहाणुरूवे^४ निव्व-
त्तिए ! तए णं से चित्तगरे कक्खंताराओ चित्तफलं नीणइ २ अदीण-
सत्तुस्स उवणेइ २ एवं वयासी - एस्स णं सामी ! मल्लीए २ तयाणु-
रूवस्स रूवस्स केइ आगारभावपडोयारे निव्वत्तिए । नो खलु सक्का
केणइ देवेण वा जाव मल्लीए २ तयाणुरूवे रूवे निव्वत्तिए । तए णं से
अदीणसत्तु पडिरूवजाणियहासे दूयं सहावेइ २ एवं वयासी तहेव जाव
पहारेत्थ गमणाए (५) ।

(79) तेणं कालेणं २ पंचाले जणवए कंप्पिपुरे नयरे । जिय-
सत्तु नामं राया पंचालाहिवई । तस्स णं जियसत्तुस्स धारिणीपामोक्खं
देवीसहस्सं ओरोहे होत्था । तत्थ णं मिहिलाए चोक्खा नामं परि-
व्वाइया रिउव्वेय जाव सुपरिणिट्ठिया यावि होत्था । तए णं सा चोक्खा
परिव्वाइया मिहिलाए बहूणं राईसर जाव सत्थवाहपभिईणं पुरओ दाण-
धम्मं च सोयधम्मं च तित्थाभिसेयं च आघवेमाणी पन्नवेमाणी परूवे-
माणी उव्वदसेमाणी विहरइ । तए णं सा चोक्खा अन्नया कयाइ तिट्ठं
च कुंडियं च जाव धाउरत्ताओ ४ गेणइ २ परिव्वाइगावर्सहाओ पडि-
निक्खमइ २ पविरलपरिव्वाइयासद्धिं संपरिवुडा मिहिलं रायहाणिं
मज्झमज्झेणं जेणेव कुंभगस्स रत्तो भवणे जेणेव फ़न्नंतेसरे जेणेव मल्ली २
तेणेव उवागच्छइ २ उदयपरिफोसियाए दव्भोवूरि पच्चत्थुयाए

भिसियाए निसीयइ २ मल्लीए २ पुरओन्दाणधम्मं च जाव विहरइ । तए णं मल्ली २ चोक्खं परिन्वाइयं एवं वयासी-तुम्हे णं चोक्खे । किंमूलए धम्मो पन्नत्ते ? तए णं सा चोक्खा परिन्वाइया मल्ली २ एवं वयासी-अहं णं देवाणुप्पिए ! सोयमूलए धम्मो पन्नत्ते । जं णं अहं किंचि असुइ भवइ त णं उदएण य मट्टियाए जाव अबिग्घेणं सगं गच्छामो । तए णं मल्ली २ चोक्खं परिन्वाइयं एवं वयासी-चोक्खा ! से जहानामए केइ पुरिसे रुहिरकयं वत्थ रुहिरेणं चेव धोवेज्जा अत्थि णं चोक्खा ! तस्स रुहिरकयस्स वत्थस्स रुहिरेणं धोव्वमाणस्स काइ सोही ? नो इणीट्ठे समट्ठे । एवामेव चोक्खा ! तुम्हे णं पाणाइवाएणं जाव मिच्छादंसण-सल्लेणं नत्थि काइ सोही जहा वा तस्स रुहिरकयस्स वत्थस्स रुहिरेणं चेव धोव्वमाणस्स । तए णं सा चोक्खा परिन्वाइया मल्लीए २ एवं वुत्ता समाणी संक्रिया कखिया विइगिच्छिया भेयसमावन्ना जाया वि होत्था मल्लीए नो संचाएइ किंचिवि पामोक्खमाइक्खित्तए तुसिणीया संचिट्ठइ । तए णं तं चोक्खं मल्लीए २ बहूओ दासचेड्डीओ हील्लेति निंदन्ति खिसन्ति गरिहन्ति अप्पेगइयाओ हेरुयाल्लेति अप्पेगइया मुहमक्काडियाओ करेति अप्पेगइया वग्घाडीओ करेति अप्पेगइया तज्जेमाणीओ तालेमाणीओ निच्छुहन्ति । तए णं सा चोक्खा मल्लीए २ दासचेड्डीयाहिं हील्लज्जमाणी जाव गरहिज्जमाणी आसुरुत्ता जाव भिसिमिसेमाणी मल्लीए २ पओसमावज्जइ २ भिसियं गेण्हइ २ कन्नंतेउराओ पडिनिक्खमइ २ मिहिल्लओ निग्गच्छइ २ परिन्वाइयासंपरिवुडा जेणेव पचालजणवए जेणेव कंपिल्लपुरे तेणेव उवागच्छइ २ बहूणं राईसर जाव परूवेमाणी विहरइ । तए णं से जियसत्तू अन्नया कयाइ अत्तेउरपरियाल्लसद्धिं संपरिवुट्ठे एवं जाव विहरइ । तए णं सा चोक्खा परिन्वाइयासंपरिवुडा जेणेव जियसत्तुस्स रत्तो भवणे जेणेव जियसत्तू तेणेव अणुपविसइ २ जियसत्तुं जएण विजएणं वद्धावेइ । तए णं से जियसत्तू चोक्खं परिन्वाइय एज्जमाणं पासइ २ सीहासणाओ अब्भुट्ठेइ २ चोक्ख सक्कारेइ २ आसणेणं उवानिमंतेइ । तए णं सा चोक्खा उदगपरिफोसियाए जाव भिसियाए निविसइ

जियसत्तुं रायं रज्जे य जाव अँतेउरे य कुसलीदंतं पुच्छइ । तए णं सा चोक्खा जियसत्तुंस्स रत्तो दाणधम्मं च जाव विहरइ । तए णं से जिय-
सत्तू अप्पणो ओरोहंसि जायविन्हए चोक्खं एव वयासी - तुमं णं देवाणुप्पिया ! बहूणि गामागर जाव आहिंडंसि बहूण य राईसरगिहाइं
अणुप्पविसंहि । तं अस्थियाइं ते कस्सइ रत्तो वा जाव एरिस्सए ओरोहे दिट्ठपुण्वे जारिसए णं इमे ममं ओरोहे ? तए णं सा चोक्खा परिग्वा-
इया जियसत्तुं एवं ईसिं अवहसियं करेइ २ एवं वयासी - सरिसए णं तुमं देवाणुप्पिया ! तस्स अगडदुदुरस्स । केसं णं देवाणुप्पिए ! से
अगडदुदुरे ? जियसत्तू ! से जहानामए अगडदुदुरे सिया । से णं तत्थ जाए तत्थेव बुद्धिएं अन्नं अगडं वा तँलीगं वा दहं वा सरं वा सागरं वा
अर्पासमाणे मन्नइ- अयं चेव अगडे वा जाव सागरे वा । तए णं तं कूवं अन्ने सामुदए दुदुरे हव्वमागए । तए णं से कूवदुदुरे तं समुददुदुरं एवं
वयासी - से केसं णं तुमं देवाणुप्पिया ! कत्तो वा इह हव्वमागए ? तए णं से सामुदए दुदुरे तं कूवदुदुरं एवं वयासी - एवं खलु देवाणु-
प्पिया ! अहं सामुदए दुदुरे । तए णं से कूवदुदुरे तं सामुदयं दुदुरं एवं वयासी - केमहालए णं देवाणुप्पिया ! से समुदे ? तए णं से सामु-
दए दुदुरे तं कूवदुदुरं एवं वयासी - महालए णं देवाणुप्पिया ! समुदे । तए णं से कूवदुदुरे पाएणं लीहं कट्ठेइ २ एवं वयासी - एमहालए णं देवाणुप्पिया ! से समुदे ? नो इणट्ठे समट्ठे । महालए णं से समुदे । तए
णं से कूवदुदुरे पुरस्थिमिह्लाओ तीराओ उप्पिडित्ताणं पच्चत्थिमिहं तीरं गच्छइ २ एवं वयासी - एमहालए णं देवाणुप्पिया ! से समुदे ? नो इणट्ठे तहेव । एवामेव तुमंपि जियसत्तू अन्नेसिं बहूणं राईसर जाव
सत्थवाहपभिईणं भज्जं वा भगिणिं वा धूर्यं वा सुण्हं वा अपासमाणे जाणसि जारिसए मम चेव णं ओरोहे तारिसए नो अन्नस्स । तं एवं
खलु जियसत्तू ! मिहिलाए नयरीए कुंभगस्स धूया पभावईए, अत्तिथा मल्लीनामं २ रुवेण य जाव नो खलु अन्ना काइ देवैकन्ना वा जारिसिया
मल्ली । विदेहवररायकन्नाए छिन्नस्स वि पार्येगुट्ठगस्स इमे तव ओरोहे

सयसहरसइमंपि कलं न अग्घइ त्तिकट्ठु जप्पेव दिसं, पाउब्भूया तामेव
दिस पडिगंया । तए ण से जियसत्तू परिव्वाइयाजणियहासे दूयं
सदावेइ जाव पहारेत्थ गमणाए ६ ।

(४०) तए णं तेसि जियसत्तूपामोक्खाण छण्ह राईणं दूया जेणेव
मिहिला तेणेव पहारेत्थ गमणाए । तए ण छप्पि दूयग्ग जेणेव मिहिला
तेणेव उवागच्छति २ मिहिलाए अग्गुज्जाणंसि पत्तेय २ खधावार-
निवेसं करेति २ मिहिल रायहाणि अणुप्पविसति २ जेणेव कुंभए तेणेव
उवागच्छति २ पत्तेयं करयल जाव साणं २ राईण वयणाइं निवेदेति । तए
णं से कुंभए तेसि दूयाणं एयमट्ठ सोच्चा आसुरुत्ते जाव तिवालियं भिज्झि
एवं वयासी - न देमि ण अहं तुव्भं मल्लिं २ त्तिकट्ठु ते छप्पि दूए
असक्कारिय असम्माणिय अवदारेणं निच्छुभावेइ । तए ण जियसत्तु-
पामोक्खाणं छण्हं राईणं दूया कुंभएणं रत्ता असक्कारिया असम्माणिया
अवदारेणं निच्छुभाविया समाणा जेणेव सगा २ जणवया जेणेव
सयाइ २ नगराइ जेणेव सया २ रायाणो तेणेव उवागच्छंति २ करयल
जाव एवं वयासी - एवं खलु सामी ! अम्हे जियसत्तूपामोक्खाणं छण्हं
रायाणं दूया जमगसमग चेव जेणेव मिहिला जाव अवदारेणं निच्छु-
भावेइ । त न देइ णं सामी ! कुंभए मल्लिं २ । साणं २ राईणं एयमट्ठं
निवेदिति । तए णं ते जियसत्तूपामोक्खा छप्पि रायाणो तेसि दूयाण
अंतिए एयमट्ठं सोच्चा आसुरुत्ता अन्नमन्नस्स दूयसंपेसणं करेति एवं
वयासी - एवं खलु देवाणुप्पिया ! अम्हं छण्हं राईणं दूया जमगसमगं
चेव जाव निच्छूढा । तं सेयं खलु देवाणुप्पिया ! कुंभगस्स जत्तं गेण्हि-
त्तए त्तिकट्ठु अन्नमन्नस्स एयमट्ठ-पडिसुणेंति २ ण्हाया सन्नद्धा हत्थिखंध-
वरगया सकोरिंटिमल्लदामा जाव सेयवरचामराहिं महुयाहयगयरहपवर-
जोहकलियाए चाउरंगिणीए सेणाए सार्द्धं संपरिवुडा सन्निव्वीए जाव
रवेणं सएहिंतो २ नगरोहिंतो जाव निग्गच्छंति २ एगयओ मिलायंति
जेणेव मिहिला तेणेव पहारेत्थ गमणाए । तए ण कुंभए राया
इमीसे कहाए लद्धे समाणे वलवाउयं सदावेइ २ एवं वयासी

— खिप्पामेव हय, जाव मेत्तं सन्नाहेह जाव पच्चप्पिणंति । तएणं कुभए ण्हाए सन्नद्धे हत्थिखधवरगए जाव सेयवरचामरण महया मिहिल मज्झमज्झेणं निज्जाइ २ विदेहजणवयं मज्झमज्झेणं जेणेव देसअंत, तेणेव खंधावारनिवेशं करेइ २ जियसत्तुपामोक्खा छप्पि य रायाणो पडिवाले-
माणे जुज्झसज्जे पडिचिट्ठइ । तए ण ते जियसत्तुपामोक्खा छप्पि रायाणो जेणेव कुभए तेणेव उवागच्छंति २ कुभणं रत्ता माद्वि मपलगा यावि होत्था । तए णं जियसत्तुपामोक्खा छप्पि रायाणो कुभय राय हय-
महियपवरवीरघाइयविंवडियचिं वधयछत्तपढाग किच्छप्पाणोवगयं तिमो-
दिस पडिसेहति । तए णं से कुभए जियसत्तुपामोक्खेहिं छहिं राईहिं हयमहिय जाव पडिसेहिए समणे अत्थामे अवले अवीरिए जान अधार-
णिज्जमित्तिकट्टु सिग्घं तुरियं जाव वेडय जेणेव मिहिला तेणेव उवा-
गच्छइ २ मिहिलं अणुपविसइ २ मिहिलाए दुवाराड पिहेड २ रोहसज्जे चिट्ठइ । तए ण ते जियसत्तुपामोक्खा छप्पि रायाणो जेणेव मिहिला तेणेव उवागच्छंति २ मिहिलं रायहाणि निस्सचार निरुचार सव्वओ समंता ओरुभित्ताणं चिट्ठति । तए ण से कुभए मिहिल रायहाणि रंद्ध जाणित्ता अन्भितरियाए उवट्ठाणसालाए सीहासणवरगए तेसिं जियसत्तुपामोक्खाणं छण्ह राईणं छिदाणि यं विवराणि य मम्माणि य अलभमाणे बहूहिं आएहिं य उवाएहिं य उप्पत्तियाहिं य ४ बुद्धीहिं परिणामेमाणे २ किंचि आयं वा उवायं वा अलभमाणे ओहयमणसकप्पे जाव झियायइ । इम च णं मल्ली २ ण्हाया जाव बहूहिं रुज्जाहिं परिवुडा जेणेव कुभए तेणेव उवागच्छइ २ कुंभगस्स पायगाहण करेइ । तए ण कुभए मल्लि २ नो आढाइ नो परियाणाइ तुसिणीए सच्चिट्ठइ । तए ण मल्ली २ कुंभगं एवं वयासी—तुम्भे णं ताओ । अन्नया मम एज्जमाण जाव निवेशेह । किन्न तुम्भं अज्ज ओहय जाव झियायइ ? तए ण कुभए मल्लि २ एवं वयासी—
एवं खलु पुत्ता । तव कज्जे जियसत्तुपामोक्खेहिं छहिं राईहिं, दूया सपे-
सिया । ते णं मए असक्कारिया जाव निच्छूढा । तए ण जियसत्तुपा-
मोक्खा तेसिं दूयाणं अंतिए एयमहं सोच्चा परिकुविया समाणा मिहिलं

रायहाणि निस्संचारं जाव चिट्ठंति । तए^०णं अहं पुत्ता तेसिं जियसत्तु-
 पामोक्खाणं छण्ह राईणं अंतराणि अलभमाणे जाव झियामि । तए ण सा
 मल्ली २ कुंभग राय एवं वयासी - मा ण तुब्भे ताओ । ओहयमणसकप्पा
 जाव झियायह । तुब्भे णं ताओ । तेसि जियसत्तुपामोक्खाणं छण्ह राईणं
 पत्तेय २ रहस्सिए दूयसपेसे करेह एगमेगं एव वयह, - तव देमि
 मल्लि २ तिकट्टु संज्ञाकालसमयसि पविरलमणुत्सांसि निंसंतपडिनिंस-
 तंसि पत्तेय २ मिहिल रायहाणि अणुपविसेह २ गब्भघरएसु अणुप-
 विसेह मिहिलाए रायहाणीए दुवाराइं पिहेह २ रोहसंज्जे चिट्ठह । तए
 णं कुभए एवं क चेव जाव पवेसेइ रोहसंज्जे चिट्ठइ । तए णं ते जिय-
 सत्तुपामोक्खा छपि रायाणो कल्ल नां अलंते जालंतरोहिं कणगमयं
 मत्थयल्लिइं पउमुप्पलपिहाणं पडिमं पासंति एस णं मल्ली २ तिकट्टु
 मल्लीए २ रूवे य जोर्वणे य लार्वणे य मुच्छिया गिद्धा जाव अज्झो-
 ववन्ना अणिमिसाए दिट्ठीए पेहमाणा २ चिट्ठंति । तए णं सा मल्ली २
 णहाया जाव पायच्छित्ता सव्वालंकारविभूसिया बहुहिं खुज्जाहिं जाव
 परिक्षित्ता जेणेव जालघरए जेणेव कणगपडिमा तेणेव उवागच्छइ २
 तीसे कणगपडिमाए मत्थयाओ त पउमं अवणेइ । तए ण गंधे निद्धा-
 वेइं से जहानामए अहिमडे इ वा जाव असुभतराए चेव । तए णं ते
 जियसत्तुपामोक्खा तेणं असुभेणं गंधेणं अभिभूया समाणा सएहिं २
 उत्तरिज्जेहिं आसाइ पिहेति २ परस्मुहा चिट्ठंति । तए णं सा मल्ली २
 ते जियसत्तुपामोक्खे एवं वयासी - किं णं तुब्भे देवाणुप्पिया ! सएहिं २
 उत्तरिज्जेहिं जाव परस्मुहा चिट्ठह ? तए णं ते जियसत्तुपामोक्खा
 मल्लि २ एवं वयंति - एवं खलु देवाणुप्पिए । अम्हे इमेणं असुभेणं
 गंधेणं अभिभूया समाणा सएहिं २ जाव चिट्ठामो १ तए णं मल्ली २
 ते जियसत्तुपामोक्खे एवं वयासी - जइं ताव देवाणुप्पिया ! इमीसे
 कणग जाव पडिमाए कल्लकल्लि ताओ मणुन्नाओ असणाओ ४ एगमेगे
 पिंढे पक्खिप्पमाणे २ इमेयारूवे असुभे पोमाले परिणामे इमस्स पुण
 ओरालियसरीरस्स खेलासवस्स वंतासवस्स पित्तासवस्स सुक्कासवस्स

सोणियपूयासवत्स दुरुयऊत्तामनीसासम्स' दुरुयमुत्तपूडयपुरीमपुणस्स
 सडण जाव धम्मस्स केरिसए य परिणामे भविस्सइ ? त मा णं तुब्भे देवाणु-
 प्पिया । "माणस्सएसु कामभोगेसु मज्जह रज्जह गिज्झह मुज्झह अज्झो-
 ववज्जह । एवं खलु देवाणुप्पिया । अम्हे इमे तच्चे भवग्गकर्ण अव-
 विदेहवासे सलिलावईविजए वीयमोगाण गयहाणीण महच्चलपामोक्खा
 सत्तं पियवालवयसंथा रायाणो होत्था महजाया जाव पव्वडया । तए ण
 अहं देवाणुप्पिया । इमेण कारणेण इत्थीनामगोग कम्म निर्व्यत्तेमि -
 जइ णं तुब्भे चउत्थ उवसपज्जित्ताण विहरह तओ ण अह उट्ठ उव-
 संपज्जित्ताण विहरामि सेस तदेव मव्व । तए ण तुब्भे देवाणुप्पिया । काल-
 मासे कालं किच्चा जयंते धिमाणं उववन्ना । तत्थ ण तुब्भ देमूणाइ
 वत्तीसाइ सागरोवमाइं ठिई । तए ण तुब्भे ताओ देवलोगाओ अणतरं
 चयं चइत्ता इहेव जंजुदीवे २ सीइ २ ग्लाइ उवसपज्जित्ताण विहरह ।
 तए णं अहं ताओ देवलोगाओ आउत्तपण्ण जागन्धारियत्ताण पच्चोयाया ।
 किं धै तैय पम्हुट्ठं ज ये तथा भो जयतपवरमि । नुत्था समयनिवद्व
 देवा त संभरह जाइ ॥१॥ तए ण तेभिं जियसत्तुपामोक्खाण उण्ह
 राईण मल्लीए २ अतिए एयमट्ठ सोच्चा २ सुभेण परिणामेण पसत्थेण
 अज्झवसाणेण लेसाहिं विसुज्झमाणीहिं तथावरणिज्जाण कम्माण
 खओवसमेण ईहापूह जाव सन्निजाईसरणे समुप्पन्ने एयमट्ठ सम्म अभि-
 समागच्छंति । तए ण मल्ली अरहा जियसत्तुपामोक्खे छप्पि रायाणो
 समुप्पन्नजाईसरणे जाणित्ता गव्वधराण दाराइ विह्माडेइ । तए ण जिय-
 सत्तुपामोक्खा जेणेव मल्ली अरहा तेणेव उवागच्छति । तए ण महच्चल-
 पामोक्खा सत्तं पियवालवयसंथा एगयओ अभिसमन्नागया वि होत्था ।
 तए णं मल्ली अरहा ते जियसत्तुपामोक्खे छप्पि रायाणो एव वयासी-
 एवं खलु अहं देवाणुप्पिया । ससारभउन्विग्गा जाव पव्वयामि ।
 त तुब्भे णं किं करेह किं ववसह किं भे हियसामत्थे ? तए ण
 जियसत्तुपामोक्खा माहिं अरह एव वयासी - जइ ण तुब्भे
 देवाणुप्पिया । ससार जाव पव्वयह अम्हाण देवाणुप्पिया । के अन्ने

आलवणे वा आहारे वां पडिवंधे वा ? ज्ञह चेव णं देवाणुप्पिया ! तुब्भे अम्हे ईओ तच्चे भवग्गाहणे बहूसु कज्जेसु य मेढी पमाण जाव धम्मधुरा होत्था तह चेव णं देवाणुप्पिया । इण्हिपि ज्ञाव भविस्सह । अम्हे विं णं देवाणुप्पिया । संसारभउन्विग्गा जाव भीया जम्मसर्णमरणाणं देवाणुप्पियासिद्धिं मुढा भवित्ता जाव पव्वयामो । तए ण मल्ली अरहा ते जियसत्तुपामोक्खे एव वयासी — जइ णं तुब्भे संसार जाव मए सद्धिं पव्वर्यह तं गच्छह ण तुब्भे देवाणुप्पिया । सएहि २ रज्जेहि जेद्धुप्पुत्ते रज्जे ठावेह २ पुरिससहस्सबाहिणीओ सीयाओ दुरुहह २ मम अतियं पाउब्भबह । तए ण ते जियसत्तुपामोक्खा मल्लिस्स अरहओ एयमहं पडिसुणेंति । तए ण मल्ली अरहा ते जियसत्तुपामोक्खा गहाय जेणेव कुभए तेणेव उवागच्छइ २ कुंभगस्स पाएसु पाडेइ । तए णं कुंभए ते जियसत्तुपामोक्खा विउलेणं असणेणं ४ पुप्फवत्थगंधमल्लाल-कारेणं सक्कारेइ जाव पडिविसज्जेइ । तए ण ते जियसत्तुपामोक्खा कुभएणं रत्ता विसज्जिया समाणा जेणेव साइं २ रज्जाइं जेणेव नगराइ तेणेव उवागच्छंति २ सगाइं २ रज्जाइं उवसपज्जित्ताणं विहरति । तए ण मल्ली अरहा संवच्छरावसाणे निक्खमिस्सामि त्ति मणं पहारेइ ।

(81) तेणं कालेणं २ सक्कस्स आसणं चलइ । तए णं सक्के देविंदे देवराया आसणं चलियं पासइ २ ओहिं पजंजइ २ मल्लि अरहं ओहिणा आमोएइ २ इमेयारूवे अज्झत्थिए जाव समुप्पज्जित्था — एव खलु जवुदीवे २ भारहे वासे मिहिलाए कुंभगस्स रत्तो मल्ली अरहा निक्खमिस्सामित्ति मण पहारेइ । तं जीर्यमेयं तीयपच्चुप्पन्नमणागयाणं सक्काणं अरहंताण भगवंताणं निक्खममाणाण इमेयाक्खव अत्थसंपयाण दलइत्तए तज्जाहा — तिण्णेव थ कोडिसया अट्ठासीइं च हुति कोडीओ । १० असीइं च सय-सहस्सा इंदा दलयंति अरहाण ॥१॥ एव सपेहेइ २ वेसमणं देवं सहावेइ २ एव वयासी — एव खलु देवाणुप्पिया । जंबुदीवे २ भारहे वासे जाव असीइं च सयसहस्साइं दलइत्तए । त गच्छह णं देवाणुप्पिया । जंबु-दीवे भारहे वासे मिहिलाए कुंभगभवणास इमेयारूवं अत्थसंपयाण साह-

राहि २ खिप्पामेव मम एयमाणात्तियं पच्चप्पिणाहि । तए णं से वेसमणे देवे संकेणं देविदेण एवं वुत्ते द्दुत्ते करयल जाव पडिसुणेई २ जभए देवे सद्देवेई २ एवं वयासी — गच्छह णं तुम्हे देवाणुप्पिया । जंबुद्दीव २ भारह वासं मिहिलं रायहाणिं कुंभगस्स रत्तो भवणासि तिन्नेव क कोडिसया अट्ठासीयं च कोडीओ असीय च सयसहस्साइ अयमेयारूव अत्थसप-
याणं साह्रह २ मम एयमाणात्तियं पच्चप्पिणह । तए ण ते जभगा देवा वेसमणेणं जाव सुणेत्ता उत्तरपुरत्थिमं दिसीभागं अचक्कमति जाव उत्तर-
वेउत्तियाइ रूवाइ विउव्वंति २ ताए उक्किट्ठाए जाव वीडवयमाणा जेणेव जंबुद्दीवे २ भारहे वासे जेणेव मिहिला रायहाणी जेणेव कुंभगस्स रत्तो भवणे तेणेव उवागच्छति २ कुंभगस्स रत्तो भवणासि तिन्नि कोडिसया जाव साहरंति २ जेणेव वेसमणे देवे तेणेव उवागच्छति २ करयल जाव पच्चप्पिणंति । तए ण से वेसमणे देवे जेणेव मफे ३ तेणेव उवागच्छइ २ करयल जाव पच्चप्पिणइ । तए ण मही अरहा कहाकहि जाव माग-
हओ पायरासो त्ति बहूण सणाहाण य अणाहाण य पहियाण य पथियाण य कैरोडियाण य कप्पडियाण य एगमेग हिरण्णकोडि अट्ठ य अण्णुण्ड सयसहस्साइ इमेयारूव अत्थसपयाणं दलयइ । तए ण कुभए मिहिलाए रायहाणीए तत्थ २ तहिं २ देसे २ बहूओ महाणससालाओ करेड । तत्थ ण बहवे मणुया दिन्नभइभत्तवेयणा विउलं असण ४ उवक्खडेंति जे जहा आगच्छंति तजहा — पथिया वा पहिया वा करोडिया वा कप्पडिया वा पासंडत्था वा गिहत्था वा तस्स य तथा आसत्थस्स वीस-
त्थस्स सुहासणवरगयस्स त विउल असण ४ परिभाएमाणा परिवेसेमाणा विहरंति । तए ण मिहिलाए सिघाडद जाव बहुजणो अन्नमन्नस्स एव-
माइक्खइ — एव खलु देवाणुप्पिया । कुंभगस्स रत्तो भवणांसि सव्वकाम-
गुणिय किमिच्छियं विपुल असणं ४ बहूण समणाण य जाव परिवेत्ति-
ज्जइ । वरवरिया घोसिज्जइ किमिच्छियं दिज्जए बहुविहीयं । सुरअसु-
रदेवदानवतरेदमहियाण निक्खमणे ॥१॥ तए ण मही अरहा संवच्छ-
रेणं तिन्नि कोडिसया अट्ठासीय च होति कोडीओ असीय च सयसहस्साइ

इमेयारुवं अत्थसंपयाणं दंलइत्ता निक्खमामिच्चि मणं पहारेइ ।

(82) तेणं कालेणं २ लोगतिया देवा बंभलोए कप्पे रिट्ठे विमाण-
पत्थडे सएहिं २ विमाणोहिं सएहिं २ पासायवडिंसएहिं पत्तेय २ चउहिं
सामाणिएसाहस्सीहिं तिहिं परिसाहिं सत्ताहि, अणिएहिं सत्ताहि अणि-
याहिवईहिं सोलसहिं आयरक्खदेवसाहस्सीहिं अन्नेहि य वहुहि लोगंति-
एहिं देवेहि सद्धिं सपरिवुद्धा महयाहयनट्टगीयवाइय जाव रवेण मुंज-
माणा विहरंति तंजहा — सारस्सयमाइच्चा वण्ही वरुणा य गहतोया य ।
तुसिया अन्वाबाहा अग्गिच्चा चेव रिट्ठा य ॥१॥ तए णं तेसिं लोगंति-
याणं देवाणं पत्तेयं २ आसणाइ चलयति तहेव जाव अरहंताणं निक्खम-
माणानं संबोहणं करित्तए त्ति तं गच्छामो ण अग्गे वि मल्लिस्स अरहओ
संबोहणं करेमो त्तिकट्ठु एवं संपेहेति २ उत्तरपुरत्थिम दिसीभागं
वेउव्वियसमुग्घाएण समोहणाति संखेज्जाइ जोयणाइं एव जहा जमगा जाव
जेणेव मिहिला रायहणी जेणेव कुंभगस्स रत्तो भवणे जेणेव मल्ली अरहा
तेणेव उवागच्छंति, २ अंतलिक्खपडिबन्ना सखिंखिणियाइं जाव
वत्थाइं पवरपरिहिया करयल जाव ताहिं इट्ठाहिं एवं वयासी —
बुज्झाहि भगव लोगनाहा । पवत्तेहि धम्मतित्थं जीवाणं हियसुह-
निस्सेयसर्करं भविस्सइ त्तिकट्ठु दोळ्ळं पि तच्चपि एवं वयति मल्लिं अरहं
वंदंति नमंसंति २ जामेव दिसिं पाउब्भूया तामेव दिसिं पडिगया ।
तए णं मल्ली अरहा तेहिं लोगंतिएहिं देवेहिं संबोहिए समाणे जेणेव
अम्मापियरो तेणेव उवागच्छइ २ करयल जाव एव वयासी — इच्छामि
णं अम्मयाओ । तुब्भेहिं अब्भणुन्नाए मुंढे भवित्ता जाव पव्वइत्तए ।
अहासुहं देवाणुप्पिया । मा पुडिबधं करेहे । तए णं कुंभए राया कोडुं-
वियपुरिसे सद्दावेइ २ एव वयासी — खिप्पामेक्क अट्ठसहस्सं सोवणिण-
याणं कलसाणं जाव भोमेज्जाणं अन्नं च महत्थं जाव तित्थयराभिसेय
उवट्ठवेह् जाव उवट्ठवेंति । तेणं कालेणं २ चमरे असुरिंदे जाव अच्चुय-
पज्जवसाणा आगया । तए णं सक्के आभिओगिए देवे सद्दावेइ २ एवं
वयासी — खिप्पामेव अट्ठसहस्स सोवणिणयाणं जाव अन्नं च तं विपुलं

उवट्टवेह जाव उवट्टवेति । तेवि 'कलसा ते' चेव कलसे अणुपविट्ठा । तए णं से सक्के देविंदे देवराया कुंभए य, राया मल्लि अरहं सीहासणसि पुरत्थाभिमुहं निवेसेइ अट्टसहस्सेणं सोवणिण्याण जाव अभिसिंचति । तए णं मल्लिस्स भगवओ अभिसेए वट्टमाणे अप्पेगइया देवा मिहिल च सन्निभतरवाहिरं जाव सन्वओ समंता सपरिधावति । तए णं कुभए राया दोच्चपि उत्तरावक्रमणं जाव सन्वालकारविभूसियं करेइ २ कोहुं-वियपुरिसे सदावेइ २ एव वयासी - खिप्पामेव मणोरम मीय उवट्टवेह ते उवट्टवेति । तए ण सक्के आभिओगिण देवे वयासी - सिप्पा-मेव अणेगखंभ जाव सीय उवट्टवेह जाव सावि मीया न्त चेव सीय अणुप्पविट्ठा । तए ण मल्ली अरहा सीहासणाओ अन्मुट्ठेइ २ जेणेव मणोरमा सीया तेणेव उवागच्छइ २ मणोरम मीय अणुपयाहिणीकरेमाणा मणोरण सीय दुरुहइ २ सीहासणवरगए पुरत्थाभिमुहे सन्निसण्णे । तए ण कुभए अट्टारस सेणिप्पमेणीओ सदावेइ २ एव वयासी - तुब्भे ण देवाणुप्पिया । ण्हाया जाव सन्वालकारविभूसिया मल्लिस्स सीय परिवहह जाव परिवहति । तए ण सक्के ३ मणोरमाए सीयाए दक्खिणिह उवरिल्ल वाह गेण्हइ । ईसाणे उत्तरिल्लं उवरिल्ल वाहं गेण्हइ । चमरे दाहिणिह हेट्ठिल्ल वली उत्तरिल्ल हेट्ठिल्लं अवसेसा देवा जहारिह मणोरम सीय परिवहति - पुण्वि उक्खित्ता माणु-सेहिं सौं हंठ्ठरोमकूवेहिं । पच्छा वहति सीयं असुरिदमुरिदनागिदा ॥१॥ चलचवलकुडलधरा सच्छट्ठविउन्वियाभरणधारी । देविंददाणाविंदा वहति सीयं जिणिंदस्स ॥२॥ तए णं मल्लिस्स अरहओ मणोरम सीय दुरुहस्स इमे अट्टमंगलगा पुरओ अहाणुपुण्वेण एव निग्गमो जहा जमालिस्स । तए णं मल्लिस्स अरहओ निक्खममाणस्स अप्पेगइया देवा मिहिल आसिय जाव सन्निभतरवासविदिगाहा जाव परिधावति । तए ण मल्ली अरहा जेणेव सहस्सववणे उज्जाणे जेणेव असोगवरपायवे तेणेव उवागच्छइ २ सीयाओ पच्चोरुहइ २ आभरणालकार पभावई पडिच्छइ । तए णं मल्ली अरहा सयमेव पचमुट्ठिय लोय करेइ । नए ण सक्के ३

मल्लिस्त केसे पडिच्छइ खीरोदगसमुंदे सद्धरइ । तए णं मल्ली अरहा नमोत्थु णं सिद्धाणं तिकट्ठु सामाइयचारित्तं पडिवज्जइ । जं समयं च ण मल्ली अरहा चारित्तं पडिवज्जइ त समयं च णं देवाणं य माणुस्सणं य निग्घोसे तुडियणाए गीयवाइयनिग्घोसे य सक्कवयण-संदेसेणं निलुक्के यावि होत्था । जं समयं च णं मल्ली अरहा सामाइयचारित्तं पडिवज्जे तं समयं च णं मल्लिस्तं अरहओ माणुस-धम्माओ उत्तरिए मणपल्लवनाणे समुप्पन्ने । मल्ली णं अरहा जे से हेमताणं दोच्चे मासे चउत्थे पक्खे पोससुद्धे तस्स णं पोससुद्धस्स एका-रसीपक्खेणं पुव्वण्हकालसमयसि अट्टमेणं भत्तेणं अपाणएण अस्सिणीहिं नक्खत्तेणं जोगमुवागएणं तिहिं इत्थीसएहिं अट्ठिभतरियाए परिसाए तिहिं पुरिससएहिं बाहिरियाए परिसाए सद्धिं मुंदे भवित्ता पव्वइए । मल्लि अरह इमे अट्ट नार्यकुमारा अणुपव्वइंसु तंजहा — नदे य नदिमित्ते सुमित्त-बलमित्तभाणुमित्ते य † अमरवइ अमरसेणे महसेणे चेव अट्टमए ॥१॥ तए णं ते भवणवई ४ मल्लिस्त अरहओ निक्खमणमहिमं करेति २ जेणेव नंदीसरे अट्ठाहियं करेति जाव पडिगया । तए णं मल्ली अरहा जं चेव दिवसं पव्वइए तस्सेव दिवसस्स पुव्वीवरण्हकालसमयंसि असोग-वरपायवस्स अहे पुढविसिलापट्टयसि सुहासणवरगयस्स सुहेणं परिणा-मेणं पसत्थाहिं लेसाहिं तयावरणकम्मरयविकरणकरं अपुव्वकरणं अणु-पविट्ठस्स अणंते जाव केवलवरनाणदंसणे समुप्पन्ने ।

(83) तेणं कालेणं २ सव्वदेवाणं आसणाइ चलेति समोसदा सुणेति अट्ठाहियं महानंदीसरं जाव जामेव दिसिं पाउब्भूया तामेव पडि-गया । कुंभए वि निग्गच्छइ । तए णं ते जियसत्तुपामोक्खा छप्पि य रायाणो जेद्वपुत्ते रज्जे ठवेत्ता पुरिससहस्सवाहिणीयाओ दुरूढा सव्विद्धीए जेणेव मल्ली अरहा जाव पज्जुवासति । तए णं मल्ली अरहा तीसे महइमहा-लियाए कुंभगस्स तेसिं च जियसत्तुपामोक्खाणं धम्मं परिकहेइ । परिसा जामेव दिसिं पाउब्भूया तामेव दिसिं पडिगया । कुंभए समणोवासए जाए पडिगए पभावई पि । तए ण जियसत्तुपामोक्खा छप्पि रायाणो

धम्मं सोच्चा आलित्तएणं भंते^१ । जाव पण्वइया जाव चोइसपुन्विणो
 अणते केवेली सिद्धा । तए णं मल्ली अरहा सहसंववणाओ पडिनिक्खमइ
 २ वहिया जणवयविहारं विहरइ । मल्लिस्स णं भिसंगपासोक्खा अट्ठावीसं
 गणा अट्ठावीसं गणहरा होत्था । मल्लिस्स ण अरहओ अट्ठनैत्तालीस
 समणसाहस्सीओ उक्कोसिया समणसंपया होत्था । वधुमइपामोक्खाओ
 पणपन्न अज्जियासाहस्मीओ उक्कोसेणं । सुववयपामोक्खाओ साव-
 याणं एगा सयसाहस्सी चुलसीइं सहस्सा सुणदापामोक्खाओ सावि-
 याणं त्तिण्णि सयसाहस्सीओ पण्णट्ठिं च सहस्सा छच्चसंया चोइस-
 पुव्वीणं संपया । वीसं सया ओहिनाणीणं वत्तीसं सया केवलनाणीणं
 पर्णीतीसं सया वेजवियाणं अट्ठसंया मणपज्जवनाणीणं चोइससया
 वाईण वीसं सया अणुत्तरोववाइयाणं । मल्लिस्स णं अरहओ दुविहा
 अंतर्गडभूमी होत्था तंजहा — जुगंतर्करभूमी परियायंतर्करभूमी य
 जाव वीसइमाओ पुरिसजुगाओ जुगंतर्करभूमी न्दुवौलसपरियाए अंत-
 मकासी । मल्ली ण अरहा पणवीसं धणू उट्ठं उच्चत्तेण वण्णेण
 पियंगुसामे समच्चरंससठाणे वज्जरिसहनारायसघयणे मज्झदैसे सुह-
 सुहेण विहरित्ता जेणेव सम्मेए पव्वए तेणेव उवागच्छइ २ संमेयसेल-
 सिहरे पाओवगमणुववन्ने । मल्ली णं अरहा एगं वाससयं अगारवास-
 मज्झे पणपन्नं वाससहस्साइं वाससयऊणाइं केवल्लिपरियागं पाजणित्ता
 पणपन्नं वाससहस्साइं सव्वाउय पालइत्ता जे से गिम्हाण पढमे मासे
 दोच्चे पक्खे चेत्तसुद्धे तस्स ण चेत्तसुद्धस्स चउत्थीए भरणीए नक्खत्तेणं
 अद्धरत्तकालसमयसि पंचहिं अज्जियासएहिं अब्भिंतरियाए परिसाए
 पचहिं अणगारसएहिं वाहिरियाए परिआए मासिएणं भत्तेण अपाणएणं
 वग्घारियपाणी खीणे वेयणिज्जे आउए नामगोए सिद्धे^{१७} । एव परिनिव्वा-
 णमाहिमा भाणियव्वा जहा जवुहीवपणत्तीए नदीखरे अट्ठाहियाओ पडिगयाओ ।

एवं खलु जवू^१ । समणेणं ३ अट्ठमस्स नायज्झयणस्स अयमट्ठे
 पन्नत्ते त्तिवेमि ॥८॥

॥ नवमं अज्झयणं ॥

(84) जइ णं भंते । समणेणं भगवया म्हावीरेणं जाव संपत्तेणं
अट्ठमस्स नायज्झयणस्स अयमट्ठे पन्नत्ते नवमस्स णं भंते ! नायज्झयणस्स
समणेणं जाव संपत्तेणं के अट्ठे पन्नत्ते ? एवं खलु जंबू ! देणं कालेणं
तेणं समएणं चंपा नामं त्रयरी होत्था । पुण्णभदे चेइए । तत्थ णं माकंदी
नामं सत्थवाहे परिवसइ अट्ठे जाव अपरिमूए । तस्सं णं भदा नामं
मारिया होत्था । तीसे णं भदाए अत्तया दुवे सत्थवाहदारया होत्था
तैजहा — जिणपालिएं य जिणरक्खिए य । तए णं तेसिं मागंदियदारगाणं
अन्नया कयाइएणयओ इमेयारूवे मिहोकहासमुल्लावे समुप्पज्जित्था —
एवं खलु अम्हे लवणसमुदं पोयवहणेणं एक्कारस वारा ओगाढा सव्वत्थ
वि य णं लद्धट्ठा कयकज्जा अणहसमग्गा पुणरवि नियगघरं हव्वमागया ।
तं सेयं खलु अम्हं देवाणाप्पिया ! दुवालसंसंमि लवणसमुदं पोयवहणेणं
ओगाहित्तए त्तिकट्ठु अन्नमन्नस्स एयमट्ठं पडिसुणेंति २ जेणेव अम्मा-
पियरो तेणेव उवागच्छंति २ एवं वयासी — एवं खलु अम्हे अम्मयाओ !
एक्कारस वारा त चेव जाव नियगघरं हव्वमागया । तं इच्छामो णं अम्म-
याओ तुब्भेहिं अन्नमणुज्जाया समाणा दुवालसलवणसमुदं पोयवहणेणं
ओगाहित्तए । तए णं ते मागंदियदारए अम्मापियरो एवं वयासी —
इमे भे जाया ! अज्जग जाव परिभाएत्तए । तं अणुहोह ताव ज्ञाप्ता !
विपुले माणुस्सए इट्ठीसक्कारसमुदए । किं भे सपच्चवाएणं निरालंबणेणं
लवणसमुदोत्तारेणं ? एवं खलु पुत्ता ! दुवालसमी जत्ता सोवसग्गा
यावि भवइ । तं मा णं तुब्भे दुवे पुत्ता ! दुवालसंसंमि लवण जाव
ओगाहेह । मा हु तुब्भं सरीरस्स ज्जावत्ती भविस्सइ । तए णं ते माकंदिय-
दारगा अम्मापियरो दोच्चंपि तच्चंपि एवं वयासी — एवं खलु अम्हे
अम्मयाओ ! एक्कारस वारा लवण जाव ओगाहित्तए । तए णं ते
माकंदियदारए अम्मापियरो जाहे नो सचाएंति बहूहिं आघवणाहि य
पण्णवणाहि य ताहे अकामा चेव एयमट्ठं अणुमन्नित्था । तए णं
ते माकंदियदारगा अम्मापिज्जहिं अन्नमणुज्जाया समाणा ग्रणिमं वु

धरिमं च मेज्जं च पारिच्छेज्जं च जहा अरहत्तगत्स जाव लवणसमुद्दं बहुद्दं जोयणसयाइं ओगाढा ।

(85) तए ण तेसिं माकंदियदारगाणं अणेगाइं जोयणसयाइं ओगाढाणं सम्मणाणं अणेगाइं उप्पाइयसयाइं पाउब्भूयाइ तंजहा — अकाले गल्लियं जाव थणियसहे कालियवाए तत्थ समुट्ठिए । तए णं सा नावा तेणं कालियवाएणं आहुणिज्जमाणी २ संचालिज्जमाणी २ संखोभिज्जमाणी २ सलिलतिक्खवेगेहिं अइवट्ठिज्जमाणी २ कोट्ठिमंसि करतलाहए विव त्तिंदूसए तत्थेव २ ओवयमाणी य उप्पयमाणी य उप्पयमाणी विव धरणीयलाओ सिद्धविज्जा विज्जाहरकन्नगा ओवयमाणी विव गगण-तलाओ भट्ठविज्जा विज्जाहरकन्नगा विपलायमाणी विव महागरुलवेग-वित्तासिया भुयगवरकन्नगा धावमाणी विव महाजैणरसियसहवित्तत्था ठाणभट्ठा आसकिसोरी निगुंजमाणी विव गुरुजणदिट्ठावराहा सुजणकुल-कन्नगा धुम्ममाणी विव वीचिपहारसयतालिया मल्लियलंवणा विव गगण-तलाओ रोयमाणी विव सलिलभिन्नगंठिविप्पइरमाणंथोरसुवाएहि नववहू उवरयभत्तुया विलवमाणी विव परचक्करायाभिरोहिया परममहब्भयाभिहुया महापुरवरी झायमाणी विव कवडच्छोमंणपओगजुत्ता जोगपरिन्वाइया नीससमाणी विव महाकतारविणिग्गयपरिस्तंता पारेणयवया अम्मया सोयमाणी विव तवचरणखीणपरिभोगा चवणकाले देवचरवहू संचुणिय-कंठकूबरा भग्गमेढिमोडियसहस्समाला सूलाइयवंकपरिमासा फलहंतर-तडतडेंतफुट्तसंधिवियलंतलोहखीलिया सव्वंगविचंभिया परिसडियरज्जु-विसरंतसव्वगत्ता आमगमल्लगभूया अकयपुण्णजणमणोरहो विव चित्ति-ज्जमाणगुरुई हाहाकयकणधारनीसियवाणियगजणकम्मकरं विलविया नाणाविहरयणपणिकसंपुण्णा बहुहिं पुरिससएहिं रोयमाणेहिं कदमाणेहिं सोयमाणेहिं तिप्पमाणेहिं विलवमाणेहि एगं महं अंतोजलगयं गिरिसिहर-मासाइत्ता संभग्गकूवतोरणा मोडियज्झयदंडा वलयसयस्संडिया कडकडंस्स तत्थेव विद्वं उवगया । तए ण तीए नावाए भिज्जमाणीए ते बह्वे पुरिसा विपुलपणियंभंडमायाए अतो जलमि निर्मज्जावि थावि होत्था ।

• • (86) तुए णं ते माकंदियदारगा छेया दक्खत्ता पत्तट्ठा कुसलो मेहावी-
 निउणसिप्पोवगया बहुसु पोयवहणसंपराएसु कयकरणा लद्धविजया
 अमूढा अमूढहत्था एगं महं फलगखंडं आसादेंति । जंसि च णं पए-
 संसि से पोयवहणे विवन्ने तंसि च णं पएसंसि एगे मह रयणंदीवे नामं
 दीवे होत्था अणेगाइं जोयणाइं आयामविक्खंभेणं अणेगाइं जोयणाइं
 परिक्खेवेणं नाणादुमसंडमडिउहेसे सत्तिरीए पासाईए दरिसणिजे अभि-
 रुवे पडिरुवे । तस्स ण बहुमज्झदेसभाए एत्थ णं महं एगे पासायवडेंसए
 होत्था अब्भुगयमूसिए जाव सत्तिरीयरुवे पासाईए ४ । तत्थ णं पासाय-
 वडेंसए रयणदीवदेवया नाम देवया पुरिवसइ पावा चंडा रुहा खुहा
 साहसिया । तस्स णं पासायवडेंसयस्स चउदिसि चत्तारि वणसंडा पन्नत्ता
 किण्हा किण्होभासा । तए ण ते माकंदियदारगा तेण फलयखंडेणं उवु-
 ज्जमाणा २ रयणदीवतेण संवुढां यावि होत्था । तए णं ते माकंदिय-
 दारगा थाहं लभंति २ भुहुत्ततरं आसांसंति २ फलगखंडं विसज्जेति २
 रयणदीवं उत्तरेति २ फलाणं मग्गणगवेसणं करेति २ फलाइं आहारेंति २
 नालिर्यराणं मग्गणगवेसणं करेति २ नालिर्यराइं फोडेंति २ नालियरतेल्लेणं
 अन्नमन्नस्स गार्थाइं अर्भिग्गेति २ पोक्खरणीओ ओगाहेंति २ जलमज्जणं
 करेति २ जाव पच्चुत्तरंति २ पुढविसिलापट्टयांसि निसीयति २ आसत्था
 वीसत्था सुहासणवरगया चंप नयरिं अम्मापिउआपुच्छणं च लवणसमु-
 होत्तारण च कालियवायसमुच्छणं च पोयवहणविवत्तिं च फलयखंडयस्स
 आसायणं च रयणदीवोत्तार च अणुचितेमाणा २ ओहयमणसंकप्पा जाव
 क्षियायंति । तए णं सा रयणदीवदेवया ते माकंदियदारए ओहिणा
 आभोएइ २ असिफलगवग्गहत्था सत्तअट्ठतलप्पमाण उट्ठ वेहासं उप्पयइ,
 २ ताए उक्किट्ठाए जाव देवगईए वीईवयमाणी २ जैणेव माकंदियदारए
 तेणेव उवागच्छइ २ आसुरुत्ता ते माकंदियदारए खरफरुसनिदुदुरवयणेहिं
 एव वयासीहं भो माकंदियदारया । जइ णं तुब्भे मए सद्धिं विउलाइं
 भोगभोगाइं भुंजमाणा विहरइ तो भे अत्थि जीविय । अह णं तुब्भे मए
 सद्धिं विउलाइ नो विहरइ तो भे इमेणं नीलुप्पलगवल्लुगुलिय जाव खुर-

धारेणं असिणा रत्तंगडमंसुयाइं माडभाहिं उवसोहियाइं तालफलीणिव
सीसाई एगंते एंढेमि । तए णं ते माकंदियदारगा रयणदीवदेवयाए
अंतिए एयमट्ठं सोच्चा निसम्म भीया करयल जाव वद्धावेत्ता एवं वयासी-
जन्नं देवाणुप्पिया वइस्सइ तस्स आणाउववायवयणनिहेसे चिट्ठिस्सामो ।
तए णं सा रयणदीवदेवया ते माकंदियदारए गेण्हइ २ जेणैव पासाय-
वडेंसए तेणैव उवागच्छइ २ असुमपोगलावहारं कोइ २ सुमपोगल-
पक्खेवं कोइ २ तओ पच्छा तेहिं साद्धिं विउलाइं भोगभोगाइ भुंजमाणी
विहरइ कल्लाकल्लिं च अमयफलाइं उवणेइ ।

(87) तए णं सा रयणदीवदेवया सक्कवयणसदेसेणं सुट्ठिएणं लवणा-
हिंवइणा लवणसमुद्दे तिसत्तखुत्तो अणुपरियट्ठेयव्वे चि जं किंचि तत्थ
तणं वा पत्तं वा कट्ठं वा कयवरं वा असुइ पूयं दुरभिगंधमचोक्खं तं
सव्वं आहुणिय २ तिसत्तखुत्तो एगंते एंढेयव्वं तिकट्ठु निउत्ता । तए
णं सा रयणदीवदेवया ते माकंदियदारए एवं वयासी — एवं खलु अहं
देवाणुप्पिया ! सक्कवयणसदेसेणं सुट्ठिएणं लवणाहिंवइणा त चेव जाव
निउत्ता । तं जाव ताव अहं देवाणुप्पिया ! लवणसमुद्दे जाव एंढेमि ताव
तुब्भे इहेव पासायवडेंसए सुहसुहेण अभिरममाणा चिट्ठह । जइ णं
तुब्भे एयंसि अंतरंसि उव्विग्गा वा उस्सुया वा उप्पुया वा भवेज्जाह तो
णं तुब्भे पुरत्थिमिल्लं वणसंडं गच्छेज्जाह । तत्थ णं दो उऊं सया साहीणा
तंजहा—पाउसे य वासारत्ते यः—तत्थ उ कंदलसीलिघदंतो निउवरवरपुप्फ-
पीवरकरो । कुडयब्बुणनीवसुरभिदाणो पाउसउऊ गयवरो साहीणो ॥१॥
तत्थ यः—सुरगोवमणिविचित्तो देहुरकुलरसियउज्झेररवो । धराहिण-
वंदं परिणद्धसिहरो वासारत्तउऊपव्वओ साहीणो ॥२॥ तत्थ णं तुब्भे
देवाणुप्पिया ! बहुसुं वावीसु य जाव सरसरपंतियासु य बहुसु आली-
घरएसु य मालीघरएसु य जाव कुसुमघरएसु य सुहंसुहेणं अभिरम-
माणा २ विहरिज्जाह । जइ णं तुब्भे तत्थ वि उव्विग्गा वा उस्सुया
वा उप्पुया वा भवेज्जाह तो णं तुब्भे उत्तरिल्लं वणसंडं गच्छेज्जाह ।
तत्थ णं दो उऊं सया साहीणा तंजहाः—सरदो य हेमंतो य । तत्थ उ

सयसत्तिवण्णकवहो नीलुप्पलपउमनलिणसिंगो । सारसचक्कायरवियघोसो
 सरयउऊ गोवई साहीणो ॥१॥ तत्थ य सियकुंदघवलजोण्हो कुसुमिय-
 लोद्धवणसंडमंडलतलो । तुसारदगधारपीवरकरो हेमंतउऊससी सया
 साहीणो ॥२॥ तत्थ णं तुब्भे देवाणुप्पिया । वावीसु य जाव विहरे-
 ज्जाह । जइ णं तुब्भे तत्थ वि उव्विग्गा वा जाव उस्सुया वा भवेज्जाह
 तो णं तुब्भे अवरिल्लं वणसंडं गच्छेज्जाह । तत्थ णं दो उऊ सया
 साहीणा तज्जाह :- वसंते य गिम्हे य । तत्थ उ सहकारचारुहारो
 किंसुयकणियारासोगमउहो । ऊसियतिलगबकुलायवत्तो वसंतउऊ नरवई
 साहीणो ॥३॥ तत्थ य पाडलसिरीसल्लिल्लो मल्लियावासंतियधवलबेलो
 सीयलसुरभिअन्ल्लिमगररचरिओ गिम्हउऊसागरो साहीणो ॥४॥ तत्थ णं
 वहूसु जाव विहरेज्जाह । जइ णं तुब्भे देवाणुप्पिया । तत्थ वि उव्विग्गा
 वा उस्सुया वा उप्पुया वा भवेज्जाह तओ तुब्भे जेणेव पासायवडंसए
 तेणेव उवागच्छेज्जाह मंमं पडिवालेमाणा २ चिट्ठेज्जाह । मा णं तुब्भे
 दक्खिणिल्लं वणसंडं गच्छेज्जाह । तत्थ णं महं एगे उग्गाविसे चंडविसे
 घोराविसे महाविसे अइकाए महाकाए जहा तेयनिसगो मसिमहिस-
 मूसाकालए नयणविसरोसपुण्णे अंजणपुंजनियरप्पगासे रत्तच्छे जमल-
 जुयलचंचलचलतजीहे धराणितलवेणिभूए उक्कडफुडकुडिलजडिलकक्खड-
 वियडफडोवकरणदच्छे लोहागरधम्ममाणधमधमेंतघोसे अणागलिय-
 चंडविन्वरोसे सैमुहं तुरियचवलं धमधमेंतदिट्ठीविसे सप्पे परिवसइ ।
 मा णं तुब्भं सरीरस्स वावत्ती भविस्सइ । ते माकंदियदारए दोच्चंपि
 तच्चंपि एवं वयंइ २ वेउव्वियसमुग्घाएणं समोहणइ २ ताए उक्किट्ठाए
 लवणसमुहं तिसत्तखुत्तो अणुपरिउट्ठेउ पयत्ता यावि होत्था ।

(88). तए णं ते माकदियदारया तओ मुहुत्तंरस्स पासायवडंसए
 सइं वा रइं वा धिइं^{१०} वा अलभमाणा अन्नमन्नं एवं वयासी—एवं खलु
 देवाणुप्पिया । रयणदीवदेवया अस्से एवं वयासी—एवं खलु अहं सक-
 वयणसेदेसेणं सुट्ठिएणं लवणाद्धिवइणा जाव वावत्ती भविस्सइ । तं सेयं
 खलु अहं देवाणुप्पिया । पुरत्थिमिल्लं वणसंडं गमितए । अन्नमन्नस्स

पडिसुणेति २ जेणेव पुरस्थिमिल्ले वणसडे तेणेव उवागच्छंति २ तत्थ णं
 वावीसु य जाव आलीघरएसु य जाव विहरंति । तए ण ते माकंदियदारगा
 तत्थ वि सइ वा जाव अलभमाणा जेणेव उत्तरिल्ले वणसंडे तेणेव उवा-
 गच्छंति । तत्थ णं वावीसु य जाव आलीघरएसु य विहरंति । तए
 णं ते माकंदियदारगा तत्थ वि सइ वा जाव अलभमाणा जेणेव पक्ख-
 त्थिमिल्ले वणसंडे तेणेव उवागच्छंति २ जाव विहरति । तए णं ते माक-
 दियदारगा तत्थवि सइ वा जाव अलभमाणा अन्नमन्न एवं वयामी - एवं,
 खलु देवाणुप्पिया । अम्हे रयणदीवदेवया एव वयामी - एव खलु अहं
 देवाणुप्पिया । सक्कवयणसंदेसेणं सुट्टिएण लवणाहिवइणा जव मा णं
 तुवमं सरीरस्स वावत्ती भविस्सइ । तं भवियव्व पत्थ कारणेण । तं
 सेय खलु अम्हं दक्खिणिह्ल वणसडं गमित्तए त्तिकट्टु अन्नमन्नस्स
 एयमट्ठ पडिसुणेति २ जेणेव दक्खिणिह्ले वणसडे तेणेव पहारेत्य
 गमणाए । तओ ण गधे निद्धाइ से जहानामए अहमडे इ वा जाव अणि-
 ट्ठतराए । तए ण ते माकदियदारगा तेण असुभेण गंधेण अभिभूया
 समाणा सएहिं २ उत्तरिज्जेहिं आसाइ पिहेति २ जेणेव दक्खिणिह्ले
 वणसंडे तेणेव उवागया । तत्थ णं मह एगं आघयण पासति अट्ठिय-
 रासिसयसंकुलं भीमदरिसणिज्ज एग च तत्थ सूलाइय पुरिस कलुणाइ
 कट्ठाइं विस्सराइ कुव्वमाण पासति भीया जाव सजायभया जेणेव से
 सूलाइए पुरिसे तेणेव उवागच्छंति २ तं सूलाइय पुरिसं एव वयासी-
 एस ण देवाणुप्पिया । कस्सं आघयणे तुमं च ण के कओ वा इह हव्व-
 मागए केण वा इमेयारूवं आवयं पाविए ? तए णं से सूलाइए पुरिसे
 ते माकंदियदारगे एवं वयासी - एस णं देवाणुप्पिया । रयणदीवदेवयाए
 आघयणे । अहं णं देवाणुप्पिया । जंजुहीवाओ दीवाओ भारहाओ
 वासाओ काकंदिए आसवाणियए विपुलं पणियमंडमायाए पोयवहणेण
 लवणसमुदं ओयाए । तए णं अहं पोयवहणाविवत्तीए निज्जुडुमंडसारे
 एगं फलगखंड आसाएमि । तए णं अहं उरुज्जमाणे २ रयणदीवतेणं
 संवूढे । तए णं सा रयणदीवदेवया भिमं पासइ २ ममं गेण्हइ २ मए

सांखिं विचलाइं भोगभोगाइं मुंजमाणीं विहरइ । तए णं सा रयण-
 दीवदेवया अन्नया कयाइ अहालहुंसगंसि अवराहंसि परिक्खविया
 समाणी भमं एयारूवं आवयं पावेइ । तं न नज्जइ णं देवाणुप्पिया !
 तुव्मं पिइमेसि सरीरगाण का मन्ने आवई भविस्सइ । तए णं ते
 माकंदियदारंगा तस्स सूलाइगस्स अतिए एयमट्ठं सोच्चा निसम्म बलिय-
 तरं भीया जाव संजायभया सूलाइयं पुरिसं एवं वयासी — कइं णं देवाणु-
 प्पिया ! अन्हे रयणदीवदेवयाए हत्याओ साहत्थि नित्यारिज्जामो ? तए
 णं से सूलाइए पुरिसे ते माकंदियदारगे एव वयासी — एस णं देवाणु-
 प्पिया ! पुरत्थिमिहे वणसंडे सेलगस्स जक्खस्स जक्खायणे सेलए नामं
 आसरूवधारी जक्खे परिवसइ । तए णं से सेलए जक्खे चाउइसट्ठ-
 मुद्धिद्वपुण्णमासिणीसु आगयसमए पत्तसमए महया २ सहेणं एवं वदइ-
 कं तारयामि ? क पालयामि ? तं गच्छह णं तुव्मे देवाणुप्पिया ! पुरत्थिमिहं
 वणसंडं सेलगस्स जक्खस्स महरिहं पुप्फच्छाणियं करेह २ जन्नुपाय-
 वडिया पंजलिउडा विणएणं पज्जुवासमाणा विहरह । जाहे णं से सेलए
 जक्खे आगयसमए पत्तसमए एवं वएज्जा—कं तारयामि ? क पालयामि ?
 ताहे तुव्मे एवं वयह — अन्हे तारयाहि अन्हे पालयाहि । सेलए भो
 जक्खे पर रयणदीवदेवयाए हत्याओ साहत्थि नित्यारेज्जा । अन्नहा भो
 न याणामि इमेसिं सरीरगाणं का मन्ने आवई भविस्सइ ।

(89) तए णं ते माकंदियदारगा तस्स सूलाइयस्स अतिए एयमट्ठं
 सोच्चा निसम्म सिग्घं चंडं चवलं तुरियं वेईयं जेणेव पुरत्थिमिहे वण-
 संडे जेणेव पोक्खरिणी तेणेव उवागच्छंति २ पोक्खरिणिं ओगाहेति २
 जलमज्जणं करेति २ जाइं तत्थ उप्पलाइं जाव गेण्हंति २ जेणेव
 सेलगस्स जक्खस्स जक्खायणे तेणेव उवागच्छंति २ आलोए पणामं
 करेति २ महरिहं पुप्फच्छाणियं करेति २ जन्नुपायवडिया सुत्सुस-
 माणा नमंज्जमाणा पज्जुवासंति । तए णं से सेलए जक्खे आगय-
 समए पत्तसमए एवं वयासी — क तारयामि ? कं पालयामि ? तए
 णं ते माकंदियदारगा उट्ठाए उट्ठेति करयस्स जाव वद्धावेत्ता एवं

वयासी - अम्हे तारयाहि अम्हे पालयाहि । तए णं से सेलए प्रकृते
 ते माकंदियदारए एवं वयासी - एवं खलु देवाणुप्पिया । तुब्भं मए
 सद्धिं लवणसमुद्धं मज्झमज्झेणं वीईवयमाणाण सा रयणदीवदेवया
 पावा चंडा रुद्धा खुद्धा सोहसिया बहूहिं ररणहि य मट्ठएहि य अणु-
 लोमेहि य पडिल्लोमेहि य सिगारेहि य कलुणेहि य उवसग्गेहि य उव-
 सग्गं करेहिइ । तं जइ णं तुब्भे देवाणुप्पिया । रयणदीवदेवयाए एयमट्ठं
 आढाह वा परियाणह वा अवयक्खह वा तो भे अहं पिट्ठाओ विट्ठ-
 णामि । अहं णं तुब्भे रयणदीवदेवयाए एयमट्ठं नो आढाह नो परिया-
 णह नो अवयक्खह तो भे रयणदीवदेवयाए हत्याओ साहत्थि हित्तियारेमि ।
 तए णं ते माकंदियदारगा सेलग जक्ख एव वयामी - ज णं देवाणु-
 प्पिया वईस्संति तस्स णं उववायवयणनिदेसे चिट्ठिस्सामो । तए ण
 से सेलए जक्खे उत्तरपुरत्थिम दिर्सीभाग अवक्कमड २ वेगव्वियसमु-
 ग्घाएणं समोहणइ २ सखेज्जाडं जोयणाड ५८ निस्सरइ दोच्चपि
 वेउव्वियसमुग्घाएण समोहणइ २ एग मह आमरूव वेउव्वइ २ ते
 माकंदियदारए एव वयासी - ह भो माकंदियदारया । आरुहं णं देवा-
 णुप्पिया । मम पिट्ठसिं । तए ण ते माकंदियदारया हट्ठा सेलगस्स
 जक्खस्स पणाम करेति २ सेलगस्स पिट्ठं दुरुद्धा । तए णं से सेलए ते
 माकंदियदारए दुरुद्धे जाणित्ता सत्तअट्ठतालेप्पमाणमेत्ताइं उट्ठु वेहास
 उप्पयइ २ ताए उक्किट्ठाए तुरियाए चवलाए चडाए दिव्वाए देवयाए
 देवगईए लवणसमुद्धं मज्झमज्झेणं जेणेव जवुहीवे दीवे जेणेव भारहे वासे
 जेणेव चंपा नयरी तेणेव पहारेत्थ गमणाए ।

(90) तए णं सा रयणदीवदेवया लवणसमुद्धं तिसत्तसुत्तो अणुपरि-
 यट्ठइ जं तत्थ तणं वा जाव एडेइ जेणेव पासायवहंसए तेणेव उवागच्छई २
 ते माकंदियदारया पासायवहंसए अपासमाणी जेणेव पुरत्थिमिल्ले वणसंढे
 जाव सन्वओ समंता मग्गणगवेसण करेइ २ तेसिं माकंदियदारगाणं
 कत्थइ सुंई वा ३ अलभमाणी जेणेव उत्तरिल्ले एवं चेव पञ्चत्थिमिल्ले
 वि जाव अपासमाणी ओहिं पउंजइ ते माकंदियदारए सेलएण सद्धिं

लवणसमुद्दं मज्झिमज्झेण वीईवयमाणे २ पासइ २ आसुरुत्ता असिखेदेहं
 गेण्हइ २ सत्तट्ठे जाव उप्पयइ २ ताए उक्किट्ठाए जेणेव माकंदियदारया
 तेणेव उवागच्छइ २ एवं वयासी—हं भो माकंदियदारगा अमिथियं पत्थिया ।
 किण्णं तुम्भे जाणह ममं विप्पज्झाय सेलएणं जक्खेणं सद्धिं लवण-
 समुद्दं मज्झिमज्झेण वीईवयमाणा ? तं एवमवि गए जइ णं तुम्भे ममं
 अवयक्खह तो भे अत्थि जीवियं । अह णं नावयक्खह तो भे इमेण
 नीलुप्पलगवल जाव ईडेमि । तए णं ते माकंदियदारगा रयणदीवदेवयाए
 अंतिए एयमट्ठं सोच्चा निसम्म अभीया अतत्था अणुविवग्गा अक्खुभिया
 असमंता रूयणदीवदेवयाए एयमट्ठ नो आढति नो परियाणति नाव-
 यक्खति अणाढायमाणा अपरियाणमाणा अणवयक्खमाणा य सेलएणं
 जक्खेणं सद्धिं लवणसमुद्दं मज्झिमज्झेण वीईवयंति । तए णं सा रयण-
 दीवदेवया ते माकंदियदारया जाहे नो संचाएइ बहुहिं पैडिलोमेहि य
 उवसग्गेहि य चालित्तए वा खोभित्तए वा विपरिणामित्तए वा ताहे
 महुरेहि य सिगारेहि य कलुणेहि य उवसग्गेहि य उवसग्गेउ पयत्ता
 यावि होत्था— ह भो माकंदियदारगा । जइ णं तुम्भेहिं देवाणु-
 प्पिया । मए सद्धिं हसियाणि य रमियाणि य ललियाणि य
 कीलियाणि य हिडियाणि य मोहियाणि य ताहे णं तुम्भे सव्वाहं
 अगणेमाणा ममं विप्पज्झाय सेलएणं सद्धिं लवणसमुद्दं मज्झिमज्झेणं
 वीईवयह । तए णं सा रयणदीवदेवया जिणरक्खयस्स मणं ओहिणा
 आभोएइ २ एव वयासी— निच्चं पि य णं अहं जिणपालियस्स
 अणिट्ठा ५ । निच्च मम जिणपालिए अणिट्ठे ५ । निच्चं पि य णं अह
 जिणरक्खयस्स इट्ठा ५ । निच्चं पि य णं ममं जिणरक्खिए इट्ठे ५ । जइ
 णं ममं जिणपालिए रोयमाणं कदमाणं सोयमाणं तिप्पमाणं विलव-
 माणि नावयक्खइ किण्णं तुम्भे पि जिणरक्खया । ममं रोयमाणं जाव
 नावयक्खाई ? तए णं—सा पवररयणदीवस्स देवथा ओहिणा जिणर-
 क्खयस्स मणं । नाऊणं वंधनिमित्तं उवरिं माकंदियदारगाणं दोण्हं पि ॥ १ ॥
 दोसकलिया सलिलयं नाणाविहचुण्णवासमीसियं दिव्वं । घाणमण-

निव्वुइकरं सर्वोत्तयसुदभिकुसुमवुट्ठिं पमुच्चमाणी ॥२॥ नाणासूणि-
 कणगरयणघंटियखिस्तिणिनेउरमेहलभूसणरवेणं । डिमाओ विदिमाओ
 पूरयंती वयणमिणं वेइ सा कलुंसा ॥३॥ होल वसुल गोल नाह दइय
 पिय रमण कंत सामिय-निग्घिण नित्थक । थिण्ण निक्किर्व अकयन्नय
 सिट्ठिलभाव निद्वज्ज लुक्क अकलुण जिणरक्खिय मज्झं हियरक्खण ॥४॥
 न हु जुज्जसि एंकिंय अणाहं अवधवं तुज्ज चलणओवायकारियं
 उज्झिउमर्धन्न । गुणसकर ह तुमे विहूणा न समत्था जीविउ खणपि ॥५॥
 इमस्स. वं अणेगील्लसमगरविविधंसावयमयाकुलंयरस्म । रयणागरस्स
 मज्झे अप्पाणं वहेमि तुज्ज पुरओ ण्हि नियत्ताहि जइं मि कुविओ
 खमाहि एकावैराहं मे ॥६॥ 'तुज्जं य विगयघणाविमंलममिमडलागारं-
 सस्सिरीयं सारयनवकमलकुमुदकुवल्लयविमलदलनिक्करसरिमेंनिभनयण ।
 वयण पिवासागयाए सद्धां मे पेच्छंउ जे अवलोण्हि ता इओ
 मम नाह जीं ते पेच्छामि वयणकमल ॥७॥ एव सप्पणयसरलमहुरीइ
 पुणो २ कलुणाइ वयणाइ जपमाणी मा पावा मग्गओ ममण्णेइ पाव-
 हियया ॥८॥ तए ण से जिणरक्खियए चलमणे तेणेव भूमणरवेण कण-
 सुहमणोहरेणं तेहि य सप्पणयसरलमहुरभणिण्हि सजायविउणअणुराए
 रयणदीवस्स देवयाए तीसे मुदरथणजहणवयणकरचरणनयणलावण्णरूव-
 जोवण्णसिरि च दिव्व सरभसउवगूहियाइं विव्वोयत्रिलिमियीणि य
 विहसियसकडक्खदिट्ठिनिस्ससियमलियउवल्लियथियगमणपणयरिउज्जि-
 यपसाइयाणि य सरमाणे रागमोहियमई अवसे कम्मवसण अवयक्खइ
 मग्गओ सविलियं । तए ण जिणरक्खिय समुप्पन्नकलुणभाव मच्चुगल-
 त्थंल्लोणोहियमइं अवयक्खत तहेव जम्मे उ सेलए जाणिऊण सणिय २
 उव्विहइ नियगपिट्ठाहि विगयसंदे । तए ण सा रयणदीवदेवया निस्संसा
 कलुणं जिणरक्खियं सकलुसा सेलगपिट्ठाहि ओवयत-दास । मओसि त्ति
 जंपमाणी अपत्तं सागरसलिल गेण्हिय वाहाहि आरंसत उडुं उव्विहइ
 अंवरतले ओवयमाणं च मंडलगणे पडिच्छित्ता नीलुप्पलगवलअयसि-
 प्पगासेणं अभिवरेणं खडाखांडि करेइ २ तत्थ विलवमाणं तस्स य

सरसुवेदियस्स घेतून अंगमंगाइ सरसहिराइ उक्खित्तवलिं चउदीसिं करेइ
सा पंजली पहँट्टा ।

(91) एवामेव समणाउसो । जो अम्हं निग्गंथाण या निग्गंथीण वा
अंतिए पव्वंइए समाणे पुणरवि माणुस्सए कामभोगे आसायइ पत्थयइ
पीहेइ अभिलसइ से णं इहभवे चेव बहूणं समणाण बहूणं समणीणं
बहूणं सावयाणं बहूणं साविद्याणं जाव ससारं अणुपरियट्टिस्सइ जहा व
से जिणरक्खिए । छलिओ अवयक्खंतो निरावयक्खो गओ अविग्घेणं ।
तम्हा पवयणसारे निरावयक्खेण भविस्सवं ॥१॥ भोगे अवयक्खंता
पडंति संसारसागरे घोरे । भोगेहिं य निरवयक्खा तरंति संसारकंतारं ॥२॥

(92) तए णं सा रयणदीवदेवया जेणेव जिणपालिए तेणेव उवा-
गच्छइ बहूहिं अणुलोमेहि य पडिलोमेहि य खरमउयसिंगारेहि य कलुणेहि
य उवसगेहि य जाहे नो संचाएइ चालित्तए वा खोभित्तए वा विपरिणा-
मित्तए वा ताहे संता संता परितंता निठिवण्णा समाणी जामेव दिसिं
पाउब्भूया तामेव दिसिं पडिगया । तए णं से सेलए जक्खे जिणपालि-
एण सद्धिं लवणसमुहं मज्झमज्जेण वीईवयइ २ जेणेव चंपा नयरी तेणेव
उवागच्छइ २ चंपाए नयरीए अग्गुज्जाणांसि जिणपालियं पट्टाओ ओया-
रेइ २ एवं वयासी - एस णं देवाणुप्पिया ! चपा नयरी दीसइ त्तिकट्टु
जिणपालियं आपुच्छइ २ जामेव दिसिं पाउब्भूए तामेव दिसिं पडिगए ।

(93) तए णं जिणपालिए चंप अणुपविसइ २ जेणेव सए गिहे
जेणेव अम्मापियरो तेणेव उवागच्छइ २ अम्मापिऊणं रोयमाणे जाव
विलवमाणे जिणरक्खिवावात्ति निवेदेइ । तए ण जिणपालिए अम्मापियरो
मित्तनाइ जाव परियणेण सद्धिं रोयमाणाइं बहूइं लोइयाइं मयकिष्वाइं
करोति २ कालेण विगयसाया जाया । तए णं जिणपालियं अन्नया कयाइं
सुहासणवरगयं अम्मापियरो एव वयासी - कहण पुत्ता ! जिणरक्खिए
कालगए ? तए णं से जिणपालिए अम्मापिऊणं लवणसमुहोत्तारणं च
कालियवायसमुच्छेणं च पोयवहणविवत्तिं च फलहखंडआसायणं च
रयणदीवुत्तारं च रयणदीवदेवयागेहिं च भोगीविभूइ च रयणदीवदेवया-

अप्पाहेणं च सूळाइयपुरिसदरिसणं च सेलगजक्खआरुहणं च रयप्रदीव-
देवयाउवसगं च जिणरक्खियविवत्ति च लवणसमुद्दत्तरणं च चंपागमणं
च सेलगजक्खआपुच्छणं च जहाभूयमवितहमसांदिद्धं परिकहेइ । तए
णं जिणपालिए जाव अष्पसोरो जाव विपुलाइ भोगभोगाई भुंजमाणे
विहरइ ।

(94) तेणं कालेणं तेणं समएणं समणे भगवं महावीरे समोसडे
जाव धम्मं सोच्छा पव्वइए एगारसंगवी मासिएणं भत्तेणं जाव अत्ताणं
क्षूसेत्ता न्मोहम्मो कप्पे दो सागरोवमाई ठिई पन्नत्ता । ताँओ आउक्ख-
एणं ठिइक्खएणं भवक्खएणं अणंतरं चयं चइत्ता जेणैव महाविदेहे
वासे सिङ्गिहइ जाव अंतं काहिइ । एवामेव समणाउसो ! जाव माणुस्सए
कामभोरो जो पुणरवि आसाइ से णं जाव वीईवइस्सइ जहा व से
जिणपालिए ।

एवं खलु जंबू ! समणेणं भगवया महावीरेणं जाव संपत्तेणं
नवमस्स नायज्झयणस्स अयमट्ठे पन्नत्ते तिवेभि ॥

॥ नवमं नायज्झयणे समत्तं ॥९॥

॥ दसमं अज्झयणं ॥•

(95) जइ णं भंते । समणेणं नवमस्स नायज्झयणस्स अयमट्ठे पन्नत्ते दसमस्स के अट्ठे पन्नत्ते । एवं खलु जंबू । तेणं कालेणं २ रायगिहे नयेरे साम्भे समोसठे गोयसो एवं वयासी - कट्ठणं भंते । जीवा वड्ढति वा हायंति वा ? गोयसा । से जहानामए बहुलपक्खस्म पडिवयाचदे पुण्णिमाचंदं पणिहाय हीणे वण्णेण हीणे सोमयाए हीणे निद्धयाए हीणे कंतीए एव दित्तीए जुत्तीए छायाए पभाए ओयाए लेसाए मंडलेणं । तयाणंतरं च णं बीयाचंदे पडिवयाचंदं पणिहाय हीणतराए वण्णेणं जाव मंडलेणं । तयाणंतरं च णं तइयाचंदे बीयाचंदं पणिहाय हीणतराए वण्णेणं जाव मंडलेणं । एवं खलु एएणं कमेणं परिहायमाणे २ जाव अभावसाचदे चाउइसिचंदं पणिहाय नट्ठे वण्णेणं जाव नट्ठे मंडलेण । एवमेव समणाउसो ! जो अम्हं निगंथो वा निगंथी वा जाव पन्वइए समाणे हीणे खतीए एवं मुत्तीए गुत्तीए अज्जवेणं मइवेणं लाघवेण सच्छेणं तवेण चिथाए अकिंचणयाए बभचेरवासेणं । तयाणतरं च णं हीणे हीणतराए खंतीए जाव हीणतराए बंभचेरवासेणं । एवं खलु एएणं कमेणं परिहायमाणे २ नट्ठे खंताए जाव नट्ठे बंभचेरवासेणं । से जहा वा सुक्कपक्खस्स पडिवयाचंदे अभावसाचंदं पणिहाय अहिए वण्णेणं जाव अहिए मंडलेणं । तयाणंतरं च णं बीयाचंदे पडिवयाचंदं पणिहाय अहिययराए वण्णेणं जाव अहिययराए मंडलेण । एवं खलु एएणं कमेणं परिवड्ढेमाणे २ जाव पुण्णिमाचदे चाउइसि चंदं पणिहाय पडिपुण्णेवण्णेणं जाव पडिपुण्णे मंडलेणं । एवमेव समणाउसो ! जाव पन्वइए समाणे अहिए खतीए जाव बंभचेरवासेणं । तयाणंतरं च णं अहिययराए खंतीए जाव बंभचेरवासेणं । एवं खलु एएणं कमेणं परिवड्ढेमाणे २ जाव पडिपुण्णे बंभचेरवासेणं । एव खलु जीवा वड्ढति वा हायंति वा ।

एवं खलु जंबू । समणेणं भगवया महावीरेणं दसमस्स नायज्झयणस्स अयमट्ठे पन्नत्ते ति वेमि ॥

॥ दसमं नायज्झयणं समत्ते ॥१०॥

॥ एकारसमं अज्झयणं ॥

(96) जइ णं भंते ! समणेणं वसमस्स नायज्झयणस्स अयमट्ठे पन्नत्ते
 एकारसमस्स के अट्ठे पन्नत्ते ? एव खलु जवू । तेणं कालेणं २ रायगिहे
 जाव गोयमें एवं वयासी—कह ण भंते ! जीवा आराहगा वा विराहगा
 वा भवन्ति ? गोधमा ! से जहानामए एगंसि समुदकूलसि दावइवा नाम
 रुक्खा पन्नत्ता किण्हा जाव निउरंवभूया पत्तिया पुप्फिया फलिया
 हरियगरेरिज्जमाणा सिरीए अईव उवसोभेमाणा २ चिट्ठन्ति । जया ण
 दीविच्चगा ईसिं पुरेवाया पच्छावाया मंदावाया महावाया वायन्ति तथा ण
 वहवे दावइवा रुक्खा पत्तिया जाव चिट्ठन्ति । अप्पेगइया दावइवा
 रुक्खा जुण्णा झोडा परिसडियपंडुपत्तपुप्फफला मुक्करुक्खओ विव
 मिलायमाणा २ चिट्ठन्ति । एवामेव समणाउसो ! जो अम्ह निग्गयो वा
 २ जाव पव्वइए समाणे वहूणं समणाणं ४ सम्म सहइ जाव अहियासेइ
 वहूणं अन्नउत्थियाणं वहूणं गिहत्थाण नो सम्म सहइ जाव नो अहिया-
 सेइ एस णं मए पुरिसे देसविराहए पन्नत्ते समणाउसो ! जया णं
 सामुहगा ईसिं पुरेवाया पच्छावाया मंदावाया महावाया वायन्ति तथा ण
 वहवे दावइवा रुक्खा जुण्णा झोडा जाव मिलायमाणा २ चिट्ठन्ति ।
 अप्पेगइया दावइवा रुक्खा पत्तिया पुप्फिया जाव उवसोभेमाणा २
 चिट्ठन्ति । एवामेव समणाउसो ! जो अम्ह निग्गयो वा २ जाव पव्वइए
 समाणे वहूणं अन्नउत्थियगिहत्थाणं सम्म सहइ वहूणं समणाण ४
 नो सम्म सहइ एस णं मए पुरिसे देसाराहए पन्नत्ते समणाउसो ! जया
 णं नो दीविच्चगा नो सामुहगा ईसिं पच्छावाया जाव महावाया वायन्ति
 तथा ण सव्वे दावइवा रुक्खा जुण्णा झोडा । एवामेव समणाउसो !
 जाव पव्वइए समाणे वहूणं समणाण ४ वहूणं अन्नउत्थियगिहत्थाण नो
 सम्म सहइ एस णं मए पुरिसे सव्वविराहए पन्नत्ते समणाउसो ! जया
 ण दीविच्चगा वि सामुहगा वि ईसिं जाव वायन्ति तथा णं सव्वे दावइवा
 पत्तिया जाव चिट्ठन्ति । एवामेव समणाउसो ! जो अम्ह पव्वइए समाणे
 वहूणं समणाणं ४ वहूणं अन्नउत्थियगिहत्थाण सम्म सहइ एस णं मए

पुरिस्से सव्वआराहए पन्नत्ते । एवं खलु गोयम्मा ! जीव्वा आराहगा वा विराहगा वा भवन्ति ।

एवं खलु जंबू ! समणेणं भगवया महावीरेणं जाव संपत्तेणं एकारसमस्स अयमट्ठे पन्नत्ते त्तिवैमि ॥११॥

॥ एकारसमं नायज्जयणं समत्तं ॥११॥

॥ वारसमं अज्जयणं ॥

(97) जइ णं भंते ! समणेणं जाव संपत्तेणं एकारसमस्स नायज्जयणस्स अयमट्ठे पन्नत्ते वारसमस्स णं के अट्ठे पन्नत्ते ? एवं खलु जंबू ! तेणं कालेण २ चंपा नामं नयरी । पुण्णभइ चेइए । जियसत्तू नामं राया । धारिणी ठेवी । अदीणसत्तू नाम कुमारे जुवराया वि होत्था । सुबुद्धी नामं अमच्चवे जाव रत्तधुराचितए यावि होत्था जाव सैमणोवासए । तीसे णं चंपाए नयरीए वहिया उत्तरपुरत्थिमेणं एगे फरिहोदए यावि होत्था मेयवसारुहिरमंसपूयपडलपोखडे मयगकलेवरसंछन्ने अमणुन्ने ण वण्णेणं जाव फासेणं से जहानामए अहिमडे इ वा गोमडे इ वा जाव मयकुहियविणट्ठकिमिणवावण्णदुरभिगधे किमिजालाडेले संसत्ते असुइविगयवीभच्छदरिसणिन्ने । भवेयारूवे सिया ? नो इणंठे समट्ठे । एत्तो अणिट्ठतराए चेव जाव गंधेणं पन्नत्ते ।

(98) तए णं से जियसत्तू राया अन्नया कयाइ ण्हाए कयवलिकम्मे जाव अप्पमहग्घाभरणत्तलंकियसरीरे बहूहिं ईसर जाव सत्थवाह — पभिईहिं सुद्धिं भोयणमंडवंसि भोयणवेलाए सुहासणवरगए विउलं असणं ४ जाव बिहरइ जिमियमुत्ततरागए जाव सुइभूए तंसि विपुलंसि असणंसि ४ जाव जायबिम्हए ते बह्वे ईसर जाव पभिईए एवं वयासी — अहो णं देवाणुप्पिया ! इमे मणुन्ने असणं ४ वण्णेणं उववेए जाव फासेणं

उववेए अरसायणिज्जे त्रिसायणिज्जे पीणणिज्जे धीवणिज्जे ढापणिज्जे मय-
 णिज्जे विहणिज्जे सन्निवियगायपल्हायणिज्जे । तए णं ते वहवे ईसर
 जाव पभियओ जियसत्तु एव वयासी - तहेव ण सामी । जण्ण तुम्हे
 वयह - अहो ण इमे मणुन्ने असणे ४ वण्णेणं उववेए जाव पल्हायणिज्जे ।
 तए णं जियसत्तु सुवुद्धिं अमञ्ज एव वयासी - अहो ण सुवुद्धी । इमे
 मणुन्ने असणे ४ जाव पल्हायणिज्जे । तए ण सुवुद्धी जियसत्तुस्स रत्तो
 एयमट्ठ नो आढाइ जाव तुसिणीए संचिट्ठइ । तए ण जियमत्तु सुवुद्धिं
 दोच्चपि तच्चपि एव वयासी - अहो ण सुवुद्धी । इमे मणुन्ने त चेव जाव
 पल्हायणिज्जे । तए णं से सुवुद्धी अमञ्जे दोच्चपि तच्चपि एव कुत्ते समाणे
 जियसत्तुं राय एवं वयासी - नो खलु सामी । अम्ह ग्यामि मणुन्नमि
 असणांसि ४ केइ विम्हए । एवं खलु सामी । सुंरभिमहा वि पोग्गला
 दुरभिसदत्ताए परिणमति दुरभिसदा वि पोग्गला मुरभिमदत्ताए परिण-
 मति । सुरूवा वि पोग्गला दुरूवत्ताए परिणमति दुरूवा वि पोग्गला
 सुरूवत्ताए परिणमति । सुरभिगधा वि पोग्गला दुरभिगधत्ताए परिणमति
 दुरभिगंधा वि पोग्गला सुरभिगधत्ताए परिणमति । सुरमा वि पोग्गला
 दुरसत्ताए परिणमति दुरसा वि पोग्गला सुरसत्ताए परिणमति । सुह-
 फासा वि पोग्गला दुहपासत्ताए परिणमति दुहफासा वि पोग्गला मुह-
 फासत्ताए परिणमति । पओगवीससा परिणया वि य ण सामी । पोग्गला
 पन्नत्ता । तए णं जियसत्तु सुवुद्धिस्स अमञ्जस्स एवमाइत्तपमाणस्स ४
 एयमट्ठं नो आढाइ नो परियाणंइ तुसिणीए संचिट्ठइ । तए ण मे जिय-
 सत्तु अन्नया कयाइ ण्हाए आसखंधवरगाण मद्याभडचडगरआसवाहं-
 णियाए निज्जायमाणे तस्स फरिहोदयस्स अदूरसामतेण वीईवयइ । तए
 णं जियसत्तु तस्स फरिहोदयस्स असुभेपा गधेण अभिभूए समाणे
 सएणं उत्तरिज्जएण आसगं पिहेइ एगत अवक्कमइ २ वहवे ईसर
 जाव पभियओ एवं वयासी - अहो ण देवाणुप्पिया । इमे फरिहोदए
 अमणुन्ने वण्णेणं ४ से जहानामए अहिमडे इ वा जाव अमणामतराए
 चेव । तए ण ते वहवे राईसर जाव पभियओ एव वयासी - तहेव णं

तं सामी ! जं णं तुब्भे एवं वयह — अहो णं इमे फरिहोदए अमणुत्ते
वण्णेणं ४ से जहानामए अहिमडे इ वा जाव अमणामतराए चेव ।
तए णं से जियसत्तू सुबुद्धिं अमंच्चं एवं वयासी — अहो णं सुबुद्धी !
इमे फरिहोदए अमणुत्ते वण्णेणं ४ से जहानामए अहिमडे इ वा जाव
अमणामतराए चेव । तए णं से सुबुद्धी अमंच्चं जाव तुसिणीए संचि-
ट्ठइ । तए णं से जियसत्तू राया सुबुद्धिं अमंच्चं दोच्चंपि तच्चंपि
एवं वयासी — अहो णं तं चेव । तए णं से सुबुद्धी अमंच्चं
जियसत्तुणा रत्ता दोच्चंपि तच्चंपि एवं वुत्ते समाणे एवं वयासी—
नो खलु सामी ! अहं एयंसि फरिहोदगंसि केइ विम्हए । एवं
खलु सामी ! सुरभिसहा वि पोग्गला दुब्भिसहत्ताए परिणमंति त चेव जाव
पओगवीससापरिणया वि य णं सामी ! पोग्गला पन्नत्ता । तए णं जिय-
सत्त सुबुद्धि एवं वयासी — मा णं तुमं देवाणुप्पिया ! अप्पाणं च पर च
तदुभयं च वहूहि य अस्सुभावुब्भावणाहिं मिच्छत्ताभिनिवेसेण य वुग्गा-
हेमाणे वुप्पाएमाणे विहराहि । तए णं सुबुद्धिस्स इमेयारूवे अन्हात्थिए
४ समुप्पज्जित्था — अहो णं जियसत्तू सत्ते तच्चे तहिए अवितहे सन्भूए
जिणपन्नत्ते भावे नो उवलभइ । तं सेयं खलु मम जियसत्तुस्स रत्तो
संताणं तच्चाणं तहियाणं अवितहाणं सन्भूयाणं जिणपन्नत्ताणं भावाणं
अभिगमणट्ठयाए एयमट्ठ उवायणावेत्तए । एवं संपेहेइ २ पच्चइएहिं पुरि-
सेहि सद्धि अंतरावणाओ नवए घट्टए य पट्टए य गेण्हइ २ सज्जाकाल-
समयांसि पविरलमणुस्संसि निसंतपडिनिसंतंसि जेणेव फरिहोदए तेणेव
उवागच्छइ २ तं फरिहोदगं गेण्हावेइ २ नवएसु घट्टएसु गालावेइ २
नवएसु घट्टएसु पक्खिवावेइ २ सज्जखारं पक्खिवावेइ लंछियमुद्धिए
कारावेइ २ सत्तरत्तं परिवसावेइ २ दोच्चंपि नवएसु घट्टएसु गालावेइ
२ नवएसु घट्टएसु पक्खिवावेइ २ सज्जखारं पक्खिवावेइ २ लंछिय-
मुद्धिए कारावेइ २ सत्तरत्तं परिवसावेइ २ तच्चंपि नवएसु घट्टएसु जाव
संवसावेइ । एवं खलु एणं उवाएणं अंतरा गालावेमाणे अंतरा पक्खि-
वावेमाणे अतरा य वसावेमाणे सत्तसत्त य राइंदियाइं परिवसावेइ ।

तए णं से फरिहोदए सत्तुमसि सत्तयमि परिणममाणमि उदगरयणे जाण
यावि होत्था अच्छे पत्थे जच्चे तणुए फालियवण्णाभे वण्णेण उववेणं ४
आसायणिज्जे जाव सन्विदियगायपल्हायणिज्जे । तए ण सुवुद्धी जेणेव मे
उदगरयणे. तेणेव उवागच्छड २ करयलमि आमादेड २ तं उदगरयण
वण्णेण उववेयं ४ आसायणिज्ज जाव सन्विदियगायपल्हायणिज्ज जाणिता
हट्टुहे वहूहि उदगसंभारणिज्जेहि दव्वेहि मभारेड २ जियमत्तुस्म रत्तो
पाणियघरिय सदावेड २ एव वयासी— तुम ण देवाणुप्पिया । इम उदग-
रयणं गेण्हाहि २ जियमत्तुस्म रत्तो भोयणवेलाए उवणेज्जामि । तए ण मे
पाणियघरिए सुवुद्धिस्स एयमट्ट पडिमुणेड २ त उदगच्छाण गेण्हड २
जियसत्तुस्स रत्तो भोयणवेलाए उवट्टवेड । तए ण मे जियमत्तु राया त
विपुल असण ४ आसाएमाणे जाव बिहरड जिमियभुत्तं तराणए वि ष ण
जाव परमसुइभूए तंसि उदगरयणसि जायविम्हा ते बहवे राईमर जाव एव
वयासी— अहो ण देवाणुप्पिया । इमे उदगरयणे अट्टे जाव सन्विदिय-
गायपल्हायणिज्जे । तए ण ते बहवे राईमर जा एव वयासी— तदेव ण
सामी । जण्ण तुम्हे वयह जाव एव चेव पल्हायणिज्जे । तए ण जिय-
सत्तु राया पाणियघरिय सदावेड २ एव वयासी— एम ण तुंमे देवा-
णुप्पिया । उदगरयणे कओ आसाइए ? तए ण से पाणियघरिए जिय-
सत्तु एवं वयासी— एस ण सामी । मए उदगरयणे सुवुद्धिस्स अतियाओ
आसाइए । तए ण जियसत्तु सुवुद्धिं अमच्च सदावेड २ एव वयासी—
अहो ण सुवुद्धी । केण कारणेण अह तव अणिट्टे ५ जेण तुम मम
कल्लाकल्लिं भोयणवेलाए इम उदगरयण न उवट्टवेसि ? तं एम ण तुमे
देवाणुप्पिया । उदगरयणे कओ उवलद्धे ? तए ण सुवुद्धी जियसत्तु एव
वयासी — एस ण सामी । से फरिहोदए । तए ण से जियसत्तु सुवुद्धिं
एव वयासी — केण कारणेण सुवुद्धी । एस से फरिहोदए ? तए ण सुवुद्धी
जियसत्तु एवं वयासी — एवं खलु सामी । तुंम्हे तयां मम एवमाइक्ख-
माणस्स ४ एयमट्टं नो सहहह । तए ण मम इमेयारूवे अज्झत्थिए ४—
अहो णं जियसत्तु सते जाव भावे नो सहहइं नो पत्तियद नो रोएइ । त

सये, खलु मम जियसत्तुस्स रत्तो संताणं जाव सन्भूयाणं जिणपन्नत्ताणं भावाणं अभिगमणद्वयाए^१ एयमद्व उवायणावेत्तए । एवं संपेहेमि २ तं वेध जाव पाणियघरियं सदावेमि २ एव वदांसि — तुमं णं देवाणुप्पिया । उदगरयणं^२ जियसत्तुस्स रत्तो भोयणवेत्ताए उवणेहि । तं एएणं कारणेणं सामी । एस से फरिहोदए । तए णं जियसत्तू राया सुबुद्धिस्स एवमाइ-
क्खमाणस्म ४ एयमद्वं नो सहहइ ३ असहहमाणे अपत्तियमाणे अरोए-
माणे अन्निभतरठाणिज्जे पुरिसे सदावेइ २ एवं वयासी — गच्छइ णं तुम्हे देवाणुप्पिया । अंतरावणाओ नवए घट्टए पट्टए य गेण्हइ नाव उदगलंभार-
णिज्जेहिं दब्बेहिं^३ संभारेइ । तेवि तहेव संभारेति २ जियसत्तुस्स उवणेति । तए णं से जियसत्तू राया तं उदगरयणं करयलंसि आसाएइ आसायणिज्जं जाव सन्विदियगायपल्हायणिज्ज जाणित्ता सुबुद्धिं अमच्चं सदावेइ २ एवं वयासी — सुबुद्धी । एए णं तुम्हे संतां तच्चा जाव सन्भूया भावा कओ उवलद्धा^४ । तए णं सुबुद्धी जियसत्तु एवं वयासी — एए णं सामी । मए संता जाव भावा जिणवयणाओ उवलद्धा । तए णं जियसत्तू सुबुद्धिं एव वयासी — तं इच्छामि ण देवाणुप्पिया । तव अतिए जिणवयणं निसा-
मित्तए । तए णं सुबुद्धी जियसत्तुस्स विचित्तं केवलपन्नत्तं चाउज्जामं धम्मं परिकहेइ तमाइक्खइ जहा — जीवा वण्हति जाव पंचाणुव्वयाइं । तए णं जियसत्तू सुबुद्धिस्स अंतिए धम्मं सोच्चा निसम्म हट्टतुट्ठं सुबुद्धिं अमच्चं एवं वयासी — सहहामि णं देवाणुप्पिया । निग्गंथं पावयणं ३ जाव से जहेयं तुम्हे वयइ । तं इच्छामि णं तव अंतिए पंचाणुव्वइयं सत्त-
सिक्खावइयं जाव उवसंपज्जित्ताणं विहरित्तए । अहासुहं देवाणुप्पिया । मा पडिबधं । तए णं से जियसत्तू सुबुद्धिस्स अंतिए पंचाणुव्वइयं जाव दुवालसविहं सावयधम्मं पडिवज्जइ । तए णं जियसत्तू समणोवासए जाए अहिगयजीवाजीवे जाव पडिलाभेमाणे विहरइ । तेणं कालेणं २ थेरागमणं । जियसत्तू राया सुबुद्धी य निग्गच्छइ । सुबुद्धी धम्मं सोच्चा जं नवरं जियसत्तुं आपुच्छामि जाव पव्वयामि । अहासुहं देवाणुप्पिया । तए णं से सुबुद्धी जेणेव जियसत्तू तेणेव उवागच्छइ २ एवं वयासी —

एवं खलु सामी ! मए थेराणं अंतिए धम्मं निसते । से वि य धूममे इच्छिए पडिच्छिए ३ । तए ण अहं सामी ! संमारभउविग्गे भीए जाव इच्छामि णं तुब्भेहि अब्भणुन्नाए जाव पव्वडत्तए । तए ण जियसत्तू सुबुद्धिं एव वयासी - अच्छसु ताव देवाणुप्पिया । कडवयाड वामाड उरालाड जाव भुंजमाणा । तओ पच्छा एगयओ थेराण अतिए मुडे भवित्ता जाव पव्वइस्सामो । तए ण सुबुद्धी जियसत्तुस्स रत्तो एयमट्ट पडिमणेड । तए णं तस्स जियसत्तुस्स रत्तो सुबुद्धिणा मद्धि विपुलाइ माणुस्सगाड जाव पक्खण्डभवमाणस्स दुवालस वामाड वीडक्कताड । तेणं कालेण २ थेरागमण । जियसत्तू धम्मं सोच्चा एव ज नृवर देवाणुप्पिया । सुबुद्धिं आमतेमि जेट्ठपुत्त रत्ते ठावेमि तए ण तुब्भ अतिए जाव पव्वयाप्पि । अहासुह देवाणुप्पिया । तए णं जियसत्तू राया जेणेव सए गिहे तेणेव उवागच्छड २ सुबुद्धिं सहावेइ २ एव वयासी - एव खलु मए थेराण जाव पव्वयामि । तुम णं कि करेसि ? तए ण सुबुद्धी जियसत्तु एव वयासी जाव के अन्ने आधारे वा जाव पव्वामि । तं जइ ण देवाणुप्पिया जाव पव्वहि । गच्छह ण देवाणुप्पिया । जेट्ठपुत्त च कुडुवे ठावेहि २ सीय दुरुहित्ताण ममं अंतिए सीया जाव पाउवभवइ । तए णं जियसत्तू कोडुवियपुरिसे महावेड २ एव वयासी - गच्छह ण तुब्भे देवाणुप्पिया । अत्रीणसत्तुस्स कुमारस्स रायाभिसेय उवट्ठवेह जाव अभिसिंचति जाव पव्वइए । तए ण जियसत्तू एक्कारस अगाइ अहिज्जइ बहूणि वासाणि परियाओ मामियाण मलेहणाए जाव सिद्धे । तए ण सुबुद्धी एक्कारस अगाइ अहिज्जित्ता बहूणि वासाणि जाव सिद्धे ।

एवं खलु जंवू । समणेण भंगवया महावीरेण जाव सपत्तेण वारसमस्स नायज्झयणस्स अयमट्टे पन्नत्ते त्ति वेमि ॥

॥ वारसम नायज्झयण समत्त ॥ २ ॥

॥ तेरसमं अञ्जयणं ॥

(99) जइ णं भंते ! समणेणं जाव सपत्तेणं बारसमस्स अयमट्ठे पन्नत्ते तेरसमस्स के अट्ठे पन्नत्ते ? एवं खलु जंबू ! तेणं कालेणं २ राय-
गिहे नयरे गुणसिलए चेइए समोसरण परिसा निग्गया । तेण कालेणं
२ सोहम्मे कप्पे दहुरवडिसए विमाणे सभाए सुहम्माह दहुरांसि सीहा-
सणंसि दहुरे देवे चउहिं सामाणियसाहस्सीहिं चउहिं अगगमहिस्सीहिं
संपरिसाहिं एव जहा सूरियाभे जाव दिव्वाहं भोगभोगाह भुंजमाणे विहरइ
इमं च णं केवलकप्पं जंबुदीवं दीवं विउलेणं ओहिणा आभोएमाणे २
जाव नट्टविहि उवदंसित्ता पडिगए जहा सूरियाभे । भंते ! त्ति भगवं गोयमे
समणं ३ वंदइ नमंसइ २ एवं वयासीं - अहो णं भंते ! दहुरे देवे
महिड्डिए ६ । दहुरस्स ण भंते ! देवस्स सा दिव्वा देविड्डी ३ कहिं गया ?
कहि पविट्ठा ? गोयमा ! सरीरं गयां सरीरं अणुपविट्ठा क्खगारदिट्ठतो । दहु-
रेणं भंते ! देवेणं सा दिव्वा देविड्डी ३ किन्ना लद्धा जाव अभिसमन्नागया ?
एवं खलु गोयमा ! इहेव जंबुदीवे २ भारहे वासे रायगिहे गुणसिलए
चेइए सेणिए राया । तत्थ णं रायगिहे नंदे नामं मणियारसेट्ठी परिवसइ
अट्ठे दित्ते० । तेणं कालेणं २ अहं गोयमा ! समोसट्ठे परिसा निग्गया
सेणिए वि निग्गए । तए ण से नंदे मणियारसेट्ठी इमीसे कहाए लद्धट्ठे
समाणे ण्हाए पायचारेणं जाव पज्जुवासइ । नंदे धम्मं सोच्चा समणोवासए
जाए । तए ण अह रायगिहाओ पडिनिक्खंते बहिया जणवयविहारं
विहरामि । तए णं से नंदमणियारसेट्ठी अन्नया कयाइ असाहुदंसणेण य
अपज्जुवासणाए य अणुसासणाए य असुस्सुसणाए य सम्मत्तपज्जवेहिं
परिहायमाणेहि २ मिच्छत्तपज्जवेहिं परिवहुमाणेहिं २ मिच्छत्तं विप्पडि-
वन्ने जाए यावि होत्था । तए णं नंदे मणियारसेट्ठी अन्नया कयाइ गिम्ह-
कालसमयांसि जेट्ठामूलंसि मासंसि अट्ठमभत्त परिगेण्हइ २ पोसहसालाए
जाव विहरइ । तए णं नंदस्स अट्ठमभत्तंसि परिणममाणंसि तण्हाए
छुहाए य अभिभूयस्स समाणस्स इमेयारूवे अञ्जत्थिए ४ - धन्ना ण
ते जाव ईसरपभियओ जेसिं णं रायगिहस्स बहिया बहूओ वावीओ

पोक्खरिणीओ जाव सरसरपंतियाओ जत्थ णं बहुजणो ण्हाइ य पिरिइ, य पाणियं च संबहइ । तं सेयं खलु मम कल्लं सेणिय राय आपुच्छित्ता रायगिहस्स वहिया उत्तरपुरत्थिमे दिसीभागे वेवमारपण्वयस्स अदूर-सामंते वत्थुपाढगरोइयांसि भूमिभागांसि नंदं पोक्खरिणि खणावेत्तए त्तिकट्ठु एवं सपेहेइ २ कल्लं जाव पोसहं पारेइ २ ण्हाए कयवलिकम्मे मित्तनाइ जाव संपरिवुडे महत्थ जाव पाहुड रायारिहं गेण्हइ २ जेणेव सेणिए राया तेणेव उवागच्छइ जाव पाहुड उवट्ठवेइ २ एवं वयासी — इच्छामि णं सामी । तुव्भेहिं अन्नणुन्नाए समाणे रायगिहस्स वहिया जाव खणावेत्तए । अहासुहं देवाणुप्पिया । तए ण से नदे सेणिएणं रत्ता अन्नणुन्नाए समाणे हट्ठतुट्ठे रायगिह नगर मज्झमज्जेणं निग्गच्छइ २ वत्थुपाढगरोइयांसि भूमिभागांसि नंदं पोक्खरिणि खणावेउं पयत्ते यावि होत्था । तए ण सा नदा पोक्खरणी अणुपुण्वेण खम्ममाणा २ पोक्खरणी जाया यावि होत्था चाउक्कोणा समतीरा अणुपुण्वं सुजायवप्प-सीयलजला संच्छन्नपत्तभिसमुणाला बहुउप्पलपउमकुमुदनलिणसुभग-सोगंधियपुंडरीयमहापुंडरीयसयपत्तसहस्सर्पत्तपुप्फफलकेसरोववेया परि-हत्थभमंतर्मत्तछप्पयअणेगसउणगणमिहुणवियरियसहनइयमहुरसरनाइया पासाइया ४ । तए णं से नंदे मणियारसेट्ठी नंदाए पोक्खरिणीए चउदिसिं चत्तारि वणसडे रोवावेइ । तए णं ते वणसंडा अणुपुण्वेणं सारक्खिज्ज-माणा संगोविज्जमाणा संवाट्ठिज्जमाणा य वणसंडा जाया किण्हा जाव निउरंवभूया पत्तिया पुप्फिया जाव उवसोभेमाणा २ चिट्ठंति ! तए णं नदे पुरत्थिभिहे वणसंडे एणं महं चित्तसभं करावेइ २ अणेगरंभसय-संनिविट्ठं पासाइयं ४ । तत्थ ण बहुणि किण्हाणि य जाव सुक्खिळाणि य कट्ठकम्माणि य पोत्थकम्माणि य चित्तलेप्पगंधिमवेदिमपूरिमसंधाइर्माइ उवदसिज्जमाणाइ २ चिट्ठंति । तत्थ णं बहुणि आसणाणि य सयणाणि य अत्थुयपच्चत्थुयाइं चिट्ठंति । तत्थ णं बहुवे नडा य नट्टा य ज्जाव दिन्न-भईमत्तवेयणा तालायरकम्मं करेमाणा विहरंति । रायगिहविणिग्गओ तत्थ णं बहुजणो तेषु पुण्वंत्तयेसु आसणसयणेषु संनिसंणो य संतुयट्ठो

य सुगमाणो य पेच्छमाणो य साहेमाणो य सुहंसुहेणं विहरइ । तए
 णं नंदे दाहिणिह्ले वणसंडे एगं महं महाणससालं कारोवेइ अणेगखंभ
 जाव रूवं । तत्थ णं बहवे पुरिसा दिन्नभइभत्तवेयणा विउलं असणं ४
 उवक्खडैति बहूणं समणमाहणअतिहिकिवंणवणीममाणं परिभाएमाणा २
 विहरंति । तए णं नंदे मणियारसेट्ठी पच्चत्थिमिह्ले वणसंडे एगं महं
 तिगिच्छियसालं करेइ अणेगखंभसय जाव पडिरूवं । तत्थ णं बहवे
 वेज्जा य वेज्जपुत्ता य जाणुया य जाणुयपुत्ता य कुसला य कुसलपुत्ता य
 दिन्नभइभत्तवेयणा बहूणं वाहियाण य गिलाणाण य रोगियाण य दुब्ब-
 लाण य तेइच्छकम्मं करेमाणा विहरंति । अन्ने य तर्त्थ बहवे पुरिसा
 दिन्नभइ० तेसिं बहूणं वाहियाण य रोगियगिलाणदुब्बलाण य ओसह-
 भेसज्जभत्तपाणेणं पडियारकम्मं करेमाणा विहरंति । तए णं नंदे उत्त-
 रिह्ले वणसंडे एगं महं अलंकारियसभं करेइ अणेगखंभसय जाव पडि-
 रूवं । तत्थ णं बहवे अलंकारियमणुस्सा दिन्नभइभत्तपाणा बहूणं समणाण
 य माहणाण य सनाहाण य अणाहाण य गिलाणाण य रोगियाण
 य दुब्बलाण य अलंकारियकम्मं करेमाणा २ विहरंति । तए णं तीए
 नंदाए पोक्खरिणीए बहवे सणाहा य अणाहा य पंथिया य पहिया य
 करोडियारं य तणहारा पत्तहारा कट्टहारा अप्पेगइया ण्हायंति अप्पेगइया
 पाणियं पियंति अप्पेगइया पाणियं संवहंति अप्पेगइया विसज्जियसेय-
 जल्लमंलपरिस्समनिइखुप्पिवासा सुहंसुहेणं विहरंति । रायगिहनिग्गओ वि
 एत्थ बहुजणो किं ते जलरमणविहिमज्जणकयलिलयाहरयकुसुमसत्थरय-
 अणेगसज्जणगणकयरिभियसंकुलेसु सुहंसुहेणं अभिरममाणो २ विहरइ ।
 तए णं नंदाए पोक्खरिणीए बहुजणो ण्हायमाणो य पीयमाणो य पाणियं
 च संवहमाणो य अन्नमन्नं एवं वयासी - धन्ने णं देवाणुप्पिया । नंदे
 मणियारसेट्ठी कयत्थे जाव जम्मजीवियफले जस्स णं इमेयारूवा नंदा
 पोक्खरिणी चाउक्कोणा जाव पडिरूवा जस्स णं पुरत्थिमिह्ले त चेव सव्व
 चउसु वि वणसंडेसु जाव रायगिहविणिग्गओ जत्थ बहुजणो आसणेसु
 य सयणेसु य सन्निसण्णो य संसुयट्ठो य पेच्छमाणो य साहेमाणो य

सुहंसुहेणं विहरइ । तं धन्ने कयत्थे कयलक्खणे कयप्पणे कयाणं
लोया सुलद्धे माणुस्सए जम्मजीवियफले नंदस्स मणियारस्स । तए णं
रायगिहे सिंघाढण जाव बहुजणो अन्नमन्नस्स एवमाइक्खइ ४ - धन्ने णं
देवाणुप्पिचां ! नंदे मणियारे सो चेव गमओ जाव सुहंसुहेणं विहरइ ।
तए णं से नंदे मणियारे बहुजणस्स अंतिए एयमट्ठं सोच्चा निसम्म
इट्ठुट्ठे धाराहयकयंबकं पिव समूसविथरोमकूवे परं सायासोक्खमणु-
मवेमाणे विहरइ ।

१(100) तए णं तस्स नंदस्स मणियारसेट्ठिस्स अन्नया कयाइ सरीर-
गंसि सोलस रोयायंका पाउब्भूया तंजहा - सासे केसे जेरें दाहे कुच्छि-
सूले भगदरे । अरिसां अजीरए दिट्ठीमुद्धसूले अकारए ॥१॥ अच्छि-
वेयणा कण्णवेयणा कडू दंडदरे कोढे ॥ तए णं से नंदे मणियारसेट्ठी
सोलसहिं रोयायंकहिं अभिभूए समारणे कोडुंवियपुरिसे सहावेइ २ एव
वयासी - गच्छइ णं तुब्भे देवाणुप्पिया । रायगिहे नयरे सिंघाढग जाव
पहेसु महया २ सहेणं उघोसेमाणा २ एवं वयह - एवं खलु देवाणुप्पिया ।
नंदस्स मणियारस्स सरीरगंसि सोलस रोयायंका पाउब्भूया तजहा -
सामे जाव कोढे । तं जो णं इच्छइ देवाणुप्पिया । विज्जो वा विज्ज-
पुत्तो वा जाणुओ वा २ कुसलो वा २ नंदस्स मणियारस्स तेसिं च णं
सोलसहं रोयायंकाण एगमवि रोयायंकं उवसामित्तए तस्स णं नंदे
मणियारे विउलं अत्थसपयाण दलयइ त्तिकट्ठु दोच्चं पि तच्चं पि घोसणं
घोसेह २ एयमाणत्तियं पच्चप्पिणह तेवि तहेव पच्चप्पिणंति । तए णं राय-
गिहे इमेयारूवं घोसणं सोच्चा निसम्म वहवे वेज्जा य वेज्जपुत्ता य जाव
कुसलपुत्ता य सत्थकोसहत्थगया य सिलियाहत्थगया य गुलियाहत्थ-
गया य ओसहमेसज्जहत्थगया य सएहिं २ गिहेहिं तो निक्खमंति २
रायगिहं मज्झमज्जेण जेणेव नंदस्स मणियारसेट्ठिस्स गिहे तेणेव उवा-
गच्छंति २ नंदस्स मणियारस्स सरीरगं पासति २ तेसिं रोयायंकाण
नियाणं पुच्छंति २ नंदस्स मणियारस्स बहूहिं उव्वल्लणेहि य उव्वट्ठणेहि
य सिणेहमाणेहि य वमणेहि य विरेयणेहिं य सेयणेहिं य अवदंइणेहि य

अवणुहावणेहि य अणुवासणां हि य बत्थिकम्मेहि य निक्कंदेहि य सिरा-
वेहेहि य तच्छणाहि य पच्छणाहि य सिरावत्थीहि य तप्पणाहि य पुंड-
वाएहि य छल्लीहि य वल्लीहि यं मूलेहि य कंदेहि य पत्तेहि यं पुप्फेहि
य फलेहि यं बीएहि य सिलियाहि य गुलियाहि य ओसहेहि य भेस-
ज्जेहि य इच्छंति तेसिं सोलसण्हं रोयायकाणं एगमवि रोयायकं उवसामि-
त्तए नो चेन्न णं संचाएति उवसामेत्तए । तए णं ते बहवे विज्जा य ६
जाहे नो सचाएति तेसिं सोलसण्हं रोयायकाणं एगमवि रोयायकं उव-
सामित्तए तदे सता तता जाव पडिगया । तए णं नंदे मणियारे तेहिं
सोलसेहिं रोयायकं हिं अभिभूए समाणे नदाए पुक्खरिणीए मुच्छिण ४
तिरिक्खजोणिणहिं निवद्धाउए दद्धपएसिण अट्टदुहट्टवसट्टे कालमासे कालं
किञ्चा नंदाए पोक्खरिणीए दहुरीए कुच्छिसि दहुरत्ताए उववन्ने । तए
ण नंदे दहुरे गम्भाओ विर्पमुक्के समाणे उमुक्कवालभावे विन्नायपरि-
णयमित्ते जोव्वणगमणुप्पत्ते नंदाए पोक्खरिणीए अभिरममाणे २ विंह-
रइ । तए णं नदाए पोक्खरिणीए बहुजणो ण्हायमाणो य पियई यं
पाणिय च संवहमाणो अन्नमन्नं एवमाइक्खइ ४- धन्ने णं देवाणु-
प्पिया । नंदे मणियारे जस्स णं इमेयारूवा नंदा पुक्खरिणी चाउक्कोणा
जाव पडिरूवा जस्स णं पुरत्थिमिल्ले वणसंडे चित्तसभा अणेगखंभ तदेव
चत्तारि समाओ जाव जम्मजीवियफले । तए ण तस्स दहुरस्स तं
आभेक्खणं २ बहुजणस्स अतिए एयमट्ट सोच्चा निसम्म इमेयारूवे
अज्झत्थिए ४ समुप्पज्जित्था - से कहिं मन्ने मए इमेयारूवे सदे निसंत-
पुव्वे त्तिक्कट्टु सुभेण परिणामेणं जाव जाईसरणे समुप्पन्ने पुव्वजाइं
सम्मं समागच्छइ । तए ण तस्स दहुरस्स इमेयारूवे अज्झत्थिए ४- एवं
खलु अहं इहेव रायगिहे नयरे नंदे नामं मणियारे अट्टे ० । तेणं कालेणं
२ समणे भगवं महावीरे इह समोसट्टे । तए ण मए समणस्स ३
अंतिए पंचाणुवइए सत्तसिक्खावइए जाव पडिवन्ने । तए णं अहं
अन्नया कयाइ असाहुदंसणेणं य जाव मिच्छत्तं विप्पडिवन्ने । तए णं
अहं अन्नया कयाइ गिम्हकालसमयंसि जाव उवसंपज्जित्ताणं विहरामि-

एव जहेव चिंता आपुच्छणा नदापुक्खरिणी वणसडा सहाओ त चेव सर्वं ज्ञाव
 नंदाए ददुरत्ताए उववन्ने । तं अहो णं अहं णहन्ने अपुण्णे अकयपुण्णे
 निग्गथाओ पाक्खणाओ नट्ठे भट्ठे परिभट्ठे । त सेय खलु मम सयमेव
 पुव्वपडिवग्गाइं पंचाणुव्वयाइं उवसंपज्जित्ताणं विहरित्तए । एवं संपेहेइ २
 पुव्वपडिवग्गाइं पंचाणुव्वयाइं जाव आरुहइ २ इमेयारूव अभिग्गहं
 अभिगिण्हइ — कापइं मे जावज्जीवं छट्ठछट्ठेण अणित्तिवत्तेण अप्पाणं
 भावेमाणस्स विहरित्तए । छट्ठस्स वि य ण पारणगासि कप्पइं मे नदाए
 पोक्खरिणीए परिपेरतेसु फासुएणं ण्हाणोटएणं उम्मईणालोलियाहि य
 वित्तिं कप्पेमाणस्स विहरित्तए । इमेयारूव अभिग्गह अभिगेण्हइ जाव-
 ज्जीवाए छट्ठछट्ठेण जाव विहरइ । तेण कालेणं २ अहं गोयमा । गुण-
 सिलए समोसट्ठे परिसा निग्गया । तए ण नदाए पोक्खरिणीए बहुजणो
 ण्हाइ ३ अन्नमन्न जाव समणे ३ इहेव गुणसिलए चेइए समोसट्ठे । त
 गच्छामो णं देवाणुप्पिया । समण ३ वंदामो जव पज्जुवासामो । एयं
 णे इहभवे परभवे य हियाए जाव आणुगामियत्ताए भविस्सइ । तए णं
 तस्स ददुरस्स बहुजणस्स अंतिए एयमट्ठं सोच्चा निसम्म अयमेयारूवे
 अज्झत्थिए ४ समुप्पज्जित्था—एवं खलु समणे ३ समोसडे । त गच्छामि णं
 वंदामि । एवं संपेहेइ २ नंदाओ पुक्खरिणीओ सणियं २ उत्तरेइ जेणेव
 रायमग्गे तेणेव उवागच्छइ २ ताए उक्किट्ठाए ५ ददुरगईए वीईवयमाणे
 जेणेव ममं अतिए तेणेव पेहारेत्थ गमणाए । इमं च ण सेणिए राया
 भिंभसारे ण्हाए कयकोउय जाव सव्वालंकारविभूसिए हत्थिखधवरगए
 सकोरेटमल्लदामेणं छत्तेण धरिज्जमाणेणं सेयवरचामरेहि य उद्धव्वमाणेहिं
 हयगयरहं महया भडचडगरचाउरगिणीए सेणाए साद्धिं संपरिवुडे मम
 पायवंदए हव्वमागच्छइ । तए णं मे ददुरे सेणियस्स रत्तो एगेणं
 आसकिसोरएणं वामपाएण अक्कते समाणे अत्तनिग्घाइए कए यावि होत्था ।
 तए णं से ददुरे अयामे अवले अवीरिए अपुरिसक्कारपरक्कमे अधाराणिज्ज-
 मित्तिकदट्ठु एगांतमवक्कमइ करयल जाव एवं वयासी—नमोत्थु णं अरहंताण
 जाव संपत्ताणं । नमोत्थु णं मम धम्मायरियस्स जाव संपाविउकामस्स ।

पुर्व्विं यं णं मए समणस्सं ३ अतिं थूलू पाणाइवाए पच्चक्खाए जाव थूलू परिगहे पच्चक्खाए । त इयाणिंपि तस्सेव अंतिं सव्वं पाणाइवायं पच्चक्खामि जाव सव्वं परिगह पच्चक्खामि जावज्जीवं सव्वं असणं ४ पच्चक्खामि जावज्जीवं जपि य इमं सरीरं इह कत जाव मा फुसंतु एयपि यं चरिमेहिं ऊसासेहिं वोसिरामि च्छिक्कदु । तए णं से दहुरे कालमासे काल किच्चा जाव सोहम्मे कप्पे दहुरवहिंसए उव-वायसभाए दहुरदेवत्ताए उववन्ने । एव खलु गोयमा । दहुरेणं सा दिच्चा देविद्धी लद्धा ३ । दहुरस्स णं भंते । देवस्स केवइयं कालं ठिई पन्नत्ता ? गोयमा । चत्तारि पलिओवमाइं ठिई पन्नत्ता । दहुरे णं भंते । देवे ताओ देवलोगाओ आउक्खएणं ठिइक्खएणं कहिं गच्छिहिइ कहिं उववज्झिहिइ ? गोयमा ! से णं दहुरे देवे महाविदेहे वासे सिज्झिहिइ वुज्झिहिइ मुच्चि-हिइ जाव अंतं करेहिइ ।

एवं खलु जंबू ५ समणेण भगवया महावीरेणं जाव संपत्तेणं तेरसमस्स नायज्झयणस्स अयमट्ठे पन्नत्ते त्ति वेमि ॥

॥ तेरसम नायज्झयण समत्त ॥१३॥

॥ चोइसमं अज्झयणं ॥

(101) जइ णं भते । समणेणं जाव संपत्तेणं तेरसमस्स नायज्झयणस्स अयमट्ठे पन्नत्ते चोइसमस्स के अट्ठे पन्नत्ते ? एवं खलु जंबू । तेणं कालेणं २ तेथंलिपुरं नाम नैयरं । पमयवणे उज्जाणे । कणगरहे रया । तस्स णं कणगरहस्स पउमावई देव्वी । तस्स ण कणगरहस्स रन्नो तेयलिपुत्ते नामं अमच्चे सामदढभेयनिजणे । तत्थ णं तेयलिपुरे कलादे नामं मूसियारदारए होत्था अट्ठे जाव अपरिभूए । तस्स ण भद्दा नामं भारिया । तस्स णं कलायस्स मूसियारदारगस्स धूया भद्दाए अत्तया पोट्टिला नामं दारिया होत्था रुवेण य उक्किट्ठा जाव उक्किट्ठसरीरा । तए णं सा पोट्टिला दारिया अन्नया कयाइ ण्हाया सव्वालकारविभूसिया

चेडियाचक्रवालसंपरिवुडा, उप्पि पासायवरगया आगासतलगंसि कणगतिदू-
 सएणं कीलमाणी २ विहरइ । इम च णं तेयलिपुत्ते अमच्चे ण्हाए आस-
 खंधवरगए महया भडचडगर० आसवाहणियाए निज्जायमाणे कलायस्स
 मूसियारदारगस्स गिहस्स अदूरसामंतेणं वीईवयइ । तए णं से तेयलिपुत्ते
 अमच्चे मूसियारदारगगिहस्स अदूरसामतेण वीईवयमाणे २ पोट्टिलं दारियं
 उप्पि आगासतलगंसि कणगतिदूसएणं कीलमाणी पासइ २ पोट्टिलाए दारि-
 याए रूवे य जाव अज्जोववन्ने कोडुवियपुरिसे सहावेइ २ एवं वयासी-
 एस ण देवाणुप्पिया । कस्स दारिया किं नामधेज्जा वा ? तए णं कोडु-
 वियपुरिसा तेयलिपुत्तं एव वयासी - एस णं सामी । कलायस्स मूसियार-
 दारयस्स धूया भद्दाए अत्तया पोट्टिला नाम दारिया रूवेण य जाव उक्किट्ट-
 सरीरा । तए णं से तेयलिपुत्ते आसवाहणियाओ पडिनियत्ते समाणे
 अट्ठिभतरठाणिज्जे पुरिसे सहावेइ २ एवं वयासी - गच्छह णं तुब्भे देवा-
 णुप्पिया । कलायस्स २ धूयं भद्दाए अत्तय पोट्टिलं दारियं मम भारि-
 यत्ताए वरेइ । तए णं ते अट्ठिभतरठाणिज्जा पुरिसा तेयलिणा एवं वुत्ता
 हट्ठा करयल० तहत्ति जेणेव कलायस्स २ गिहे तेणेव उवागया । तए ण से
 कलाए २ ते पुरिसे एज्जमाणे पासइ २ हट्ठतुट्ठे आसणाओ अच्चुट्ठेइ २
 सत्तट्ठपयाइ अणुगच्छइ २ आसणेणं उवणिमंतेइ २ आसत्थे वीसत्थे
 सुहासणवरगए एत्तं वयासी - संदिसंतु णं देवाणुप्पिया । किमागमण-
 पओयण । तए णं ते अट्ठिभतरठाणिज्जा कलायं २ एव वयासी-अम्हे णं
 देवाणुप्पिया । तव धूयं भद्दाए अत्तयं पोट्टिलं दारियं तेयलिपुत्तस्स भारि-
 यत्ताए वरेमो । त जइ णं जाणसि देवाणुप्पिया । जुत्तं वा पत्तं वा सला-
 हणिज्ज वा सरिसो वा संजोगो ता दिज्जउणं पोट्टिला दारिया तेयलिपुत्तस्स ।
 तो भण देवाणुप्पिया । किं दलामो सुंक्कं । तए णं कलाए २ ते अट्ठिभतर-
 ठाणिज्जे पुरिसे एवं वयासी - एस चेव णं देवाणुप्पिया । मम सुंक्कं जज्जं
 तेयलिपुत्ते मम दारियानिमित्तेणं अणुग्गहं करेइ । ते ठाणिज्जे पुरिसे
 विपुलेणं असणेणं ४ पुप्फवत्थ जाव मल्लालंकारेणं सक्कोरेइ सम्माणेइ
 पडिविसज्जेइ । तए णं ते पुरिसा कलायस्स २ गिहाओ पडिनियत्तंति २

जेणेव तेयलिपुत्ते अमच्चे तेणेव उवागच्छति २ तेयलिपुत्तं एयमट्ठं निवे-
इति । तए णं कलाए २ अन्नया कयाइं सोहणांसि तिहिकरणनक्खत्तमुहु-
त्तंसि पोट्टिल दारिय ण्हायं सव्वालंकारविभूसियं सीयं दुरुहेत्ता मित्तणाइ-
संपरिवुडे स्याओ गिहाओ पडिनिक्खमइ २ सन्विहीए ४ तेयलिपुरं
नयरं मज्झमज्जेणं जेणेव तेयलिस्स गिहे तेणेव उवागच्छइ पोट्टिलं दारियं
तेयलिपुत्तस्स सयमेव भारियत्ताए दलयइ । तए णं तेयलिपुत्ते पोट्टिलं
दारियं भारियत्ताए उवणीवं पासइ २ पोट्टिलाए साद्धि पट्टयं दुरुहइ २
सेयापीएहिं कलसेहिं अप्पाण मज्जावेइ २ अगिहोम करेइ २ पण्णिग्ग-
हणं करेइ २ पोट्टिलाए भारियाए मित्तनाइ जाव परियणं विउलेणं असण-
पाणराइमसाइमेणं पुप्फवत्थ जाव पडिविसंजेइ । तए ण से तेयलिपुत्ते
पोट्टिलाए भारियाए अणुरत्ते अविरत्ते उरालाइं जाव विहरइ ।

(102) तए ण से कणगरहे रज्जे य रट्ठे य वले य वाहणे य कोसे य
कोट्ठागारे य अतेउरे य भुच्छिए ४ जाए २ पुत्ते वियगेइ । अप्पेगइयाणं
हत्थगुलियाओ छिंदइ अप्पेगइयाण हत्थगुट्ठर छिंदइ । एव पायगुलियाओ
पायगुट्ठए थि कण्णसकुलीयाओ वि नामापुडाइं फालेइ अंगोवर्गाइं वियगेइ ।
तए ण तीसे पडमावईए देवीए अन्नया कयाइ पुन्वरत्तावरत्तकालसमयंसि
अयमेयास्सुवे अज्झत्थिए ४ समुप्पज्जित्था — एव खलु कणगरहे राया रज्जे
य जाव पुत्ते वियगेइ जाव अंगमगाइ वियगेइ । त जइ ण अहं दारय
पथांमि सेयं खलु मम त दारग कणगरहस्स रहस्सियय चेव सारक्खमाणीए
सगोवेमाणीए विहरित्तए त्तिरुट्ठ एव संपेहेइ २ तेयलिपुत्त अमच्च सदावेइ
२ एवं वयासी—एव खलु देवाणुप्पिया । कणगरहे राया रज्जे य जाव वियगेइ ।
त जइ ण अहं देवाणुप्पिया ! दारग पयायामि तए णं तुमं कणगरहस्स
रहस्सियय चेव अणुपुन्नेण सारक्खमाणे सगोवेमाणे सवड्ढेहि । तए
ण से दारए उमुक्खालभावे जाव जोव्वणगमणुप्पत्ते तव य मम य
भिवत्ताभिय्णे भविस्सइ । तए णं से तेयलिपुत्ते पडमावईए
एयमट्ठं पडिमुणेइ २ पडिगए । तए ण पडमावई देवी पोट्टिला य
अमची सममेव गच्छ गेण्हइ सममेव परिवर्द्धति । तए णं सा

पउमावडं नवण्हं मासाणं जाव पियदंसणं सुरुवं दारगं पयार्या । जं
 रयणिं च णं पउमावडं दारय पयाया त रयणिं च ण पोट्टिला वि अमञ्ची
 नवण्हं मासाणं विणिहायमावन्नं दारियं पयाया । तए णं सा पउमावडं
 देवी अन्मधाइं सदावेड २ एवं वयासी — गच्छह णं तुमं अम्मे । तेयलि-
 पुत्तं रहस्सियं च व मदावेहि । तए णं सा अम्मधाइं तहत्ति पडि-
 सुणेड २ अतेउरस्म अवदारेण निगच्छड २ जेणेव तेयलिस्स गिहे
 जेणेव तेयलिपुत्ते तेणेव उवागच्छड २ करयल जाव एवं वयासी — एव
 खलु देवाणुप्पिया । पउमावडं देवी मदावेड । तए ण तेयलिपुत्ते अन्म-
 धाइए अत्ति अयमट्ठं मोच्चा हट्ठउट्ठे अम्मधाइए साट्ठे सयाओ गिहाओ
 निगच्छड २ अतेउरस्म अवदारेण रहस्सियं च व अणुपुब्बेण २
 जेणेव पउमावडं तेणेव उवागच्छड करयल जाव एवं वयासी — सत्तिसु णं
 देवाणुप्पिया । जं माए कायव्वं । तए ण पउमावडं तेयलिपुत्त एवं
 वयासी — एव खलु कणगरहे राया जाव विचगेड । अह च णं देवाणु-
 प्पिया । दारगं पयाया । तं तुम्हे णं देवाणुप्पिया । एय दारगं गेण्हाहि
 जाव तव मन य भिक्खाभायणे भविमड त्तिक्कट्ठु तेयलिपुत्तस्स हत्थे
 दलयड । तए णं तेयलिपुत्ते पउमावडं हत्थाओ दारगं गेण्हइ उत्तरि-
 ज्जेणं पिहेड २ अतेउरस्स रहस्सियं अवदारेण निगच्छड २ जेणेव
 सए गिहे जेणेव पोट्टिला भारिया तेणेव उवागच्छड २ पोट्टिले एव
 वयासी — एवं खलु देवाणुप्पिए । कणगरहे राया रज्जे य जाव विच-
 गेड । अयं च णं दारए कणगरहस्म पुत्ते पउमावडं अत्तए । तन्न
 तुमं देवाणुप्पिए । इमं दारग कणगरहस्स रहस्सियं च व अणुपुब्बेण
 नारक्खाहि य सगोवेहि य संवट्ठेहि यं । तए ण एस दारए उमुक्क-
 वालभावे तव य मम य पउमावडं च आहारे भविस्सड त्तिक्कट्ठु
 पोट्टिलाए पासे निक्खिस्सड २ पोट्टिलाए पासाओ त विणिहायमावन्निय
 दारियं गेण्हड २ उत्तरिज्जेण पिहेड २ अतेउरस्स अवदारेण अणुपु-
 विसड २ जेणेव पउमावडं देवी तेणेव उवागच्छड २ पउमावडं देवीए
 पामे ठावेड जाव पडिनिगए । तए ण दांसे पउमावडं अगपडि-

यारियाओ पउमावई देविं विणिहायमावन्नियं कारिय पयायं पासंति २
जेणेव कणगरहे राया तेणेव उवागच्छति २ करयल जाव एवं वयासी —
एवं खलु सामी । पउमावई देवी मणलियं दारियं पयाया । तए णं कणगरहे ।
राया तीसे मणलियाए दारियाए सहया नीहरणं करेइ बहूई लोगियाइं
मयकिं चाइं करेइ २ कालेण विगयसोए जाए । तए णं से तेयलिपुत्ते कल्ल
कोडुं वियपुरिसे सहावेइ २ एव वयासी — खिप्पामेवं चारगसोहण जाव
ठिइपडियं जम्हा ण अम्हं एस दारए कणगरहस्स रत्ते जाए त होउ ण
दारए नामेणं कणगच्छए जाव अलंभोगसमत्थे जाए ।

(103) तए णं सा पोट्टिला अन्नया कयाइ तेयलिपुत्तस्स अणिट्ठा
५ जाया यावि होत्था नेच्छइ णं तेयलिपुत्ते पोट्टिलाए नामगोयमवि
सवणयाए किंपुण दसंणं वा परिभोगं वा । तए ण तीसे पोट्टिलाए
अन्नया कयाइं पुव्वरत्तावरत्तकालसंमयसि इमेयारूवे अञ्जत्थिए ४ जाव
समुप्पज्जित्था — एवं खलु अह तेयलिस्स पुव्वि इट्ठा ५ आसि इयाणि
अणिट्ठा ५ जाया । नेच्छइ ण तेयलिपुत्ते मम नाम जाव परिभोगं वा
ओहयमणसकप्पा जाव झियायइ । तए णं तेयलिपुत्ते पोट्टिलं ओहय-
मणसकप्पं जाव झियायमाणं पासइ २ एवं वयासी — मा ण तुमं
देवाणुप्पिए । ओहयमणसकप्पा जाव झियाहि । तुमं ण मम महाणसंसि
विपुल असणं ४ उवक्खडावेहि २ बहूणं समणमाहण जाव वणीमगाणं
देयमाणी य दवावेमाणी य विहराहि । तए ण सा पोट्टिला तेयलिपुत्तेणं
अमच्चेणं एवं वुत्ता समाणी हट्ठा तेयलिपुत्तस्स एयमट्ठं पडिसुणेइ २
कल्लकल्लिं महाणसंसि विपुल असणं ४ जाव दवावेमाणी विहरइ ।

(104) तेणं कालेण २ सुववयाओ नामं अज्जाओ इरियासमियाओ
जाव गुत्तवंभचारिणीओ बहुसुय्याओ बहुपरिवाराओ पुव्वणुपुव्वि चर-
माणीओ जेणामेव तेयलिपुरे नयरे तेणेव उवागच्छति २ अहापडिरूवं
उगगह ओसिण्हति २ सुजमेणं तवसा अप्पाण भावेमाणीओ विहरति ।
तए ण तासिं सुववयाणं अज्जाणं एगे संचाडए पढमाए पोरिसीए सञ्ज्ञायं
करेइ जाव अट्ठमाणीओ तेयलिस्स गिहं अणुपविट्ठाओ । तए ण सा

पोट्टिला ताओ अज्जाओ अज्जमानीओ पासड २ हट्टतुट्टा आसणाओ
 अच्चुट्टेड वंदइ नमंसइ २ विपुलेणं असणेणं ४ पडिलामेड २ एवं
 वयासी — एवं खलु अहं अज्जाओ । तेयलिपुत्तस्स पुन्वि इट्ठा ५ आसि
 इयाणिं अणिट्ठा ५ जाव नंदंसणं वा परिभोगं वा । तं तुव्मे णं अज्जाओ
 बहुनागाओ बहुसिक्खियाओ बहुपढियाओ वहुणि गामागारं जाव आहिं-
 ङ्ह वहुणं राईसर जाव गिहाइ अणुपविसइ । त अत्थियाइं मे अज्जाओ ।
 केइ कहिंचि चुण्णजोए वा मतजोगे वा कम्मणजोए वा हिर्यउड्ढावणे वा
 काउड्ढावणे वा आभिओगिए वा वसीकरणे वा कोउयकम्मे वा भूइ-
 कम्मे वा मूले वा कंदे वा छही वही सिलिया वा गुलिया वा भोसहे वा
 भेसजे वा उवलद्धपुन्वे जेणहं तेयलिपुत्तस्स पुणरवि इट्ठा ५ भवेज्जामि ?
 तए णं ताओ अज्जाओ पोट्टिलाए एवं वुत्ताओ समानीओ दोवि कण्णे
 अंगुलिय ठंवेति २ पोट्टिलं एव वयासी — अम्हे ण देवाणुप्पिए । समणीओ
 निग्गथीओ जाव गुत्तवंभचारिणीओ । नो खलु कप्पइ अम्हं एयप्पगार
 कण्णेहिं वि निसामित्तए किमग पुण उव्वंदंसित्तए वा आयरित्तए वा ।
 अम्हे णं तव देवाणुप्पिया । विचित्तं केवलपन्नत्तं धम्मं परिकहिं-
 ज्जामो । तए णं सा पोट्टिला ताओ अज्जाओ एवं वयासी — इच्छामि ण
 अज्जाओ । तुव्वम अतिए केवलपन्नत्तं धम्मं निसामित्तए । तए णं ताओ
 अज्जाओ पोट्टिलाए विचित्तं धम्मं परिकहेति । तए णं सा पोट्टिला
 धम्मं सोच्चा निसम्म हट्ठा एवं वयासी — सदहामि णं अज्जाओ ।
 निग्गथं पावयणं जाव से जहेयं तुव्वमे वयह । इच्छामि णं अहं तुव्वम
 अंतिए पंचाणुवइयं जाव धम्मं पडिवज्जित्तए । अहासुहं देवाणुप्पिया ।
 तए णं सा पोट्टिला तासिं अज्जाणं अंतिए पंचाणुवइयं जाव धम्मं
 पडिवज्जइ ताओ अज्जाओ वंदइ नमंसइ २ पडिविसज्जेइ । तए णं सा
 पोट्टिला समणोवासिया जाया जाव पडिलाभेमाणी विहरइ ।

(105) तए ण तीसे पोट्टिलाए अन्नया कयाइ पुव्वरत्तावरत्त-
 कालसमयंसि कुंडुवजागरिय जागरमाणीए अयमेयारूवे अज्जत्थिए ४-
 एव खलु अहं तेयलिपुत्तस्स पुन्वि इट्ठा ५ आसि इयाणिं अणिट्ठा ५ जाव

परिभेगं वा । तं सेयं खलु ममं सुव्वयाणं अज्जाणं अंतिए पव्वइत्तए । एवं सेपेहेइ २ कलं जेणेव तेयलिपुत्ते तेणेव उवागच्छइ २ करयल जाव एवं वयासी - एवं खलु देवाणुप्पिया ! मए सुव्वयाणं अज्जाणं अंतिए धम्मे निम्मेते जाव अन्नमणुन्नाया पव्वइत्तए ! तए णं तेयलिपुत्ते पोट्टिलं एवं वयासी - एवं खलु तुमं देवाणुप्पिए ! मुंढा पव्वइया समाणी कालमासे कालं किञ्चा अणंतरेसु देवलोएसु देवत्ताए उववज्जिहिसि । तं जइ ण तुमं देवाणुप्पिए ! ममं ताओ देवलोगाओ आगम्म केवलपिन्नत्ते धम्मे बोहेहि' तो हं विसज्जेमि । अहं णं तुमं ममं न संबोहेसि तो ते न विसज्जेमि । तए ण सा पोट्टिला तेयलिपुत्तस्स एयमट्ठं पडिसुणेइ । तए णं तेयलिपुत्ते विचलं असणं ४ उक्खल्लवावेइ २ मित्तनाइ जाव आमंतेइ जाव सम्माणेइ २ पोट्टिलं ण्हायं जाव पुरिससहस्सवाहिणीयं सीयं दुरुहित्ता मित्तनाइ जाव संपरिवुड्ढे सव्विद्धीए जाव रवेणं तेयलिपुरं मज्झमज्जेणं जेणेव सुव्वयाणं उवस्सए तेणेव उवागच्छइ २ सीयाओ पञ्चोरुहइ २ पोट्टिलं पुरओकट्ठु जेणेव सुव्वया अज्जा तेणेव उवागच्छइ २ वदइ नमंसइ २ एवं वयासी - एवं खलु देवाणुप्पिया ! मम पोट्टिला भारिया इट्ठा ५ । एस णं संसारभज्जिवग्गा जाव पव्वइत्तए । पडिच्छंतु णं देवाणुप्पिया ! सिस्सिणिमिक्खं । अहासुहं मा पडिवंधं । तए णं सा पोट्टिला सुव्वयाहिं अज्जाहिं एवं जुत्ता समाणी इट्ठा उत्तरपुरत्थिमं दिसीभागं अवक्कमइ २ सयमेव आभरणमञ्जालंकारं ओमुयइ २ सयमेव पंचमुट्ठियं लोयं करेइ २ जेणेव सुव्वयाओ अज्जाओ तेणेव उवागच्छइ २ वंदइ नमंसइ २ एवं वयासी - आलित्ते णं भंते ! लोए एवं जहा देवाणंदा जाव एक्कारस अंगाइं बहूणि . वासाणि सामण्णपरियागं पाचणइ २ मासियाए संलेहणाए अत्ताणं झोसेत्ता सट्ठिं भत्ताइं अणसणेणं छेएत्ता आलोइयपडिक्कंता समाहिपत्ता कालमासे कालं किञ्चा अन्नयरेसु देवलोएसु देवत्ताए उववन्ना ।

(106) तए णं से कणगरहं राया अन्नया कयाइ कालधम्मणा संजुत्ते यावि होत्था । तए णं ते राईसर जाव नीहरणं करेति २

अन्नमन्नं एवं वयासी — एवं खलु देवाणुप्पिया ! कणगरहे राया रत्ने य जाव पुत्ते वियंगित्था । अम्हे ण देवाणुप्पिया । रायाहीणा रायाहिद्विया रायाहीणकज्जा । अयं च णं तेयली अमधे कणगरहस्स रत्तो सव्वट्ठाणेषु सव्वभूमियासु लद्धपच्चए दिन्नवियारे सव्वकज्जवड्ढावए यवि होत्था । तं सेयं खलु अम्हं तेयलिपुत्तं अमधं कुमारं जाइत्तए त्तिकट्ठं अन्नमन्नस्स एयमट्ठं पडिसुणेंति २ जेणेव तेयलिपुत्ते अमधे तेणेव उवागच्छंति २ तेयलिपुत्तं एवं वयासी — एवं खलु देवाणुप्पिया ! कणगरहे राया रत्ने य रट्ठे य जाव वियंगेइ । अम्हे णं देवाणुप्पिया । रायाहीणा जाव रायाहीणकज्जा । तुमं च णं देवाणुप्पिया । कणगरहस्स रत्तो सव्वट्ठाणेषु जाव रज्जधुराचिंतए होत्था । तं जाइ णं देवाणुप्पिया । अत्थि केइ कुमारे रायलक्खणसंपन्ने अभिसेयारिहे तण्णं तुमं अम्हं दलाहि जेण्णं अम्हे महया २ रायाभिसेएणं अभिसिंचामो । तए णं तेयलिपुत्ते तेसिं ईसर जाव एयमट्ठ पडिसुणेइ २ कणगज्जयं कुमारं ण्हायं जाव सत्तिरीयं करेइ २ तेसिं ईसर जाव उवणेइ २ एवं वयासी — एस णं देवाणुप्पिया ! कणगरहस्स रत्तो पुत्ते पडमावईए देवीए अत्तए कणगज्जाए नामं कुमारे अभिसेयारिहे, रायलक्खणसंपन्ने मए कणगरहस्स रत्तो रहस्सिययं संवट्ठिए । एयं णं तुम्हे महया २ रायाभिसेएणं अभिसिंचह । सव्वं च तेसिं उट्ठाणपरियावणिय परिकहेइ । तए णं ते ईसर जाव कणगज्जय कुमारं महया रायाभिसेएणं अभिसिंचंति । तए णं से कणगज्जाए कुमारे राया जाए महयाहिमवत वण्णओ जाव रज्जं पसाहेमाणे विहरइ । तए णं सा पडमावई देवी कणगज्जयं रायं सहावेइ २ एवं वयासी — एस णं पुत्ता ! तव रज्जे जाव अंतरे य तुमं च तेयलिपुत्तस्स अन्नमन्नस्स पभावेण । तं तुमं णं तेयलिपुत्तं अमधं आढाहि परिजाणाहि तस्सारेहि सम्माणेहि इंतं अच्चुट्ठेहि ठियं पज्जुवासाहि वच्चंतं पडिसंसाहेहि अद्धासणेणं उवणिमतेहि भोगं च से अणुवट्ठेहि । तए णं से कणगज्जाए पडमावईए तहत्ति वयणं पडिसुणेइ जाव भोगं च से संवट्ठेइ ।

(107) तए णं से पोट्टिले देवे तेयलिपुत्तं अभिक्खणं २ केवलि-

पञ्चत्ते धम्मो संबोदेह नो चेव णं से तेयलिपुत्ते संबुद्धाह । तए णं तस्स पोहिलवेवस्स इमेयारूवे अज्झात्थिए ४-एवं खलु कणगज्झए राया तेयलि-
 पुत्तं आद्धाह नाव भोगं च संबुद्धेह । तए णं से तेयलिपुत्ते अभिक्खणं २
 संबोहिज्जमाणे वि धम्मो नो संबुद्धाह । तं सेयं खलु कणगज्झयं तेयलि-
 पुत्ताओ विप्परिणामित्तए त्तिकट्ठु एवं संपेहेह २ कणगज्झवं तेयलिपुत्ताओ
 विप्परिणामेह । तए णं तेयलिपुत्ते कल्लं प्ढाए नाव पायच्छित्ते आसखंघ-
 षरणए बहुहिं पुरिसेहिं सद्धिं संपरिवुढे सयाओ गिहाओ निग्गच्छह २
 जेणेव कणगज्झए राया तेणेव पद्दारेत्थ गमणाए । तए णं तेयलिपुत्तं अमञ्जं
 जे जहा अह्वे राईसरतलवर नाव पमियओ पासंति ते तहेव आढायंति
 परियाणंति अच्चुद्धेति २ अजलिपरिग्गहं करंति इट्ठाहिं कंताहिं नाव वग्गूहिं
 आलवमाणा य संलवमाणा य पुरओ य पिट्ठओ य पासओ य मग्गओ य
 समणुगच्छंति । तए णं से तेयलिपुत्ते जेणेव कणगज्झए तेणेव उवागच्छह ।
 तए णं से कणगज्झए तेयलिपुत्तं यज्जमाणं पासह २ नो आद्धाह नो
 परियाणाह नो अच्चुद्धेह अणाढायमाणे ३ परम्मुहे संचिद्धह । तए णं
 से तेयलिपुत्ते कणगज्झयस्स रज्जो अंजालिं करेह । तए णं से कणगज्झए
 राया अणाढायमाणे तुसिणीए परम्मुहे संचिद्धह । तए णं तेयलिपुत्ते
 कणगज्झयं रायं विप्परिणयं जाणित्ता भीए नाव संजायमए एवं वयासी -
 रुद्धे णं मम कणगज्झए राया । हीणे णं मम कणगज्झए राया । अव-
 ज्झाए णं कणगज्झए । तं न नज्जइ णं मम केणइ कुमारेण मारेहिइ
 त्तिकट्ठु भीए तत्थे नाव साणियं २ पच्चोसकइ २ तमेव आसखंधं दुल्लहइ २
 तेयलिपुरं मज्झमज्जेणं जेणेव सए गिहे तेणेव पद्दारेत्थ गमणाए । तए
 णं तेयलिपुत्तं जे जहा ईसर नाव पासंति ते तहा नो आढायंति नो
 परियाणंति नो अच्चुद्धेति नो अंजालिं ० इट्ठाइ नाव नो संलवंति नो पुरओ
 य पिट्ठओ य पासओ समणुगच्छंति । तए णं तेयलिपुत्ते जेणेव सए गिहे
 तेणेव उवामए । जा वि य से तत्थ बाहिरिया परिसा भवइ तंजहा -
 दासे इ वा पेसे इ वा भाइल्लए इ वा सा वि य णं नो आढाह ३ । जा वि य से
 अन्धितरिया परिसा भवइ तंजहा - पिया इ वा माया इ वा नाव सुण्हा इ

वा सा वि य णं गो आढाइ ३ । तए णं से तेयलिपुत्ते जेणेव वासघरे जेणेव
 सयणिज्जे तेणेव उवागच्छइ २ सयणिज्जंसि निसीयइ २ एवं वयासी –
 एवं खलु अहं सयाओ गिहाओ निग्गच्छामि तं चेव जाव अक्किमतरिया
 मरिसा नो आढाइ नो परियाणाइ नो अन्भुट्ठेइ । तं सेयं खलु मम
 अप्पाणं जीविधाओ ववरोवित्तए त्तिक्कट्ठु एवं संपेहेइ २ तालवडं विसं
 आसगंसि पक्खिवइ । से नो संकमइ । तए णं से तेयलिपुत्ते अमहे
 नीलुप्पल जाव असिं खंधंसि ओहरइ । तत्थ वि य से धारा ओपप्पल ।
 तए णं से तेयलिपुत्ते जेणेव असोगवणिया तेणेव उवागच्छइ २ पासगं
 गीवाए वंधइ २ रुक्खं दुरुहइ २ पासगं रुक्खे वंधइ २ अप्पाणं मुयइ ।
 तत्थ वि य से रज्जू छिन्ना । तए णं से तेयलिपुत्ते महइमहालियं सिलं
 गीवाए वंधइ २ अत्थाहमतारमपोरिसीयंसि उदगंसि अप्पाणं मुयइ ।
 तत्थ वि से थाहे जाए । तए णं से तेयलिपुत्ते सुक्कंसि तणकूडंसि अगणि-
 कायं पक्खिवइ २ अप्पाणं मुयइ । तत्थ वि य से अगणिकाए विज्झाए ।
 तए णं से तेयलिपुत्ते एवं वयासी – सद्धेयं खलु भो समणा वयंति ।
 सद्धेयं खलु भो माहणा वयंति । सद्धेयं खलु भो समणा माहणा वयंति ।
 अहं एगो असद्धेयं वयामि । एवं खलु अहं सह पुत्तेहिं अपुत्ते । को
 मेदं सइहिस्सइ ? सह मित्तेहिं अमित्ते । को मेदं सइहिस्सइ ? एवं
 अत्थेणं दारेणं दासेहिं पेसेहिं परिजणेणं । एवं खलु तेयलिपुत्तेणं अम-
 ष्णेणं कणगज्जाएणं रत्ता अवज्झाएणं समाणेणं तालपुट्ठगे विसे आसगंसि
 पक्खित्ते । से वि य नो कमइ । को मेयं सइहिस्सइ ? तेयलिपुत्ते नीलु-
 प्पल जाव खंधंसि ओहरिए । तत्थ वि य से धारा ओपप्पल । को मेदं सइ-
 हिस्सइ ? तेयलिपुत्ते पासगं गीवाए वंधित्ता जाव रज्जू छिन्ना । को मेयं
 सइहिस्सइ ? तेयलिपुत्ते महालियं जाव वंधित्ता अत्थाह जाव उदगंसि
 अप्पाणं मुक्के । तत्थ वि य णं थाहे जाए । को मेयं सइहिस्सइ ? तेयलिपुत्ते
 सुक्कंसि तणकूडे अग्गी विज्झाए । को मेयं सइहिस्सइ ? ओहयमण-
 संकप्पे जाव क्षियायइ । तए णं से पोट्टिले देवे पोट्टिलारूवं विडम्बइ २
 तेयलिपुत्तस्स अदूरसामंते ठिप्पा एवं वयासी – हं भो तेयलिपुत्ता !

पुरओ पवाए पिट्ठओ हत्थिभयं दुहओ अच्चक्खुफासे मज्झे सराणि
 पतंति । गामे पलित्ते रत्ते क्षियाइ रत्ते पलित्ते गामे क्षियाइ । आउसो
 तेयलिपुत्ता । कओ वयामो ? तए णं से तेयलिपुत्ते पोट्ठिळं एवं वयासी -
 भीयस्स खलु भो । पुव्वज्जा सरणं । उक्कट्टियस्स सदेसगमणं लुहियस्स
 अन्नं तिसियस्स पाणं आउरस्स भेसज्ज माइयस्स रद्धस्स अभिजुत्तस्स
 पच्चयकरणं अद्धाणपरिसंतस्स वाहणगमणं तरिउकामस्स पवहणकिच्चं परं
 अभिओजिउकामस्स सहाय्यकिच्चं । खंतस्स दंतस्स जिहंदियस्स एत्तो
 एगमवि न भवइ । तए णं से पोट्ठिले देवे तेयलिपुत्तं अमच्चं एवं वयासी -
 सुट्ठ णं तुमं तेयलिपुत्ता । एयमट्ठं आयाणहि त्तिक्कट्ठ दोच्चंपि तच्चंपि
 एवं वयई २ जामेव दिसिं पाउवभूए तामैव दिसिं पडिगए ।

(108) तए णं तस्स तेयलिपुत्तस्स सुभेणं परिणामेणं जाईसरणे
 समुप्पन्ने । तए णं तेयलिपुत्तस्स अयमेयारूवे अज्झत्थिए ४ समुप्पन्ने -
 एवं खलु अहं इहेव जंघुहीवे २ महाविदेहे वासे पोक्खलावईविजए पौड-
 रिगिणीए रायहाणीए महापउमे नामं राया होत्था । तए णं हं थेरणं अंतिए
 मुंडे भवित्ता जाव चोइसपुव्वाइं बहूणि वासाणि सामण्णपरियागं पाउणित्ता
 मासियाए संलेहणाए महासुक्के कप्पे देवे । तए णं हं ताओ देवलोगाओ
 आउक्खएणं भवक्खएणं ठिइक्खएणं अणंतरं चयं चइत्ता इहेव तेयलि-
 पुरे तेयलिस्स अमच्चस्स भद्दाए भारियाए दारगत्ताए पच्चायाए । तं सेयं
 खलु मम पुव्वदिट्ठाइं महव्वयाइं सयमेव उवसंपज्जित्ताणं विहरित्तए ।
 एवं संपेहेइ २ सयमेव महव्वयाइं आरुहेइ २ जेणेव पमयवणे उज्जाणे
 तेणेव उवागच्छइ २ असोगवरपायवस्स अहे पुढविसिळारपट्ठयांसि सुह-
 निसण्णस्स अणुचितेमाणस्स पुव्वाहीयाइं सामाइयमाइयाइं चोइसपुव्वाइं
 सयमेव अभिसमन्नागयाइं । तए णं तस्स तेयलिपुत्तस्स अणगारस्स
 सुभेणं परिणामेणं जाव तथावरणिज्जाणं कम्माणं खओवसमेणं कम्मरय-
 विकरणकरं अपुव्वकरणं पविट्ठस्स केवलवरनाणदंसणे समुप्पन्ने ।

(109) तए णं तेयलिपुरे नयरे अहासन्निहिण्हिं वाणमंतरेहिं
 देवेहिं देवीहिं थं देवदुंदुहीओ समाहयाओ दसद्धवण्णे कुसुमे निवाइए

दिब्बे गीयगंभन्ननिनाए कए यावि होत्था । तए णं से कणगज्झए राया इमीसे कहाए लुद्धे स्माणे एवं वयासी — एवं खलु तेयलिपुत्ते मए अवज्झाए मुंढे भविता प्रव्वइए । तं गच्छामि णं तेयलिपुत्तं अणगारे वंदामि नमंसाभि. १ एयमट्ठं विणएणं भुज्जो २ खामेमि । एवं संपेह्ण २ ण्हाए चाररणिणीए रेणाए जेणेव पमयवणे उज्जाणे जेणेव तेयलिपुत्ते अणगारे तेणेव उवागच्छइ २ तेयलिपुत्तं वंदइ नमंसइ २ एयमट्ठं च णं विणएणं भुज्जो २ खामेइ २ नखासन्ने जाव पज्जुवासइ । तए णं से तेयलिपुत्ते अणगारे कणगज्झयस्स रत्तो तीसे य महइमहालियाए परिताए धम्मं परिकहेइ ॥ तए णं से कणगज्झए राया तेयलिपुत्तस्स केवल्लिस्स अंतिए धम्मं सोच्चा निसम्म पंचाणुव्वइय सत्तसिक्खावृइयं सावगधम्म पडिचज्जइ २ समणोवासए जाए जाव अभिगयजीवाजीवे । तए णं तेयलिपुत्ते केवली बहूणि वासाणि केवलिपरियागं पाउणिता जाव सिद्धे ।

एवं खलु जंबू । समणेणं भगवया महावीरेणं जाव संपत्तेणं चोइसमस्स नायज्झयणस्स अयमट्ठे पन्नत्ते तिवेमि ।

॥ चोइसम नायज्झयण समत्तं ॥ १४ ॥

॥ पन्नरसमं अज्झयणं ॥

(110) जइ णं भंते ! चोइसमस्स नायज्झयणस्स अयमट्ठे पन्नत्ते पन्नरसमस्स णं के अट्ठे पन्नत्ते ? एवं खलु जंबू । तेणं कालेणं २ चंपा नाम नयरी होत्था पुण्णमहे चेइए जियसत्तू राया । तत्थ णं चंपाए नयरीए धणे नामं सत्थवाहे होत्था अट्ठे जाव अपरिभूए । तीसे णं चंपाए नयरीए उत्तरपुरत्थिमे दिसीभाए अहिच्छत्ता नामं नयरी होत्था

रिद्धत्विमियममिद्धा वण्णओ । तत्थ णं अहिच्छत्ताए नयरीए कणगकेऊ
नामं राया होत्था वण्णओ । तए णं तस्स घणस्स सत्थवाहस्स
अन्नया कयाइ पुव्वरत्तावरत्तकालसमयांसि इमेयारूवे अञ्जत्थिए
चित्तिए पत्थिए मणोगए संकप्पे समुप्पज्जित्था - सेयं खलु मम विपुलं
पणियभंडमायाए अहिच्छत्तं नयरिं वाणिज्जाए गमित्तए । एवं संपेहेइ २
गणिमं च ४ चउत्तिवहं भंडं गेण्हइ सगडीसागडं संजेइ २ सगडी-
सागडं भरेइ २ कोहुंविमियपुरिसे सदावेइ २ एवं वयासी - गच्छह णं
तुन्मे देवाणुप्पिया ! चंपाए नयरीए सिंघाडग जाव पहेसु एवं कयह -
एवं खलु देवाणुप्पिया ! धणे सत्थवाहे विपुलं पणियं आदाय इच्छइ
अहिच्छत्तं नयरिं वाणिज्जाए गमित्तए । तं जो णं देवाणुप्पिया ! चरए
वा चीरिए वा चम्मखंडिए वा भिच्छुंढे वा पंडरगे वा गोयमे वा
गोवत्तिए वा गिह्दिधम्मचित्तए वा अविरुद्धविरुद्धबुद्धसावगरत्तपडनिगंथ-
प्पभिइपासंडत्थे वा गिह्दत्थे वा धणेणं साद्धिं अहिच्छत्तं नयरिं गच्छइ
तस्स णं धणे अच्छत्तगस्स छत्तगं दलाइ अणुवाहणस्स ओवाहणाओ
दलयइ अकुंडियस्स कुंडियं दलयइ अपत्थयणस्स पत्थयणं दलयइ
अपक्खेवगस्स पक्खेवं दलयइ अंतरा वि य से पडियस्स वा भग्गलुगस्स
साहेज्जं दलयइ सुहंसुहेण य अहिच्छत्तं संपावेइ त्तिकट्ठु दोक्षपि तच्चपि
घोसणं घोसेह २ मम एयमाणात्तियं पच्चप्पिणह । तए णं ते कोहुंविमियपुरिसा
जाव एवं वयासी - इदि सुणंतु भगवंतो चंपानयरीवत्थन्वा बह्वे
चरगा जाव पच्चप्पिणंति । तए णं तेसिं कोहुंविमियपुरिसाणं अंतिए
एयमहं सोळा चंपाए नयरीए बह्वे चरगा य जाव गिहत्था य जेणेव
धणे सत्थवाहे तेणेव उवागच्छंति । तए णं धणे सत्थवाहे तेसिं चरगा
य जाव गिहत्थाण य अच्छत्तगस्स छत्तं दलयइ जाव पत्थयणं दलाइ -
गच्छह णं तुन्मे देवाणुप्पिया ! चंपाए नयरीए बहिया अणुज्जाणंसि मम
पडिवालेमाणा विट्ठह । तए णं ते चरगा य० धणेणं सत्थवाहेणं एवं
वुत्तात्समाजा जाव विट्ठंति । तए णं धणे सत्थवाहे सोहणंसि त्तिहिकरण-
नक्खत्तांसि विउलं असणं ४ उवक्खडावेइ २ मित्तनाइ आमतेइ २ भोयणं

भोयावेइ २ अपुच्छइ २ सगडीसागढं जोयावेइ २ चंपाओ नधरीओ
 निग्गच्छइ नाइविप्पगिह्मेहि अट्ठाणेहि वसमाणे २ सुहेहि वसहिपायरसेहि
 अंग जणवयं मज्झिमज्जेणं जेणेव देसंगं तेणेव उवागच्छइ २ सगडीसागढं
 मोयावेइ सत्थनिवेसं करेइ २ कोहुंवियपुरिसे सद्दावेइ २ एवं वयासी—
 तुब्भे णं देवाणुप्पिया ! मम सत्थनिवेसंसि महया २ सद्देणं उग्घोसेमाणा २
 एवं वयह—एवं खलु देवाणुप्पिया ! इमीसे आगामियाए छिन्नावायाए
 दीहमद्धाए अडवीए बहुमज्झदेसभाए एत्थ णं वहवे नंदिफला नामं रुक्खा
 पन्नत्ता किण्हा जाव पत्तिया पुप्फिया फलिया हरिया रेरिज्जमाणा सिरीए
 अईव २ उवसोभेमाणा चिट्ठंति मणुन्ना वण्णेणं ४ जाव मणुन्ना फासेणं
 मणुन्ना छायाए । तं जो णं देवाणुप्पिया ! तेसिं नंदिफलाणं रुक्खाणं
 मूलाणि वा कंदतयपत्तपुप्फफलवीयाणि वा हरियाणि वा आहारेइ
 छायाए वा वीसमइ तस्स णं आवाए भइए भवइ तओ पच्छा परिणम-
 माणा २ अकाले चेव जीवियाओ ववरोवेइ । तं मा णं देवाणुप्पिया !
 केइ तेसिं नंदिफलाणं मूलाणि वा जाव छायाए वा वीसमउ मा णं से
 वि अकाले चेव जीवियाओ ववरोविज्जिस्सइ । तुब्भे णं देवाणुप्पिया !
 अन्नेसिं रुक्खाणं मूलाणि य जाव हरियाणि य आहारेइ छायासु
 वीसमइ । त्ति घोसणं घोसेइ जाव पञ्चप्पिणंति । तए णं घणे सत्थवाहे
 सगडीसागढं जोएइ २ जेणेव नंदिफला रुक्खा तेणेव उवागच्छइ २ तेसिं
 नंदिफलाणं अदूरसामंते सत्थनिवेसं करेइ २ दोच्चंपि तच्चंपि कोहुंविय-
 पुरिसे सद्दावेइ २ एवं वयासी—तुब्भे णं देवाणुप्पिया ! मम सत्थनिवेसंसि
 महया २ सद्देणं उग्घोसेमाणा २ एवं वयह—एए णं देवाणुप्पिया ! ते
 नंदिफला रुक्खा किण्हा जाव मणुन्ना छायाए । तं जो णं देवाणुप्पिया ।
 एएसिं नंदिफलाणं रुक्खाणं मूलाणि वा कंदपुप्फतयापत्तफलाणि जाव
 अकाले चेव जीवियाओ ववरोवेइ । तं मा णं तुब्भे जाव वीसमइ मा णं
 अकाले चेव जीवियाओ ववरोविस्संति अन्नेसिं रुक्खाणं मूलाणि य जाव
 वीसमइ त्तिकट्ठु घोसणं जाव पञ्चप्पिणंति । तत्थ णं अत्थेगइया पुरिसा
 धणस्स सत्थवाहस्स एयमट्ठं सइहंति जाव रोयंति एयमट्ठं सइहमाणा

तेसिं नंदिफलाणं दूरंदूरेणं परिहरमाणां २ अच्चेसिं रुक्खाणं मूलाणि य
 जाव वीसमंति । तेसिं णं आवाए नो भइए भवइ तओ पच्छा परिणम-
 माणा ३ सुभरूवत्ताए ५ भुज्जो २ परिणमंति । एवामेव समणाउसो !
 जो अम्हं निगंथो वा २ जाव पंचसु कामगुणेषु नो सज्जइ णं इह-
 भवे चेव बहूणं समणाणं ४ अच्चणिज्जे परलोए नो आगच्छइ जाव वीई-
 वइस्सइ । तत्थ णं अप्पेगइया पुरिसा धणस्स एयमट्ठं नो सहंति ३
 धणस्स एयमट्ठं असइहमाणा ३ जेणेव ते नंदिफला तेणेव उवागच्छंति २
 तेसिं नंदिफलाणं मूलाणि य जाव वीसमंति तेसिं णं आवाए भइए भवइ
 तओ पच्छा परिणममाणा जाव ववरोवेति । एवामेव समणाउसो ! जो
 अम्हं निगंथो वा २ पव्वइए पंचसु कामगुणेषु सज्जइ जाव अणुपरि-
 यट्ठिस्सइ जहा व ते पुरिसा । तए णं से धणे सगढीसागढं जोयावेइ २
 जेणेव अहिच्छत्ता नयरी तेणेव उवागच्छइ २ अहिच्छत्ताए नयरीए
 वहिया अग्गुज्जाणे सत्थनिवेसं करेइ २ सगढीसागढं मोयावेइ । तए णं
 से धणे सत्थवाहे महत्थं ३ रायारिह पाहुडं गेण्हइ २ बहुपुरिसेहिं सद्धिं
 सपरिवुडे अहिच्छत्तं नयरीं मज्झमज्झेणं अणुप्पविसइ २ जेणेव कणग-
 केऊ राया तेणेव उवागच्छइ २ करयल जाव वद्धावेइ २ तं महत्थं ३
 पाहुडं उवणेइ । तए णं से कणगकेऊ राया हट्ठुट्ठे धणस्स सत्थवाहस्स
 तं महत्थं जाव पडिच्छइ २ धणं सत्थवाह सक्कारेइ सम्माणेइ २ उस्सुक्कं
 वियरइ २ पडिविसज्जेइ २ भंढविणिमयं करेइ २ पडिभंढं गेण्हइ २
 सुहंसुहेण जेणेव चपा नयरी तेणेव उवागच्छइ २ मित्तनाइअभिसम-
 ज्ञाए विपुलाइं माणुस्सगाइं जाव विहरइ । तेणं कालेणं २ थेरागमणं धणे
 सत्थवाहे धम्मं सोच्चा जेह्ठपुत्तं कुहंवे ठावेत्ता जाव पव्वइए सामाइय-
 माइयाइं एक्कारस अंगाइं बहूणि वासाणि जाव मासिथाए जाव अन्नयरेसु
 देवलोएसु देवत्ताए उववन्ने महाविदेहे वासे सिद्धिहिइ जाव अंतं करेहिइ ।

एवःखलु जंबू ! समणेणं जाव संपत्तेण पन्नरसमस्स नायज्झयणस्स
 अयमट्ठे पन्नत्ते तिबेमि ।

॥ पन्नरसमं नायज्झयणं समत्तं ॥ १५ ॥

॥ सोलसमं अञ्जयणं ॥

(111) जइ णं भंते ! समणेणं ३ जावसंपत्तेणं पन्नरसमस्स नाय-
 ज्ञायणस्स अयमट्ठे पन्नत्ते सोलसमस्स णं भंते ! नायञ्जयणस्स के
 अट्ठे पन्नत्ते ? एवं खलु जंवू । तेणं कालेणं २ चंपा नामं नयरी होत्था ।
 तीसे णं चंपाए नयरीए बहिया उत्तरपुरत्थिमे दिसीभाए सुभूमिभागे नामं
 उज्जाणे होत्था । तत्थं णं चंपाए नयरीए तओ माहणा भायरो परिवसंति
 तंजहा — सोमे सोमदत्ते सोमभूई अट्ठा जाव अपरिभूया रिउन्वेयजउन्वेय-
 सामवेयअथव्वणवेय जाव सुपरिनिट्ठिया । तेसिं माहणाणं तओ भारियाओ
 होत्था तंजहा — नागसिरी भूयासिरी जक्खसिरी सुकुमाली नाम तेसिं णं
 माहणाणं इट्ठाओ विउले माणुस्सए कामभोए भुंजमाणा विहरंति । तए
 णं तेसिं माहणाणं अन्नया कयाइ एगयओ समुवागयाणं जाव इमेयारूवे
 मिहोकहासमुल्लावे समुप्पज्जित्था — एवं खलु देवाणुप्पिया । अम्हं इमे
 विउले धणे जाव सावएल्ले अलाहि जाव आसत्तर्माओ कुलवंसाओ पकामं
 दाउ पकामं भोत्तुं पकामं परिभाएउ । तं सेयं खलु अम्हं देवाणुप्पिया ।
 अन्नमन्नस्स गिहेसु कल्लाकल्लि विपुलं असणपाणखाइमसाइमं उवक्खड्डेउं
 परिभुंजेमाणाणं विहरित्तए । अन्नमन्नस्स एयमट्ठं पडिसुणेंति कल्लाकल्लिं
 अन्नमन्नस्स गिहेसु विपुलं असणं ४ उवक्खड्डावेति २ परिभुंजेमाणा
 विहरंति । तए णं तीसे नागसिरीए माहणीए अन्नया कयाइ भोयण-
 वारंए जाए यावि होत्था । तए णं सा नागसिरी माहणी विपुलं असण
 ४ उवक्खड्डावेइ २ एग मंहं सालइय तित्तलाउय बहुसंभारसंजुत्तं नेहाव-
 गाढं उवक्खड्डावेइ एग बिंदुयं करयलंसि आसाएइ २ तं खारं कडुयं
 अखल्लं विसमूयं जाणित्ता एव वयासी — धिरत्थु णं मम नागसिरीए
 अर्धन्नाए अपुण्णाए दूभगाए दूभगसत्ताए दूभगनिवोलियाए जाए णं मए
 सालइए बहुसभारसंभिण नेहावगाढे उवक्खड्डिए सुवहुदन्वक्खए नेह-
 क्खए य कंए । तं जइ णं ममं जाउयाओ जाणिस्संति तो णं मम खिसि-
 स्संति । तं जावतीव ममं जाउयाओ न ज्ञाणंति ताव मम सेयं एयं
 सालइय तित्तलाउयं बहुसंभारनेहकयं एगंते गोवित्तए अन्नं सालइयं

महुरंलाउयं जाव नेहांवगाढं उवक्खड्ढित्तए । एवं संपेहेइ २ तं सालइयं जाव गोवेइ २ अन्नं सालइयं महुरंलाउयं उवक्खड्ढेइ २ तेसिं माहणाणं ण्हायाणं जाव सुहासणवरगयाणं तं विपुलं असणं ४ परिवेसेइ । तए णं ते माहूणा जिमियमुत्तुत्तरागया समाणा झायंता चोक्खा परम-सुइभूया सकम्मसंपउत्ता जाया यावि होत्था । तए णं ताओ माहणीओ ण्हायाओ जाव विभूसियाओ तं विपुलं असणं ४ आहारंति २ जेणेव सयाइं २ गिहाइं तेणेव उवागच्छंति २ सकम्मसंपउत्ताओ जायाओ ।

(112) तेण कालेणं २ धम्मघोसा नामं थेरा जाव बहुपरिचारी जेणेव चपा नयरी जेणेव सुभूमिभागे उज्जाणे तेणेव उवागच्छंति २ अहापडिरूवं जाव विहरंति । परिसा निम्माया धम्मो कहिओ परिसा पडिगया । तए णं तेसिं धम्मघोसाण थेराणं अंतेवासी धम्मरुई नामं अणगारे उराले जाव तेयलेस्से मासंमासेण खममाणे विहरइ । तए ण से धम्मरुई अणगारे मासखमणपारणगांसि पढमाए पोरिसीए सज्झायं करेइ २ बीयाए पोरिसीए एव जहा गोयमसासी तहेव उंगाहेइ २ तहेव धम्मघोस थेर आपुच्छइ जाव चपाए नयरीए उच्चनीयमज्झिमकुलाइं जाव अढमाणे जेणेव नागसिरीए माहणीए गिहे तेणेव अणुपविट्ठे । तए णं सा नागसिरी माहणी धम्मरुई एज्जमाण पासइ २ तस्स सालइयस्स तित्त-कहुयस्स बहुनेहावगाढस्स एडणट्टयाए हट्टतुट्ठा उट्ठाए उट्ठेइ २ जेणेव भत्तघरे तेणेव उवागच्छइ २ त सालइयं तित्तकहुयं च बहुनेहावगाढं धम्मरुइस्स अणगारस्स पडिंभाहसि सव्वमेव निरिस्सरइ । तए ण से धम्म-रुई अणगारे अहापज्जत्तमित्तिकट्टु नागसिरीए माहणीए गिहाओ पडिनि-क्खमइ २ चपाए नयरीए मज्झंमज्झेणं पडिनिक्खमइ २ जेणेव सुभूमि-भागे उज्जाणे तेणेव उवागच्छइ २ जेणेव धम्मघोसा थेरा तेणेव उवा-गच्छइ २ धम्मघोसस्स अंदूरसामंते अन्नपाणं पडिलेहेइ २ अन्नपाणं करयलंसि पडिदंसेइ । तए णं धम्मघोसा थेरा तस्स सालइयस्स नेहा-वगाढस्स गंधेणं अभिभूया समाणा तओ सालइयाओ नेहावगाढाओ एगं बिदुयं गत्तय करयलंसि आसादिति तित्तं खारं कहुयं अखज्जं

अभोज्जं विसभूयं जाणित्ता धम्मरुद्धं अणंगारं एव वयासी—जइ ण तुमं देवाणुप्पिया ! एयं सालइयं जाव नेहावगाढं आहारोसि तो णं तुमं अकाले चेव जीवियाओ ववरोविज्जसि । तं मा णं तुमं देवाणुप्पिया । ईमं सालइयं जाव आहारोसि मा णं तुमं अकाले चेव जीवियाओ ववरोविज्जसि । तं गच्छइ णं तुमं देवाणुप्पिया । ईमं सालइयं एगंतमणावाए अचित्ते थंडिल्ले परिट्टवेहि २ अन्नं फासुयं एसणिज्जं असणं ४ पडिगाहेत्ता आहारं आहारोहि । तए णं से धम्मरुद्धं अणगारे धम्मघोसेणं थेरेणं एवं वुत्ते समाणे धम्मघोसस्स थेरस्स अंतियाओ पडिनिक्खमइ २ सुभूमिभागाओ उज्जाणाओ अदूरसामंते थंडिल्लं पडिल्लेहेइ २ ताओ सालइयाओ एगं विंदुगं गहाय २ थंडिल्लंसि निसिरइ । तए णं तस्स सालइयस्स तित्तकडुयस्स वहुनेहावगाढस्स गंधेण बहूणि पिपीलिगासहस्साणि पाउब्भूया जा जहा य णं पिपीलिगा आहारोइ सा णं तहा अकाले चेव जीवियाओ ववरोविज्जइ । तए णं तस्म धम्मरुद्धस्स अणगारस्स इमेयारूवे अज्झत्थिए ४— जइ ताव इमस्स सालइयस्स जाव एगंमि विंदुयंमि पक्खित्तंमि अणेगाइं पिपीलिगामहस्साइ ववरोविज्जंति तं जइ णं अह एयं सालइयं थंडिल्लंसि सव्वं निसिरामि तो णं बहूणं पाणाणं ४ वहकरणं भविस्सइ । तं सेयं खलु भम एय सालइयं जाव नेहावगाढ सयमेव आहारित्तए मम चेव एएणं सरीरणं निज्जाउ त्तिकट्टु एवं संपेहेइ २ सुहपोत्तियं २ पडिल्लेहेइ २ ससीसोवरियं काय पमज्जेइ २ तं सालइयं तित्तकडुयं वहुनेहावगाढ विलमिव पन्नगभूएण अप्पाणएणं सव्वं सरीरकोट्टगंसि पक्खिवइ । तए णं तस्स धम्मरुद्धस्स तं सालइयं जाव नेहावगाढं आहारियस्स समाणस्स सुहुत्तंतरेणं परिणममाणंसि सरीरगंसि वेयणा पाउब्भूया उज्जला जाव दुराहियासा । तए णं से धम्मरुद्धं अणगारे अथामे अवले अवीरिए अपुरिसक्कारपरक्कमे अघारणिज्जमितिक्कट्टु आयारभंडगं एगंते ठावेइ २ थंडिल्लं पडिल्लेहेइ २ वृच्चसंथारगं संथारेइ २ दृच्चसंथारगं दुरूहइ २ पुरंतथाभिमुहे संपलियंकनिसण्णे करयलपरिगाहियं एवं वयासी— नमोत्थु णं अरहंताणं जाव संपत्ताणं नमोत्थु

णं धम्मघोसाणं थेराणं मम धम्मायरियाणं मम धम्मोवेषसगाणं पुर्वि पि
 णं मए धम्मघोसाणं थेराणं अतिए सव्वेप्पणाइवाए पञ्चक्खाए जाव-
 ज्जीवाए जाव परिग्गहे इयाणि पि णं अहं तेसिं चेव भगवताणं अंतिए
 सव्वं पाण्डुइवायं पञ्चक्खामि जाव परिग्गहं पञ्चक्खामि जावज्जीवाए जहा
 खंदओ जाव चरिमेहिं उस्सासेहिं वोसिरामि त्तिकट्ठु आलोइयपडिक्कंते
 समाहिपत्ते कालगए । तए णं ते धम्मघोसा थेरां धम्मरुइ अणगारं
 चिरगयं जाणित्ता समणे निग्गथे सहावेति २ एवं वयासी — एवं खलु
 देवाणुप्पिया । धम्मरुइस्स अणगारस्स मासक्खमणपारणगंसि साळइयस्स
 जाव नेहाक्काढस्स निसिरणट्ठयाए वहिया निग्गए चिरावेइ । तं गच्छह णं
 तुव्वे देवाणुप्पिया । धम्मरुइस्स अणगारस्स सव्वओ समंता मग्गणगवेसणं
 करेह । तए णं ते समणा निग्गंथा जाव पडिसुणेंति २ धम्मघोसाणं थेराणं
 अंतियाओ पडिनिक्खमांति २ धम्मरुइस्स अणगारस्स सव्वओ समंता
 मग्गणगवेसणं करेमाणा जेणेव थंडिल्ल तेणेव उवागच्छंति २ धम्मरुइ-
 यस्स अणगारस्स सरीरगं निप्पाणं निच्चेट्ठं जीवविप्पजडं पासंति २ हा
 हा ! अहो ! अकज्जमित्तिकट्ठु धम्मरुइस्स अणगारस्स परिनिब्बाणवत्तिथं
 काउस्सगं करेंति धम्मरुइस्स आयारभंडगं गेण्हंति २ जेणेव धम्मघोसा
 थेरा तेणेव उवागच्छंति २ गमणागमणं पडिक्कमांति २ एवं वयासी —
 एवं खलु अम्हे तुव्वं अंतियाओ पडिनिक्खमामो २ सुभूमिभागस्स
 उज्जाणस्स परिपेरंतेणं धम्मरुइस्स अणगारस्स सव्वं जाव करेमाणा जेणेव
 थंडिल्ले तेणेव उवागच्छामो जाव इहं हव्वमागया । तं कालगए णं
 भंते ! धम्मरुइ अणगारे इमे से आयारभंडए । तए णं धम्मघोसा थेरा
 पुर्वगए उवओगं गच्छंति २ समणे निग्गथे निग्गंथीओ य सहावेति २
 एवं वयासी — एवं खलु अज्जो । मम अंतेवासी धम्मरुइ नामं अणगारे
 पगइभइए जाव त्रिणीए मासंमासेणं अणिकिक्खत्तेणं तवोक्कम्मेणं जाव
 नागसिरीए भाइणीए गिह् अणुपविसइ । तए ण सा नागसिरी माइणी
 जाव निसिरइ । तए णं से धम्मरुइ अणगारे अहापज्जत्तमित्तिकट्ठु जाव
 कालं अणवक्कंखमीणे विहरइ । से णं धम्मरुइ अणगारे बहूणि वासाणि

सामण्णपरियागं पाउणिच्चा आलोइयपडिक्कंते समाहिपत्ते कालमासे कालं
 क्रिच्चा उट्ठं सोहम्मे जाव सव्वट्ठसिद्धे महाविमागे देवत्ताए उववन्ने । तत्थ
 णं अत्थेगइयाणं जहन्नमणुक्खोसेणं तेत्तीसं सागरोवमाइं ठिई पन्नत्ता । तत्थ
 णं धम्मरुईस्स वि देवस्स तेत्तीसं सागरोवमाइं ठिई पन्नत्ता । से णं
 धम्मरुई देवे णाओ देवलोगाओ जाव महाविदेहे वासे सिन्धिहिइ ।

(113) तं धिरत्थु णं अज्जो ! नागसिरीए माहणीए अघन्नाए
 अपुण्णाए जाव निंबोलियाए जाए णं तहारूवे साहू साहुरूवे धम्मरुई
 अणगारे मासक्खमणपारणगसि सालइएणं जाव गाढेणं अकाले चैवं
 जीवियाओ ववरोविए । तए णं ते समणा निगंथा धम्मघोस्साणं थेराणं
 अंतिए एयमट्ठं सोच्चा निसम्मं चंपाए सिंघाडग जाव पहेसु बहुजणस्स
 एवमाइक्खति ४- धिरत्थु णं देवाणुप्पिया ! नागसिराए जाव निंबो-
 लियाए जाए णं तहारूवे साहू साहुरूवे सालइएणं जीवियाओ ववरोविए ।
 तए णं तेसिं समणां अंतिए एयमट्ठं सोच्चा निसम्मं बहुजणो अन्नमन्नस्स
 एवमाइक्खइ एवं भासइ-धिरत्थु णं नागसिरीए माहणीए जाव जीवियाओ
 ववरोविए । तए णं ते माहणा चंपाए नयरीए बहुजणस्स अंतिए एयमट्ठं
 सोच्चा निसम्मं आसुरत्ता जाव मिसिमिसेमाणा जेणेव नागसिरी माहणी
 तेणेव उवागच्छति २ नागसिरीं माहणिं एव वयासी-हं भो नागसिरीं !
 अपत्थियपत्थिए ! दुरंतपंतलक्खणे ! हीणपुण्णचाउइसे । धिरत्थु णं तव
 अघन्नाए अपुण्णाए निंबोलियाए जाए णं तुमे तहारूवे साहू साहुरूवे
 मासक्खमणपारणगसि सालइएणं जाव ववरोविए उच्चावयाहिं अक्कोसणाहिं
 अक्कोसंनि उच्चावयाहिं उद्धंसणाहिं उद्धंसंति उच्चावयाहिं निब्भच्छणाहिं
 निब्भच्छंति उच्चावयाहिं निच्छोडणाहिं निच्छोडंति तज्जेति तालेंति
 तज्जित्ता तालित्ता सयाओ गिहाओ निच्छुमंति । तए णं सा नागसिरी
 सयाओ गिहाओ निच्छूढा समाणी चंपाए नयरीए सिंघाडगतिय-
 चउक्कचच्चरचउम्महमहापहपहेसु बहुजणेणं हीलिज्जमाणी खिसिज्ज-
 माणी निदिज्जमाणी गरहिज्जमाणी तिज्जिज्जमाणी पँवविज्जमाणी
 धिकारिज्जमाणी थुक्कारिज्जमाणी कत्थइ ठाणं वा निलयं वा अलभ-

माणी^२ दंडीखंडनिवसणा खंडमल्लयखंडघडगहत्थगया मुट्टुहडाहडसीसा
मच्छियाचडगरेणं अत्रिज्जमाणमग्गा गिहगिहेणं देहंवलियाए वित्ति
कप्पेमाणा विह्वइ । तए णं तीसे नागसिरीए माहणीए तंभवंसि
चेव सोलसं रोयायंका पाउब्भूया तंजहा — सासे कासे जोप्पिसूले जाव
कोढे । तए णं सा नागसिरी माहणी सोलसाहि रोगायंकेहिं अम्भिभूया समाणी
अट्टुहट्ठवसट्ठा कालमासे काल किञ्चा छट्ठीए पुढवीए उक्कोसं बावीस-
सागरोवमट्ठिइएसु नेरइएसु नेरइयत्ताए उववन्ना । सा णं तओ अणत्तरं
उव्वट्ठित्ता मच्छेसु उववन्ना । तत्थ णं सत्थवज्झा दाहवक्कीए कलमासे
काल किञ्चा अहिसत्तमाए पुढवीए उक्कोससागरोवमट्ठिइएसु नरएसु नेर-
इएसु उववन्ना । सा णं तओणत्तरं उव्वट्ठित्ता दोक्षपि मच्छेसु उववज्जइ ।
तत्थ वि य ण सत्थवज्झा दाहवक्कीए दोक्षपि अहे सत्तमाए पुढवीए
उक्कोससागरोवमट्ठिइएसु नेरइएसु उववज्जइ । सा ण तओहिंतो जाव उव्व-
ट्ठित्ता तक्षपि मच्छेसु उववन्ना । तत्थ वि य णं सत्थवज्झा जाव कालमासे
कालं किञ्चा दोक्षपि छट्ठीए पुढवीए उक्कोसेण । तओणत्तरं उव्वट्ठित्ता उरएसु
एव जहा गोसाले तहा नेयव्व जाव रयणप्पभाओ पुढवीओ उव्वट्ठित्ता सत्तीसुं
उववन्ना । तओ उव्वट्ठित्ता जाइं इमाइ खहयरविहाणाइ जाव अदुत्तर च
णं खरवायरपुढविकाइयत्ताए तेसु अणेगसयसहस्सखुत्तो ।

(114) सा णं तओणत्तरं उव्वट्ठित्ता इहेव जंबुद्वीवे दीवे भारहे
वासे चपाए नयरीए सागरदत्तस्स सत्थवाहस्स भद्दाए भारियाए कुच्छिसि
दारियत्ताए पञ्चार्याया । तए णं सा भद्दा सत्थवाही नवण्हं मासाणं
दारियं पयाया सुकुमालकोमलिय गयतालुयसमाण । तीसे णं दारियाए
निव्वत्तवारसाहियाए अम्मापियरो^२ इम एयारूवं गोण्णं गुणनिप्फन्नं नाम-
धेज्जं करेति — जम्हा ण अम्ह एसा दारिया सुकुमाला गयतालुयसमाणा
त होउ णं अम्हं इमीसे दारियाए नामधेज्जं सुकुमालिया २ । तए ण
तीसे दारियए अम्मापियरो नामधेज्जं करेति सूमीलियत्ति । तए णं सा
सूमीलिया दारिया पंचघाईपरिग्गाहिया तजहा — खीरघाईए जाव गिरि-
कंदरमल्लीणा इव चपगलया निवायनिववाघायंसि जाव परिचड्डइ । तए

णं सा सूमालिया दारिया उम्मुक्कवालभावा जाव रूवेण य जोव्वणेण य
लावण्णेण य उक्किट्ठा उक्किट्ठरीरा जाया याविं होत्था ।

(115) तत्थ णं चंपाए नयरीए जिणदत्ते नामं सत्थवाहे अट्ठे ।
तस्स णं जिणदत्तस्स भद्दा भारिया सूमाला इट्ठा माणुस्सए कामभोगे
पच्चणुच्चवमाण्ण विहरइ । तस्स णं जिणदत्तस्स पुत्ते भद्दाए भारियाए
अत्तए सागरए नामं दारए सुक्कुमाले जाव सुरूवे । तए णं से जिणदत्ते
सत्थवाहे अन्नया कयाइ सयाओ गिहाओ पडिनिक्खमइ २ सागरदत्तस्स
सत्थवाहस्स अदूरसामंतेण वीईवयइ । इमं च ण सूमालिया दारिया
ण्हाया चेडियासंघपरिवुडा उप्पि आगासतल्लगंसि कणगासिदूस्सएणं कील-
माणी विहरइ । तए णं से जिणदत्ते सत्थवाहे सूमालियं दारियं पासइ २
सूमालियाए दारियाए रूवे य ३ जायविम्हए कोडुंवियपुरिसे सदावेइ २
एवं वयासी - एस ण देवाणुप्पिया ' कस्स दारिया किं वा नामधेज्जं
से' ? तए णं ते कोडुंवियपुरिस्सा जिणदत्तेणं सत्थवाहेण एवं वुत्ता
समाणा हट्ठुट्ठा करयल जाव एवं वयासी - एस ण सागरदत्तस्स २
धूया भद्दाए अत्तया सूमालिया नामं दारिया सुक्कुमालपाणिपाया जाव
उक्किट्ठा । तए णं जिणदत्ते सत्थवाहे तेसिं कोडुंवियाणं अंतिए एयमट्ठं
सोच्चा जेणेव सए गिहे तेणेव उवागच्छइ २ ण्हाए भित्तनाइपरिवुडे
चंपाए नयरीए मन्झंमज्जेणं जेणेव सागरदत्तस्स गिहे तेणेव उवागए ।
तए णं से सागरदत्ते २ जिणदत्तं २ एज्जमाणं पासइ २ आसणाओ
अच्छुट्ठेइ २ आसणेणं उवनिमंतेइ २ आसत्थं वीसत्थ सुहासणवरगयं
एवं वयासी - भण देवाणुप्पिया ' किमागमणपओयणं । तए णं से
जिणदत्ते सागरदत्त एवं वयासी - एदं खलु अहं देवाणुप्पिया । तव धूयं
भद्दाए अत्तियं सूमालियं सागरस्स भारियूत्ताए वरेमि । जइ णं जाणह
देवाणुप्पिया । जुत्तं वा पत्तं वा सलाहणिज्जं वा सरिसो वा संजोगो
ता दिज्जत्तं णं सूमालिया सागरदारगस्स । तए णं देवाणुप्पिया । किं
दळयामो सुकं च सूमालियाए ? तए णं से, सागरदत्ते २ जिणदत्तं २ एव
वयासी - एवं खलु देवाणुप्पिया । सूमालिया दारिया एगा एगजाया

इट्ठा, ५ं जाव किमंग पुण पासण्याए । तं नो खलु अहं इच्छामि सूमा-
 लियाए दारियाए खणमवि विप्पओगं । तं जइ णं देवाणुप्पिया ! सागरए
 दारए मम घरजामाऊए भवइ तो णं अहं सागरदारगस्स सूमालियं दल-
 यामि । तए णं से जिणदत्ते २ सागरदत्तेणं २ एवं वुत्ते समाणे जेणेव
 सए गिहे तेणेव उवागच्छइ २ सागरदारगं सहावेइ २ एवं वयासी-
 एवं खलु पुत्ता ! सागरदत्ते २ ममं एवं वयासी- एवं खलु देवाणु-
 प्पिया ! सूमालिया दारिया- इट्ठा तं चेव । तं जइ णं सागरदारए मम
 घरजामाऊए भवइ ताव दलयामि । तए णं से सागरए दारए जिण-
 दत्तेणं २ एवं वुत्ते समाणे तुसिणीए । तए णं जिणदत्ते २ अन्नया
 कयाइ सोहणंसि तिहिकरणे विपुलं असणं ४ उवक्खडावेइ २ मित्तनाइ
 आमतेइ जाव सक्कारेत्ता सम्माणेत्ता सागरं दारगं ण्हयं जाव सच्चा-
 लंकारविभूसियं करेइ २ पुरिससहस्संवाहिणीयं सीयं दुरुहावेइ २ मित्त-
 नाइ जाव संपरिवुहे सठ्विद्धीए सयाओ गिहाओ निमाच्छइ २ चंपं
 नयरिं मज्झंमज्जेणं जेणेव सागरदत्तस्स गिहे तेणेव उवागच्छइ २
 सीयाओ पञ्चोरुइ २ सागरं दारगं सागरदत्तस्स २ उवणेइ । तए णं
 से सागरदत्ते २ विपुलं असणं ४ उवक्खडावेइ २ जाव सम्माणेत्ता
 सागरं दारगं सूमालियाए दारियाए सद्धिं पैट्ठयंसि दुरुहावेइ २ सैया-
 पीएहिं कलसेहिं मज्जावेइ २ अग्निहोमं करावेइ २ सागरं दारयं
 सूमालियाए दारियाए पाणिं गेण्हावेइ ।

(116) तए णं सागरए सूमालियाए दारियाए इमं एयारूवं पाणिफासं
 'संवेदेइ से जहानामए असिपत्ते इ वा जाव मुम्मुरे इ वा एत्तो अणिट्ठतराए
 चेव पाणिफासं संवेदेइ । तए णं से सागरए अकामए अवसवसे मुहुत्त-
 मेत्तं संचिट्ठइ । तए णं सागरदत्ते २ सागरस्स अम्मापियरी मित्तनाइ विपुलं
 असणं ४ पुप्फवत्थ जाव सम्माणेत्ता पडिविसज्जेइ । तए णं सागरए सूमा-
 लियाए सद्धिं जेणेव वासुधरे तेणेव उवागच्छइ २ सूमालियाए दारियाए
 सद्धिं तल्लिमंसि निवज्जइ । तए णं से सागरए दारए सूमालियाए दारियाए
 इमं एयारूवं अंगफासं पडिसंवेदेइ से जहानामए असिपत्ते इ वा जाव

अमणामतेरागं ज्ञेव अंगफासं पच्चणुब्भवमाणे विहरइ । तए णं से सागरए द्वारए सूमालियाए दारियाए अंगफासं असहमाणे अवसवसे मुहुत्तमेत्तं संचिट्ठइ । तए णं से सागरदारए सूमालियं सुहपसुत्तं जाणित्ता सूमालियाए दारियाए पासाओ उट्ठेइ २ जेणेव सए सयणिज्जे तेणेव उवागच्छइ २ सयणीयंसि निवज्जइ । तए णं सूमालिया दारिया तओ मुहुत्ततरस्स पडिवुद्धा समाणी पइंवया पइमणुरत्ता पइं पासे अपस्समाणी तलिमाओ उट्ठेइ २ जेणेव से सयणिज्जे तेणेव उवागच्छइ २ सागरस्स पासे शुवज्जइ । तए णं से सागरदारए सूमालियाए दारियाए दोक्षपि इमं एयारूवं अंगफासं पडिसवेदेइ जाव अकामए अवसवसे मुहुत्तमेत्तं संचिट्ठइ । तए णं सागरदारए सूमालियं दारियं सुहपसुत्तं जाणित्ता सयणिज्जाओ उट्ठेइ २ वासघरस्स दारं विहाडेइ २ मारामुक्के विव काए जामेव दिस्सि पावब्भूए तामेव दिस्सि पडिगए ।

(117) तए णं सूमालिया दारिया तओ मुहुत्ततरस्स पडिवुद्धा पतिंवया जाव अपासमाणी सयणिज्जाओ उट्ठेइ सागरस्स दारगस्स सव्वओ समंता मग्गणगवेसणं करेमाणी २ वासघरस्स दारं विहाडियं पासइ २ एवं वयासी - गए ण से सागरए त्तिकट्टु ओहयमणसंकप्पा जाव श्रियायइ । तए णं सा भद्दा सत्थवाही कलं पावप्पभायाए दासचेडिं सदावेइ २ एवं वयासी - गच्छइ णं तुमं देवाणुप्पिए ! बह्वरस्स मुहधोवणियं उवणेहि । तए णं सा दासचेडी भद्दाए एवं वुत्ता समाणी एयमहं तहत्ति पडिसुणेइ २ मुहधोवणियं गेण्हइ २ जेणेव वासघरे तेणेव उवागच्छइ सूमालियं दारियं जाव श्रियायमाणं पासइ २ एवं वयासी - किन्नं तुम्हे देवाणुप्पिया ! ओहयणमणसंकप्पा जाव श्रियाहि ! तए णं सा सूमालिया दारिया तं दासचेडियं एवं वयासी - एव खलु देवाणुप्पिया ! सागरए दारए ममं सुहपसुत्तं जाणित्ता मम पासाओ उट्ठेइ २ वासघरदुवारं अवगुणेइ जाव पडिगए । तए णं हं तओ मुहुत्ततरस्स जाव विहाडियं पासामि २ गए णं से सागरए त्तिकट्टु ओहयमणसंकप्पा जाव श्रियायामि । तए णं सा दासचेडी

सूमा^१लियाए दारियाए एयमहं सोच्चा जेणेव सागरदत्ते २ तेणेव उवा-
गच्छइ २ सागरदत्तस्स एयमहं निवेदेइ । तए णं से सागरदत्ते दास-
चेडीए अंतिए एयमहं सोच्चा निसम्म आसुरुत्ते ४ जाव मिसिमिसेमाणे
जेणेव जिणदत्तस्स २ गिहे तेणेव उवागच्छइ २ जिणदत्तं २ एवं
वयासी - किन्नं देवाणुप्पिया । एय जुत्त वा पत्तं वा कुलाणुरूवं वा
कुलसरिसं वा जण्ण सागरए दारए सूमालियं दारियं अदिट्ठदोसवडियं
पइवयं विप्पजहाय इहमागए ? यहुहिं खिज्जाणियाहि य रुंटाणियाहि य
उवाळंभइ । तए णं जिणदत्ते सागरदत्तस्स २ एयमहं सोच्चा जेणेव
सागरए तेणेव उवागच्छइ २ सागरं दारयं एवं वयासी - दुट्ठु णं
पुत्ता । तुमे कय सागरदत्तस्स गिहाओ इहं हव्वमागच्छंतेणं । तं
गच्छइ णं तुम पुत्ता । एवमवि गए सागरदत्तस्स गिहे । तए णं से
सागरए जिणदत्त एवं वयासी - अवियाइं अह ताओ । गिरिपडणं वा
तरुपडणं वा मरुप्पवायं वा जलप्पवायं वा जलणप्पवेस वा विस-
भक्खणं वा सत्थोवाडणं वा विहाणसं वा गिद्धपट्ठ वा पव्वज्जं वा विदेस-
गमणं वा अब्भुवगच्छेज्जा नो खलु अहं सागरदत्तस्स गिहं गच्छेज्जा ।
तए णं से सागरदत्ते २ कुबुंतरियाए सागरस्स एयमहं निसामेइ २
लज्जिए विलीए विट्ठे जिणदत्तस्स २ गिहाओ पडिनिक्खमइ २ जेणेव
सए गिहे तेणेव उवागच्छइ २ सुकुमालियं दारियं सहावेइ २ अंके
निवेसेइ २ एवं वयासी - किन्नं तव पुत्ता । सागरएणं दारएणं ? अहं
णं तुमं तस्स दाहामि जस्स णं तुमं इट्ठा मणांमा भविस्ससि त्ति सूमा-
लियं दारियं ताहि इट्ठाहिं जाव वग्गूहिं समासासेइ २ पडिविस्सजेइ ।
तए णं से सागरदत्ते २ अन्नया उप्पि आगासतलंगंसि सुहनिसण्णे राय-
मगं ओलोएमाणे २ चिट्ठइ । तए णं से सागरदत्ते एणं मह दमगपुरिसं
पासइ दंडिखंडनिवसणं खडमल्लगखडघडगहत्थगयं मच्छियासहत्सेहिं
जाव अन्नज्जिणमगं । तए णं से सागरदत्ते सत्थवाहे कोडुवियपुरिसे
सहावेइ २ एवं वयासी - तुमे णं देवाणुप्पिया । एयं दमगपुरिसं
विपुलेणं असणेणं ४ पडिलामेह गिह अणुप्पविसेह २ खंडमल्लं खंड-

घडगं च से छांते एदेह २ अलंकारियकम्मं करेह २ ण्हायं कयबुद्धि-
 कम्मं जाव सन्वालंकारविभूसियं करेह २ म्णुन्नं असणं ४ भोयावेह
 सम अंतियं उवणेह । तए णं ते कोडुंवियपुरिसा जव पडिसुणेति २
 जेणेव से दमगपुरिसे तेणेव उवागच्छंति २ तं दमगपुरिसं असणेणं ४
 उवप्पलोमंति २ सयं गिहं अणुप्पवेसिंति २ तं खंडमल्लगं खंडघडगं च
 तस्स दमगपुरिसस्स एगंते एहेति । तए णं से दमगपुरिसे तंसि खंड-
 मल्लगंसि खंडघडगंसि य एडिज्जमाणांसि महया २ सहेणं आरसइ ।
 तए णं से सागरदत्ते तस्स दमगपुरिसस्स त महया २ आरसियसहं
 सोच्चा निसम्म कोडुंवियपुरिसे एव वयासी — किन्नं देवाणुप्पिया ! एस
 दमगपुरिसे महया २ सहेणं आरसइ । तए णं ते कोडुंवियपुरिसा एवं
 वयासी — एस णं सामी ! तंसि खंडमल्लगंसि खंडघडगंसि य एडिज्ज-
 माणांसि महया २ सहेणं आरसइ । तए णं से सागरदत्ते २ ते कोडुं-
 वियपुरिसे एवं वयासी — मा णं तुच्चे देवाणुप्पिया ! एयस्स दमगस्स
 तं खंडगं जाव एदेह पासे से ठवेह जहा णं पत्तिय भवइ । ते तहेव
 ठावेंति २ तस्स दमगस्स अलंकारियकम्मं करेति २ सयपागसहस्स-
 पागेहिं तेहेहिं अब्भिगेति अब्भिगिए समाणे सुरभिणा गंधवट्टएणं गायं
 उवट्टेति २ उसिणोदगेणं गंधोदएणं ण्हाणेंति सीओदगेणं ण्हाणेंति
 पम्हलसुकुर्माळगंधकासाइए गायाइं ल्हेति २ हंसलक्खणं पडगसाडगं
 परिहेति २ सन्वालंकारविभूसियं करेति २ विपुलं असणं ४ भोयावेंति २
 सागरदत्तस्स समीवे उवणेंति । तए णं से सागरदत्ते २ सूमालियं दारियं
 ण्हायं जाव सन्वालंकारविभूसियं करेत्ता तं दमगपुरिसं एवं वयासी —
 एस णं देवाणुप्पिया ! मम धूया इट्ठ । एयं ण अह तव भारियत्ताए
 दलयामि भदियाए भदयो भवेज्जासि । तए णं से दमगपुरिसे सागर-
 दत्तस्स एयमट्ठं पडिसुणेह २ सूमालियाए दारियाए सद्धिं वासघरं
 अणुपविसइ सूमालियाए दारियाए सद्धिं तल्लिमंसि निवज्जइ । तए णं से
 दमगपुरिसे सूमालियाए इमं एयारूवं अंगफासं पडिसंवेदेइ सेव जहा
 सागस्स जाव सयणिज्जाओ अच्युट्टेह २ वासघराओ निगच्छइ २ खंड-

मङ्गुं खंडचङ्गं च गहाय मारासुके विव काप जामेव.दिसिं पावम्भूए
तामेव दिसिं पडिगए । तए णं सा सूमालिया जाव गए णं से दमग्-
पुरिसे तिकट्टु ओहयमणसंकप्पा जाव शियायइ ।

(118) तए णं सा भद्दा कल्लं पावप्पभायाए दासचेडिं सदावेइ
जाव सागरदत्तस्स एयमट्ठं निवेदेइ । तए णं से सागरदत्तो तहेव संभंते
समाणे जेणेव वासवरे तेणेव उवागच्छइ २ सूमालियं दारियं अंके
निवेसेइ २ एवं वयासी—अहो णं तुमं पुत्ता ! पुरापोराणाणं कम्माणं जाव
पण्णुवभवमाणी विहरसि । तं मा ण तुमं पुत्ता ! ओहयमणसंकप्पा जाव
शियाहि ६ तुमं णं पुत्ता ! मम महाणसंसि विपुलं असणं ४ जहा पोट्टिळा
जाव परिभाएमाणी विहराहि । तए णं सा सूमालिया दारिया एयमट्ठं
पडिसुणेइ २ महाणसंसि विपुलं असणं ४ जाव दळमाणी विहरइ ।
तेणं कालेणं २ गोवालियाओ अज्जाओ वहुस्सुयाओ एव जहेव तेयलिणाए
सुव्वयाओ तहेव समोसदाओ तहेव संचाडओ जाव अणुपविट्ठे तहेव जाव
सूमालिया पडिळाभेत्ता एवं वयासी—एवं खलु अज्जाओ ! अहं
सागरस्स अणिट्ठा जाव अमणासा । नेच्छइ णं सागरए दारए मम नामं वा
जाव परिभोगं वा । जस्स जस्स वि य णं देज्जामि तस्स तस्स वि य णं
अणिट्ठा जाव अमणासा भवामि । तुम्हे य णं अज्जाओ ! बहुनायाओ
एवं जहा पोट्टिळा जाव उवल्ले णं जेणं अहं सागरस्स दारगस्स इट्ठा कंता
जाव भवेज्जामि । अज्जाओ तहेव भणंति तहेव साविया जाया तहेव
चिंता तहेव सागरदत्तस्स आपुच्छइ जाव गोवालियाणं अंतियं पव्वइया ।
तए णं सा सूमालिया अज्जा जाया इरियासमिया जाव गुत्तवंभयारिणी
बहूहिं चउत्थल्लट्ठम जाव विहरइ । तए णं सा सूमालिया अज्जा अन्नया
कयाइ जेणेव गोवालियाओ अज्जाओ तेणेव उवागच्छइ २ वंदइ नमंसइ
२ एवं वयासी—इच्छामि णं अज्जाओ ! तुम्हेहिं अब्भणुन्नाया समाणी
चंपाए वाहिं सुभूमिभागस्स उज्जाणस्स अदूरसामंते छट्ठंछट्ठेणं अणिकित्त-
त्तेणं तवोकम्मेणं सूरामिसुही आयावेमाणी विहरित्तए । तए णं ताओ
गोवालियाओ अज्जाओ सूमालियं एवं वयासी—अन्हे णं अज्जाओ !

समणीओ निगंघीओ इरियासमियाओ जाव गुत्तवंभचारिणीओ^१ नो खलु अम्हं कप्पइ वहिया गामस्स वा जाव सान्निवेसस्स वा छट्ठंछट्ठेणं जाव विहरित्तए । कप्पइ णं अम्हं अंतोउवस्सयस्स तइपरिक्खित्तस्स संघाडिवहियाए णं समतलपईयाए आयावेत्तए । तए णं सा, सुमालिया गोवालियाए एममट्ठं नो सहइ नो पत्तियइ नो रोएइ एयमट्ठं असइह-
माणी ३ सुभूमिमागस्स उज्जाणस्स अदूरसामवे छट्ठंछट्ठेणं जाव विहरइ ।

(119) तत्थ ण चपाए ललिया नाम गोटी परिवसइ नरवइदिन्न-
पंचारा अम्मापिइनिययनिप्पिचामा वेसविहारकयनिकेया नाणाविह-
अविणयप्पहाणा अट्ठा जाव अपरिभूया । तत्थ णं चपाए देवत्ता नामं गणिया होत्या सूमाला जहा अइनाए । तए णं तीसे ललियाए गोटीए अन्नया कयाइ पच गोट्टिह्णपुरिसा देवदत्ताए गणियाए सद्धिं सुभूमि-
मागस्स उज्जाणस्स उज्जाणसिरिं पञ्चणुंभवमाणा विहरंति । तत्थ णं एगे गोट्टिह्णपुरिसे देवदत्तं गणियं उच्छंगे घरेइ एगे पिट्ठओ आयवत्तं घरेइ एगे पुप्फपूरगं रएइ एगे पाए रएइ एगे चामरुक्खेवं करेइ । तए णं सा सूमालिया अज्जा देवदत्तं गणियं तेहिं पचहिं गोट्टिह्णपुरिसेहिं सद्धिं उरालाइं माणुत्सगाइ भोगभोगाइ भुजमाणीं पासइ २ इमेयारूवे संकप्पे ससुप्पज्जित्या — अहो ण इमा इत्थिया पुरापोराणाण कम्माणं जाव विहरइ । त जइ णं केइ इमस्स सुचारियस्स तवनियमवंभचेरवास्सत्त कट्ठाणे फलवित्तिवित्सेसे अत्थि तो ण अहमवि आगमित्सेणं भवग्गहणेण इमेयारूवाइं उरालाइं जाव विहरिज्जामि त्तिरुट्ठु नियाणं करेइ २ आयावणभूमीए पञ्चोरुर्भइ ।

(120) तए ण सा सूमालिया अज्जा सरीरचारंमा जाया यावि होत्या अभिक्खणं २ हत्थे धोवेइ अभिक्खणं २ पाए धोवेइ मीत्त धोवेइ मुहं धोवेइ थणतराइं धोवेइ कक्खतराइं धोवेइ गुज्जतराइं धोवेइ जत्थ २ णं ठाण वा सेज्ज वा निसीहिय वा चेएइ तत्थ वि य णं पुण्वामेव उदणं अन्मुक्खेत्ता तओ पच्छा ठाणं वा ३ चेएइ । तए णं ताओ गोवालियाओ अज्जाओ सूमालियं अज्ज एवं वचात्ती-एवं खलु अज्जे ! अम्हे

समणीओ निगंथीओ इरियांसमियाओ जाव बंभचेरधारिणीओ । नो खलु कप्पइ अम्हं सरीरबारसियाए होत्तए । तुमं च ण अज्जे । सरीर-
 बारसिया अभिक्खण २ हत्थे घोवेसि जाव चेएसि । तं तुमं णं देवानु-
 प्पिए ! एयस्स ठाणस्स आलोएहि जाव पडिवज्जाहि । तए ण.सूमालिया
 गोवालियाणं अज्जाणं एयमहं नो आढाइ नो परियाणाइ.अणाढायमाणी
 अपरियाणमाणी विहरइ । तए णं ताओ अज्जाओ सूमालियं अज्जं
 अभिक्खणं २ हीलेंति जाव परिभवन्ति अभिक्खणं २ एयमहं निवारेंति ।
 तए णं तीसे सूमालियाए समणीहिं निगंथीहिं हीलिज्जमाणीए जाव
 वारिज्जमाणीए इमेयारुवे अज्झत्थिए जाव समुप्पज्जित्था — जया णं अहं
 अगारवासमज्जे वसामि तथा णं अहं अप्ववसा । जया णं अहं मुंडा
 भवित्ता पव्वइया तथा णं अहं परवसा । पुठ्ठि च णं ममं समणीओ
 आढायन्ति इयाणि नो आढायन्ति । तं सेयं खलु मम कलं पात्तप्पभायाए
 गोवालियाणं अंतियाओ पडिनिक्खमिन्ता पाटिएकं उवस्सयं उवसंप-
 ज्जित्ताणं विहरित्तए त्तिकट्टु एव संपेहेइ २ कलं गोवालियाणं अंतियाओ
 पडिनिक्खमइ २ पाटिएकं उवस्सयं उवसंपज्जित्ताणं विहरइ । तए णं सा
 सूमालिया अज्जा अणोहट्ठिया अनिवारिया सच्छंदमई अभिक्खणं २
 हत्थे घोवेइ जाव चेएइ तत्थ वि य णं पासत्था पासत्थविहारिणी ओसन्ना
 ओसन्नविहारी कुसीला कुसीलविहारी संसत्ता संसत्तविहारी बहूणि
 वासाणि सामण्णपरियागं पात्तणइ २ अद्धमासियाए संलेहणाए तस्स ठाणस्स
 अणालोइयपडिक्कंता कालमासे कालं किच्चा ईसाणे कप्पे अन्नयरंसि
 विमाणंसि देवगणियत्ताए उववन्ना । तत्थेगइयाणं देवीणं नवपल्लिओवमाइं
 ठिई पन्नत्ता । तत्थ णं सूमालियाए देवीए नवपल्लिओवमाइं ठिई पन्नत्ता ।

(121) तेणं कालेण २ इहेव जंबुदीवे २ भारहे वासे पंचालेसु
 जणवएसु कंपिल्लपुरे नामं नयरे होत्था वण्णओ । तत्थ णं दुवए नामं
 राया होत्था वण्णओ । तस्स णं जुलणी देवी घट्टंजुणे कुमारे जुवराया ।
 तए णं सा सूमालिया देवी ताओ देवलोगाओ आउक्खएणं जाव चइत्ता
 इहेव जंबुदीवे २ भारहे वासे पंचालेसु जणवएसु कंपिल्लपुरे नयरे

दुवयस्स रत्तो चुलणीए देवीए कुच्चिसि दारियत्ताए पच्चायाया । तए णं सा चुलणी देवी नवण्हं मात्ताणं जाव दारियं धियाया । तए णं तीसे दारियाए निव्वत्तवारसाहियाए इमं एयारूवं नामं — जम्हा णं एसा दारिया दुवयस्स रत्तो धूया चुलणीए देवीए अत्तया तं होऊं णं अम्हं इमीसे दारियाए नामधेज्जं दोवई । तए णं तीसे अम्मापियरो इमं एयारूवं गोणं गुणानिप्फन्नं नामधेज्जं करेति दोवई । तए णं सा दोवई दारिया पंचघाईपरिग्गहिद्या जाव गिरिकंदरमल्लीणा इव चंपगलया निवायनिव्वा-
घायंसि सुहसुहेणं परिवट्ठइ । तए णं सा दोवई देवी रायवरकन्ना उम्मुक्क-
बालभावा जाव उक्किट्टसरीरा जाया यावि होत्था । तए णं तं दोवई रायवरकन्नं अन्नया कयाइ अंतैउरियाओ ण्हायं जाव विभूसियं करेति २ दुवयस्स रत्तो पायबंदियं पेसेति । तए णं सा दोवई २ जेणेव दुवए राया तेणेव उवागच्छइ २ दुवयस्स रत्तो पायग्गहणं करेइ । तए णं से दुवए राया दोवई दारियं अके निवेसेइ २ दोवईए २ रूवे य जोव्वणे य लार्धणे य जायविम्हए दोवइ २ एवं वयासी — जस्स ण अहं तुमं पुत्ता ! रायस्स वा जुवरायस्स वा मारियत्ताए सयमेव दलइस्सामि तत्थ णं तुमं सुहिया वा दुहिया वा मवेज्जासि । तए णं मम जावज्जीवाए हिययदाहे भविस्सइ । तं णं अहं तव पुत्ता ! अज्जयाए सयवरं विर्यरामि । अज्जयाए णं तुमं दिन्नं सयंवर । जं णं तुमं सयमेव रायं वा जुवरायं वा वरेहिसि से णं तव भत्तारे भविस्सइ त्तिकट्ठु ताहि इट्ठाहिं जाव आसासेइ २ पडिविसज्जेइ ।

(122) तए णं से दुवए राया दूयं सदावेइ २ एवं वयासी — गच्छइ णं तुमं देवाणुप्पिया ! वारवइ नयरि । तत्थ णं तुमं कण्हं वासुदेवं समुद्विजयपामोक्खे दस दसारे वलदेवपामोक्खे पंच महा-
वीरे उग्गसेणपामोक्खे सोलस रायसहस्से पज्जुन्नपामोक्खाओ अहुट्ठाओ कुमारकोढीओ संवपामोक्खाओ सट्ठि दुद्धंतसाहस्सीओ वीस्सेणपामो-
क्खाओ एकवीसं रायवीरपुरिससाहस्सीओ महीसेणपामोक्खाओ छप्पमं वलवगसाहस्सीओ अन्ने य वहवे राईसरतलवरमाडंविंकोडुंविंयइन्म-

सेट्ठिसेणावइसत्थवाहंपभिइओ करयलपरिग्गहिं दसज्जहं सिरसावत्तं
 मत्थए अंजालिं कट्ठु जएणं विजएणं वट्ठाब्रेहि २ एव वयाहि — एव
 खलु देवाणुप्पिया । कंप्पिलपुरे नयरे दुवयस्स रत्तो धूयाए चुलणीए
 अत्तयाए धुट्टज्जुणकुमारस्स भइणीए दोवईए २ सयंचरे भविस्सइ । तए
 ण तुम्हे दुवयं रायं अणुगिण्हेमाणा अकालपरिहीण चेव कंप्पिलपुरे नयरे
 समोसरह । तए ण से दूए करयल जाव फट्ठु दुवयस्स रत्तो एयमट्ठं पडि-
 सुणेइ २ जेणेव सए गिहे तेणेव उवागच्छइ २ कोडुवियपुरिसे सहावेइ २
 एवं वयासी — सिप्पामेव भो देवाणुप्पिया । चाउग्घटं आसरहं
 जुत्तामेव उवट्ठेइ जाव उवट्ठेति । तए ण से दूए ण्हाए जाव सरीरे
 चाउग्घटं आसरहं दुरूइ २ वट्ठिं पुंरिसेहिं सन्नद्ध जाव गहियाउह-
 पहरणेहिं मद्धिं संपरिवुटे कंप्पिलपुर नयर मज्झमज्जेण निग्गच्छइ पंचाल-
 जणवयस्स मज्झमज्जेण जेणेव हेमप्पते तेणेव उवागच्छइ २ सुरट्ठा-
 जणवयस्स मज्झमज्जेण जेणेव वारवई नयरी तेणेव उवागच्छइ २
 वारवइ नयरिं मज्झमज्जेण अणुप्पयिसइ २ जेणेव कण्हस्स वासुदेवस्स
 वाहिंरिया उवट्ठाणसाला तेणेव उवागच्छइ २ चाउग्घटं आसरहं ठावेइ
 २ रदाओ पणोरुइ २ मणुस्सवग्गुरापारिक्खित्ते पायचारविहारेण जेणेव
 कण्हे वासुदेवे तेणेव उवागच्छइ २ कण्ठ वासुदेवं समुदविजयपामोक्खे
 य दस दसारे जाव बलचगसाहस्सीओ करयल त चेव जाव समोसरह ।
 तए ण मे कण्ठे वासुदेवे तस्स दूयस्स अतिए एयमट्ठं सोषा निसम्म
 हट्ठुते जाव धियाए त दूय सपारेइ सम्माणेइ २ पडिविसज्जेइ । तए
 ण मे कण्ठे वासुदेवे कोडुवियपुरिसे सहावेइ २ एवं वयासी — गच्छइ
 णं तुम देवाणुप्पिया । सभाए सुद्धमाए सामुदाइयं भेरिं तालेदि । तए
 णं मे कोडुवियपुरिसे करयल जाव कण्हस्स वासुदेवस्स एयमट्ठं पडि-
 सुणेइ २ जेणेव सभाए सुद्धमाए मामुदाइया भेरी तेणेव उवागच्छइ २
 सामुदाइयं भेरिं मट्ठया २ सदेण तालेइ । तए णं ताए सामुदाइयाए
 भेरीण तालियाण समाणीणं समुदविजयपामोक्खा दस दसारा जाव मंहा-
 सेणपामोक्खाओ छप्पन्नं बलचगसाहस्सीओ ण्हाया जाव विभूसिया

जहाविभवइड्डिसक्कारसमुदएणं अप्पेगइया हयगया जाव अप्पेगइया पाय-
 जारविहारेणं जेणेव कण्हे वासुदेवे तेणेव उवागच्छन्ति २ करयल जाव
 कण्हं वासुदेवं जएणं विजएणं वद्धावेति । तए णं से कण्हे वासुदेवे
 कोहुंविउरिसे सदावेइ २ एवं वयासी - खिप्पामेव भो देवाणुपिया !
 अभिसेकं हत्तिरयणं पडिकप्पेह हयगय जाव पच्चपिणंति । तए णं से
 कण्हे वासुदेवे जेणेव मज्झणघरे तेणेव उवागच्छइ २ समुत्तजालाकुल-
 भिरामे जाव अंजणगिरिकूडसन्निभं गयवइं नरवईं दुरूढे । तए णं से
 कण्हे वासुदेवे समुहविजयपामोक्खेहिं दसहिं दसारेहिं जाव अणंगसेण-
 पामोक्खेहिं अणेगाहिं गणियासाहस्सीहिं सद्धिं संपरिवुडे सच्चिद्दीए जाव
 र्वेणं वारवइं नयरिं मज्झमज्झीणं निगच्छइ २ सुद्धाजणवयस्स मज्झ-
 मज्झेणं जेणेव देसप्पंते तेणेव उवागच्छइ २ पंचालजणवयस्स मज्झ-
 मज्झेणं जेणेव कंपिल्लपुरे नयरे तेणेव पहारेत्थ गमणाए । तए णं से दुवए
 राया दोषं पि दूयं सदावेइ २ एवं वयासी - गच्छइं णं तुमं देवाणु-
 पिया ! हत्थिणाउरं नयरं । तत्थ णं तुमं पंडुरावं सपुत्तवं जुहिड्डिं
 भीमसेणं अज्जुणं नउलं सहदेवं दुज्जोहणं माइसयसमगां गमेयं विदुरं
 दोणं जयवइं सज्जिं कीवं आसत्थामं करयल जाव कट्ठु तहेव जाव
 समोसरह । तए णं से दूए एवं जहा वासुदेवे नयरं भेरी नत्थि जाव जेणेव
 कंपिल्लपुरे नयरे तेणेव पहारेत्थ गमणाए । एएणेव कमेणं तच्च दूयं चंभं
 नयरिं । तत्थ णं तुमं कण्ह अंगारायं सैलं नंदिरयं करयल तहेव जाव समो-
 सरह । चत्थं दूयं सुत्तिसइं नयरिं । तत्थ णं तुमं सिमुपालं दमघोससुयं
 पंचमाइसयसंपरिवुडं करयल तहेव जाव समोसरह । पंचमगं दूयं हत्थि-
 सीसं नयरिं । तत्थ णं तुमं दमदंतं रक्खं करयल जाव समोसरह । छट्ठं
 दूयं महुरं नयरिं । तत्थ णं तुमं धरं रायं करयल जाव समोसरह । सत्तमं
 दूयं रायगिहं नयरं । तत्थ णं तुमं सहदेवं जरीसंघसुयं करयल जाव
 समोसरह ॥ अट्ठमं दूयं कोडिणं नयरं । तत्थ णं तुमं रुप्पि मेसमसुयं करयल
 तहेव जाव समोसरह ॥ नवमं दूयं विरीटं नयरिं । तत्थ णं तुमं कीरंभं
 भावसत्तसमगां करयल जाव समोसरह । दसमं दूयं आवसेसु

गाङ्गागिरजगरेषु अणेगाइं रायसहस्साइं जाव समोसरइ । तए णं से दूए तहेव निग्गच्छइ जेणेव गामागर तहेव जाव समोसरइ । तए णं ताह अणेगाइं रायसहस्साइं तस्स दूयस्स अंतिए एयमट्ठं सोष्णानिसम्मं हट्ठा तं दूयं सक्कोरेति सम्माणेति २ पडिविसज्जेति । तए णं ते वासुदेवपामोक्खा बहवे रायसहस्सा पत्तेयं २ ण्हाया सन्नद्धहत्थिखंधवरगया महया ह्यगयरहमडचडगरपहकर सएहिं २ नगरेहिंतो अभिनिग्गच्छति २ जेणेव पंचाले जणवए तेणेव पहारेत्थ गमणाए ।

(123) तए णं से दुवए राया कोडुबियपुरिसे सहावेइ २ एवं वयासी - गच्छइ णं तुमं देवाणुप्पिया । कंपिलपुरे नयरे बहिया गंगाए महानईए अदूरसुमंते एग महं सयवरमडवं करेह अणेगखंभसयसन्निविट्ठ लीलट्टियसालिभंजियागं जाव पच्चप्पिणंति । तए णं से दुवए राया दोक्षपि कोडुबियपुरिसे सहावेइ २ एवं वयासी - खिप्पासेव भो देवाणुप्पिया । वासुदेवपामोक्खाणं बहूणं रायसहस्साणं आवासे करेह । ते वि करेत्ता पच्चप्पिणंति । तए णं से दुवए राया वासुदेवपामोक्खाणं बहूणं रायसहस्साण आगमणं जाणेत्ता पत्तेयं २ हत्थिखंध जाव परितुडे अगंधं च पज्जं च गहाय सव्विड्डीए कंपिलपुराओ निग्गच्छइ २ जेणेव ते वासुदेवपामोक्खा बहवे रायसहस्सा तेणेव उवागच्छइ २ ताहं वासुदेवपामोक्खाइं अग्घेण य पज्जेण य सक्कोरेइ सम्माणेइ २ तोसिं वासुदेवपामोक्खाणं पत्तेयं २ आवासे वियरइ । तए णं ते वासुदेवपामोक्खा जेणेव सया २ आवासा तेणेव उवागच्छंति २ हत्थिखंधेहिंतो पच्चोरुहति २ पत्तेयं २ खंधावारनिवेस करेति २ सएसुं २ आवासेसुं अणुप्पविंसंति २ सएसु आवासेसु य आसणेसु य सयणेसु य सन्निसण्णा य संतुयंटा य ब्रह्महिं गंधव्वेहिं य नाडएहि य उवगिज्जमाणा य उवनच्चिज्जमाणा य विहरंति । तए णं से दुवए राया कंपिलपुरं नयरं अणुप्पविसइ २ विपुलं असणं ४ उवक्खडावेइ २ कोडुबियपुरिसे सहावेइ २ एव वयासी - गच्छइ णं तुमं देवाणुप्पिया । विपुलं असणं ४ सुरं च मज्जं च मंसं च सीधुं च पसन्नं च सुबहुपुप्फवत्थगंधमल्लालकारं च

वासुदेवपामोक्खाणं रायसहस्साणं आवासेसु साहरह । ते वि साहरंति ।
 तए णं ते वासुदेवपामोक्खा तं विपुलं अरसनपाणखाइमसाइमं जाव
 पसन्नं च आसाएमाणा ४ विहरंति जिमियमुत्तुत्तरागया वि य णं
 समाणा आरंता चोक्खा जाव सुहासणवरगया बहूहिं गंधंन्वेहिं जाव
 विहरंति । तए णं से दुवए राया पुन्वावरण्हकालसमयांसि कोडुंविय-
 पुरिसे सहावेइ २ एव वयासी—गच्छह ण तुब्भे देवाणुप्पिया ।
 कंपिछपुरे सिंघाडग जाव पहेसु वासुदेवपामोक्खाणं य रायसहस्साणं
 आवासेसु हत्थिखंधवरगया महया २ सहेणं जाव उग्घोसेमाणा २ एवं
 वयह—एवं खलु देवाणुप्पिया । कल्ल पाउप्पभायाए दुवयस्स स्त्रो धूयाए
 चुलणीए देवीए अत्तियाए धंढंज्जुणस्स भगिणीए दोवईए २ संयवरे
 भविस्सइ । तं तुब्भे ण देवाणुप्पिया । दुवय रायाण अणुगिण्हेमाणा ण्हाया
 जाव विभूसिया हत्थिखंधवरगया सकोरेंट० सेयवरचामरा ह्यगयरह०
 महया भट्ठचडगरेणं जाव परिकिखत्ता जेणेव सयंवरामंडवे तेणेव उवा-
 गच्छह २ पत्तेयं नामंकेसु आसणेसु निसीयह २ दोवइं २ पडिवालेमाणा २
 चिह्हं घोसणं घोसेह २ मम एयमाणत्तियं पच्चप्पिणह । तए णं ते
 कोडुंविया तहेव जाव पच्चप्पिणंति । तए णं से दुवए राया कोडुंविय-
 पुरिसे सहावेइ २ एवं वयासी—गच्छह ण तुब्भे देवाणुप्पिया । संयवर-
 मंडवं आसियसंमज्जिओवलित्तं सुगंधवरगंधियं पंचवण्णपुप्फोवयारकलिय
 कालागरुपवरकुंदुरुक्तुरुक्क जाव गंधवट्ठिभूयं मंचाइमंचकलियं करेह
 कारवेह करेत्ता कारवेत्ता वासुदेवपामोक्खाणं बहूणं रायसहस्साणं पत्तेयं २
 नामंकाइं आसणाइं अत्थुयपच्चत्थुयाइ रएह २ एयमाणत्तियं पच्चप्पिणह
 जाव पच्चप्पिणंति । तए णं ते वासुदेवपामोक्खा बहवे रायसहस्सा
 कल्ल ण्हाया जाव विभूसिया हत्थिखंधवरगया सकोरेंटमल्लत्तेणं धरिज्जि-
 माणेहिं सेयवरचामराहिं महया ह्यगय जाव परिवुडा सन्विट्ठीए जाव
 रवेण जेणेव सयंवरामंडवे तेणेव उवागच्छंति २ अणुप्पविसंति २
 पत्तेयं २ नामंकेसु निसीयंति दोवइं २ पडिवालेमाणा चिह्हति । तए
 णं से दुवए राया कल्लं ण्हाए जाव विभूसिए हत्थिखंधवरगए सकोरेंट०

हयगध० कंपिलपुरं मज्झिमञ्जेणं निगगच्छइ जेणेव सयंवरामंडवे जेणेव वासुदेवपामोक्खा बहवे शयसहस्सा तेणेव उवागच्छइ २ तेसिं वासुदेवपामोक्खाणं करयल जाव वद्धावेत्ता कण्हस्स वासुदेवस्स सेयंवरचामरं गहाय उववीयमाणे चिट्ठइ ।

(124) तए णं सा दोवई २ कलं जाव जेणेव मज्जनघरे तेणेव उवागच्छइ २ मज्जनघरं अणुपविसइ २ ण्हाया कयबलिकम्मा कयकोडय-मंगलपायच्छित्ता सुद्धप्पाकेसाइं मंगल्लाइं वत्थाइं पवरपरिहिया मज्जन-घराओ पडिनिक्खमइ २ जेणेव जिणघरे तेणेव उवागच्छइ २ जिणघरं अणुपविसइ १ जिणपडिमाणं आलोए पणामं करेइ २ लोमहत्थयं परामुसइ एव न्हा सूरियामो जिणपडिमाओ अच्चेइ तहेव माणियव्व जाव धूवं डहइ २ वामं जाणुं अचेइ दाहिणं जाणुं धरणितलंसि निहंट्ठु तिक्खुत्तो मुद्धाणं धरणितलंसि नमेइ २ ईसिं पच्चुन्नमइ २ करयल जाव कट्ठु एवं वयासी — नमोत्थु णं अरहंताणं जाव संपत्ताणं वंदइ नभंसइ २ जिणघराओ पडिनिक्खमइ २ जेणेव अंतेउरे तेणेव उवागच्छइ ।

(125) तए णं तं दोवई २ अंतेउरियाओ सव्वालंकारविभूतियं करेति । किं ते ? वरपायपत्तनेउरा जाव चेडियाचक्खवालमहयंरगविंद-परिक्खित्ता अंतेउराओ पडिनिक्खमइ २ जेणेव बाहिरिया उवट्ठाणसाला जेणेव चाउगघटे आसरहे तेणेव उवागच्छइ २ किड्ढावियाए लेहियाए साद्धिं चाउगघटं आसरहं दुरुहइ । तए णं से धट्ठज्जुणे कुमारे दोवईए कन्नाए सारत्थं करेइ । तए णं सा दोवई २ कंपिलपुरं मज्झिमञ्जेणं जेणेव सयंवरामंडवे तेणेव उवागच्छइ २ रहं ठावेइ रहाओ पच्चोरुभई २ किड्ढावियाए लेहियाए साद्धिं सयंवरमंडवं अणुपविसइ करयल जाव तोसिं वासुदेवपामोक्खाणं बहूणं रायवरसहस्साणं पणामं करेइ । तए णं सा दोवई २ एगं महं सिरिदामगंड० किं ते ? पाडलसल्लियचंपय जाव सत्त-च्छयाईहि गंधद्धाणिं मुयंतं परमसुह्मफासं दरिसाणिज्ज गेण्हइ । तए णं सा किड्ढाविया सुरूवा जाव वामहत्थेणं चिल्लगं दप्पणं गहेऊण सल्लियं दप्पणसंकंतविबसंदंसिए य से दाहिणेणं हत्थेणं दरिसए पवररायसीहे फुड-

विसयविसुद्धारिभियगंभीरमहुरभाणिया सा तेसिं सव्वेसिं पत्थिवाणं अस्मा-
 पिउबंससत्तसामत्यगोत्तंविक्कंतिवहुविहआगममाहप्परुवजोव्वणगुण-
 लावण्णकुलसीलजाणिया कित्तणं करेइ । पढमं सुत्तं वणिहपुंगवाणं
 दसंदसारवरवीरपुरिसितिलोकवलवगाणं सत्तुसयसहस्समाणिवमइगाणं
 भवसिद्धिपवरणुंदरीयाणं चिल्लाणं वलवीरियरुवजोव्वणगुणलावण-
 किच्चिया कित्तणं करेइ । तओ पुणं उग्गसेणमाईण जायवाण भणइ-
 सोहग्गरुवकलिए वरेहि वरपुरिसगंधहत्थीणं । जो हु ते लोए होइ
 हिययदइओ ॥ तए णं सा दोवई रायवरकन्नगा वहूणं रायवरसहस्साणं
 मज्झमज्जेणं समइच्छमाणी २ पुव्वकयनियानेणं चोइज्जमाणी २ जेणेव
 पंच पंडवा तेणेव उवागच्छइ २ ते पंच पंडवे तेणं दससुद्धवण्णेणं कुमुम-
 दामेणं आवेढियपरिवेढिए करेइ २ एव वयासी — एए णं मए पंच
 पंडवा वरिया । तए णं ताई वासुदेवपामोक्खाइं वहूणि रायसहस्साणि
 महया २ सदेणं उग्गसेमाणाइं २ एवं वयंति—सुवरिय खलु भो ।
 दोवईए रायवरकन्नाए तिकट्टु सयंवरमंडवाओ पडिनिक्खमंति २
 जेणेव सया २ अवासा तेणेव उवागच्छंति । तए णं घट्टुणकुमारे पंच
 पंडवे दोवइं च रायवरकन्नगं चाउघंटं आसरहं दुरुहेइ २ कंपिहपुरं
 मज्झमज्जेणं जाव सयं भवणं अणुपविसइ । तए णं दुवए राया पंच-
 पंडवे दोवइं २ पट्टयं दुरुहेइ २ सेयापीयएहिं कलसेहिं मज्जावेइ २
 अग्गिहोमं करंवेइ पंचण्हं पंडवाणं दोवईए य पाणिग्गहणं करंवेइ । तए
 णं से दुवए राया दोवईए २ इमं एयारुवं पीइदाणं दलयइ तंजहा — अट्ठ
 हिरण्णकोटीओ जाव पेसणकारीओ दासचेटीओ अन्नं च विपुलं घणकणा
 जाव दलयइ । तए णं से दुवए राया ताईं वासुदेवपामोक्खाइं विपुलेणं
 असणपाणखाइमसाईमेणं वत्थगंधं जाव पडिंविसज्जेइ ।

(126) तए णं से पंडू राया तेसिं वासुदेवपामोक्खाणं वहूणं राय-
 सहस्साणं करयल जाव एवं वयासी— एवं खलु देवाणुपिया ! हत्थिणावरे
 नयरे पंचण्हं पंडवाणं दोवईए य देवीए कल्लाणकैरे भविस्सइ । तं तुब्भे
 णं देवाणुपिया ! ममं अणुगिण्हमाणा अकालपरिहीणं संभोसरह । तए णं

ते वासुदेवपामोक्त्वा पत्तेयं २ नाव पहातेत्य गमणाए । तए णं से पंडू
 राया कोडुंवियपुरिसे सदावेइ २ एवं वयासी - गच्छह णं तुम्हे देवाणु-
 पिया । हत्थिणाउरे पंचगहं पंडुवाणं पंच पासायवडिंसए कारेहिं अम्म-
 गायमूसिय वण्णओ नाव पडिरुवे । तए णं ते कोडुंवियपुरिस्सा पडि-
 सुणेति नाव कारवेति । तए णं से पंडू राया पंचहिं पंडवेहिं दोवईए
 देवीए साद्धि ह्यगयसंपरिवुडे कंपिल्लपुराओ पडिनिक्खमइ २ जेणेव
 हत्थिणाउरे तेणेव उवागए । तए णं से पंडूराया तेसिं वासुदेवपामोक्त्वाणं
 आगमणं जाणित्ता कोडुंवियपुरिसे सदावेइ २ एवं वयासी - गच्छह णं
 तुम्हे देवणुपिया । हत्थिणाउरस्स नयरस्स वहिया वासुदेवपामोक्त्वाणं
 बहूणं रायसहस्साणं आवासे कारेह अणेगथमैसय तथेव नाव पञ्चपिणंति ।
 तए णं ते वासुदेवपामोक्त्वा बहवे रायसहस्सा जेणेव हत्थिणाउरे
 तेणेव उवागच्छंति । तए णं पंडूराया ते वासुदेवपामोक्त्वे नाव आगए
 जाणित्ता इट्ठुट्ठे ण्हाए कयवालिकम्मे जहा दुक्कए नाव जहारिहं आक्खसे
 दलयइ । तए णं ते वासुदेवपामोक्त्वा बहवे रायसहस्सा जेणेव सर्या २
 आवासां तेणेव उवागच्छंति तथेव नाव विहरंति । तए णं से पंडूराया
 हत्थिणाउरं नयरं अणुपविसइ २ कोडुंवियपुरिसे सदावेइ २ एवं वयासी -
 तुम्हे णं देवाणुपिया । विपुल्लं असणं ४ तथेव नाव उवणेति । तए णं ते
 वासुदेवपामोक्त्वा बहवे रायसहस्सा ण्हाया कयवालिकम्मा कयकौत्थ-
 मंगलपायच्छित्ता तं विपुल्लं असणं ४ तथेव नाव विहरंति । तए णं से
 पंडूराया ते पंचपंडवे दोवइ च देवि पट्ठयं दुरुहेइ २ सीयापीएहिं कलसेहिं
 ण्हावेइ २ कल्लाणकं करेइ २ ते वासुदेवपामोक्त्वे बहवे रायसहस्से
 विपुल्लेण असणेणं ४ पुप्फवत्थेणं सक्कारेइ सम्मणेइ नाव पडिविसर्जेइ ।
 तए णं ताइ वासुदेवपामोक्त्वाइं बहूइ नाव पडिग्याइं ।

(127) तए णं ते पंच पंडवा दोवईए देवीए साद्धि कल्लाकलि
 वारंवारंथां उराळाइं भोगभोगाइ नाव विहरंति । तए णं से पंडू राया
 अज्जया कयाइं पंचहिं पंडवेहिं कौंतीए देवीए दोवईए य साद्धि अंतो-
 अंतोउरपत्थिणाउरंसीद्धि सपरिवुडे सीहासणंवरगए यावि विहरइ । इमं च णं

कच्छुल्लनारए दंसणेणं अहमइए विणीए अंतो य कलुसहिए मज्झत्य-
 च्चवत्थिए य अल्लीणसोमपियनंसणे सुरुवे अमइलसगलपरिहिए काल-
 मियचम्मउत्तरासंगरइयवच्छे दण्डकैमण्डलुहत्थे जल्लामउडदित्तसिए
 जन्नोवइयत्ताणेत्तियमुंजमेइलावागलधरे हत्थकयकच्छभीए 'पियगंधवे
 धरणिगोयरप्पहणे संवरणावरणओवयणुप्पयणिलेसणीसु य संकामणि-
 ओमिओगपन्नत्तिगमणीयंभिणीसु य वहूसु विज्जाहरीसु विज्जासु विस्सुय-
 जसे इहे रामस्स य केसवस्स य पज्जुन्नपईवसंवअनिरुद्धनिसडउम्मुय-
 सारणगल्लसुमुहदुस्सुहार्इणं जायवाणं अद्धुट्ठाण य कुमारकोढीणं हियय-
 दइए संथवए कलहजुद्धकोलईलप्पिए मंडणाभिलासी वहूसु य म्मसरसय-
 संपराएसु दंसणरए समत्तओ कलह सदक्खिणं अणुगवेसमाणे असमाहि-
 करे दसारवरवीरपुरिसतेलोक्कवलवगाणं आमत्तेऊण तं भगवइं पक्कमणिं
 गगणगमणदच्छं उप्पइओ गरंणमभिलंघयंतो गामागरनगरखेडकव्वड-
 मडंवदोणमुहपट्टणरांवाहसहस्समंडियं थिमियमेईणीतलं वसुहं ओलोइते"
 रम्मं हत्थिणाजरं उवागए पंडुरायभवणंसि अइवेगेण सैमोवइए । तए
 णं से पंडू राया कच्छुल्लनारय एज्जमाण पासइ २ पंचहिं पंडवेहिं कुंतीए
 य देवीए सद्धि आसणाओ अब्भुट्ठेइ २ कच्छुल्लनारयं सत्तट्ठपयाइ
 पच्चुग्गच्छइ २ तिव्वुत्तो आयाहिणपयाहिणं करेइ २ वंदइ नमंसइ २
 महरिहेणं आसणेणं उवनिमत्तेइ । तए णं से कच्छुल्लनारए उदगपरि-
 फोसियाए दब्भोवरिपच्चुत्थुयाए भिसियाए निसीयइ २ पंडुराय रत्ते
 य जाव अत्तेउरे य कुसलोदंतं पुच्छइ । तए णं से पंडूराया कौंती य देवी
 पच य पंडवा कच्छुल्लनारयं आढंति जाव पज्जुवासंति । तए णं सा
 दोवई देवी कच्छुल्लनारयं अस्सजयअविस्वअप्पाडिहयअपच्चक्खायपावकम्मं
 तिकट्ठु नो आढाइ नो परियाणइ नो अच्चुट्ठेइ नो पज्जुवासइ ।

(128) तए णं तस्स कच्छुल्लनारयस्स इमेयारूवे अज्झत्थिए
 च्चितिए पत्थिए मणोगए संकप्पे समुप्पज्जित्था—अहो णं दोवई देवी
 रूवेण य जाव लावण्णेण य पंचहिं पंडवेहिं अवत्थद्वा समाणी ममं नो
 आढाइ जाव नो पज्जुवासइ । तं सेयं खलु मम दोवईए देवीए विप्पियं

करेत्तए त्तिक्कट्ठु एवं संपेहेइं २ पंडुरायं आपुच्छइ २ उप्पयणिं विज्जं
 आवाहेइ २ ताए उक्किट्ठाए जाव विज्जाहरगईए लवणसमुदं मज्झमज्झेणं
 पुरत्थाभिमुहे वीरुवइत्त पयत्ते यावि होत्था । तेण कालेण २ धायइसंडे
 दीवे पुरत्थिमद्धदाहिण्डुभरहवासे अवरकंका नामं रायहाणी होत्था ।
 तत्थ णं अवरककाए रायहाणीए पउमनाभे नामं राया होत्था महया
 हिमवंत वण्णओ । तस्स ण पउमनाभस्स रत्तो सत्तु देवीसयाइं ओरोहे
 होत्था । तस्स णं पउमनाभस्स रत्तो सुनाभे नामं पुत्ते जुवरायावि होत्था ।
 तए णं से पउमनाभे राया अंतोअत्तेवरंसि ओरोहसंपरिवुडे सीहासण-
 वरगए विहरइ । तए णं से कच्छुल्लनारए जेणेव अवरकंका रायहाणी
 जेणेव पउमनाभस्स भवणे तेणेव उवागच्छइ २ पउमनाभस्स रत्तो
 भवणंसि झत्ति वेगेण समोवइए । तए ण से पउमनाभे कच्छुल्लनारयं
 एज्जमाणं पासइ २ आसणाओ अब्भुट्ठेइ २ अग्घेणं जाव आमणेणं
 उवनिमंतेइ । तए णं से कच्छुल्लनारए उदयपरिफोसियाए दग्गोवदि-
 पच्चत्थुयाए भिसियाए निसीयइ जाव कुसलोदंतं आपुच्छइ । तए णं से
 पउमनाभे राया नियगओरोहे जायविम्हए कच्छुल्लनारयं एवं वयासी-
 तुमं देवाणुप्पिया । बहूणि गामाणि जाव गिहाइं अणुपविससि । तं
 अत्थियाइं ते कहिंचि देवाणुप्पिया । एरिसए ओरोहे दिट्ठुव्वे जारिसए
 णं मम ओरोहे ? तए णं से कच्छुल्लनारए पउमनाभेणं एव वुत्ते समाणे
 ईसिं बिहसियं करेइ २ एवं वयासी-सरिसे णं तुमं पउमनाभा !
 तस्स अगडदहुरस्स । के णं देवाणुप्पिया ! से अगडदहुरे ? एव जहा
 भळिणाए । एवं खलु देवाणुप्पिया । जंबुदीवे २ भारहे वासे हत्थिणाउरे
 नयरे दुपयस्स रत्तो धूया चुलणीए देवीए अत्तया पंडुस्स सुण्हा पचण्हं
 पंडवाणं भारिया दोवई देवी रूवेण य जाव उक्किट्ठसरीरा । दोवईए
 णं देवीए छिन्नस्सवि पायगुट्ठस्स अयं तव ओरोहे संयंपि कलं न
 अग्घइ त्तिक्कट्ठु पउमनाभं आपुच्छइ जाव पडिगए । तए णं से
 पउमनाभे राया कच्छुल्लनारयस्स अंतिए एयमट्ठ सोच्चा निसम्म दोवईए
 देवीए रूवे य-सं मुच्छिए ४ जेणेव मोसहसाला तेणेव उवागच्छइ २

पोसहसालं जाव पुव्वसंगइयं देवं एवं वयासी - एवं खलु देवाणुप्पिया ।
 जुंवुहीवे २ भारहे चासे हत्थिणाउरे जाव उक्किट्टसरीरा । तं इच्छामि
 णं देवाणुप्पिया । दोवइं देवीं इहमाणीयं । तए णं पुव्वसंगइए देवे
 पडमनाभं, एवं वयासी - नो खलु देवाणुप्पिया । एवं भूयं वा
 भव्वं वा भत्तिस्सं वा जन्नं दोवइं देवी पंचपंडवे सोत्तूणं अन्नेणं
 पुरिसेण सद्धि उराल्लइ जाव विहरिस्सइ । तहावि य णं अहं तव पियट्ठं-
 याए दोवइ देवि इहं हव्वमाणेमि त्तिकट्ठु पडमनाभं आपुच्छइ २ ताए
 उक्किट्ठाए जाव लवणसमुद्धं मज्झमज्झेणं जेणेव हत्थिणाउरे नयरे तेणेव
 पहारेत्थ गमणाए । तेणं कालेणं २ हत्थिणाउरे नयरे जुहिट्ठिल्ले राया
 दोवइए देवीए सद्धिं उप्पि आगासतल्लामि सुहप्पसुत्ते, यावि होत्था ।
 तए णं से पुव्वसंगइए देवे जेणेव जुहिट्ठिल्ले राया जेणेव दोवइं देवी
 तेणेव उवागच्छइ २ दोवइए देवीए ओसोव्वणिंयं दलयइ २ दोवइं देविं
 गिण्हइ २ ताए उक्किट्ठाए जाव जेणेव अवरकंका जेणेव पडमनाभस्स
 भवणे तेणेव उवागच्छइ २ पडमनाभस्स भवणंसि असोगवणियाए
 दोवइं देविं ठावेइ २ ओसोव्वणिं अवहरइ २ जेणेव पडमनाभे तेणेव
 उवागच्छइ २ एवं वयासी - एस णं देवाणुप्पिया । मए हत्थिणाउराओ
 दोवइं देवी इह हव्वमाणीया तव असोगवणियाए चिट्ठइ । अओ परं
 तुमं जाणसि त्तिकट्ठु जामेव दिसिं पाउव्वभूए तामेव दिसिं पडिगए ।
 तए णं सा दोवइं देवी तओ मुहुत्तंतरस्स पडिवुद्धा समाणी तं भवणं
 असोगवणियं च अपच्चभिजाणमाणी एवं वयासी - नो खलु अम्हं एसे
 सए भवणे नो खलु एसा अम्हं सया असोगवणिया । तं न नज्जइ णं
 अहं केणइ देवेण वा दाणवेण वा किंपुरिसेण वा किन्नरेण वा महो-
 रगेण वा गंधव्वेण वा अन्नस्स रत्तो असोगवणियं साहरिय त्तिकट्ठु
 ओहयमणसंकप्पा जाव झियायइ । तए णं से पडमनाभे राया ण्हाए
 जाव सव्वाल्लारविभूसिए अंतैउरपरियाल्लसंपरिवुडे जेणेव असोगवणिया
 जेणेव दोवइं देवी तेणेव उवागच्छइ २ दोवइं देवि ओहय जाव झियाय-
 सारिं पासइ २ एवं वयासी - किन्नं तुमं देवाणुप्पिए^१ ओहय जाव

क्षियमहि ? एवं खलु तुमं देवाणुप्पिये । मम पुण्वसंगइएण देवेणं जंजु-
 शीवाओ २ भारहाओ वासाओ हत्थिणाडराओ नयराओ जुहिद्धिल्लस्स
 रत्तो भवणाओ माहरिया । तं मा णं तुमं देवाणुप्पिया । ओह्य जाव
 क्षियाहि । तुमं णं मए सार्द्धं विपुलाइ भोगभोगाहं जाव विह्माहि । तए
 णं सा दोवई पडमनाभं एवं वयासी — एवं खलु देवाणुप्पिया ! जंजुशीवे २
 भारदे वासे बारवईए नयरीए कण्हे नामं वासुदेवे मम पियभाउए परि-
 वसइ । त जइ णं से छण्हं मासाणं मम कूवं नो हव्वमागच्छइ तए
 णं अहं देवाणुप्पिया । जं तुमं वदसि तस्स आणाओवायवयणानिदेमे
 चिद्धिस्सामि । तए णं से पडमनामे दोवईए एयमट्ठ पडिसुणेइ २ दोवइं
 देविं कन्नंतेउरे ठवेइ । तए णं सा दोवई देवी छट्ठंछट्ठेणं अणिक्वित्तणं
 आयंबिलपरिगहिंएणं तवोकस्मेशं अप्पाणं भावेमाणी विहरइ ।

(129) तए णं से जुहिद्धिल्ले राया तओ मुहुत्तंतस्स पडिबुद्धे
 समाणे दोवइं देवि पासि अपासमाणे सयणिज्जाओ उट्ठेइ २ दोवईए
 देवीए सव्वओ समंता मग्गणगवेसणं करेइ २ दोवईए देवीए कथइ
 सुइं वा खुइं वा पवत्तिं वा अलभमाणे जेणेव पंढूराया तेणेव उवा-
 गच्छइ २ पंढूरायं एवं वयासी — एवं खलु ताओ । मम आगासतल-
 गांसि सुहपसुत्तस्स पासाओ दोवई देवी न नज्जइ केणइ देवेण वा
 दाणवेण वा किंपुरिसेण वा किन्नरेण वा महोरगेण वा गंधव्वेण वा
 हिया वा निया वा अक्खित्ता वा । तं इच्छामि णं ताओ । दोवईए
 देवीए सव्वओ समंता मग्गणगवेसणं करित्तए । तए णं से पंढूराया
 कोहंबियपुरिसे सदावेइ २ एवं वयासी — गच्छइ णं तुव्मे देवाणुप्पिया ।
 हत्थिणाउरे नयरे सिंघाडगतिगज्जक्कचच्चरमहापहपहेसु सहया २ सहेणं
 उग्घोसेमाणा २ एवं वयह — एव खलु देवाणुप्पिया ! जुहिद्धिल्लस्स रत्तो
 आगासतलगसि सुहपसुत्तस्स पासाओ दोवई देवी न नज्जइ केणइ
 देवेण वा दाणवेण वा किन्नरेण वा किंपुरिसेण वा महोरगेण वा गंध-
 व्वेण वा हिया वा निया वा अक्खित्ता वा । तं जो णं देवाणुप्पिया ।
 दोवईए देवीए सुइं वा खुइं वा पवत्तिं वा परिकहेइ तस्स णं पंढूराया

विचलं अत्यसंप्रयाणं दळयइ त्तिर्कट्ठु घोसणं घोसावेह २ एयमाभित्तिं
 पृच्छपिणह । तए णं ते कोडुंवियपुरिसा जाव पच्चापिणंति । तए णं से पंडूराया
 दोवईए देवीए कत्थइ सुइं वा जाव अलभमाणे कौंतीं देवीं सदावेइ २ एवं
 वयासी-गच्छह णं तुमं देवाणुप्पिया । वारवइं नयरिं कण्हस्सं वासुदेवस्स
 एयमट्ठं निवेदेहि । कण्हे ण परं वासुदेवे दोवईए मग्गणगर्वेसणं करेज्जा
 अन्नहा न नज्जइ दोवईए देवीए सुइं वा खुइं वा पवत्ति वा उवल्भेज्जा ।
 तए णं सा कौंती देवी पंडुणा एवं वुत्ता स्माणी जाव पडिसुणेइ २
 ण्हाया । कयवलिकम्मा हत्थिखंधवरगया हत्थिणपुरं नयरं मज्झमज्जेणं
 निग्गच्छइ २ कुरुजणवयं मज्झमज्जेणं जेणेव सुरट्ठाजणवए जेफेव वारवई
 नयरी जेणेव अग्गुज्जाणे तेणेव उवागच्छइ २ हत्थिखंधाओ पच्चोरुहइ २
 कोडुंवियपुरिसे सदावेइ २ एवं वयासी-गच्छह णं तुम्भे देवाणुप्पिया ।
 जेणेव वारवइं नयरिं अणुपविसह २ कण्हं वासुदेवं करयल ० एव वयह-
 एवं खलु सामी । तुम्भं पिउच्छा कौंती देवी हत्थिणाउराओ नयराओ
 इहं हव्वमागया तुम्भं दंसणं कंखइ । तए णं ते कोडुंवियपुरिसा जाव
 कहेंति । तए णं कण्हे वासुदेवे कोडुंवियपुरिसाणं अंतिए एयमट्ठं सोच्चा
 निसम्म हट्ठतुट्ठे हत्थिखंधवरगए हयगय ० वारवईए नयरीए मज्झमज्जेणं
 जेणेव कौंती देवी तेणेव उवागच्छइ २ हत्थिखंधाओ पच्चोरुहइ २
 कौंतीए देवीए पायग्गहणं करेइ २ कौंतीए देवीए सट्ठि हत्थिखंधं
 दुरुहइ २ वारवइं नयरिं मज्झमज्जेणं जेणेव सए गिहे तेणेव उवागच्छइ २
 सयं गिहं अणुप्पविसइ । तए णं से कण्हे वासुदेवे कौंतिं देविं ण्हायं
 कयवलिकम्मं जिमियभुत्तुत्तरागयं जाव सुहासणवरगयं एवं वयासी-
 संदिसउ णं पिउच्छा । किमागमणपओयणं । तए णं सा कौंती देवी
 कण्हं वासुदेवं एवं वयासी-एवं खलु पुत्ता ! हत्थिणाउरे नयरे जुहि-
 ट्ठिस्स रत्तो आगासतलए सुहप्पसुत्तस्स पासाओ दोवई देवी न नज्जइ
 केणइ अवहिया जाव अवक्खित्ता वा । तं इच्छामि णं पुत्ता ! दोवईए
 देवीए मग्गणगर्वेसणं कैयं । तए णं से कण्हे वासुदेवे कौंतीपिउच्छि
 एवं वयासी-जं नवरं पिउच्छा दोवईए देवीए कत्थइ सुइं वा जाव

लभामि तो णं अहं पायालाओ वां भवण्णओ वर भद्धभरहाओ
वा समंतओ दोवइ देवी साहत्थि उवण्णेमि त्तिरुट्ठु कौतीपिउच्चि
सक्कोरेइ. सम्माणेइ जाव पडिबिम्मज्जेइ । तए ण सा कौती देवी
कण्हेणं वप्पुं देवेणं पडिविसज्जिया समाणी जामेव दिसिं भाउम्भूया
तामेव दिसिं पडिगया । तए ण से कण्हे वासुदेवे कोहुवियपुरिसे
सदावेइ २ एवं वयासी—गच्छह ण तुम्हे देवाणुप्पिया । चारवडं
नयरिं एव जहा पइ तहा ओसण घोसवेइ जाव पच्चप्पिणति पडुस्स जहा ।
तए णं से कण्हे वासुदेवे अन्नया अंतोअतेउरगए ओरोहे जाव विहरइ ।
इमं च णं कच्छुल्लए नारए जाव सुमोवइए जाव निसीइत्ता कण्ह
वासुदेवं कुसलोद्धतं पुच्छइ । तए णं से कण्हे वासुदेवे कच्छुल्लं
नारयं एवं वयासी—तुमं ण देवाणुप्पिया । चहूणि गामागर जाव
अणुपविससि । तं अत्थियाइं ते कहिंचि दोवइए देवीए सुई वा जाव
उवलद्धा ? तए णं से कच्छुल्लए कण्ह वासुदेवं एव वयासी—एवं खलु
देवाणुप्पिया । अन्नया क्याइं धायईसंडे दीवे पुरत्थिमद्ध दाहिणडुभरह-
वासं अवरकंकारायहाणिं गए । तत्थ ण मए पउमनामत्स रत्तो भवणसि
दोवई देवी जारिसिया दिट्ठपुन्वा यावि होत्था । तए ण ण्णे
वासुदेवे कच्छुल्लं एवं वयासी—तुम्भ चेव ण देवाणुप्पिया । ऐय पुन्व-
कम्मं । तए ण से कच्छुल्लनारए कण्हेण वासुदेवेणं एवं वुत्ते समाणे
उपयणिं विज्ज आवाहेइ २ जामेव दिसि पाउम्भूए तामेव दिसि पडि-
गए । तए ण से कण्हे वासुदेवे दूय सदावेइ २ एव वयासी—गच्छह
णं तुमं देवाणुप्पिया । हत्थिणाउर पडुस्स रत्तो एयमट्ठं निवेएहि—एवं
खलु देवाणुप्पिया । दोवई देवी धीयईसडदीवे पुरत्थिमद्धे अवरकंकाए
रायहाणीए पउमनामभवणमि साहिंया दोवईए देवीए पउत्ती उवलद्धा ।
तं गच्छंतु पंच पंडवा चाउरगिणीए सेणाए साद्धि सपरिउडा पुरत्थिम-
वेयालीए मंभं पडिवालेमाणा चिट्ठंतु । तए ण से दूए जाव भणइ जाव
पडिवालेमाणा चिट्ठह तेवि जाव चिट्ठति । तए णं से कण्हे वासुदेवे
कोहुवियपुरिसे सदावेइ २ एवं वयासी—गच्छह णं तुम्हे देवाणुप्पिया ।

सन्नाहियं भेरिं तालेह तेवि तालेंति । तए णं तीए सन्नाहियाए भेरीए सत्तं
 सोच्चा समुद्विजयपामोक्खा दस दसारा जाव छप्पन्नं वलवगसाहस्तीओ
 सन्नद्धवद्धं जाव गहियाउहपहरणा अप्पेगइया हयगया अप्पेगइया गयगया
 जाव मणुस्सवग्गुरापरिक्खित्ता जेणेव सभा सुहम्मा जेणेव कण्हे वासुदेवे
 तेणेव उवागच्छंति २ करयल जाव वद्धावेंति । तए णं से कण्हे वासुदेवे
 हत्थिखंधवरगए सक्कोरेटमल्लदामेण छत्तेणं धरिज्जमाणेणं सेयवर० हयगय
 महया भट्ठचट्ठगरपहकरेणं वारवईए नयरीए मज्झंमज्जेणं निग्गच्छइ
 जेणेव पुरत्थिमवेयाली तेणेव उवागच्छइ २ पंचहिं पंडवेहिं सद्धि एगयओ
 मिलाइ २ खंधावारनिवेसं करेइ २ पोसहसालं करेइ २ पोसहसालं अणु-
 प्पविसइ २ सुट्ठिय देवं मणसीकरेमाणे २ चिट्ठइ । तए णं कण्हस्स वासु-
 देवस्स अट्ठमभत्तंसि परिणममाणंसि सुट्ठिओ जाव आगओ [एवं वयइ—]
 भण देवाणुप्पिया ! जं मए कायव्वं । तए णं से कण्हे वासुदेवे सुट्ठियं एवं
 वयासी — एवं खलु देवाणुप्पिया ! दोवई देवी गवि पउमनाभस्स भवणंसि
 साहिया । तण्णं तुमं देवाणुप्पिया । मम पंचहिं पंडवेहिं सद्धि अप्पछट्ठस्स
 छण्हं रहाणं लवणसमुदे मग्गं वियराहि जां णं अहं अवरकंकारायहाणं
 दोवईए कूवं गच्छामि । तए णं से सुट्ठिए देवे कण्हं वासुदेवं एव
 वयासी — किण्णं देवाणुप्पिया ! जहा चेव पउमनाभस्स रत्तो पुव्वसंगइएणं
 देवेणं दोवई जाव साहिया तथा चेव दोवई देविं धायईसंडाओ दीवाओ
 भारद्वाओ जाव हत्थिणाउरं साहरामि उदाहु पउमनाभं रायं सपुरवल्-
 लाहणं लवणसमुदे पक्खिवामि ? तए णं से कण्हे वासुदेवे सुट्ठियं देवं एवं
 वयासी — मा ण तुमं देवाणुप्पिया ! जाव साहराहि । तुमं णं देवाणुप्पिया !
 मम लवणसमुदे पंचहिं पंडवेहिं सद्धि अप्पछट्ठस्स छण्हं रहाण
 मग्गं वियराहि । सयमेव णं अहं दोवईए कूवं गच्छामि । तए णं
 से सुट्ठिए देवे कण्हं वासुदेवं एवं वयासी — एवं होउ ण । पंचहिं
 पंडवेहिं सद्धि अप्पछट्ठस्स छण्हं रहाणं लवणसमुदे मग्गं वियरइ ।
 तए णं से कण्हे वासुदेवे चाउरंगिणिं सेणं पडिप्पिसल्लेइ २ पंचहिं
 पंडवेहिं सद्धि अप्पछट्ठे छंहिं रहेहिं लवणसमुदं मज्झंमज्जेणं

वीईवयइ २ जेणेव अवरकंका रायहाणी जेणेव अवरकंकाए रायहाणीए
अग्गुज्जाणे तेणेव उवागच्छइ २ रहं ठावेइ २ दारुयं सारहे सहावेइ २
एवं वयासी - गच्छइ णं तुमं देवणुप्पिया । अवरककरायहाणिं अणु-
प्पविसाहि २ पडमनाभस्स रज्जो वामेणं पाएणं पायपीढं अक्कमिक्का
कुतग्गेणं लेहं पणामेहि तिवलियं भिउडि निडाले साहट्ठु आसुरुत्ते रुढे
कुढे कुविए चंडिक्किए एव वयासी - ह भो पडमनामा । अपत्थिय-
पत्थिया दुरंतपंतलक्खणा हीणपुण्णचाउइसा सिरिहिरिधिईपरिवज्जिया ।
अज्ज न भवसि । किन्नं तुमं न याणासि कण्हस्स वासुदेवस्स भगिणीं
दोवइं देविं इहं हव्वमाणेमाणं ? तं एयमवि गए पच्चप्पिणाहि णं तुमं
दोवइं देविं कण्हस्स वासुदेवस्स अहव णं जुज्झसज्जे निग्गच्छाहि । एस
णं कण्हे वासुदेवे पंचहिं पंडवेहिं सद्धिं अप्पछुढे दोवईए देवीए कूवं
हव्वमागए । तए णं से दारुए सारही कण्हेण वासुदेवेण एवं वुत्ते समाणे
हट्ठुढे पडिसुणेइ २ अवरेकंका रायहाणिं अणुपविसइ २ जेणेव पडमनाभे
तेणेव उवागच्छइ २ करयल जाव वद्धावेत्ता एवं वयासी - एस ण
सामी । मम विणयपडिवत्ती इमा अज्जा मम सामिस्स समुहाणत्ति
त्तिकट्ठु आसुरुत्ते वामपाएणं पायपीढं अवक्कमइ २ कुतग्गेणं लेहं
पणामेइ जाव कूवं हव्वमागए । तए णं से पडमनाभे दारुएणं सारहिणा
एवं वुत्ते समाणे आसुरुत्ते तिवलिं भिउडिं निडाले साहट्ठु एवं
वयासी - न अपिपणामि णं अहं देवाणुप्पिया । कण्हस्स वासुदेवस्स
दोवइं । एस णं अहं सयमेव जुज्झसज्जे निग्गच्छामि त्तिकट्ठु दारुयं
सारहिं एवं वयासी - केवलं भो । रायसत्थेसु दूए अवज्जे त्तिकट्ठु
असक्कारियं असम्माणिय अवदरिणं निच्छुभावेइ । तए णं से दारुए
सारही पडमनाभेणं असक्कारियं जाव निच्छुढे समाणे जेणेव कण्हे वासुदेवे
तेणेव उवागच्छइ २ करयल जाव कण्हं एवं वयासी - एवं खलु अहं
सामी । तुर्म्म वयणेणं जाव निच्छुभावेइ । तए णं से पडमनाभे बलवाउयं
सहावेइ २ एवं वयासी - खिप्पामेव भो देवाणुप्पिया । आभिसेकं
हत्थिरयणं पडिकप्पेइ । तयाणंतं च णं छेयायरियउवईसमइविकप्पणाहि

जाव उवणेंति । तए णं से पउमनाहे सन्नद्धं अभिसेयं दुरूहइ २ हियगयं जेणेव कण्हे वासुदेवे तेणेव पहरेत्थ गमणाए । तए णं से कण्हे वासुदेवे पउमनामं रायाणं एज्जमाण पासइ २ ते पंच पंडवे एवं वयासी - हं भो दारगा । किञ्चं तुब्भे पउमनाभेणं सद्धि जुज्झिहं ह उयाहु पिच्छं हइ ? तए णं ते पंचपडवा कण्हं वासुदेव एव वयासी - अम्हे णं सामी । जुज्झामो तुब्भे पेच्छइ । तए णं पंचपंडवा सन्नद्ध जाव पहरणा रहे दुरूहंति २ जेणेव पउमनामे राया तेणेव उवागच्छंति २ एवं वयासी - अम्हे वा पउमनामे वा राय त्तिकट्टु पउमनाभेणं मद्धि संपलगा यावि होत्था । तए णं से पउमनामे राया ते पंचपंडवे खिप्पामेव हयमहियपवरविचडिअविधं धयपढागे जाव दिसोदिसिं पडिसेहइ । तए णं ते पंचपंडवा पउमनाभेणं रत्ता हयमहियपवरविचडिय जाव पडिसेहिया समाणा अत्थामा जाव अधारणिज्जमित्तिकट्टु जेणेव कण्हे वासुदेवे तेणेव उवागच्छंति । तए णं से कण्हे वासुदेवे ते पंचपंडवे एवं वयासी - कहणं तुब्भे देवाणुप्पिया । पउमनाभेणं रत्ता सद्धि संपलगा ? तए णं ते पंचपडवा कण्हं वासुदेवं एवं वयासी - एवं खलु देवाणुप्पिया । अम्हे तुब्भेहिं अब्भणुत्ताया समाणा सन्नद्धां रहे दुरूहामो २ जेणेव पउमनामे जाव पडिसेहेइ । तए णं से कण्हे वासुदेवे ते पंचपंडवे एवं वयासी - जइ णं तुब्भे देवाणुप्पिया । एवं वयंता - अम्हे नो पउमनामे रायत्तिकट्टु पउमनाभेणं सद्धि संपलगाता तो णं तुब्भे नो पउमनामे हयमहियपवर जाव पडिसेहत्था । त पेच्छइ णं तुब्भे देवाणुप्पिया । अहं नो पउमनामे रायत्तिकट्टु पउमनाभेणं रत्ता सद्धि जुज्झामि रहं दुरूहइ २ जेणेव पउमनामे राया तेणेव उवागच्छइ २ सेयं गोलीरहारधवलं तणंसोद्धियसिंदुवारकुंदेदुसन्निगासं निथयस्स वलस्स हरिसज्जणं रिउसेन्नविणासकरं पंचजैनं संखं परामुसइ २ मुहवायपूरियं करेइ । तए णं तस्स पउमनाभस्स तेणं संखसहेण वलतिभाए हए जाव पडिसेहिए । तए णं से कण्हे वासुदेवे धणुं परामुसइ वेढो धणुं पूरेइ २ धणुसहं करेइ । तए णं तस्स पउमनाभस्स दोच्चे वलतिभाए तेण धणुसहेण हयमहिय जाव पडिसेहिए ।

तए णं से पडमनामे राया तिभागबलावसेसे अत्थामे अबले अवीरिए
 अपुरिसकारपरक्कमे अधारणिज्जमित्तिकट्टु सिग्घं तुरियं जेणेव
 अवरकंका तेणेव उवागच्छइ २ अवरकंकारायहाणिं अनुपविसइ २
 बाराइं भिइइ २ रोइसज्जे चिट्ठइ । तए णं से कण्हे वासुदेवे जेणेव
 अवरकंका तेणेव उवागच्छइ २ रहं ठावेइ २ रहाओ पच्चोरुइइ २
 वेजन्धियसमुग्घाएणं समोहणइ एगं महं नरसीद्धरुवं विउव्वइ २
 महया २ सहेण पायदहरिणं करेइ । तए णं कण्हेण वासुदेवेणं महया २
 सहेण पायदहरणं कएणं समाणेणं अवरकंका रायहाणी संभग्गपागार-
 गोउराट्ठालयचरियतोरणपल्हत्थियपवरभवणसिरिघरा सरसरस्स धराणि-
 यले सन्निवइया । तए णं से पडमनामे राया अवरकंका रायहाणिं संभग्गं
 जाव पासित्ता भीए दोवइं देविं सरणं उवेइ । तए णं सा दोवइं
 देवी पडमनाभं रायं एवं वयासी - किन्नं तुमं देवाणुप्पिया । जाणसि
 कण्हस्स वासुदेवस्स उत्तमपुरिसस्स विप्पिय करेमाणे ? तं एवमवि
 गए गच्छइ ण तुमं देवाणुप्पिया । ण्हाए कयवलिकम्मे उल्लपडसाडए
 ओचूलगवत्थनियत्थे अंतोउरपरियालसंपरिवुडे अग्गाइं वराइं रयणाइं
 गहाय ममं पुरओकाउं कण्हं वासुदेवं करयल जाव पायवडिए
 सरणं उवेहि । पणिवइयवच्छला णं देवाणुप्पिया । उत्तमपुरिसा । तए
 णं से पडमनामे दोवइए देवीए एयमट्ठं पडिसुणेइ २ ण्हाए जाव सरणं
 उवेइ २ करयल जाव एवं वयासी - दिट्ठा णं देवाणुप्पियाणं इट्ठी जाव
 परक्कमे । तं खामेमि णं देवाणुप्पिया । जाव खमंतु णं जाव नाहं भुज्जो २
 एवंकरणयाए त्तिकट्टु पंजलिउडे पायवडिए कण्हस्स वासुदेवस्स दोवइं
 देविं साहत्थि उवणेइ । तए णं से कण्हे वासुदेवे पडमनाभं एवं वयासी -
 हं भो पडमनाभा । अपत्थियुपत्थिया ४ किन्नं तुमं जाणसि मम भगिणिं
 दोवइं देविं इह हव्वमाणमाणे ? तं एवमवि गए नत्थि ते ममाहिंतो
 इयाणि भयंभत्थि त्तिकट्टु पडमनाभं पडिबिसज्जेइ दोवइं देविं गेण्हइ २
 रहं दुरुहेइ २ जेणेव पंच पंडवा तेणेव उवागच्छइ २ पंचण्हं पंडवाणं
 दोवइं देविं साहत्थि उवणेइ । तए णं से कण्हे पचहिं पंडवेहिं सद्धिं

अप्पच्छे छहिं र्हेहिं लङ्गणसमुदं मज्झमज्झेणं जेणेव जंबुदीवे २ तेणेव भारहे वासे तेणेव पहारेत्थ ामणाए ।

(६३०) तेणं कालेणं २ धायइस्संडे दीवे पुरत्थिरुद्धे भारहे वासे चपा नामं नयरी होत्था । पुण्णभहे चेइए । तत्थ णं चंपाए नयरीए कविले नामं वासुदेवे राया होत्था वण्णओ । तेणं कालेणं २ मुणिसुव्वए अरहा चंपाए पुण्णभहे समोसडे । कविले वासुदेवे धम्मं सुणेइ । तए ण से कविले वासुदेवे मुणिसुव्वयस्स अरहओ अंतिए धम्मं सुणेमाणे कण्हस्स वासुदेवस्स संखसहं सुणेइ । तए ण तस्स कविलस्स वासुदेवस्स इमेयारूवे अज्झात्थिए ४ समुप्पज्जित्था — किं मण्णे धायइस्संडे दीवे भारहे वासे दोवे वासुदेवे समुप्पजे जस्स णं अयं संखसहे ममं पिव मुहवायपूरिए वियंभइ ? कविले वासुदेवा भद्दा इ मुणिसुव्वए अरहा कविलं वासुदेवं एवं वयासी — से नूणं कविला वासुदेवा । ममं अंतिए धम्मं निसामेमाणस्स संखसहं आकिणित्ता इमेयारूवे अज्झात्थिए — किं मन्ने जाव वियंभइ । से नूणं कविला वासुदेवा । अहे समहे ? हंता । अत्थि । तं नो खलु कविला । एवं भूयं वा भव्वं वा भविस्सं वा जन्नं एगखेत्ते एगजुगे एगसमए ण दुवे अरहंता वा चक्कवट्ठी वा बलदेवा वा वासुदेवा वा उप्पज्जिसु वा उप्पज्जिति वा उप्पज्जिस्संति वा । एवं खलु वासुदेवा । जंबुदीवाओ २ भारहाओ वासाओ हत्थिणाउराओ नयराओ पडुस्स रत्तो सुण्हा पंचहं पंडवाणं भारिया दोवई देवी तव पउमनाभस्स रत्तो पुव्वसंगइएणं देवेणं अवरकंकं नयरिं साहरिया । तए णं से कण्हे वासुदेवे पचहिं पंडवेहिं सद्धिं अप्पच्छे छहिं र्हेहिं अवरकंकं रायहाणिं दोवईए देवीए कूवं हव्वमागए । तए णं तस्स कण्हस्स वासुदेवस्स पउमनाभेणं रत्ता सद्धिं संगामं सगामेमाणस्स अयं संखसहे तव मुहवाया० इहे इव वियंभइ । तए णं से कविले वासुदेवे मुणिसुव्वयं वंदइ नमंसइ २ एवं वयासी — गच्छामि णं अहं भंते । कण्हं वासुदेवं उत्तमपूरिसं मम मरिसपुरिसं पासामि । तए णं मुणिसुव्वए अरहा कविलं वासुदेवं एवं वयासी — नो खलु देवाणुप्पिया । एवं भूयं वा ३ जण्ण अरहंता वा अरहंतं पासंति

चक्कवट्ठी वा चक्कवट्ठिं पासंतिं बलदेवा वा बलदेवं पासंति वासुदेवा वा वासुदेवं पासंति । तहविथेणं तुमं कण्हस्स वासुदेवस्स लवणसमुद्धं मज्झमज्झेणं वीईवयमाणस्स सेयापीयाइं धयग्गाइं पासिहिंसि । तए णं से कविले वासुदेवे मुणिसुव्वयं वंदइ नमंसइ २ हत्थिखधं दुरुहइ २ सिग्घं तुरियं जेणेव वेलाकूले तेणेव उवागच्छइ २ कण्हस्स वासुदेवस्स लवणसमुद्धं मज्झमज्झेणं वीईवयमाणस्स सेयापीयाइं धयग्गाइं पासइ २ एवं वयइ — एस णं मम सरिसपुरिसे उत्तमपुरिसे कण्हे वासुदेवे लवणसमुद्धं मज्झमज्झेणं वीईवयइ त्तिकट्टु पंचयन्नं संखं परामुसइ २ मुहवायपूरियं करेइ । तए णं से कण्हे वासुदेवे कविलस्स वासुदेवस्स संखसइं आयण्णेइ २ पंचयन्नं जाव पूरियं करेइ । तए णं दोवि वासुदेवा संखसइसमायारिं करेति । तए णं से कविले वासुदेवे जेणेव अवरकंका तेणेव उवागच्छइ २ अवरकंका रायहाणिं संभग्गतोरणं जाव पासइ २ पडमनामं एवं वयासी — किन्नं देवाणुप्पिया । एसा अवरकंका संभग्गा जाव सन्निवइया । तए णं से पडमनामे कविलं वासुदेवं एवं वयासी — एवं खलु सामी । जंबुहीवाओ २ भारहाओ वासाओ इहं हव्वमागम्म कण्हेणं वासुदेवेणं तुब्भे परिभूय अवरकंका जाव सन्निवडिया । तए णं से कविले वासुदेवे पडमनाभस्स अंतिए एयमट्ठ सोच्चा पडमनामं एवं वयासी — हं भो पडमनाभा । अपत्थियपत्थिया ५ । किन्नं तुमं जाणसि मम सरिसपुरिसस्स कण्हस्स वासुदेवस्स बिप्पियं करेमाणे ? — आसुरुत्ते जाव पडमनामं दिव्विसयं आणवेइ पडमनाभस्स पुत्तं अवरकंकाए रायहाणीए महया २ रायाभिसेएणं अभिसिंचइ जाव पडिगए ।

(131) तए णं से कण्हे वासुदेवे लवणसमुद्धं मज्झमज्झेणं वीईवयइ ते पंचपंडवे एवं वयासी — गच्छइ णं तुब्भे देवाणुप्पिया । गगं महानइ उत्तरइ जाव ताव अहं सुट्ठियं लवणाहिवइं पासामि । तए णं ते पंच पंडवा कण्हेणं २ एवं वुत्ता समाणा जेणेव गंगा महानदी तेणेव उवागच्छंति २ एगाट्ठियाए नावाए मग्गणगवेसणं करेति २ एगाट्ठियाए नावाए गगं महानइ उत्तरंति २ अन्नमन्नं एवं घयंति — पट्ठू णं देवाणुप्पिया !

कण्हे वासुदेवे गंगं महानइं वाहहिं उत्तरिस्तए उदाहुं नो पद्दु उत्तूरित्तए
 तिक्कट्ठु एगट्ठियाओ णूमेति २ कण्हं वासुदेवं पडिवालेमाणा २ चिट्ठंति ।
 तए णं से कण्हे वासुदेवे सुट्ठियं लवणादिवइं पासइ २ जेणेव गंगा
 महानइं तेणेव उवागच्छइ २ एगट्ठियाए सव्वओ समंता मग्गणगवेसणं
 करेइ २ एगट्ठियं अपासमाणे एगाए वाहाए रहं सतुरगं ससारहिं गेण्हइ
 एगाए वाहाए गंगं महानइं वासट्ठिं जोयणाइं अद्धजोयणं च वित्थिण्णं
 उत्तरिउं पयत्ते यावि होत्था । तए णं से कण्हे वासुदेवे गंगाए महा-
 नइं बहुमज्झदेसभाए संपत्ते समाणे संते तंते परितंते बद्धसेए जाए
 यावि होत्था । तए णं तस्स कण्हस्स वासुदेवस्स इमेयारूत्ते अज्झत्थिए-
 अहो णं पंच पंडवा महावल्लगा जेहिं गंगामहानइं वावट्ठिं जोयणाइं
 अद्धजोयणं च वित्थिण्णा वाहाहि उत्तिण्णा । इच्छंतएहिं णं पंचहिं
 पंडवेहिं पउमनाभे हर्यमादिय जाव नो पडिसेहिए । तए णं गंगादेवी
 कण्हस्स वासुदेवस्स इमं एयारूत्ते अज्झत्थियं जाव जाणित्ता थाहं वियरइ ।
 तए णं से कण्हे वासुदेवे सुद्धुत्ततरं समासासेइ २ गंगं महानदिं वावट्ठिं जाव
 उत्तरइ २ जेणेव पंचपंडवा तेणेव उवागच्छइ पंच पंडवे एवं वयासी-
 अहो ण तुब्भे देवाणुप्पिया । महावल्लगा जेहिं णं तुब्भेहिं गंगामहानइं
 वावट्ठिं जाव उत्तिण्णा । इच्छंतएहिं णं तुब्भेहिं पउमनाहे जाव नो
 पडिसेहिए । तए णं ते पंच पंडवा कण्हेणं वासुदेवेणं एवं वुत्ता समाणा
 कण्हं वासुदेवं एवं वयासी-एवं खलु देवाणुप्पिया । अम्हे तुब्भेहिं
 विसज्जिया समाणा जेणेव गंगा महानइं तेणेव उवागच्छामो २ एगट्ठियाए
 मग्गणगवेसणं त चेव जाव णूमेसो तुब्भे पडिवालेमाणा चिट्ठामो । तए
 णं से कण्हे वासुदेवे तेसिं पंचपंडवाणं अंतिए एयमट्ठं सोच्चा निसम्म
 आसुरुत्ते जाव तिवल्लियं एवं वयासी-अहो णं जया मए लवणसमुहं
 दुवे जोयणसयसहस्सवित्थिण्णं वीईवइत्ता पउमनाभं हर्यमादियं जाव
 पडिसेहित्ता अवरकंका संभग्गा दोवई साहत्थि उवणिया तया णं तुब्भेहिं
 मम माहप्पं न विजायं इयाणि जाणिस्सइ तिक्कट्ठु लोहदंढं परामुसइ
 पंचण्हं पंडवाणं रहे सुसूरेइ २ निव्विसए आणवेइ २ तत्थ णं रहमहणे

नामं कोइ निविट्ठे । तए णं से कण्हे वासुदेवे जेणेव सए खंधावारे तेणेव उवागच्छइ २ सएणं खंधावारेणं साद्धिं अभिसमन्नागए यावि होत्था । तए णं से कण्हे वासुदेवे जेणेव बारवई नयरी तेणेव उवागच्छइ २ अणुप्पविसइ ।

(13th) तए णं ते पंचपंडवा जेणेव हत्थिणाउरे तेणेव उवागच्छंति २ जेणेव पंडू राया तेणेव उवागच्छंति २ करयल जाव एवं वयासी— एवं खलु ताओ । अम्हे कण्हेणं निव्विसया आणत्ता । तए णं पंडूराया ते पंचपंडवे एवं वयासी—कहणं पुत्ता । तुम्हे कण्हेणं वासुदेवेणं निव्विसया आणत्ता ? तए णं ते पंचपंडवा पंडुं रायं एवं वयासी— एवं खलु ताओ । अम्हे अवरकंकाओ पडिनेयत्ता लवणसमुदं दोन्नि जोयण-सयसहस्साइं वीईवइत्था । तए णं से कण्हे वासुदेवे अम्हे एवं वयइ— गच्छइ णं तुम्हे देवाणुप्पिया । गंगं महानइं उत्तरइ जाव ताव अहं एवं सहेव जाव चिट्ठामो । तए णं से कण्हे वासुदेवे सुट्ठियं लवणादिवइं दट्ठूण तं चेव सव्वं नवरं कण्हस्स चिंता न बुज्झइ जाव निव्विसए आणवेइ । तए णं से पंडूराया ते पंचपंडवे एवं वयासी— दुट्ठु णं तुमं पुत्ता । कयं कण्हस्स वासुदेवस्स विप्पियं करेमाणेहिं । तए णं से पंडूराया कौंति देविं सहावेइ २ एवं वयासी— गच्छइ णं तुमं देवाणुप्पिया । बारवई कण्हस्स वासुदेवस्स निवेएहि— एवं खलु देवाणुप्पिया । तुम्हे पंचपंडवा निव्विसया आणत्ता । तुमं च णं देवाणुप्पिया । दाहिणद्धुभरहस्स सामी । तं संदिसंतु णं देवाणुप्पिया । ते पंचपंडवा कयरं देस वा दिसिं वा गच्छंतु ? तए णं सा कौंती पंडुणा एवं पुत्ता समाणी हत्थिखंधं दुरुहइ जहा हेठा जाव संदिसंतु णं पिउच्छा । किमागमणपओयणं । तए णं सा कौंती कण्हं वासुदेवं एवं वयासी— एवं खलु तुम्हे पुत्ता । पंचपंडवा निव्विसया आणत्ता तुमं च णं दाहिणद्धुभरहस्स जाव दिसं वा गच्छंतु । तए णं से कण्हे वासुदेवे कौंति देविं २ एवं वयासी— अपूयवयणा णं पिउच्छा । उत्तमपुरिसा वासुदेवा बलदेवा चक्कवट्ठी । तं गच्छंतु णं पंचपंडवा दाहिणिछवेयालिं तत्थ पंडुमहुवरं भिवेसंतु मम अदिट्ठसेवगा भवंतु त्तिक्कट्ठ कौंति देविं

सक्कारेइ सम्मामोइ जाव पडिविसंजेइ । तए णं सां कौती जाव णं दुस्स
 मयमट्ठं निवेएइ । तए णं पंडू राया पंच पंडवे सहावेइ २ एवं वयासी -
 गच्छह णं तुम्हे पुत्ता ! दादिणिहं वेयालिं । तत्थ णं तुम्हे प्रंडुमहुरं
 निवेसेइ । तए णं ते पंचपंडवा पंडुस्स रत्तो जाव तहत्ति पण्हिसुणेति २
 सबलवाहणा हयगया हत्थिणाउराओ पडिनिक्खमंति २ जेणेव
 दक्खिणिह्णे वेयाली तेणेव उवागच्छंति २ पंडुमहुरं नाम नगरं निवेसंति ।
 तत्थावि णं ते विपुलभोगसमिइसमन्नागया यावि होत्था ।

• (133) तए णं सा दोवई देवी अन्नया कयाइ आवन्नसत्ता
 जायावि होत्था । तए णं सा दोवई देवी नवण्हं मासाणि याव सुखं
 दारगं पयाया सुमालं निव्वत्तारसाइस्स इमं एयारुवं - जम्हा णं अम्हं
 एस दारए पंचण्हं पंडवाणं पुत्ते दोवईए देवीए अत्तए तं होऊ णं
 इमस्स दारगस्स नामधेज्जं पंडुसेणे ति । तए णं तस्स दारगस्स अम्मा-
 पियरो नामधेज्जं करंति पंडुसेणत्ति । वावत्तरिं कलाओ जाव अलंभोग-
 समत्थे जाए जुवराया जाव विहरइ । थेरा समोसढा परिसा निगया ।
 पंडवा निगया घम्मं सोच्चा एवं वयासी - जं नवरं देवाणुप्पिया ! दोवई
 देवि आपुच्छामो पंडुसेणं च कुमारं रत्ते ठावेमो तओ पच्छा देवाणु-
 प्पियाणं अंतिए मुंढे भवित्ता जाव पव्वयामो । अहासुहं देवाणुप्पिया ।
 तए णं ते पंचपंडवा जेणेव सए गिहे तेणेव उवागच्छंति २ दोवई
 देवि सहावेति २ एवं वयासी - एवं खलु देवाणुप्पिए । अम्हेहिं थेराणं
 अंतिए घम्मे निसंते जाव पव्वयामो । तुमं णं देवाणुप्पिए । किं करेसि ?
 तए णं सा दोवई ते पंचपंडवे एवं वयासी - जइ णं तुम्हे देवाणुप्पिया ।
 संसारभउव्विग्गा जाव पव्वयह मम के अन्ने आलवे वा जाव भविस्सइ ?
 अहं पि य णं संसारभउव्विग्गा देवाणुप्पिहिं साद्धिं पव्वइस्सामि । तए
 णं ते पंचपंडवा पंडुसेणस्स अभिसेओ जाव राया जाए जाव रज्जं
 पसाहेमाणे विहरइ । तए णं ते पंचपंडवा दोवई यू देवी अन्नया कयाइ
 पंडुसेणं रायाणं आपुच्छंति । तए णं से पंडुसेणे राया कोहुंवियपुरिसे
 सहावेइ २ एवं वयासी - खिप्पामेव मो ! देवाणुप्पिया ! निक्खमणा-

मिसेज् जाव उवट्ठवेहं पुरिससंहस्सवाहिणीओ सिवियाओ उवट्ठवेह जाव पञ्चोरुहंति जेणेव थेरा भगवतो तेणेव उवागच्छंति जाव आलिच्चे णं जाव समणा जाया चोइस्स पुब्बाइं अहिज्जंति २ बहूणि वात्साणि छट्ठम-दसमदुवालोसेहिं मासद्वमासखमणेहिं अप्पाणं भावेमाणा विहरंति ।

(194) तए णं सा दोवई देवी सीयाओ पञ्चोरुहइ जाव पव्वइया सुवयाए अज्जाए सिस्सिणियत्ताए दलयइ एक्कारसु अंगाइं अहिज्जइ बहूणि वासाणि छट्ठमदसमदुवालोसेहिं जाव विहरइ ।

(195) तए णं थेरा भगवतो अन्नया कयाइ पंडुमड्डराओ नमरीओ सहसंबवण्णओ उज्जाणाओ पडिनिक्खमंति २ बहिया जणवयविहारं विहरंति । तेणं कालेणं २ अरहा अरिद्विनेमी जेणेव सुरट्ठाजणवए तेणेव उवागच्छइ २ सुरट्ठाजणवयंसि संजमेणं तवसा अप्पाणं भावेमाणे विहरइ । तए णं बहूजणो अन्नमन्नस्स एवमाइक्खइ ४ - एवं खलु देवाणुप्पिया ! अरहा अरिद्विनेमी सुरट्ठाजणवए जाव विहरइ । तए णं ते जुहिद्विल्लपामोक्खा पंच अणगारा बहुजणस्स अंतिए एयमट्ठं सोच्चा अन्नमन्नं सहावेति २ एवं वयासी - एवं खलु देवाणुप्पिया ! अरहा अरिद्विनेमी पुब्बाणुप्पुज्जि जाव विहरइ । तं सेयं खलु अम्हं थेरा आपुच्छित्ता अरहं अरिद्विनेमिं वंदणाए गमित्तए अन्नमन्नस्स एयमट्ठं पडिसुणेंति २ जेणेव थेरा भगवतो तेणेव उवागच्छंति २ थेरे भगवते वंदंति नमंसंति २ एवं वयासी - इच्छामो णं तुब्भेहिं अब्भणुत्ताया समाणा अरहं अरिद्विनेमिं जाव गमित्तए । अहासुहं देवाणुप्पिया ! तए णं ते जुहिद्विल्लपामोक्खा पंच अणगारा थेरेहिं अब्भणुत्ताया समाणा थेरे भगवते वंदंति नमंसंति २ थेराणं अंतियाओ पडिनिक्खमंति मासंमासेणं अणिक्खित्तेणं तवोक्खमेणं गामाणुगामं दूइज्जमाणा जाव जेणेव हत्थकप्पे तेणेव उवागच्छंति हत्थ-कप्पस्स बहिया सहसंबवणे उज्जाणे जाव विहरंति । तए णं ते जुहिद्विल्लवज्जा चत्तारि अणगारा मासक्खमणपारणए पढमाए पोरिसीए सब्बायं करेति बीयाए एवं जह्वा गोयमसामी नवरं जुहिद्विल्लं आपुच्छंति जाव अब्भमाणा बहुजणसहं निसामेति । एवं खलु देवाणुप्पिया ! अरहा

अरिद्धनेमी उज्जंतसेलसिहरे मासिएणं भत्तेणं अपाणएणं पंचहिं
 छत्तीसेहिं अणगारसएहिं सद्धि कालगए जाव पहीणे । तए णं ते जुहिद्धि-
 वज्जा चत्तारि अणगारा बहुअणस्स अंतिए सोच्चा हस्थिकप्पाओ पडि-
 निक्खमंति २ जेणेव संहसंववणे उज्जाणे जेणेव जुहिद्धिअं अणगारे
 तेणेव उवागच्छंति २ भत्तपाणं पच्चक्खंति २ गमणागमणस्स पडिक्खमंति २
 एसणमणेसणं आलोएपति २ भत्तपाण पडिदसेंति २ एवं वयासी -
 एवं खलु देवाणुप्पिया जाव कालगए । तं सेयं खलु अम्हं देवाणुप्पिया !
 इम पुव्वगहियं भत्तपाणं परिद्धवेत्ता सेत्तुं पव्वयं सणियं २ दुरुहत्तए
 संलेहणाद्दसणाद्दोसियाणं कालं अणवेक्खमाणाण विहरंति । तिकट्ठ
 अन्नमन्नस्स एयमहं पडिसुणोति २ तं पुव्वगहियं भत्तपाण एगते परि-
 ष्वेति २ जेणेव सेत्तुं पव्वए तेणेव उवागच्छंति २ सेत्तुं पव्वयं
 सणियं २ दुरुहति जाव कालं अणवेक्खमाणा विहरंति । तए णं ते
 जुहिद्धिअं पामोक्खा पंच अणगारा सामाइयमाइयाइं चोइसपुव्वाइं
 अहिज्जंति बहूणि वासाणि दोमासियाए संलेहणाए अत्ताणं दोसेत्ता
 जस्सट्ठाए कीरइ नग्गभावे जाव तमहमाराहेति २ अणते जाव
 केवलवरनाणदंसणे समुप्पन्ने जाव सिद्धा ।

(136) तए णं सा दोवई अज्जा सुव्वयाणं अज्जियाणं अंतिए
 सामाइयमाइयाइ एक्कारस अंगाइं अहिज्जइ २ बहूणि वासाणि मासियाए
 संलेहणाए आलोइयपडिक्कंता कालमासे कालं किच्चा वंभलोए उववन्ना ।
 तत्थ णं अत्थेगइयाणं देवाणं दस सागरोवमाइं ठिई पन्नत्ता । तत्थ णं
 दुव्वयस्स वि देवस्स दससागरोवमाइं ठिई पन्नत्ता । से णं मंते ! दुव्वए
 देवे ताओ जाव महाविदेहे वासे जाव अंतं काहिइ ।

एवं खलु जंवू ! समणेणं भगवया महावीरेणं जाव संपत्तेणं
 सोलसमस्स नायज्जयणस्स अयमट्ठे पन्नत्ते तिबेमि ।

॥ संत्तरसमं अञ्जयणं ॥

(137) जइ णं भंते । समणेणं ० सोद्धसमस्स नायज्झयणस्स अयु-
महे पन्नत्ते सत्तस्समस्स नायज्झयणस्स के अहे पन्नत्ते । एवं खलु जंबू ।
तेण कालेणं २ हत्थिसीसे नामं नयरे होत्था वण्णओ । तत्थ णं कणगकेऊ
नामं राया होत्था वण्णओ । तत्थ णं हत्थिसीसे नयरे बहवे सज्जुत्ता-
नावावाणियगा परिवसंति अट्ठा जाव बहुजणस्स अपरिभूया यावि होत्था ।
तए णं तेसिं सज्जुत्तानावावाणियगाण अन्नया कयाइ एगयओ जहा अरह-
न्नए जाव लवणसमुद्धं अणेगाइं जोयणसयाइं ओगाढा यावि होत्था । तए
ण तेसिं जाव बहूणि उप्पायसयाइं जहा माकदियदारगाण जाव कालियवाए
य तत्थ संमुच्छिंए । तए णं सा नावां शेणं कालियवाएणं आर्घुणिज्ज-
माणी २ सचालिज्जमाणी २ संखोहिज्जमाणी २ तत्थेव परिभमइ । तए
णं से निज्जामए नट्ठमईए नट्ठसुईए नट्ठसन्ने मूढदिसाभाए जाए यावि
होत्था न जाणइ कयं दिसं वा विदिसं वा पोयवहणे अवहिए त्तिक्कट्ठ
ओहयमणसंकप्पे जाव झियायइ । तए णं ते बहवे कुच्छिधारा य कण-
धारा य गम्भेळंगा य संजुत्तानावावाणियगा य जेणेव से निज्जामए
तेणेव उवागच्छंति २ एवं वयासी — किन्नं तुमं देवाणुप्पिया । ओहय
मणसंकप्पे झियायसि । तए णं से निज्जामए ते बहवे कुच्छिधारा य ४
एवं वयासी — एवं खलु अहं देवाणुप्पिया । नट्ठमईए जाव अवहि-
त्तिक्कट्ठ तओ ओहयमणसंकप्पे । तए णं ते कणधारा य ४ तस्स
निज्जामयस्संतिए एयमट्ठं सोच्चा निसम्म भीया ४ ण्हाया कयबलिकम्मा
करयल जाव बहूणं इंदाण य खंधाण य जहा मल्लिनाए जाव उवायमाणा २
चिट्ठंति । तए णं से निज्जामए तओ मुहुत्तंतरस्स लट्ठमईए ३ अमूढ-
दिसाभाए जाए यावि होत्था । तए णं से निज्जामए ते बहवे कुच्छि-
धारा य ४ एवं वयासी — एवं खलु अहं देवाणुप्पिया । लट्ठमईए जाव
अमूढदिसाभाए जाए । अम्हे ण देवाणुप्पिया । कालियदीवतेणं संट्ठंढा ।
एस ण कालियदीवे आलोक्किइ । तए णं ते कुच्छिधारा य ४ तस्स
निज्जामगस्स अंतिए एयमट्ठं सोच्चा हट्ठुट्ठा पयक्खिणाणुकूलेणं वाएणं

जेणेव कालियदीवे तेणेव उवागच्छंति २ पोयवहणं लवेंति २ एगट्ठियाहिं
 कालियदीवं उत्तरंति । तत्थ णं वहवे हिरण्णागरे य सुवण्णागरे
 य रयणागरे य वड्डरागरे य वहवे तत्थ आसे पासति किं ते ? हरि-
 रेणुसोणिसुत्तग आइणवेदो । तए णं ते आसाओ वाणियए पासंति तेसिं
 गंधं आघायंति भीया नत्था उव्विग्गा उव्विग्गमणा तओ अणेगाइ
 जोयणाइ उव्वमंति । ते णं तत्थ पडरगोयरा पडरवणपाणिया निव्वया
 निरुव्विग्गा सुहंसुहेणं विहरंति । तए णं ते संजुत्तानावावाणियगा
 अन्नमन्नं एवं वयासी - किन्नं अम्हं देवाणुप्पिया ! आसेहिं ? इमे णं
 वहवे हिरण्णागरा य सुवण्णागरा य रयणागरा य वयरगरा य । तं सेयं
 खलु अम्हं हिरणस्स य सुवणस्स य रयणस्स य वयरस्स य पोयवहण
 भरित्तए चित्तदट्ठ अन्नमन्नस्स एयमद्व पडिसुणेंति २ हिरणस्स य सुवणस्स
 य रयणस्स य वयरस्स य तणस्स य कट्ठस्स य अन्नस्स य पाणियस्स
 य पोयवहणं भरेति २ दक्खिणाणुकूलेणं वाएणं जेणेव गंभीरपोयपट्टणे
 तेणेव उवागच्छति २ पोयवहणं लवेंति २ सगढीसागडं सज्जेति २ तं
 हिरण्ण जाव वड्डर च एगट्ठियाहिं पोयवहणाओ संचारेंति २ सगढीसागडं
 संजोएंति जेणेव हत्थिसीसे नयरे तेणेव उवागच्छति २ हत्थिसीसयस्स
 नयरस्स वहिया अगुज्जाणे सत्थनिवेसं करेंति २ सगढीसागडं मोएंति २
 महत्थं जाव पाहुडं गेण्हंति २ हत्थिसीसं च नयरं अणुप्पविसंति २
 जेणेव से कणगकेऊ तेणेव उवागच्छंति २ जाव उवणेंति । तए णं से
 कणगकेऊ तेसिं संजुत्तावाणियगाणं तं महत्थं जाव पटिच्छइ २ ते
 संजुत्तावाणियगा एवं वयासी - तुव्वे णं देवाणुप्पिया ! गामागर जाव
 आहिंढह लवणसमुहं च अभिक्खणं २ पोयवहणेणं ओगाहेह । तं
 अत्थियाइ त्थं केइ भे कहिंचि अच्छेरए दिट्ठपुण्वे ? तए णं ते संजुत्ता-
 वाणियगा कणगकेऊ एवं वयासी - एव खलु अम्हे देवाणुप्पिया !
 इहेव हत्थिसीसे नयरे परिवसामो त चेव जाव कालियदीवतेणुं संट्ठंढा ।
 तत्थ णं वहवे हिरण्णागरा य जाव वहवे तत्थ आसे । किं ते ? हरिरेणु
 जाव अणेगाइ जोयणाइ उव्वमंति । तए णं सामी ! अम्हेहिं कालियदीवे

ते आसा अच्छेरए दिट्ठपुण्वे । तए ण से कणगकेऊ, तेसि संजुत्ताणं
 भंतिए एयमंडं सोच्चा ते संजुत्तए एवं वयासी - गच्छह णं तुम्हे
 देवानुप्पिया । भम कोडुवियपुरिसेहिं सद्धिं कालियदीवाओ ते आसे
 आणेह । तए ण ते सजुत्तावाणियगा कणगकेऊ एवं वयासी - एत्तं सामि त्ति
 आणाए विणएणं वयण पडिसुणेंति । तए ण से कणगकेऊ, कोडुवियपुरिसे
 सहावेइ २ एवं वयासी - गच्छह णं तुम्हे देवानुप्पिया । संजुत्तएहिं
 नावावाणियएहिं सद्धिं कालियदीवाओ भम आसे आणेह । तेवि
 पडिसुणेंति । तए णं ते कोडुविया सगडीसागड सज्जेति २ तस्य णं वहूणं
 वीणाण य वत्तकीण य भामरीण य कच्छभीण य भमाण य छन्नामरीण य
 विचित्तवीणाण य अन्नेसिं च वहूणं सीयंदिअपाउग्गाणं दन्वाणं सगडी-
 सागडं भरेति २ वहूणं किण्हाण य जाव सुक्खिमाण य कट्टकम्माण य ४
 गथिमाण य ४ जाव संघाइमाण य अन्नेसिं च वहूणं चर्क्सिदियपाउग्गाणं
 दन्वाणं सगडीसागडं भरेति २ वहूणं कोट्टपुडाण य केयइपुडाण य जाव
 अन्नेसिं च वहूणं घाणिंदियपाउग्गाणं दन्वाणं सगडीसागडं भरेति २ वहुस्स
 खंडस्स य गुलस्स य सक्कराए य मच्छंडियाए य पुप्फुत्तरपडुत्तरं
 अन्नेसिं च जिन्मिदियपाउग्गाणं दन्वाणं सगडीसागडं भरेति २ अन्नेसिं
 च वहूणं कोयवाण य कंबलाण य पावाराण य नवतयाण य मलयाण य
 मसूराण य सिळावट्टाण य जाव हंसगन्माण य अन्नेसिं च फासिंदिय-
 पाउग्गाणं दन्वाणं सगडीसागडं भरेति २ सगडीसागडं जोयंति २ जेणेव
 गंभीरए पोयट्टोणे तेणेव उवागच्छंति सगडीसागडं मोयंति २ पोयवहण
 सज्जेति २ तेसिं उक्किट्ठाणं सहफरिसरसरूवगंधाणं कट्टस्स य तणस्स य
 पाणियस्स य तट्टलाण य समियस्स य गोरसस्स य जाव अन्नेसिं च वहूणं
 पोयवहणपाउग्गाणं पोयवहणं भरेति २ दक्खिणाणुकूलेण वाएणं जेणेव
 कालियदीवे तेणेव उवागच्छंति २ पोयवहणं लवेंति २ तां उक्किट्ठां
 सहफरिसरसरूवगंधां एगट्टियाहिं कालियदीवं उत्तारंति २ जहिं जहिं
 च ण ते आसा आसंयंति वा सयंति वा चिट्ठंति वा तुयंठंति वा तहिं तहिं
 च ण ते कोडुवियपुरिसा ताओ वीणाओ य जाव चित्तवीणाओ य

अन्नाणि बहूणि सोयंदियपाउग्गाणि य दब्बाणि समुदीरेमाणा ठ्वेति
 तेसिं च परिपेरंतेणं पासे ठ्वेति निच्चला निष्फदा तुसिणीया चिट्ठंति ।
 जत्थ जत्थ ते आसा आसयंति वा जाव तुयट्ठंति वा तत्थ तत्थ, णं ते
 कोहुविया नहूणि किण्हाणि य कट्टकम्माणि य जाव सघाड्माणि य
 अन्नाणि य बहूणि चक्खिदियपाउग्गाणि य दब्बाणि ठ्वेति तेसिं परि-
 पेरंतेणं पासए ठ्वेति २ निच्चला निष्फदा तुसिणीया चिट्ठंति । जत्थ जत्थ
 ते आसा आसयंति तत्थ तत्थ ते णं तेसिं बहूणं कोट्टपुट्ठाणं य अन्नोसिं च
 घाणिदियपाउग्गाणं दब्बाणं पुंजे य नियरे य करेति २ तेसिं परिपेरंते
 तत्थ तत्थ चिट्ठंति । जत्थ जत्थ णं ते आसा आसयंति ४ तत्थ तत्थ
 गुलस्स जाव अन्नोसिं च बहूणं जिम्भिदियपाउग्गाणं दब्बाणं पुंजे य
 नियरे य करेति २ वियरए खणंति २ गुलपाणगस्स खंडपाणगस्स
 पौरपाणगस्स अन्नोसिं च बहूणं पाणगीणं वियरए भरंति २ तेसिं परि-
 पेरंतेणं पासए ठ्वेति जाव चिट्ठंति । जहिं जहिं च णं ते आसा तहिं तहिं
 च ते वहवे कोयवया जाव सिलावट्ठया अन्नाणि य फासिदियपाउग्गाइं
 अत्थुयपच्चत्थुयाइं ठ्वेति २ तेसिं परिपेरंतेणं जाव चिट्ठंति । तए णं ते
 आसा जेणेव ते उक्किट्ठा सदफरिसरसरूवगंधा तेणेव उवागच्छंति ।
 तत्थ णं अत्थेगइया आसा अपुब्बा णं इमे सदफरिसरसरूवगंधा
 तिकट्ठु तेसु उक्किट्ठेसु सदफरिसरसरूवगंधेसु अमुच्छिया ४ तेसिं
 उक्किट्ठाणं सद जाव गंधाणं दूरंदूरेण अवक्कमंति २ ते णं तत्थ पडरगोर्यरा
 पडरतणपाणिया निब्भया निरुव्विग्गा सुहंसुहेणं विहरंति । एवामेव
 समणाउसो । जो अन्हं निग्गंथो वा निग्गंथी वा सदफरिस जाव नो सज्जइ
 से णं इहलोए चेव बहूणं समणाणं ४ अन्नाणिज्जे जाव वीईवइस्सइ ।

(188) तत्थ णं अत्थेगइया आसा जेणेव उक्किट्ठा सदफरिस-
 रसरूवगंधा तेणेव उवागच्छंति २ तेसु उक्किट्ठेसु सहेसु ५ मुच्छिया जाव
 अज्झोववन्ना आसेविउं पयत्ता यावि होत्था । तए णं ते आस्र ते उक्किट्ठे
 सहे ५ आसेवमाणा तेहिं बहूहिं कूडेहिं य पासेहिं य गुलएसु य पाएसु
 य वज्झंति । तए णं ते कोहुंविया ते आसे गिण्हंति २ एगट्ठियाहिं

पोयवद्दणे संचारंति २ तणस्स य कट्ठस्स य ज्जव भेरंति । तए णं ते संजुत्ता दक्खिणाणुकूलेण चाएणं जेणेव गंभीरए पोयपट्टणे तेणेव उवा-
गच्छंति २ पोयवद्दणं लंबेति २ ते आसे उच्चारंति २ जेणेव हत्थिंसीसे नये जेणेव कणगकेऊ राया तेणेव उवागच्छंति २ करयल जाव वद्धा-
वेंति ते आसे उवणेंति । तए णं से कणगकेऊ तेसिं संजुत्तावाणियगाणं उस्तुक्कं वियरइ २ सक्कारेइ संमाणेइ २ पडिविसल्लेइ । तए णं से कणग-
केऊ कोहुंबियपुरिसे सदावेइ २ सक्कारेइ संमाणेइ २ पडिविसल्लेइ । तए णं से कणगकेऊ राया आसमइए सदावेइ २ एवं वयासी - तुव्भे
णं देवाणुप्पिया १ मम आसे विणएह । तए णं ते आसमइगा तहत्ति पडिमुणेंति २ ते आसे बहूहिं मुहबंधेहि य कण्णबंधेहि य नासाबंधेहि
य वालबंधेहि य खुरबंधेहि य कडगबंधेहि य खल्लिणबंधेहि य अहिल्लिण-
बंधेहि य पडियाणेहि य अंकणाहि य वित्तप्पहारेहि य लयप्पहारेहि
य कसप्पहारेहि य छिवप्पहारेहि य विणयंति कणगकेउस्स रज्जो उवणेंति ।
तए णं से कणगकेऊ ते आसमइए सक्कारेइ २ पडिविसल्लेइ । तए णं ते
आसा बहूहिं मुहबंधेहि य जाव छिवापहारेहि य बहूणि सारीरमाणसां
दुक्खाइ पावेंति । एवामेव समणाउसो १ जो अम्ह निग्गंथो वा निग्गंथी
वा पव्वइए समाणे इट्ठेसु सद्धफरिसरसरूवगंधेसु सज्जइ रज्जइ गिज्जइ
मुज्जइ अज्जोववज्जइ से णं इहलोए चैव बहूणं समणाणं बहूणं समणीणं
जाव सावियाणं हीलणिज्जे जाव अणुपरियट्ठइ ।

(गाहा):— कलरिभियमहुरतंतीतलतालवंसकउंढाभिरामेसु । सहेसु
रज्जमाणा रमंति सोइंदियवसट्ठा ॥१॥ सोइंदियदुइंतत्तणस्स अह एत्तिओ
हवइ दोसो । दीविगरुयमसहंतो ब्रह्मबंधं तित्तिरो पत्तो ॥२॥ थणजइण-
वयणकरचरणनयणगाव्वियाविल्लासियगएसु । रुवेसु १ रज्जमाणा रमंति
चक्खिंदियवसट्ठा ॥३॥ चक्खिंदियदुइंतत्तणस्स अह एत्तिओ हवइ
दोसो । जं ज्जलणंमि जलंते पडइ पयंगो अबुद्धीओ ॥४॥ अगरुवर-
पवरधूवणउयमल्लाणुलेवणविहीसु । गंधेसु रज्जमाणा रमंति घाणिंदिय-
वसट्ठा ॥५॥ घाणिंदियदुइंतत्तणस्स अह एत्तिओ हवइ दोसो । जं ओसहि-

गंधेण विलाओ निद्धावई उरगो ॥६॥ तित्तकडुयं कसायं अंविई महुरं
 बहुखल्लपेज्जलेज्जेसु । आसायंमि उ गिद्धा रमंति जिन्मिभदियवसट्ठा ॥७॥
 जिन्मिभदियदुहंतत्तणस्स अह एत्तिओ हंवइ दोसो । जं गललगुक्खित्तो
 फुरइ थल्लविरेल्लिओ मच्छो ॥८॥ उउभयमाणसुहेहिं य सविमवहियय-
 मणनिव्वुइकरेहिं । फासेसु रज्जमाणा रमंति फासिंदियवसट्ठा ॥९॥
 फासिंदियदुहंतत्तणस्स अह एत्तिओ हवइ दोसो । जं खणइ मत्थयं
 कुंजरस्स लोहकुसो तिव्वो ॥१०॥ कलशिभियमहुरवंतीतलत्तालवंस-
 कउहाभिरामेसु । सहेसु जे न गिद्धा वसट्ठमरणं न ते मरण ॥११॥
 थणजहणवयणकरचरणनयणगव्वियविलासियगईसु । रूवेसु जे न रत्ता
 वसट्ठमरणं न ते मरण ॥१२॥ अगरुवरपवरधूवणउउयमल्लाणुलेवण-
 विहीसु । गधेसु जे न गिद्धा वसट्ठमरणं न ते मरण ॥१३॥ तित्तकडुय
 कसायं महुरंववहुखल्लपेज्जलेज्जेसु । आसायंमि न गिद्धा वसट्ठमरणं न
 ते मरण ॥१४॥ उउभयमाणसुहेसु य सविमवहिययमणनिव्वुइकरेसु ।
 फासेसु जे न गिद्धा वसट्ठमरणं न ते मरण ॥१५॥ सहेसु य भइय-
 पावएसु सोयविसयं उवागएसु । तुट्ठेण व रुट्ठेण व समणेण सया न
 होयव्वं ॥१६॥ रूवेसु य भइयपावएसु चक्खुविसयं उवगएसु । तुट्ठेण
 व रुट्ठेण व समणेण सया न होयव्वं ॥१७॥ गंधेसु य भइयपावएसु
 घाणविसयमुवगएसु । तुट्ठेण व रुट्ठेण व समणेण सया न होयव्वं ॥१८॥
 रसेसु य भइयपावएसु जिन्मविसयमुवगएसु । तुट्ठेण व रुट्ठेण
 व समणेण सया न होयव्वं ॥१९॥ फासेसु य भइयपावएसु काय-
 विसयमुवगएसु । तुट्ठेण व रुट्ठेण व समणेण सया न होयव्वं ॥२०॥
 एवं खल्ल जंवू । समणेणं भगवया महावीरेणं जाव संपत्तेण
 सत्तरसमरस नायज्जयणस्स अयमट्ठे पन्नत्ते त्तिवेमि ।

॥ अट्टारसमं अज्झयणं ॥•

(139) जइ णं भंते । समणेणं० सत्तरसमस्स अयमट्ठे पन्नत्ते०
अट्टारसमस्स के अट्ठे पन्नत्ते ? एवं खुल्लु जंषू ! तेणं कालेणं २ राय-
गिहे नामं नूथरे होत्था वण्णओ । तत्थ णं धणे नामं सत्थवाहे होत्था
भद्दा भारिया । तस्स णं धणस्स सत्थवाहस्स पुत्ता भद्दाए अत्तया पंच
सत्थवाहदारगा होत्था तंजहा — धणे धणपाले धणदेवे धणगोवे धण-
रक्खिए । तस्स णं धणस्स सत्थवाहस्स धूया भद्दाए अत्तया पंचण्हं पुत्ताण
अणुमग्गजाइया सुंसुमा नामं दारिया होत्था सुमालपाणिपाया । तस्स णं
धणस्स सत्थवाहस्स चिलाए नाम दासचेडे होत्था अहीणपंचिदियसरीरे
मंसोवचिए वालकीलावणकुसले यावि होत्था । तए णं से दासचेडे सुंसुमाए
दारियाए वालग्गाहे जाए यावि होत्था सुंसुमं दारियं कडीए गिण्हइ २
वहूहिं दारएहि य दारियाहि य डिंभएहि य डिंभियाहि य कुमारएहि य
कुमारियाहि य सार्विं अभिरममाणे २ विहरइ । तए णं से चिलाए
दासचेडे तेसिं वहूण दारयाण य ६ अप्पेगइयाणं खुल्लए अवहरइ एवं वट्टए
आंडोलियाओ तिंदूसए पोत्तुंल्लए सार्विंल्लए । अप्पेगइयाण आभरणमल्ल-
लंकारं अवहरइ अप्पेगइए आउसइ एवं अवहसइ निच्छोडेइ निच्चच्छेइ
तज्जेइ अप्पेगइए तालेइ । नए णं ते वहवे दारगा य ६ रोयमाणा य ५
साणं साण अस्मापिऊण निवेदंति । तए णं तेसिं वहूणं दारगाण य ६
अस्मापियरो जेणेव धणे सत्थवाहे तेणेव उवागच्छंति २ धणं २ वहूहिं
खिज्जाणिंयाहि य रुंटनाहि य उपालभंणाहि य खिज्जमाणा य रुंटनाणा य
उवालंभमाणा य धणस्स २ एयमट्ठं निवेदंति । तए णं से धणे २ चिलायं
दासचेडं एयमट्ठं भुज्जो भुज्जो निवारेइ नो चेव णं चिलाए दासचेडे उव-
रमइ । तए णं से चिलाए दासचेडे तेसिं वहूणं दारगाण य ६ अप्पे-
गइयाणं खुल्लए अवहरइ जाव तालेइ । तए णं ते वहवे दारगा य ६ रोय-
माणा य जाव अस्मापिऊण निवेदंति । तए णं ते आसुरुत्ता ५ जेणेव
धणे २ (तेणेव उवागच्छंति) २ वहूहिं खिज्जणाहि जाव एयमट्ठं निवेदंति ।
तए णं से धणे २ वहूण दारगाणं ६ अस्मापिऊणं अंतिए एयमट्ठं सोच्चा

आसुरुत्ते चिलायं दासचेहं उच्चावयाहिं आउसणाहि आउसइ ४८सइ
निर्विभंइ निच्छोडेइ तजेइ उच्चावयाहिं तालणाहिं तालेइ साओ गिहाओ
निच्छुमंइ ।

(140) तए णं से चिलाए दासचेहे साओ गिहाओ निच्छूढे
समाणे रायगिहे नयरे सिंघाडग जाव पहेसु देवकुलेसु य सभासु य
पवासु य जूयखलएसु य वेसाघरएसु य पाणघरएसु य सुहंसुहेणं
परिवह्णं । तए णं से चिलाए दासचेहे अणोहट्टिए अणिवारिए
सच्छंमइ सइरप्पयारी मज्जप्पसंगी चोर्जप्पसंगी जूयप्पसंगी
वेसप्पसंगी परदारप्पसंगी जाए यावि होत्था । तए ण रायगिहस्स
नयरस्स अदूरसामते दाहिणपुरत्थिमे दिसीभाए सीहगुहा नामं चोर-
पल्ली होत्था विसमगिरिकडगकोलं वसन्निविट्ठा वंसीकलंकपागारपरि-
क्खत्ता छिन्नसेलविसमप्पवायफरिहोवगूढा एगदुवारा अणेगखंडी
विदितजणनिग्गमप्पवेसा अट्ठिभतरपाणिया सुट्ठुल्लभजलपेरंता सुवहुस्सवि
कूवियवलस्स आगयस्स दुप्पहसा यावि होत्था । तत्थ णं सीहगुहाए
चोरपल्लीए विजए नामं चोरसेणावई परिवसइ अहम्मिए जाव अहम्म-
केऊ समुट्टिए बहुनगरनिग्गयजसे सूर २ दढप्पहारी साहसिए सहवेही ।
से णं तत्थ सीहगुहाए चोरपल्लीए पंचणं चोरसयाणं आहवच्चं जाव
विहरइ । तए णं से विजए तफरे सेणावई वहुणं चोराण य पारदारियाण
य गंठिभेयगाण य संधिच्छेयगाण य खत्तखणगाण य रायावगारीण
य अणधारगाण य ढालघायगाण य वीसंभघायगाण य जूयकाराण
य खंडरक्खाण य अत्थेसिं च वहुणं छिन्नभिन्नवाहिराहयाणं कुंडगे यावि
होत्था । तए णं से विजए चोरसेणावई रायगिहस्स दाहिणपुरत्थिमं
जणवयं वहुहिं गौमघाएहि य नगरघाएहि य गोगहणेहि य वंदिग्गहणेहि
य पंथकुट्टणेहि य खत्तरणणेहि य उवीलेमाणे २ विद्धंसेमाणे २
निर्लीणं निद्धणं करेमाणे विहरइ । तए णं से चिलाए दासचेहए राय-
गिहे वहुहिं अत्थाभिसंकीहि य चोत्ताभिसंकीहि य दाराभिसंकीहि य
धणएहि य जूयकरोहि य परब्भवंमाणे २ रायगिहाओ नगराओ

निगुह्ण २ जेणेव सीहगुहां चोरपल्ली तेणेव उवागच्छ २ विजयं
 चोरसेणावई उवसपज्जित्ताणं विहरइ । तए ण मे चिलाए दासचेटे
 विजयस्स चोरसेणावडस्स अग्गे अमिलट्ठिमाहे जाए यावि होत्था ।
 जाहे वि यं ण से विजए चोरसेणावई गामघाकं वा जाव पयुकोट्टि वा
 काड वण्ड ताहे वि य ण से चिलाए दासचेडे सुवहुपि कूवियवल हय-
 महिय जाव पडिसेहेइ २ पुणरावि लट्ठे कयरुज्जे अणहम्ममग्गे सीह-
 गुहं चोरपल्ली हवमागच्छइ । तए णं से विजए चोरसेणावई चिलाय
 तंकरं बहूओ चोरविज्जाओ य चोरमते य चोरमायाओ य चोरनिगुडीओ
 य सिक्खावेइ । तए णं से विजए चोरसेणावई अन्नया कयाइ काल-
 धम्मणा संजुत्ते यावि होत्था । तए णं ताइ पंचचोरसयाइ विजयस्स
 चोरसेणावडस्स महया २ इट्ठीसक्कारसमुदएणं नीहरणं करेति २ बहूइ
 लोइयाइं मयकिचाइं करेति २ जाव विगयसोया जाया यावि होत्था । तए
 णं ताइ पंचचोरसयाइं अन्नमन्नं सहावेति २ एवं वयासी - एवं खलु
 अम्हं देवाणुप्पिया । विजए चोरसेणावई कालधम्मणा संजुत्ते । अयं च
 ण चिलाए तक्करे विजएणं चोरसेणावइणा बहूओ चोरविज्जाओ य जाव
 सिक्खावेए । तं सेयं खलु अम्हं देवाणुप्पिया । चिलायं तक्करं सीहगुहाए
 चोरपल्लीए चोरसेणावइत्ताए अभिसिंचित्तए तिकट्ठु अन्नमन्नस्स एयमट्ठं
 पडिसुणेंति २ चिलायं सीहगुहाए चोरपल्लीए चोरसेणावइत्ताए अभि-
 सिंचति । तए णं से चिलाए चोरसेणावई जाए अहम्मिए जाव विहरइ ।
 तए णं से चिलाए चोरसेणावई चोरनायगे जाव कुडंगे यावि होत्था ।
 से णं तत्थं सीहगुहाए चोरपल्लीए पंचण्हं चोरसयाणं य एव जहा विजओ
 तहेव सव्वं जाव रायगिहस्स नयस्स दाहिणपुरात्थिमिहं जणवयं जाव
 नित्याणं निद्धणं करेमाणे विहरइ ।

(141) तए णं से चिलाए चोरसेणावई अन्नया कयाइ विपुलं
 असणं ४ इवक्खडावेइ २ ते पंच चोरसए आमतेइ तओ पच्छा ण्हाए
 कयवलिकम्मे भोयणंमहवंसि तेहिं पंचहिं चोरसएहिं सद्धिं विपुलं
 असणं ४ सुरं च जाव पसन्नं च आसाएमाणे ४ विहरइ भिमियभुत्तत्तरागए

ते पंच चोरसए विपुलेणं धूवपुर्णगंधमल्लालंकारेणं सक्कारेइ सम्माणेइ २ एवं वयासी - एवं खलु देवाणुप्पिया ! रायगिहे नयरे धणे नामं सत्यवाहे अडे ० । तस्स ण धूया भद्दाए अत्तया पंचण्ह पुत्ताणं अणुमग्गजाइया सुसुमा नामं दारिया होत्था अहीणा जाव सुरूवा । तं गच्छामो णं देवाणुप्पिया । धणस्स सत्यवाहस्स गिहं विलुंपामो । तुव्वम विपुले धण-
 कणग जाव सिलप्पवाले मम सुसुमा दारिया । तए ण ते पंच चोरसया चिलायस्स पडिसुणेंति । तए ण से चिलाए चोरसेणावई तेहिं पंचहिं चोरसएहिं सद्धि अल्लचम्मं दुरुहइ २ पञ्चावरण्हकालसमयांसि पंचहिं चोरसएहिं सद्धिं सन्नद्ध जाव गहियाउहपहरणा माइयगोमुहिफलएहिं निक्किट्ठाहिं असिलट्ठीहिं असंगएहिं तोणेहिं सज्जीवेहिं धणूहिं समुक्खित्तेहिं सरेहिं समुल्लालियाहिं दीहाहिं ओसारियाहिं उरुधंटियाहिं छिप्प-
 तूरेहिं वज्जमाणेहिं महया २ उक्किट्ठसाहनाय जाव समुदरवभूयं पिव करेमाणां सीहगुहाओ चोरपल्लीओ पडिनिक्खमंति २ जेणेव रायगिहे नयरे तेणेव उवागच्छति २ रायगिहस्स अदूरसामंते एगं महं गैहणं अणुप्पविसंतंति २ दिवसं खवेमाणा चिट्ठंति । तए णं से चिलाए चोर-
 सेणावई अद्धरत्तकालसमयांसि निसंतपडिनिसंतंसि पंचहिं चोरसएहिं सद्धिं माइयगोमुहिपहिं फलएहिं जाव मूइयाहिं उत्तुधंटियाहिं जेणेव रायगिहे नयरे पुरत्थिमिल्ले दुवारे तेणेव उवागच्छइ उदगवत्थि परामुसइ आयत्ते चोक्खे परमसुइभूए ताल्लुग्गधाडणिविज्ज आवाहेइ २ रायगिहस्स दुवारकवाडे उदएणं अच्छोडेइ २ कवाडं विहाडेइ २ रायगिह अणु-
 प्पविसइ २ महया २ सदेणं उग्घोसेमाणे २ एवं वयासी - एवं खलु अहं देवाणुप्पिया ! चिलाए नामं चोरसेणावई पंचहिं चोरसएहिं सद्धिं सीह-
 गुहाओ चोरपल्लीओ इहं हव्वमागए धणस्स सत्यवाहस्स गिहं घाडकामे । तं जे णं नविंयाए माउयाए दुद्धं पाडकामे से णं निगच्छउ त्तिकट्ठु जेणेव धणस्स सत्यवाहस्स गिहे तेणेव उवागच्छइ २ धणस्स गिहं विहाडेइ । तए णं से धणे चिलाएणं चोरसेणावइणा पंचहिं चोरसएहिं सद्धिं गिहं घाड्जमाणं पासइ २ भीए तत्थे ४ पंचहिं पुत्तेहिं सद्धिं एगंतं अवक्कमइ ।

तएण से चिलाए चोरसेणावई धणस्स सत्थवाहे स्स गिहं घाएइ २ सुबहुं धणकणगं जाव सावएज्जं सुसुमं च दारियं गेण्हइ २ रायगिहाओ पडिनिक्खमइ २ जेणेव सीहगुहा तेणेव फहारेत्थ गमणाए ।

(142) तए णं से धणे सत्थवाहे जेणेव सए गिहे तेणेव उवा-
गच्छइ २ सुबहुं धणकणगं सुसुमं च दारियं अवहारियं जाणित्ता महत्थ ३
पाहुइ गहाय जेणेव नगरगुत्तिया तेणेव उवागच्छइ २ तं महत्थं पाहुइ
उवणेइ २ एवं वयासी - एवं खलु देवाणुप्पिया । चिलाए चोरसेणावई
सीहगुहाओ चोरपल्लीओ इहं हव्वमागम्म पंचहिं चोरसएहिं सद्धिं मम
गिहं घाएत्ता सुबहुं धणकणगं सुसुमं च दारियं गहाय जाव पडिगए ।
तं इच्छामि णं देवाणुप्पिया । सुसुमाए दारियाए कूवं गमित्तए । तुव्वं णं
देवाणुप्पिया ! से विपुले धणकणगे ममं सुसुमा दारिया । तए णं ते नगर-
गुत्तिया धणस्स एयमट्ठ पडिसुणेंति २ सन्नद्ध जाव गहियाउहपहरणा महया
२ उक्किट्ठ जाव समुहरवभूयं पिव करेमाणा रायगिहाओ निग्गच्छंति २
जेणेव चिलाए चोरे तेणेव उवागच्छति २ चिलाएणं चोरसेणावइणा सद्धिं
संपलग्गा यावि होत्था । तए णं ते नगरगुत्तिया चिलायं चोरसेणावइ
हयमहिय जाव पडिसेहेंति । तए ण ते पंचचोरसया नगरगुत्तिएहिं
हयमहिय जाव पडिसेहिया समाणा तं विपुल धणकणगं विच्छड्डुमाणा
य विप्पकिरमाणा य सव्वओ समंता विप्पलाइत्था । तए णं ते नगर-
गुत्तिया तं विपुल धणकणगं गेण्हंति २ जेणेव रायगिहे तेणेव उवा-
गच्छंति । तए णं से चिलाए तं चोरसेन्न तेहिं नगरगुत्तिएहिं हयमहिय०
पवरभीए जाव तत्थे सुसुमं दारियं गहाय एगं महं आगामियं दीहमद्धं
अडविं अणुप्पविट्ठे । तए णं धणे सत्थवाहे सुसुमं दारियं चिलाएणं अडवी-
मुहं अवहीरमाणं पासित्ताणं पंचहिं पुत्तेहिं सद्धिं अप्पलट्ठे सन्नद्धवद्ध०
चिलायस्स पयसग्गविहिं अणुगच्छमाणे अभिगज्जेते हक्कारेमाणे पुक्कारे-
माणे अभिज्जेमाणे अभितीसेमाणे पिट्ठओ अणुगच्छइ । तए ण से
चिलाए तं धणं सत्थवाहं पंचहिं पुत्तेहिं सद्धिं अप्पलट्ठं सन्नद्धवद्धं
समणुगच्छमाणं पासइ २ अत्थामे ४ नाहे नो संचाएइ सुसुमं दारियं

निव्वाहित्तए त्पदे संते तंते परित्तते नीलुप्पल्लगवलं असिं परामुसुद्ध २
 सुंसुमाए दारियाए उत्तमंगं छिंदइ २ तं गहाय तं आगामियं अडविं
 अणुप्पविट्ठे । तए णं से चिलाए तीसे अगामियाए अडवीए तण्हाए
 छुहाए अभिभूए समाणे पम्हट्टदिसाभाए सीहगुहं चोरपाहिं असंपत्ते
 अंतरा चेव कल्लगए । एवामेव समणाउसो ! जाव पव्वइए समाणे इमस्स
 ओरालियसरीरस्स व्रंतासवस्स जाव विट्ठंसणधम्मस्स वण्णहेउं वा जाव
 आहारं आहारेइ से णं इहलोए चेव बहूणं समणाणं ४ हीलणिज्जे जाव
 अणुपरियट्ठिस्सइ जहा व से चिलाए तक्करे । तए णं से धणे सत्थवाहे पंचहिं
 पुत्तेहिं अप्पछट्ठे चिलायं तीसे अगामियाए सव्वओ समंता परिधाडे-
 माणे २ संते तंते परित्तते नो संचाएइ चिलायं चोरसेणावइं साहत्थि
 गिण्हित्तए । से णं तओ पडिनियत्तइ २ जेणेव सा सुंसुमा वालिया
 चिलाएणं जीवियाओ ववरोविया तेणेव उवागच्छइ २ सुंसुमं दारियं
 चिलाएणं जीवियाओ ववरोवियं पासइ २ परसुगियत्तेव चंपगपायवे ० ।
 तए णं से धणे सत्थवाहे अप्पछट्ठे आसत्थे कूवमाणे कंदमाणे विलवमाणे
 महया २ सदेणं कुहुकुहुस्सं परुत्ते सुचिरकालं वाहप्पमोक्खं करेइ । तए
 णं से धणे सत्थवाहे पंचहिं पुत्तेहिं अप्पछट्ठे चिलायं तीसे आगामियाए
 सव्वओ समंता परिधाडेमाणे तण्हाए छुहाए य परव्वभंते समाणे तीसे
 आगामियाए अडवीए सव्वओ समंता उदगस्स मग्गणगवेसणं करेइ २ संते
 तंते परित्तते निव्विण्णे समाणे तीसे आगामियाए उदग अणासाएमाणे
 जेणेव सुंसुमा जीवियाओ ववरोविया तेणेव उवागच्छइ २ जेट्ठं पुत्तं
 धणे सदावेइ २ एवं वयासी — एवं खलु पुत्ता । सुंसुमाए दारियाए
 अट्ठाए चिलायं तक्करं सव्वओ समंता परिधाडेमाणा तण्हाए छुहाए य
 अभिभूया समाणा इमीसे आगामियाए अडवीए उदगस्स मग्गणगवेसणं
 करेमाणा नो चेव णं उदगं आसादेमो । तए णं उदगं अणासाएमाणा
 नो संचाएमो रायगिहं संपावित्तए । तण्णं तुट्ठे ममं देवाणुप्पिया ।
 जीवियाओ ववरोवेह मम मंसं च साणियं च आहारेह तेणं आहारेणं
 अवथंद्वा समाणा तओ पच्छा इमं आगामियं अडविं नित्यरिहिह

रायगिहं च संपाविहं मिच्छनाइ० अभिसमागच्छिह अत्यस्म य धम्मस्स य पुण्णस्स य आभागी भविस्सह न तए ण से जेट्ठे पुत्ते धणेणं सत्थवाहेण एवं वुत्ते समाणे धणं २ एवं वयासी-तुब्भे ण ताओ । अम्हं पिया गुरुजणयदेवयभूया ठावका पइट्ठवका संरक्खणा संगोवगा । त कहणं अम्हे ताओ । तुब्भे जीवियाओ ववरोवेमो तुब्भं ण मंसं च सोणियं च आहारेमो ? तं तुब्भे णं ताओ । ममं जीवियाओ ववरोवेह मंसं च सोणियं च आहारेह आगामियं अडाविं नित्यंरहह त भेव सध्व भंगह जाव अत्यस्स जाव आभागी भविस्सह । तए णं धण सत्थवाहं दोधे पुत्ते एवं वयासी - मा णं ताओ । अम्हे जेट्ठं भायरं गुरुदेवय जीवियाओ ववरोवेमो । तुब्भे णं ताओ । ममं जीवियाओ ववरोवेह जाव आभागी भविस्सह एव जाव पचमे पुत्ते । तए णं से धणे सत्थवाहे पचपुत्ताणं हिय-इच्छियं जाणित्ता ते पचपुत्ते एवं वयासी - मा णं अम्हे पुत्ता । एगमवि जीवियाओ ववरोवेमो । एस ण सुंसुमाए दारियाए सरीरे निप्पाणे जाव जीवविप्पजठे । तं सेयं खलु पुत्ता । अम्हं सुंसुमाए दारियाए मंसं च सोणियं च आहारेत्तए । तए णं अम्हे तेण आहारेण अवर्थद्धा समाणा रायगिहं संपाजणिस्सामो । तए णं ते पंचपुत्ता धणेणं सत्थवाहेणं एवं वुत्ता समाणा एयमट्ठं पडिसुणेंति । तए णं वणे सत्थवाहे पंचहिं पुत्तेहिं सद्धिं अरणिं करेइ २ सरग करेइ २ सरएणं अरणिं महेइ २ आग्निं पाडेइ २ आग्निं संघुक्खेइ २ दारुयाइं पक्खिवइ २ आग्निं पज्जालेइ २ सुंसुमाए दारियाए मंसं च सोणियं च आहारेइ । तेण आहारेण अवर्थद्धा समाणा रायगिहं नयरं सपत्ता मिच्छनाइनियग० अभिसमन्नागया तस्स य विडलस्स धणकणगरयण जाव आभागी जाया । तए णं से धणे सत्थवाहे सुंसुमाए दारियाए वहुइं लोइयाइं मयकिञ्चाइ जाव विगयसाए जाए यावि होत्था ।

(143) तेणं कालेणं २ समणे भगवं महावीरे गुणसिलए चेइए समोसठे । तए णं धणे सत्थवाहे सपुत्ते धम्मं सोच्चा पव्वडए एक्कारसगवी मासियाए सलेहणाए सोहम्मै उववन्ने महाविदेहे वासे सिज्झिहिइ ।

जहा वि य णं जंबू ! धणेणं सत्थवाहेणं नो वण्णहेउं वा नो रुवहेउं वा
 नो वलहेउं वा नो विसयहेउं वा सुंसुमाए दारियाए मससोणिए
 आहारिए नन्नत्थ एगाए रायगिहं सुपावणट्ठयाए एवमिन्न समणाउसो !
 जो अन्ह निगंथो वा गिगंथी वा इमस्स ओरालियसरीरस्स वृत्तासवस्स
 पित्तासवस्स सुक्कासवस्स सोणियासवस्स जाव अबस्सविप्पजाहियव्वस्स नो
 वण्णहेउं वा नो रुवहेउं वा नो वलहेउं वा नो विसयहेउं वा आहारं
 आहारेइ नन्नत्थ एगाए सिद्धिगमणसंपावणट्ठयाए से णं इहभवे चेव बहूणं
 समणांण बहूणं समणीण बहूणं सावयाणं बहूणं सावियाणं अश्वणिज्जे जाव
 वीईवइस्सइ ।

एवं खलु जंबू ! समणेणं भगवया महावीरेण जाव संपत्तेणं
 अट्टारसमस्स अयमट्ठे पन्नत्ते त्ति वेमि ।

॥ अट्टारसमं नायज्झयणं समत्तं ॥१८॥

॥ एगुणवीसइमं अञ्जयणं ॥

(144) जइ णं मंते । समणेणं० अट्टारसमस्स नायञ्जयणस्स अयमट्ठे पन्नत्ते एगुणवीसइमस्स के अट्ठे पन्नत्ते ? एवं खलु जंबू ! तेणं कालेणं २ इहेव जंबुदीवे २ पुव्वविदेहे^१ सीयाए महानईए उत्तरिल्ले कूले नीलवंतस्स दाहिणेणं उत्तरिल्लस्स सीयामुहवणसंडस्स पच्चत्थिमेणं एगसेल्लास्स वक्खार-पव्वयस्स पुरत्थिमेणं एत्थ णं पुक्खलावई नाम विजए पन्नत्ते । तत्थ ण पुंडरिगिणी नामं रायहाणी पन्नत्ता नवजोयणवित्थिण्णा दुवालसजोयणा-यांमा जाव पच्चक्खं देवलोगभूया पासाईया दरसणीया अभिरूवा पडिरूवा । तीसे णं पुंडरिगिणीए नयरीए उत्तरपुरत्थिमे दिसीमाए नल्लिणिवणे नामं उज्जाणे होत्था । तत्थ णं पुंडरिगिणीए रायहाणीए महापउमे नामं राया होत्था । तस्स णं पउमावई नामं देवी होत्था । तस्स णं महापउमस्स रज्जे पुत्ता पउमावईए देवीए अत्तया दुवे कुमारा होत्था तं जहा — पुंडरीए य कंडरीए य सुकुमालपाणिपाया० । पुंडरीए जुवराया । तेणं कालेणं २ थेरागमणं महापउमे राया निग्गए धम्मं सोच्चा पुंडरीयं रज्जे ठवेत्ता पव्वइए पुंडरीए राया जाए कंडरीए जुवराया । महापउमे अणगारे चोइसपुव्वाइ अहिज्जइ । तए णं थेरा बहिया जणवयविहारं विहरंति । तए णं से महापउमे बहूणि वासाणि जाव सिद्धे ।

(145) तए णं थेरा अन्नया कयाइ पुणरवि पुंडरिगिणीए राय-हाणीए नल्लिणिवणे उज्जाणे समोसढा । पुंडरीए राया निग्गए । कंडरीए महाजणसहं सोच्चा जहा महाबलो जाव पञ्जुवासइ । थेरा धम्मं परिकहंति पुंडरीए समणोवासए जाए जाव पडिगए । तए णं कंडरीए उट्ठाए उट्ठेइ २ जाव से जहेयं तुव्वे वयह जं नबरं पुंडरीयं रायं आपुच्छामि तए ण जाव पव्वयामि । अहासुहं देवाणुप्पिया । तए णं से कंडरीए जाव थेरे वंदइ नमंसइ २ थेराणं अंतियाओ पडिनिक्खमइ २ तमेव चाउगघंटं आसरहं दुरूहइ जाव पच्चोरुहइ जेणेव पुंडरीए राया तेणेव उवागच्छइ करयल जाव पुंडरीयं रायं एवं वयासी — एवं खलु मए थेराणं अंतिए धम्मं निसंते से धम्मं अभिरुइए । तए णं जाव पव्वइत्तए । तए ण से

पुंडरीए कंडरीयं एवं वयासी—मा णं तुमं भाव्या । इयाणिं मुंछे जाव
 प्रव्वयाहि । अहं णं तुमं महारायाभिसेएणं अभिसिंचामि । तए णं से
 कंडरीए पुंडरीयस्स रत्तो एयमदं नो आढाइ जाव तुसिणीए संचिद्धइ ।
 तए णं पुंडरीए राया कंडरीयं दोच्चपि तच्चपि एवं वयासी जाव तुसिणीए
 संचिद्धइ । तए णं पुंडरीए कंडरीयं कुमारं जाहे नो संचाएइ वहुहिं
 आचवणाहि य पन्नवणाहि य ४ ताहे अकामए चेव एयमदं अणु-
 मन्नित्था जाव निक्खमणाभिसेएणं अभिसिंचइ जाव थेराणं सीसमिक्खं
 दलयइ पव्वइए अणगारे जाए एक्कारसंगवी । तए णं थेरा भगवतो
 अन्नया कयाइ पुंडरिगिणीओ नयरीओ नलिणिवणाओ ज्ञाणाओ
 पडिनिक्खमंति २ वहिया र्जणवयविहारं विहरति ।

(146) तए णं तस्स कंडरीयस्स अणगारस्स तेहिं अंतेहि य
 पंतेहि य जहा सेलगस्स जाव दाहवक्कंतीए यावि विहरइ । तए णं थेरा
 अन्नया कयाइ जेणेव पोंडरिगिणी तेणेव उवागच्छति २ नलिणीवणे
 समोसढा । पुंडरीए निग्गए धम्मं सुणेइ । तए णं पुंडरीए राया धम्मं सोच्चा
 जेणेव कंडरीए अणगारे तेणेव उवागच्छइ २ कंडरीयं वंदइ नमंसइ २
 कंडरीयस्स अणगास्स सरीरगं सन्वावाहं सैरोगं पासइ २ जेणेव थेरा
 भगवंतो तेणेव उवागच्छइ २ थेरे भगवंते वंदइ नमंसइ २ एवं वयासी—
 अहण्णं भंते ! कंडरीयस्स अणगारस्स अहापवत्तेहिं ओसइ भेसज्जेहिं जाव
 तिगिच्छं आउंटामि । तं तुब्भे णं भंते ! मम जाणसालासु समोसरइ । तए
 णं थेरा भगवंतो पुंडरीयस्स पडिसुणेंति जाव उवसंपज्जित्ताणं विहरंति ।
 तए णं पुंडरीए जहा मंडुए सेलगस्स जाव वलियसरीरे जाए । तए णं थेरा
 भगवंतो पुंडरीयं रायं आपुच्छंति २ वहिया जणवयविहारं विहरंति ।
 तए णं से कंडरीए ताओ रोय्यायंकाओ विप्पमुक्के समाणे तांसि मणुन्नंसि
 असणपाणखाइमसाइमंसि मुच्छिए गिद्धे गटिए अज्झोववन्ने नो संचाएइ
 पुंडरीयं आपुच्छित्ता वहिया अब्भुज्जएणं जाव विहरित्तए तत्थेव ओसन्ने
 जाए । तए णं से पुंडरीए इमीसे कहाए लद्धेदे समाणे ण्हाए अंतेउर-
 परियालसंपरिवुडे जेणेव कंडरीए अणगारे तेणेव उवागच्छइ २

कडरीयं तिव्वुत्तो आयाहिणंपयाहिणं करेइ २ वंदइ. नमंसइ २ एवं वयासी - धन्नेसि णं तुमं देवाणुप्पिया । कय्यत्थे कयपुण्णे कयलक्खणे । सुलद्धे णं देवाणुप्पिया । तव माणुस्सए जम्मजीवियफले जे णं तुमं रज्जं च जाव अंतेउरं च विछइत्ता विगोवइत्ता जाव पव्वइए । अहणं अहन्ने अपुण्णे अकयपुण्णे रज्जे य जाव अंतेउरे य माणुस्सएसु य कामभोगेसु मुच्छिए जाव अज्झोववन्ने नो संचाएमि जाव पव्वइत्तए । तं धन्नेसि ण तुमं देवाणुप्पिया जाव जीवियफले । तए णं से कंडरीए अणगारे पुंडरीयस्स एयमहं नो आढाइ जाव संचिइइ । तए णं से कंडरीए पोंडरीएणं दोच्चपि तच्चपि एवं वुत्ते समाणे अकामए अवसवसे लज्जाए गारवेण य पुंडरीयं आपुच्छइ २ थेरेहिं सद्धिं बहिंया जणवयविहारं विहरइ । तए णं से कंडरीए थेरेहिं सद्धिं कंचि कालं उगंगंगेण विहरित्ता तओ पच्छा समणत्तणपरितंते समणत्तणनिव्विणे समणत्तणनिव्विच्छिए समणगुणमुक्कजोगी थेराणं अंतियाओ सणियं २ पच्चोसक्कइ २ जेणेव पुंडरिगिणी नयरी जेणेव पुंडरीयस्स भवणे तेणेव उवागच्छइ २ असोगवणियाए असोगवरपायवस्स अहे पुढविसिलापट्टगंसि निसीयइ २ ओहयमणसंकप्पे जाव झियायमाणे सचिइइ । तए णं तस्स पोंडरीयस्स अवधार्इ जेणेव असोगवणिया तेणेव उवागच्छइ २ कंडरीयं अणगारं असोगवरपायवस्स अहे पुढविसिलापट्टगंसि ओहयमणसंकप्पं जाव झियायमाणं पासइ २ जेणेव पुंडरीए राया तेणेव उवागच्छइ २ पुंडरीय रायं एव वयासी - एवं खलु देवाणुप्पिया । तव पियभाउए कडरीए अणगारे असोगवणियाए असोगवरपायवस्स अहे पुढविसिलापट्टे ओहयमणसंकप्पे जाव झियायइ । तए णं से पुंडरीए अम्मधार्इ एयमहं सोच्चा निसम्म तहेव संभंते समाणे उट्ठाए उट्ठइ २ अंतेउरपरियालसंपरिवुडे जेणेव असोगवणिया जाव कंडरीयं तिव्वुत्तो एवं वयासी - धन्नेसि णं तुमं देवाणुप्पिया जाव पव्वइए । अहं णं अधन्ने ३ जाव अपव्वइत्तए । तं धन्नेसि णं तुमं देवाणुप्पिया जाव जीवियफले । तए णं कंडरीए पुंडरीएणं एवं वुत्ते समाणे तुसिणीए संचिइइ दोच्चपि तच्चपि जाव

चिह्णं । तए णं पुंडरीए कंडरीयं एवं वयासी - अट्ठो भंते । भोगिहिं ।
हंता । अट्ठो । तए णं से पुंडरीए राया कंडुवियपुरिसे सदावेइ २
एवं वयासी - खिप्पामेव भो देवाणुप्पिया । कंडरीयस्स महत्थं जाव
रायाभिसेयं उवट्ठवेह जाव रायाभिसेएणं अभिसिचइ ।

(147) तए णं से पुंडरीए सयमेव पंचमुट्ठियं लोयं करेइ
सयमेव चाउज्जामं धम्मं पडिवज्जइ २ कंडरीयस्स संतिथं आचारमंडगं
गेण्हइ २ इमं एयारूवं अभिगगहं अभिगिण्हइ - कप्पइ मे थेरे वंदित्ता
नमंसित्ता थेराणं अंतिए चाउज्जामं धम्मं उवसंपज्जित्ताणं तओ पच्छा
आहारं आहारित्तए त्तिकट्ठु इमं एयारूवं अभिगगहं अभिगिण्हित्ताणं
पुंडरिगिणीओ पडिनिक्खमइ २ पुव्वाणुपुट्ठि चरुमाणे गामाणुगामं
दूइज्जमाणे जेणेव थेरा भगवंतो तेणेव पहारेत्थ गमणाए ।

(148) तए णं तस्स कंडरीयस्स रत्तो तं पणीयं पाणभोयण
आहारियस्स समाणस्स अइजागरएण य अइभोयणप्पसंगेण य से आहारे
नो सम्म परिणए । तए ण तस्स कंडरीयस्स रत्तो तंसि आहारंसि
अपरिममाणसि पुव्वरत्तावरत्तकालसमयंसि, सरीरगंसि वेयणा पाउब्भूया
उज्जला विउला पगाढा जाव दुरहिंयासा पित्तज्जरपरिगयसरीरे दाहवक्कंतीए
यावि विहरइ । तए णं से कंडरीए राया रज्जे य रट्ठे य अतेउरे य जाव
अज्झोववन्ने अट्ठुहट्ठवसट्ठे अकामए अवसवसे कालमासे कालं किञ्चा
अहे सत्तमाए पुढवीए उक्कोसकालट्ठिइयंसि नरयंसि नेरइयत्ताए उववन्ने ।
एवामेव समणाउसो । जाव पव्वइए समाणे पुणरवि माणुस्सए कामभोए
आसाएइ जाव अणुपरियट्ठिस्सइ जहा व से कंडरीए राया ।

(149) तए णं से पुंडरीए अणगारे जेणेव थेरा भगवंतो तेणेव
उवागच्छइ २ थेरे भगवंते वंदइ नमंसइ २ थेराणं अंतिए दोब्बपि
चाउज्जाम धम्मं पडिवज्जइ छट्ठक्खमणपारणगंसि पढमाए पोरिसीए
सज्झायं करेइ २ जाव अढमाणे सीयलुक्खं पाणभोयणं पडिगाहेइ २
अहापज्जत्तमित्तिकट्ठु पडिनियत्तेइ जेणेव थेरा भगवंतो तेणेव उवा-
गच्छइ २ भत्तपाणं पडिदंसेइ २ थेरेहिं भगवंतेहिं अन्वभणुत्ताए समाणे

अमुच्छिण्ण ४ बिलमिव पन्नगभूणं अप्पण्णेणं तं फासुएसणिज्जं असणं ४
 सरीरकोट्ठांसि पक्खिवइ । तए ण तस्स पुंडरीयस्स अणगारस्स तं
 कालाइकंतं अरसैविरसं सीयलुक्खं पाणभोग्गण आहारियस्स संमाणस्स
 पुण्वरत्तावरत्तकालसमयंसि धम्मजागरियं जागस्माणस्स से आहारे नो
 सम्मं परिणमंइ । तए णं तस्स पुंडरीयस्स अणगारस्स सरीरगसि वेयणा
 पाडवभूया उज्जला जाव दुरहियासा पित्तज्जरपरिगयसरीरे दाहवक्कतीए
 विहरइ । तए ण से पुंडरीए अणगारे अत्थामे अबले अवीरिए
 अपुरिसक्कारपरक्कमे करयल जाव एवं वयासी - नमोत्थु ण अइहंताण
 भगवंताणं जावत्सपत्ताणं । नमोत्थु णं थेराणं भगवंताणं मम धम्मायरियाणं
 धम्मोवएसयाणं । पुत्तिं पि य णं मए थेराणं अंतिए सव्वे पाणाइवाए
 पक्खक्खाए जाव मिच्छादसणसहे पक्खक्खाए जाव आलोइयपडिक्कते
 कालमासे काल किञ्चा सव्वद्वसिद्धे अववन्ने । तओ अणंतरं उव्वट्ठित्ता
 महाविदेहे वासे सिज्झिहिइ जाव सव्वदुक्खाणमतं काहिइ । एवामेव
 समणाउसो । जाव पव्वइए समाणे माणुस्सएहिं कामभोगेहिं नो सज्जइ
 नो रज्जइ जाव नो विप्पडिघायमावज्जइ से णं इहभवे चेव वहूणं
 समणाणं वहूणं समणीणं वहूणं सावगाणं वहूणं साविचाणं अञ्चणिज्जे
 वंदणिज्जे पूयणिज्जे सक्कारणिज्जे सम्माणणिज्जे कल्लाण मंगलं देवय चेइयं
 पज्जुवासणिज्जे त्तिकट्टु परलोए वि य ण नो आगच्छइ वहूणि दंढणाणि
 य मुंडणाणि य तज्जणाणि य तालणाणि य जाव चाउरंतं संसारकत्तार
 जाव वीईवइस्सइ जहा व से पुंडरीए अणगारे । एवं खलु जंबू । समणेणं
 आहगरेण तित्थगरेण सयसवुद्धेणं जाव सिद्धिगइनामधेज्जं ठाणं संपत्तेणं
 एगूणवीसइमस्स नायज्झयणस्स अयमट्ठे पन्नत्ते । एवं खलु जंबू ।
 समणेणं भगवया महावीरेण जाव सिद्धिगइनामधेज्जं ठाणं संपत्तेणं छट्ठस्स
 अगस्स पढमस्स सुयक्खधस्स अयमट्ठे पन्नत्ते त्ति वेमि ।

(150) तस्स ण सुयक्खधस्स एगूणवीस अज्झयणाणि एगासरगाणि
 एगूणवीसाए दिवसेसु समैप्पंति ।

• ॥ एगूणवीसइमं अज्झयणं समत्तं ॥

॥ नायाधम्मकहाण पढमो सुयक्खंधो समत्तो ॥

॥ दोव्वे सुयक्खंधे ॥

॥ पढमं अज्झयण ॥

(151) तेणं कालेणं तेणं समणेणं रायगिहे नामं नयरे होत्था वण्णओ । तस्स णं रायगिहस्स नमरस्स बहिया उत्तरपुरत्थिमे दिसीभाए तत्थ णं गुणसिलए नामं चेइए होत्था वण्णओ । तेण कालेणं २ समणस्स भगवओ महावीरस्स अतेवासी अज्जसुहम्ममा नामं थेरा भगवंतो जाइसंपन्ना कुलसंपन्ना जाव चोइसपुब्बी चउनाणोवगया प्लंचहिं अणगारसएहिं सद्धि संपरिकुद्धा पुब्बाणुपुर्वि चरमाणा गामाणुगामं दूइज्जमाणा सुहंसुहेणं विहरमाणा जेणेव रायगिहे नयरे जेणेव गुणसिलए चेइए जात्र संजमेणं तवसा अप्पाणं भावेमाणा विहरति । परिसा निग्गया धम्मो कहिओ परिसा जामेव दिसिं पाउब्भूया तामेव दिसिं पडिगया । तेणं कालेणं २ अज्जसुहम्मस्स अतेवासी अज्जजंबू नामं अणगारे जाव पज्जुवासमाणे एवं वयासी — जइ णं भंते ! समणेणं जाव संपत्तेणं छट्ठस्स अंगस्स पढमस्स सुयक्खंधस्स नायाणं अयमट्ठे पन्नत्ते दोव्वस्स णं भंते । सुयक्खंधस्स धम्मकहाण समणेणं ० के अट्ठे पन्नत्ते ? एवं खलु जंबू ! समणेणं ० धम्मकहाणं दस वग्गा पन्नत्ता तजहा :—चमरस्स अग्गमहिंसीणं पढमे वग्गे । वलिस्स वइरोयणिंदस्स वइरोयणरत्तो अग्गमहिंसीणं बीए वग्गे । असुरिंदवज्जियाणं दाहिणिह्माणं इंदाणं अग्गमहिंसीणं तईए वग्गे । उत्तरिह्माणं असुरिंदवज्जियाणं भवणवासिइंदाणं अग्गमहिंसीणं चउत्थे वग्गे । दाहिणिह्माणं वाणमंतराणं इंदाणं अग्गमहिंसीणं पंचमे वग्गे । उत्तरिह्माणं वाणमंतराणं इंदाणं अग्गमहिंसीणं छट्ठे वग्गे । चंदस्स अग्गमहिंसीणं सत्तमे वग्गे । सूरस्स अग्गमहिंसीणं अट्ठमे वग्गे । सक्कस्स अग्गमहिंसीणं नवमे वग्गे । ईसाणस्स अग्गमहिंसीणं दसमे वग्गे । जइ णं भंते ! समणेणं ० धम्मकहाणं दस वग्गा पन्नत्ता पढमस्स णं भंते ! वग्गस्स समणेणं ० के अट्ठे पन्नत्ते ? एवं खलु जंबू ! समणेणं ० पढमस्स त्रयस्स पंच अज्झयणा पन्नत्ता तजहा — काली राई रयणी विज्जू मेहा । जइ णं भंते ! समणेणं ० पढमस्स वग्गस्स पंच अज्झयणा पन्नत्ता पढमस्स णं

भंते, अङ्गयणस्स समणेणं के अट्ठे पन्नत्ते ? एवं खलु जंबू ! तेणं कालेणं २ रायगिहे नयरे गुणसिलए चेइए सेणिए राया चेळणा देवी सामी समोसठे परिसा निग्गयां जाव परिसा पज्जुवासइ । तेणं कालेणं २ काली देवी चमरचंचाए रायहाणीए कालवडेंसरंभवणे कालंसि सीहासणंसि चउहिं समाणियसाहस्सीहिं चउहिं मयहरियाहिं सपरिवाराहिं तिहिं परिसाहिं सत्तहिं अणिएहिं सत्ताहिं अणियाहिवईहिं सोलसहिं आयरक्खदेवसाहस्सीहिं अत्रेहि य बहूहिं कालवडेंसयभवणवासीहिं असुरकुमारेहिं देवेहि देवीहिं य साद्धं संपरिवुडा महयाहय जाव विहरइ इमं च णं केवलकप्प जंबुदीवं २ विउलेणं ओहिणा आभोएमाणी २ पासइ एत्थ समणं भगवं महावीरं जंबुदीवे दीवे भारहे वासे रायगिहे नयरे गुणसिलए चेइए अहापडिरूवं उग्गहं ओगिण्हित्ता संजमेणं तवसा अप्पाणं भावेमाणं पासइ २ द्दुत्तुच्चित्तमाणदिया पीइमणा जाव हियया सीहासणाओ अब्भुट्ठेइ २ पायपीढाओ पच्चोरुहइ २ पाडया ओमुयइ २ तित्थगराभिमुदी सत्तट्ठ पयाइ अणुगच्छइ २ वामं जाणु अचेइ २ दाहिणं जाणुं धराणियलसि निहट्ठु तिक्खुत्तो मुद्धाण धराणियलंसि निवेसेई ईसिं पच्चुन्नमइ २ कडगतुडियथंभियाओ मुयाओ साहरइ २ करयल जाव कट्ठु एवं वयासी — नमोत्थु णं अरहंताणं जाव संपत्ताणं । नमोत्थु णं समणस्स भगवओ महावीरस्स जाव संपाविउकामस्स । वंदामि ण भगवंतं तत्थगयं इहगया पासउ मे समणे ३ तत्थगए इहगयं तिकट्ठु वंदइ नमसइ २ सीहासणवरंसि पुरत्थाभिमुहा निसण्णा । तए णं तीसे कालीए देवीए इमेयारूवे जाव समुप्पज्जित्था तंजहा — सेयं खलु मे समणं ३ वंदित्ता जाव पज्जुवासित्तए तिकट्ठु एवं म्पेहेइ २ आभिओगिया देवा सहावेइ २ एवं वयासी — एवं खलु देवाणुप्पिया । समणे ३ एज्ज जहा सरियाभो तहेव आणत्तिय देइ जाव दिव्वं सुरर्वराभिगमणजोगं करेइ २ जाव पच्चप्पिणह । तेवि तहेव करेत्ता जाव पच्चप्पिणंति नवरं जोयणसहस्सवित्थिण्णं जाणं सेस तहेव । तहेव नामंगौयं साहेइ तहेव नट्टविहिं उवदंसेइ जाव पडिगया । भते त्ति भगवं गौयमे समणं ३ वंदइ नमंसइ २ एवं वयासी — कालीए

णं भंते ! देवीए सा दिव्वा देविट्ठी ३ कहिं गया ? कूडागारसालादिहंतो ।
 अहो णं भंते ! काली देवी मृहिट्ठिया ३ । कालीए णं भंते ! देवीए सा
 दिव्वा देविट्ठी ३ किन्ना लद्धा किन्ना पत्ता किन्ना अभिसमन्नागया ?
 एव जहा सरियामस्स जाव एवं खलु गोयमा । तेणं कालेणं २ इहेव जवु-
 हीवे २ भारहे वासे आमलकप्पा नाम नयरी होत्था वर्ण्णी । अंव-
 सालवणे चेइए । जियसत्तू राया । तत्थ णं आमलकप्पाए नयरीए काले
 नाम गाहावई होत्था अट्ठे जाव अपरिभूए । तस्स णं कालस्स गाहावइस्स
 कालसिरी नामं भारिया होत्था सुकुमाल जाव सुरुवा । तस्स णं कालस्स
 गाहावइस्स धूया कालसिरीए भारियाए अत्तया काली नामं दारिया होत्था
 वड्ढा वड्ढुकुमारी जुण्णा जुण्णकुमारी पडिअपुयत्थणी निन्विण्णवरा वर-
 परिवज्जिया वि होत्था । तेणं कालेणं २ पासे अरहा पुरिसादाणीए आइगरे
 जहा वद्धमाणसामी नवरं नवहत्थुस्सेहे सोलसहि समणसाहस्सीहि अट्ठ-
 तीसाए अज्जियासाहस्सीहि सद्धि सपरिवुडे जाव अंवसालवणे समोसठे ।
 परिसा निग्गया जाव पञ्जुवासइ । तए णं सा काली दारिया इमीसे
 कहाए लद्धट्ठा समाणा हट्ठ जाव हियया जेणेव अम्मापियरो तेणेव उवा-
 गच्छइ २ करयल जाव एवं वयासी — एवं खलु अम्मयाओ ! पासे
 अरहा पुरिसादाणीए आइगरे जाव विहरइ । तं इच्छामि णं अम्मयाओ ।
 तुम्हेहि अचभणुन्नाया समाणी पासस्स णं अरहओ पुरिसादाणीयस्स
 पायवंदियां गमित्तए । अहासुह देवाणुप्पिया । मा पडिवंध करेहि । तए
 णं सा काली दारिया अम्मापिईहि अचभणुन्नाया समाणी हट्ठ जाव हियया
 ण्हाया कयवलिकम्मा कयकोउयमंगलपायच्छित्ता सुद्धप्पावेसाइं मंगलाइं
 वत्थाइं पवग्परिहिया अप्पमहग्घाभरणालं कियसरीरा चेडियाचक्कवालपरि-
 किण्णां साओ गिहाओ पडिनिक्खमइ २ जेणेव वाहिरिया उवट्ठाणसाला
 जेणेव धम्मिए जाणप्पवरे तेणेव उवागच्छइ २ धम्मियं जाणप्पवरं
 दुरुद्धा । तए णं सा काली दारिया धम्मियं जाणप्पवरं एवं जहा दोवई
 तथा पञ्जुवासइ । तए णं पासे अरहा पुरिसादाणीए कालीए दारियाए
 तीसे य महइमहालियाए परिसाए धम्मं कर्हइ । तए णं स काली दारिया

पस्सस्स अरहओ पुरिसादाणीयस्स अंतिए धम्मं सोच्चा निसम्म इट्ठ जाव
 हियया पासं अरहं पुरिसादाणीयं तिव्वुत्तो वंदइ नमसइ २ एवं वयासी—
 सहहामि णं भंते ! निगंथं पावयणं जाव से जहेयं तुव्भे वयह जं
 नवरं देवाणुप्पिया । अम्मापियरो आपुच्छामि तए णं अहं देवाणुप्पियाणं
 अंतिए जाव पव्वयामि । अहासुह देवाणुप्पिए । तए णं स्त काली दारिया
 पासेणं अरहया पुरिसादाणीएणं एवं वुत्ता समाणी इट्ठ जाव हियया पासं
 अरहं वंदइ नमंसइ २ तमेव धम्मियं जाणप्पवरं दुरुहइ २ पासस्स
 अरहओ पुरिसादाणीयस्स अंतियाओ अंबसालवणाओ चेइयाओ पढि-
 निक्खमइ २ जेणेव आमलकप्पा नयरी तेणेव उवागच्छइ २ आमलकप्पं
 नयरिं मज्झमज्जेणं जेणेव बाहिरिया उवट्ठाणसाला तेणेव उवागच्छइ २
 धम्मियं जाणप्पवरं ठवेइ २ धम्मियाओ जाणप्पवराओ पच्चोरुहइ २
 जेणेव अम्मापियरो तेणेव उवागच्छइ २ करयलपरिगहियं जाव एव
 वयासी - एवं खलु अम्मयाओ ! मए पासस्स अरहओ अंतिए धम्मे
 निसंते । से वि थ धम्मे इच्छिए पढिच्छिए अभिरुइए । तए ण अहं अम्म-
 याओ ! संसारमउन्विग्गा भीया जम्मणं मरणाणं इच्छामि णं तुव्भेहिं
 अब्भणुत्ताया समाणी पासस्स अरहओ अंतिए मुंडा भवित्ता
 आगाराओ अणगारियं पव्वइत्तए । अहासुहं देवाणुप्पिए । मा पढिवंधं
 करेहि । तए णं से काले गाहावई विउलं असणं ४ उवक्खडावेइ २
 मित्तनाइनियगसयणसंबंधिपरियणं आमंतेइ २ तओ पच्छा ण्हाए जाव
 विपुलेणं पुप्फवत्थगंधमल्लालंकारेणं सक्कारेइ सम्माणेइ २ तस्सेव मित्त-
 नाइनियगसयणसंबंधिपरियणस्स पुरओ कालियं दारियं सेयापीएहिं
 कलसेहिं ण्हावेइ २ सव्वालंकारविभूसियं करेइ २ पुरिससहस्सवाहिणिं
 सीयं दुरुहेइ २ मित्तनाइनियगसयणसंबंधिपरियणेणं सद्धिं संपरिवुडे
 सन्विट्ठीए जाव रवेणं आमलकप्पं नयरिं मज्झमज्जेणं निगगच्छइ २ जेणेव
 अंबसालवणे चेइए तेणेव उवागच्छइ २ छत्ताइए तिस्थगराइए पासइ
 २ सीयं ठावेइ २ कालियं दारियं सीयाओ पच्चोरुहइ । तए ण तं कालियं
 रियं अम्मापियरो पुरओ कांडं जेणेव पासे अरहा पुरिसादाणीए

तेणेव उवागच्छंति २ धंदंति रमंसंति २ एवं वयासी - एवं 'सलु
 केवाणुप्पिया । काली दारिथा अम्हं धूया इहा कंठु जाव किमंग
 पुण पासणयाए ? एस णं देवाणुप्पिया । संसारभउव्विग्गा इच्छइ
 देवाणुप्पियाणं अंतिए मुंडा भवित्ता जाव पव्वइत्तए । तं एयं णं देवाणु-
 प्पियाणं सिस्सिणिभिक्खं दलयामो । पडिच्छंतु णं देवाणुप्पिया ।
 सिस्सिणिभिक्खं । अहासुहं देवाणुप्पिया । मा पडिवंधं । तए णं सा काली
 कुमारी पासं अरहं वंदइ नमंसइ २ उत्तरपुरत्थिमं दिसीभागं अवक्कमइ २
 सयमेव आभरणमहालंकारं ओमुयइ २ सयमेव लोयं करेइ २ जेणेव
 पासे अरहा पुरिसादाणीए तेणेव उवागच्छइ २ पासं अरहं तिक्खुत्तो
 वंदइ नमंसइ २ एवं वयासी - आलित्ते णं भंते ! लोए एव नहा
 देवाणदा जाव सयमेव पव्वावेड । तए ण पासे अरहा पुरिसादाणीए
 कालियं सयमेव पुप्फचूलाए अज्जाए सिस्सिणियत्ताए दलयइ । तए णं
 सा पुप्फचूला अज्जा कालिं कुमारीं सयमेव पव्वावेड जाव उव-
 संपज्जित्ताणं विहरइ । तए णं सा काली अज्जा जाया इरियासमिया
 जाव गुत्तवंभयारिणी । तए णं काली अज्जा पुप्फचूलाए अज्जाए अंतिए
 सामाइयमाइयाइं एक्कारस अंगाइ अहिज्जइ वहूहिं चउत्थ जाव विहरइ ।
 तए णं सा काली अज्जा अन्नया कयाइ सरीरवाउसिया जायावि होत्था ।
 अभिक्खणं २ हत्थे धोवेइ पाए धोवेइ सीसं धोवेइ मुहं धोवेइ थण-
 तराणि धोवेइ कक्खंताराणि धोवेइ गुज्झंताराणि धोवेइ जत्थ जत्थ वि य णं
 ठाणं वा सेज्जं वा निसीहिं वा चेएइ तं पुव्वामेव अब्भुक्खित्ता तओ
 पच्छा आसयइ वा सयइ वा । तए णं सा पुप्फचूला अज्जा कालियं
 अज्जं एव वयासी - नो खलु कप्पइ देवाणुप्पिए । समणीणं निग्गंथीणं
 सरीरवाउसियाणं होत्तए । तुमं च णं देवाणुप्पिए । सरीरवाउसिया जाया
 अभिक्खणं २ हत्थे धोवसि जाव आसयाहि वा सयाहि वा । तं तुमं
 देवाणुप्पिए ! एयस्स ठाणस्स आलोएहि जाव ण्यच्छित्त पडिवज्जाहि ।
 तए णं सा काली अज्जा पुप्फचूलाए अज्जाए एयमहं नो आढाइ जाव
 तुसिणीया संचिद्धइ । तए णं ताओ पुप्फचूलाओ अज्जाओ कालिं अज्जं

अभिक्षणं २ हीलेंति निंदतिं खिसेंति शरहंति अवमंत्रंति अभिक्षणं २
 एयमट्ठं निवारंति । तए ण तीसे कालीए अज्जाए समणीहिं निगंगीहि
 अभिक्षणं २ हील्लिज्जमाणीए जांव वारिज्जमाणीए इमेयारूवे अज्झत्थिए
 जाव समुप्पज्जित्था । जया ण अहं अगारवासमज्झे वसित्था तया ण अह
 सयंवसा । जप्पभिइ च ण अहं मुंडा भवित्ता अगाराओ अणगारियं
 पव्वइया तप्पभिइ च ण अहं परवसा जाया । त सेयं खलु मम कल्लं
 पावप्पमायाए रयणीए जाव जलते पाडिक्कयं उवस्सयं उवसंपज्जित्ताणं
 बिहरित्तए त्तिकट्ठु एवं सपेहेइ २ कल्ल जाव जलते पाडिक्कं उवस्सयं
 गेण्हइ तत्थ पं अणिचारिया अणोहट्ठिया सच्छंदमई अभिक्षणं २ हत्थे
 धोवेइ जाव आसयइ वा सयइ वा । तए ण सा काली अज्जा पासत्था
 पासत्थविहारी ओसन्ना ओसन्नविहारी कुसीला कुसीलविहारी अहाळंदा
 अहाळदविहारी ससत्ता ससत्तविहारी वट्ठूणि वासाणि सामण्णपरियागं
 पाउणइ २ अद्धमासियाए संलेहणाए अप्पाणं झूसेइ २ तीस भत्ताइं
 अणसणाए छेएइ २ तस्स ठाणस्स अणालोइयअपडिक्कंता कालमासे
 कालं किञ्चा चमरचंचाए रायहाणीए कालवडिंसए भवणे उववायसभाए
 देवसयणिज्जसि देवदूसतरिया अगुलस्स असखेज्जभागमेत्ताए ओगाह-
 णाए कालीदेवित्ताए उववन्ना । तए ण सा काली देवी अहुणोववन्ना
 समाणी पचविहाए पज्जत्तीए जहा सूरियाओ जाव भासामणपज्जत्तीए ।
 तए ण सा काली देवी चउण्हं सामाणियसाहस्सीण जाव अन्नेसि च
 वट्ठूण कालवडेंसगभवणवासीण असुरकुमाराणं देवाण य देवीण य आहेवच्च
 जाव विहरइ । एवं खलु गोयमा । कालीए देवीए सा दिव्वा देविट्ठी ३
 लट्ठा पत्ता अभिसमन्नागया । क्कालीए ण भते ! देवीए केवइयं कालं
 ठिई पन्नत्ता ? गोयमा ! अट्ठाइज्जाइ पलिओवमाइ ठिई पन्नत्ता । काली
 णं भते ! देवी ताओ देवलोगाओ अणंतरं उवट्ठित्ता कहिं गाच्छिहिइ कहिं
 उववज्जिहिइ ? गोयमा ! महाविदेहे वासे खिज्जिहिइ जाव अतं काहिइ ।
 एव खलु जवू । समणेण जाव संपत्तेण पटमस्स वग्गस्स पटमज्झयणस्स
 अयमट्ठे पन्नत्ते त्तिवेमि ।

(152) (1) जइ ण भंते ! समणेणं० धम्मकहाणं पढमस्स वग्गस्स पढमज्झयणस्स अयमद्वे पन्नत्ते विइयस्स ण भंते ! अज्झयणस्स समणेणं जाव संपत्तेणं के अद्वे पन्नत्ते ? एवं खलु जंवू ! तेण कालेणं २ रायगिहे नयरे गुणसिलए चेइए सामी समोसढे परिसा निग्गया जाव पज्जवासइ । तेणं कालेणं २ राई देवी चमरचंचाए रायहाणीए एव जहा काली तहेव आगया नट्टविहिं उवदंसित्ता पडिगया । भंतेत्ति भगवं गोयमे पुव्वभवपुच्छ । एवं खलु गोयमा । तेणं कालेणं २ आमलकप्पा नयरी अंवसालवणे चेइए जियसत्तू राया राई गाहावई राडसिरी भारिया राई दारिया पासस्स समोसरणं राई दारिया जहेव काली तहेव निक्खंता तहेव सरीरवाउसिया त चेव एव्व जाव अंतं काहिड । एवं खलु जंवू ! विइयज्झयणस्स निक्खेवओ ॥ जइ णं भते तइयज्झयणस्स उक्खेवओ । एवं खलु जंवू ! रायगिहे नयरे गुणसिलए चेइए एवं जहेव राई तहेव रयणी वि नवर आमलकप्पा नयरी रयणे गाहावई रयणसिरी भारिया रयणी दारिया सेस तहेव जाव अंतं काहिड । एवं विज्जू वि आमलकप्पा नयरी विज्जू गाहावई विज्जुसिरी भारिया विज्जू दारिया सेस तहेव । एवं मेहा वि आमलकप्पाए नयरीए मेहे गाहावई मेहसिरी भारिया मेहा दारिया सेस तहेव । एव खलु जंवू समणेण जाव सपत्तेण धम्मकहाणं पढमस्स वग्गस्स अयमद्वे पन्नत्ते ।

(153) (11) जइ ण भंते ! समणेणं० दोच्चस्स वग्गस्स उक्खेवओ । एव खलु जंवू ! समणेणं० दोच्चस्स वग्गस्स पंच अज्झयणा पन्नत्ता तंजहा—सुभा निसुभा रभा निरभा मयणा । जइ णं भते ! समणेणं० धम्मकहाणं दोच्चस्स वग्गस्स पंच अज्झयणा पन्नत्ता दोच्चस्स णं भंते ! वग्गस्स पढमज्झयणस्स के अद्वे पन्नत्ते ? एवं खलु जंवू ! तेण कालेणं २ रायगिहे नयरे गुणसिलए चेइए सामी समोसढे परिसा निग्गया जाव पज्जवासइ । तेण कालेणं २ सुभा देवी वलिचंचाए रायहाणीए सुभवडेंसए भवणे सुभसि सीहासणसि कालीगमण जाव नट्टविहिं उवदंसित्ता जाव पडिगया । पुव्वभवपुच्छ । सप्पत्थी नयरी कोट्टए चेइए जियसत्तू

राखी सुंभे गाहावई सुभासिरी भारिया सुंभा दारिया. सेस जहा कालीए नवरं अद्धुद्धाई पलिओवमाइ ठिई । एवं खलु जंबू । निक्खेवओ अज्झयणस्स । एव सेसावि चत्तारि अज्झयणा सावत्थीए नवरं । मांया पिया सरिसनामुंया । एवं खलु जंबू । निक्खेवओ बिइयवग्गस्स । :

(154) (III) उक्खेवओ तइयवग्गस्स । एवं खलु जंबू । समणेणं० तइयवग्गस्स चउपन्नं अज्झयणा पन्नत्ता तंजहा — पढमे अज्झयणे जाव चउपन्नत्तिमे अज्झयणे । जइ णं भंते । समणेणं० धम्मकहाण तइयवग्गस्स चउपन्नं अज्झयणा पन्नत्ता पढमस्स णं भते । अज्झयणस्स समणेणं के अट्ठे पन्नते । एवं खलु जंबू । तेणं कालेणं तेणं समएण रायगिहे नयरे गुणसिए चेइए सामी समोसठे परिसा निग्गया जाव पल्लुवासइ । तेणं कालेणं २ अलं देवी धरणाए रायहाणीए अल्लवडेंसए भवणे अलंसि सीहासणंसि एव कालीगमएण जाव नट्टविहिं उवदंसेत्ता पडिगया । पुक्खभवपुच्छा । वाणारसीए नयरीए काममहावणे चेइए अले गाहावई अलसिरी भारिया ईला दारिया सेस जहा कालीए नवरं धरणअगमहिस्सित्ताए उववाओ साइरेगं अद्धपलिओवमं ठिई सेस तहेव । एवं खलु निक्खेवओ पढमज्झयणस्स । एव कमसोतरां सोयामणी इंदा घणया विज्जुया वि । सव्वाओ एयाओ धरणस्स अगमहिसीओ । एए छ अज्झयणा वेणुदेवस्स वि अविसेसिया भाणियव्वा । एवं जाव घोसस्स वि एए चेव छ अज्झयणा । एवमेते दाहिणिज्जाण इंदाणं चउपन्नं अज्झयणा भवंति सव्वाओ वि वाणारसीए काममहावणे चेइए । तइयवग्गस्स निक्खेवगो ।

(155) (IV) चउत्थस्स उक्खेवगो । एवं खलु जंबू । समणेणं० धम्मकहाणं चउत्थवग्गस्स चउपन्नं अज्झयणा पन्नत्ता तजहा — पढमे अज्झयणे जाव चउपन्नइमे अज्झयणे । पढमस्स अज्झयणस्स उक्खेवगो । एवं खलु जंबू । तेणं कालेणं २ रायगिहे समोसरणं जाव परिसा पल्लुवासइ । तेणं कालेणं ३ रुया देवी रुयाणंदा रायहाणी रुयगवडेंसए भवणे रुयगंसि सीहासणंसि जहा कालीए तहा नवरं पुठवभवे चंपाए पुण्णभदे चेइए रुयगगाहावई रुयगसिरी भारिया रुया दारिया सेस तहेव

नवरं भूयाणंदा, अग्गमहिंसित्ताए उववाओ देम्मूणं पलिओवमं ठिई ।
 निक्खेवओ । एवं खलु सुरूय वि रूयसा वि रूयगावई वि रूयकंता वि
 रूयप्पभा वि । एयाओ चेव, उत्तरिद्विणं इंदाणं भाणिपच्चाओ जाव
 महाघोसस्स । निक्खेवओ, चउत्थवग्गस्स ।

(15b) (७) पच्चमवग्गस्स उक्खेवओ । एवं खलु जंवू ! जाव यत्तीसं
 अज्झयणा पन्नत्ता तज्जहा — कमला कमलप्पभा चेव उप्पला य सुदसणा ।
 रुववई बहुरूवा सुरूवा सुभगा वि य ॥१॥ पुण्णा वहुपुत्तिया चेव
 उत्तमा भारिया वि य । पउमा वसुमई चेव कणगा कणगप्पभा ॥२॥
 वड्डेसा केऊमई चेव वड्डरसेणा रड्डप्पिया । रोहिणी नवदिया, चेव हिरी
 पुप्फवई वि य ॥३॥ भुयगा भुयगवई चेव मच्चकच्छा पुराड्या । सुघोसा
 विमला चेव सुस्सरा य सरस्सई ॥४॥ उक्खेवओ पदमज्जयणस्स । एवं खलु
 जंवू ! तेणं कालेणं २ रायगिहे समोसरणं जाव परिता पज्जुवासइ ।
 तेणं कालेणं २ कमला देवी कमलाए रायहाणीए कमलवड्डेसए भवणे
 कमलंसि सीहासणंसि सेस जहा कालीए तहेव नवरं पुच्चभवे नागपुरे
 नयरे सहस्रववणे उज्जाणे कमलस्स गाहावड्डस्स कमलसिरीए भारियाए
 कमला दारिया पासस्स अतिए निक्खत्ता कालस्स पिसायकुमारिदस्स
 अग्गमहिंसी अद्धपलिओवमं ठिई । एव सेसा वि अज्झयणा दाहिणिज्जाण
 वाणमत्तरिदाण भणिपच्चाओ नागपुरे सहस्रववणे उज्जाणे मायापियरो धूया सरिस-
 नामया ठिई अद्धपलिओवमं । पच्चमो वग्गो समत्तो ।

(157) (७) छट्ठो वि वग्गो पच्चमवग्गसरिमो नवरं महाकार्याईणं
 उत्तरिद्विण इंदाणं अग्गमहिंसीओ । पुच्चभवे साणेए नयरे उत्तरकुरुज्जाणे
 मायापियरो धूया सरिसनामया । सेसत्ता चेव । छट्ठो वग्गो समत्तो ।

(158) (vii) सत्तमस्स वग्गस्स उक्खेवओ । एवं खलु जंवू ! जाव
 चत्तारि अज्झयणा पन्नत्ता तज्जहा — सूरप्पभा आयवा अच्चिमाली पभं-
 कर्ता । पदमज्जयणस्स उक्खेवओ । एव खलु जंवू ! तेणं कालेणं जेणं समएणं
 रायगिहे समोसरणं जाव परिता पज्जुवात्तइ । तेणं कालेणं २ सूरप्पभा
 देवी सूरसि विमाणसि सूरप्पभसि सीहासणंसि सेस जहा कालीए तहा

नवरं पुण्वभवो अरक्खुरीए नयरीए सूरप्पभस्स गाहावइस्स सूरसिरीए भारियाए सूरप्पभा दारियां सूरस्स अग्गमहिंसी ठिई अद्धपलिओवम पंचहिं वाससएहिं अब्भहिं सेसं जहा कालीए । एव सेसाओ वि सन्वाओ अरक्खुरीए नयरीए । सत्तमो वग्गो समत्तो ।

(159) (viii) अट्टमस्स उक्खेवओ । एवं खलु जंबू । जाव चत्तारि अज्झयणा पन्नत्ता तंजहा — चंदप्पभा दोसिनाभा अच्चिमाली पभंकरा । पढमज्झयणस्स उक्खेवओ । एवं खलु जंबू । तेणं कालेणं तेणं समएणं रायगिहे समोसरणं जाव परिसा पज्जुवासइ । तेणं कालेणं २ चंदप्पभा देवी चंदप्पभंसि विमाणंसि चंदप्पभंसि सीहासणंसि सेस जहा कालीए नवरं पुण्वभवो म्हुराए नयरीए भडिबडेंसए उज्जाणे चंदप्पमे गाहावई चंदसिरी भारिया चंदप्पभा दारिया चदस्स अग्गमहिंसी ठिई अद्धपलिओवम पन्नासवाससहस्सेहिं अब्भहिं सेस जहा कालीए । एवं सेसाओ वि म्हुराए नयरीए मावापियरो धूया सारिसनामा । अट्टमो वग्गो समत्तो ।

(160) (ix) नवमस्स उक्खेवओ । एवं खलु जंबू । जाव अट्ठ अज्झयणा पन्नत्ता तजहा — पडमा सिवा सई अजू रोहिणी नमिया इ य । अयला अच्छरा ॥ पढमज्झयणस्स उक्खेवओ । एवं खलु जंबू । तेणं कालेणं २ रायगिहे समोसरणं जाव परिसा पज्जुवासइ । तेणं कालेणं २ पडमावई देवी सोहम्मे कप्पे पडमवडेंसए विमाणे सभाए सुहम्माए पडमंसि सीहासणंसि जहा कालीए एव अट्ठ वि अज्झयणा कालीगमएण नायव्वा नवरं सावत्थीए दोजणीओ हत्थिणाउरे दोजणीओ कंपिल्लधुरे दोजणीओ साएए दोजणीओ पडमे पियरो बिजया मायराओ सन्वाओ वि पासस्स अंतियं पुण्वइयाओ सक्कस्स अग्गमहिंसीओ ठिई सत्त पलिओवमाइ महाविदेहे वासे अतं काहिंति । नवमो वग्गो समत्तो ।

(161) (x) दसमस्स उक्खेवओ । एवं खलु जंबू । जाव अट्ठ अज्झयणा पन्नत्ता तंजहा — कण्हा य कण्हराई रामी तह रामरक्खिया वसू या । वसुगुत्ता वसुमिच्चा वसुधरा चेव ईसाणे ॥१॥ पढमज्झयणस्स उक्खेवओ । एवं खलु जंबू । तेणं कालेणं तेणं समएणं रायगिहे समोसरणं जाव

परिसा पज्जुवाप्पइ । तेण कालेणं २ कण्हा देवी ईसाणे कप्पे कण्हंइसए
 विमाणे सभाए सुहम्माए कण्हंसि सीहासणासि सेस जहा कालीए एव
 अट्ठ वि अज्झयणा कालीगमएण नायत्ता नवरं पुव्वभवो वणिारसीए नयरीए
 दोजणीओ रायगिहे नयरे दोजणीओ सावत्थीनयरीए दोजणीओ कोसंबीए
 नयरीए दोजणीओ रामे पिया धम्मा माया सव्वाओ वि पासस्स
 अरहओ अंतिए पव्वइयाओ पुप्फचूलाए अज्जाए सिस्सिणियत्ताए
 ईसाणस्स अग्गमहिंसीओ ठिई नवपलिओवमाइं महाविदेहे वासे
 सिञ्झिहिंति वुञ्झिहिंति मुञ्चिहिंति सव्वदुक्खाणं अतं काहिंति । एवं
 खलु जंबू ! निक्खेवगो दसमवग्गस्स । दसमो वग्गो सम्मत्तो ।

(162) एवं खलु जंबू ! समणेण भगवया महावीरेण आङ्गरेण
 तित्थगरेण सयंसंबुद्वेण पुरिसोत्तमेण पुरिससीहेण जाव संपत्तेणं
 धम्मकहाणं अयमट्ठे पन्नत्ते । धम्मकहा सुयक्खधो सम्मत्तो । दसहिं
 वग्गेहिं नायाधम्मकहाओ सम्मत्ताओ ॥

॥ धीओ सुयक्खधो सम्मत्तो ॥

॥ नायाधम्मकहाओ समत्ताओ ॥

VARIANT READINGS.

[A B C E are the MSS collated P stands for the
Āgastya Samiti Edition, Com — commentary]

[Page 1] 1 O चेदय. 2 C बलसपने रुवसपने विणयनागतपने दसण
सपने 3 C °लोमे 4 C °भचेरवय° and omits नय° 5 C. B °चरिच
only 6. B. नगरो 7 C °चेदय° [Page 2] 1 C आव°. 2. C omits
पुरिसुत्तमेण होयुत्तमेण 3 & 4 C omits 5 C जिणयण 6 C. B A °व°
7-8 C omits 9 A B माद° 10 C मज्ज. 11 C स. B. सुस.
12 C omits [Page 3] 1 C. र 2 C has throughout °वेदे 3 B.
A ना°. 4 C सुपि° A स्या° 5 C काम., B कामदया° 6 C चुवि, B
चवि° 7 C B जुट 8 C वियण°. 9 C °क° 10. C °भत्त° 11 C
°उदाक°, A. °पाऊवल्° 12 B A °सत्थ° 13. C पुग. 14 P वदन°,
Com. notes the V L °वदन°. [Page 4] 1 C B. A °गप° 2 A.
changes °फिरण° to °रयण° 3 C °दी°. 4 C °व° 5 C उव° 6 C. °भ°
7 C °कार 8 C. B °सिया 9 C °यव° 10 C नमूरित्तय°, A. B समुत्तविय°
11 A B °र°. 12 C omits °भोर°, A B omit °रिभिय° 13 C °दी°
14 A B डि° 15 C के मि पम्प जाव, B केसिम जाव 16 A B Gene-
rally read सिमिण for मुमिण. [Page 5] 1 B अनुपवि° 2 B E मिठ°,
C E omit °रिभिय° 3 C E उराण 4 C तुम्भे 5 A B E omit.
6 A B E देयी 7 B E °कारणा. 8 C देवाणुप्पि 9 C splits the
Cpd and has different sentences 10 C राव° 11 C °वट्ट°. 12 C A omit E °सिग्ग 13 A B विणव° 14 E °विठल° 15 E देवा-
णुप्पिवा after each word 16 C पर°. 17 C दमिहेति सि [Page 6]
1 C °रोटविय°, E कोट° 2 C. °गु. 3 C. E °गप°. 4 C E एव°, B
एवम्मा° 5 C °पट्टे, B E जट्टपट्टे 6 P गुज्जराग° 7 P °जानुयण°, Com
reads °आज्जिण्ण° 8. B °गं. 9 E दिणकरपरपरोयार°, B दिणकरपरपारा-
यारपरदमि, C दिणकरपरपरपरोयार° 10 C गभि°, E राव° 11 C °पुपा-
मविक°. 12 E °वर, C °वर 13 B °जुग. 14 C °गार°, B °मादि°
15 E नद°, B भर°. 16 C यव°, E omits 17 C अभिणे° 18 C
अभि° 19. C डि°, 20 C E अम्म° 21 E °निम्मल्लुणेदि for निम्मापदि
22 C चुवि° 23 C B अवट्ट°. [Page 7] 1 E °जालकुलामि°, B मज्ज°

2 E omits 3. C generally reads सुंकमाल 4 E B °कासदल°
 5 E पिण° 6 C मुह, of चुविह supra 7 °C E omit° विमल 8 C
 °सित°, B A सित°. 9 B °रेंट°. 10 E reads उमओ before this 11 C
 E °कोड° 12 C °पाल°, 13. E विरिह for विव and joins it to the next
 word 14. E नरिन्दे after this 15 B E °माने 16 E °मणिङ्गणगरयण°
 17 C B omit° मवज [Page 8] 1 E सुत्तयधारय पारय 2 E सुमिणलक्खण°
 3 E सुविणलक्खण°. 4 E सुविणलक्खण°, C सुमिणलक्खण° 5 E सयहितो 6 E
 मिल° 7 E सुविण° 8 E सुमिणलक्खण° 9 E सलवेति B संलवेति [Page 9]
 1 C omits 2 B A °उसह° 3 E °मुवन° 4 C सिहि 5 C. E चत्तारि
 6 C पय, 7 E सामी after this 8 C पयाहि, E. पयाहिसि 9 E °मेत्ते
 10 C वियक्कते 11 B C °विपुल° 12 C वदह [Page 10] 1.
 C वइ°. 2. E तइ°. 3. C. दोहद° 4 B E डोहले. 5 E मेहे 6 E omits.
 7 E °ब्जाय, B °ब्जा° 8 E °त्राय 9. C °पुम° 10 °C °केसूय°, B °केसूय° 11 C.
 °हिगलोय° B °हिगुलुय° 12. E. °गुलिय° 13 C. °सुय° 14 B °सामय°, E.
 °साम° 15 E °गण° 16 E. °मस°, C °सिक्कि°. 17 E omits one उवरि.
 18. E °वियमेइणि°. 19. C वेळि°, E वेळिय 20 E °पव्वय°. 21 E.
 °कूहण° 22 E °निम्मकडुय° 23 E °कुडयकडय° 24 C E °रय° [Page 11]
 1. E B ओणय° 2. Com °भामिय° 3 E °तारगणपडेसु, B °तारगण° 4
 C. °वध° 5 E ओइन्नवलाहण° 6 C पाव° 7 E. किओ for कित्ते. 8 E
 °तिउयओविय°, Com °उचिय°. 9. C B °खडुय° 10 E °गु°, E B omit
 पवर 11 E B °वर° 12 E सद्धि after this 13 C °चुसुह°. 14 C
 आसिय° [Page 12] 1 E reads अवलविय after this [Page 13]
 1 C तो 2 C चुविहाय, E चउव्विहाय 3 C E बुद्धीय [Page 14] 1 E.
 मणामाहि instead 2 E उरालाहिं कछाणाहि [Page 15] 1 C पढिला-
 भिय instead 2 MSS generally write उमुक्क° 3 C उप्पज्जेसु,
 E समुप्पज्जेसु 4 E reads जत्थ ण after this [Page 16] 1 C B
 °मोहे, E. °सोक्खे. 2 C B °गमणुगुणजणिय°, E °गमणुठाण° 3 B °हासे.
 4 E °गम्भ° for °मञ्ज° 5 C उडु° 6 C °सम्मत्त°, E °ससत्त°. 7 C
 E B गध°. 8 E. विगुवित्त°, B विगुवित्त°, 9 E °वत्तो 10 B °लोग
 11 E णयर instead 12. B reads 'य तस्स' after this 13 E B सणि°
 14 E इय इच्छिय [Page 17] 1 MSS write दोहल as well as डोहल
 2 C always °माक्याय 3 B °सि°. 4 C °गज्ज, E गच्छइ 5 C.
 पावत्त°. 6. C. °ऊ 7 C °माक्याय 8 C B णारिणीय देवीय, 8 C कोट°, E.
 कोड°, B. कोटु°. I have retained कोडुविय throughout 9 C. एव°

[Page 18] 1. E सेयवरचाम् 2 C द्वियां 3 C नगरे 4 C चेदीसु य जूएस
 य eto, E चोण्हीसु, B चेण्हीसु 5 C B E वियं 6 E 'भोए'. [Page 19]
 1 C generally सुकमाल [Page 20] 1 C एव 2 C after this adds
 लकिट्ट अमेज्ज अदेज्ज 3 E B अव्वाय 4 E B सुइ 5 E गम्भगयस्स [Page 21]
 1 E छावणि, B वावणि 2 C 'द्वडि' 3 B 'अड्ढणि' 4 C हैरिय 5 E
 गहिज्ज 6 C परिगिज्ज, E 'गिज्ज', B परगिज्ज 7 C वालावणय [Page 22]
 1 C वत्थ 2 E कट्ठ 3 C 'रुव' 4 C रुव 5 E B omit वत्थ 6 B 'विह'
 7 C 'पवर' for 'वयर' [Page 23] 1. E B आणियलिं 2 C. 'उववयाण'. 3
 C 'भोए' 4 C E उवलोए [Page 24] 1 C 'संखुदे' 2 C 'बु' E 'बु'
 [Page 25] 1. E [लक्खणओ ओल्लगं, 2 E चेयगमहं, 3 E फरसु 4 B 'महिमव्व'
 [Page 26] 1 E सफु, 2 C omits, 3 E कामभोए for भवे, 4 C 'अनितिए,
 5 C केस, 6 C सरिसवयाओ, 7 E आणिलिं [Page 27] 1 C E have
 the whole Sentence के ण जाणइ के पुत्ति ete, 2 O B omit सार, 3 E B
 जाव after this, 4 E omits तं, 5 C संखुदे [Page 28] 1 C एव, 2 C
 B omit 'व', 3 E असिधारासवरणवय, 4 C. B E 'बु', 5 C E वीर'
 [Page 29] 1 C E कुमारे, 2 E B 'वेव [Page 30] 1 C E तुच्चे,
 2. C E चउप्पला, 3 E सेयपीयएहिं, 4 C रयणमउड, 5. C B ददुर
 [Page 31] 1 C सालिं, 2 C अम्म, 3 C ओघा, 4 B बुवे उ,
 5 B पासे, E पासिं, 6 E ओहीर' [Page 32] 1 B 'किइ', 2 C सरिस-
 वयाण, 3 C 'णीय, 4. C उता समाणा, 5. B supplies the whole passage
 indicated by जाव, but again reads as in the text, 6 C 'धणियवलि
 यवद्ध', 7 C भगवओ [Page 33] 1 B जम्मणजरमरणणं, 2 E एवमग्गे, B
 एमेव मग्गे, 3 C Very often writes अम्हा, 4 Com अप्पसारे, 5 B.
 'गुरु', 6 E B स', [Page 34] 1 C आचार', 2 E ममे after this, B
 also मम above the line, 3 E अणगार instead, 4 E एवमेव, 5 E
 अणगारे, 6 E पडिच्छइ, 7. E. From now on substitutes अणगार for
 कुमार after मेह, 8 C वार', E पाय', 9 C सीसेहिं, 10. C पिट्ठेहिं [Page 35]
 1 E adds after this — 'सथाराओ आययंति', and omits राओ, 2 C.
 आगारवास', 3 C 'रुवय, E 'सतिय, 4 B तं रयणि, 5 C. B E 'मज्झा,
 6 E पव्वइए, C B omit, 7 C निव्वइय', 8. E B सखउल', P सखद-
 लउज्जल', 9 C समए, 10 C 'गतवुदे [Page 36] 1 C पागट्टी (ट्टी?), 2 C.
 पट्टवहए, 3 C जूहाहिवई, 4 C परिवट्टिए, Com 'वट्टिए, 5 C 'रुई, 6 C. 'डे',
 7 E कुं 8 C 'यरेसु य, 9 C पावस', 10 C omits मैय, 11 E and Com.
 'किमिव', Com 'किमिण', 12 C 'वाइय', 13 C 'पायपडिय', B 'पायडिय',
 14 C वसतेसु, 15 B गिम्हउहउह', Com गिम्हउहउह', 16 B संवट्टइएसु,
 17 C E B सीयर [Page 37] 1 E B 'ल्ल', 2 C E. विणिट्टुहे', 3 E.
 पाए, 4 E. लेड', B 'लेड' 5 E छुट्टिए, B. Com जुट्टिए They are
 Synonymous 6 C 'सू', 7 C. 'पल्लिडे, 8 C omits the words
 च ण महं, 9 C B 'लेण, 10 C पाविए, 11 E थिर', 12. B. सु', 13. C.

उद्भु^०, E B. उद्भु^०, 14 B adds तिउणा after this, Com and P दिउला, 15 B. होत्या, 16 E चीस, 17 C. omits, 18, C गयवरजुवा^०
 19. C omits गय, 20 E तुमे महागन्ध^० etc omits मेह^०. [Page 38]
 1 C रत्तुपलपुमा^०, E उप्पलत्त^०, 2 O B मण^०, 3 C पालियात^०, B पालियत्तय^०, 4 O कणेस्सुत्था^०, E गणियायार^०, 5 B Com सताण^०, 6 C काइसि
 [Page 39] 1 B खुवे, 2 P and Com विवहण^०, Dict notes विवहण= विनावा, 3 B उद्धत^०, 4 C कड^०, B पसुवाओ, P पसु Com notes this, 5 B कुसुमकयचामर^०, Com notes the V. L 'उउयकुसुम,' his reading drops उउय, 6 B समय^०, E उउयसमय^०, 7 E B Com सिहर^०, Com reads सिरिहर and notes the V L, C भीमतर^०, 8 Com reads आयवाल्महंत^० and notes आयवालेय as V L
 [Page 40] 1 C पादपघंस^०, 2 B दसोदिसि, 3 C adds चिळ्ळा after this, retaining चिळ्ळा also, 4 E B भयविहुया, 5 E B अणुखित्ते, 6 C generally गयदिय^०, 7 E नलितितिय^०; 8. C झझिए, E झुझिए, Cp supra page 37, 9 P Com add अचक्रमणो वा, 10 B कडे, P Com ठाणुखंडे, 11 E B रयत्त^० probably wrong for रयत, Com रयया^०, P रयत^० [Page 41] 1 E दात^० (for पत्त^०) bad writing for दत्त^० which is the Com's reading, 2 P. जाईसभरणे, Com notes पुव्वभवे, and reads as in the text, 3. C आणदसपुनमेहे, E आणदंसपुन^०, 4 E समुसविथ^०, 5 C B मायाउत्तिय, 6 E कखह, 7 C B उत्तिय^०; 8. E. B पडिच्छइ [Page 42] 1 C एगारस, 2 E सोहेइ, 3 C दोचाए, 4. C तचाए, 5 C कइए, E कडए [Page 43] 1. C. एग^०, 2 E B पंचदसमे, 3 C उदयमेण, 4 O कडिफडि^०, 5 C B तिलडासगडिया, E तिलदडा^०, 6 E भासमस्सरासि^० [Page 44] 1 E B आर^०, 2. C. कडाहीएहि, B कडावेहि, 3 E मासीसलेहणाइसियस्स, 4 P अह, 5 C. कडाइएहि [Page 45] 1 O Omits कट्ट, 2 E B. एवं, 3 E पाओव-गमणकाल, 4 C वासाइ, 5 E B अणु^० [Page 46] 1 C एयस्स, 2 E. न्वायाइ, 3 C पाणयअच्चुए, E पाणच्चुए, 4. C omits महा, 5. C अप्पोप^०
 [Page 47] 1 B वित्तय^०, C. वियस्स, 2 C Throughout गेहे as in chapter I, 3 B तस्स, 4 E पडि^०, 5 C B E. जिणु^०, 6 E किण्हा^०, 7 P वण्णे throughout, 8 C सुक^०, [Page 48] 1 C खुइ^०, 2 C आरसिय^० and omits रत्त^०, 3 C E फरस^०, 4. C पयत्त^० for पइण^०; 5. C पमित्तए, B पमइए, 6 E सव्वोगाही, Cpm सन्नगाही, 7 C उव्वहिए, E उव्वहिए, 8. E अभि^०, 9 B जूव^०, 10 E सरपतियासु य सरसरपतियासु य.
 [Page 49] 1 E पसुयामि, P. पयायामि, 2 E चूले, B मूलकवख^०, 3 C B अइसर^०, 4 E B निवेसियाण, C निवेसेइ, 2 वेसियाण, 5 E O धने ण, The Mss sometimes spell it thus, but usually it is 'घण,' and so for the sake of uniformity, I have retained single ण throughout, 6 P. पुण्णवत्त^०, 7. C. सद्धे, 8 C Invariably writes

°ने° for °गि°, for गिह also, it writes गेह, 9 O महा°, 10 E जाणु°;
 11. O पयामि, 12 C उवाय, 13 E B उववा°, O उवायत्तए, 14.
 O बहुय (Usually O writes बहुय for बहुई), 15 G उवाय, 16 P.
 °गधवत्य° [Page 50] 1 O °साढगा, E. पढगसाढिया, 2. B तल्लेव, 3. P.
 reads ताई after this, 4. E omits °वत्य°, 5 E B omit, 6° C महा°,
 7. B °गच्छइ, 8 O जक्खा instead, 9 B उववा°, 10 P. पुम्भवत्य°, 11 E
 B. परि° [Page 51] 1 O उवणेति, E. विणयति, 2. C. ते, 3 E. नागर-
 महिलाए, 4. O generally रायदि°, 5 E उवाय°, 6. C. होळ [Page 52]
 1 O. °कारेण, E °कारे सयु°, 2 E °ह°, 3 E जीविय°, 4 C तहेव, 5 C E
 छय°, 6 C. पविर्ति, 7 O. निवाए, E omits, P हते, The com, however,
 reads °नीए°, हते is obviously wrong None of the five Mss
 read हते, 8 E अवखिते [Page 53] 1 C चपगलया य, but it is obvi-
 ously wrong, 2 C. generally writes महत्त°, Dict notes this
 Spelling also, but I have retained मुहुत्त° throughout, 3. C. °थ, 4
 P Com °वद्धवम्मियक्कया, 5 E जीविय°, 6. O °मग्गणम्°, 7 E निवाए°
 [Page 54] 1 O उक्खिरिमाण—but the Dict. does not note this
 word, E. पक्खिवमाणे, B पक्के°, 2 B राया°, E अमच्चे, 3 P एत्थे in-
 stead, Com नन्नय, 4 E विणिवा°, 5 B °नियगसयण°, 6 O °दा°, 7 C बहु
 य, 8 O ल्हूयसि, 9 D सपल्लगे, 10 E चारगसाला, 11 E चारगसाल, 12
 E °डावेइ°, 13 B. भायणाइ, 14. B गच्छण्ह—probably a formation from
 गच्छइ + ण, 15 O °पिंड, 16. C °ल्लि°, 17 B भायणाइ, E omits this and
 the next word, 18 E एत्तो [Page 55] 1 O °कर°, 2 O पड°, 3 O
 एय instead, E. omits, 4 C °पिंड, E °पिंडग, 5 E B °म्ममाण°,
 6 O °ट्ठावेहि, 7 O म°, 8. A धेणे विजएण [Page 56] 1 E B
 °पिंडय, O °पिंड, 2 C कारा°, 3 O अहायमट्ठियं, 4 E B सरीरकुसल
 पुच्छति, 5 C. पुरिसा, 6 C. भवति, 7 E B भइगा, O भायया, 8 O भाणेजा,
 9 E वाप्फमोचण [Page 57] 1. O रज्ज°, 2 O भोयावेति, 3 B सघाडियए,
 E घोडियए, 4 B E परम्ममाणे, 5 O उववाट्ठिता, 6 P reads after
 this—दीहमदं, 7 O बुज्झति instead, 8 P °धम्मघोसा नाम° before this
 But none of the five Mss. give it, 9 E अम्म° [Page 58] 1 O
 सरीरचित्ता; 2 E B omit °वल°.. 3 E बूहणयाए, P व्हणयाए, 4 O.
 °प्पयाणाणि, P °प्पाट°, 5. O अणाय [Page 59] 1 Com सव्वोउए and
 notes सव्वोउय°, 2 P वर° for वण°, 3. C. परियाणए; 4. O पिट्ठिडो, E पिट्ठुडो-
 पंडे, 5 E. B किच्चाइ, 6 O पव्वया, 7 Com. notes सहिच्च, 8 O बुसट्ठि°.
 This is a peculiarity of MS °C° to form such samdhis, 9. O
 omits चउसट्ठि° [Page 60] 1 E B पुव्वावरण्ह°, 2 B पाउम्मूए, 3 E B
 °क्खवेह, 4 O °कलया°, (कल्य = अजुत्तवृक्ष), 5 E O से, 6 E मे after
 this [Page 61] 1 C जाणु, 2 E ण्हायाए, 3 B पच्चावरण्ह°, 4. C
 हल्यअगुलीए, 5 E B देह°, 6 E B पक्ख°. [Page 62] 1. B गच्छण्ह

Cp Supra, 2 B सत्याह°, 3 C उववत्तेति, E उच्चत्तेति, 4 C उववट्ठि°,
 E उवट्ठि°, 5 E एव, 6 C परा° [Page 63] 1 C उववट्ठे°, 2 C
 नद्धङ्ग, B नद्धङ्ग°, E. णद्धङ्ग°, 3 C B से, 4 E अवयारियपइत्त°, 5 C
 चंदपलीयाकइय° [Page 65] 1 E पडि°, 2 E सयवत्त°, 3 C वरमाइया°,
 4. C reads खुदा after this, 5 E दिवा, 6 E पच्छन्ना, 7. C दहाओ,
 8 C B उवि° [Page 66] 1 E वि विलुपति after this, 2 E उवट्ठेति,
 C उवत्तेति, 3 E नियग, or probably wrong for नियग°, 4 E जविण,
 5 E निखुडे, C नखडवेति, B निखुडेति [Page 67] 1 C नाय°,
 2 E B से instead, 3 C B from से to परियइइ—dropped
 and जाव instead [Page 68] 1 E B पाडी°, 2 C अनेकतडग°,
 3 C पुरे for पउरे, Cp चुविह for चउविह etc, 4 B सव्वोउय°,
 5 E जीपा°, 6 B सत्याह°, 7 B सायरपरिरे°, 8 C वयणी° throughout
 [Page 69] 1 C very often कुसम° for कुसुम°, 2 C E वयासी instead,
 3 C तहावार°, 4 E सकुलसद्, 5 C E भाणा° [Page 70] 1 C किण्ह°,
 2 P after this नवर निक्खमणाभिसेय पासामो। तए ण से थावचापुत्ते तुसिणीए
 सचिद्वह। 3 C पडिहारादेसेण, 4 E गवहत्थि° [Page 71] 1 E जीविय
 निस्सए instead, 2 E पडि°, 3 C उपाइत्तए, E उप्पाइए, 4 E अन्नय,
 5 E कम्माण खओवसमेण, 6 E जम्मणजरा° [Page 72] 1 C B दुत्ता,
 2 C समाणा, 3 C बुडा, 4 C सीया°, 5 E B. अरिहा, 6 C सत्यवाही
 instead, 7 C पुमावइए, 8 C देवीए [Page 73] 1 C B सट्ठे; 2 C
 थिला, 3 C सए throughout, 4 E. जजु°, B जजुर°, 5 E. जम°,
 6 P. छत्तल्लु (करोडियछण्णाल) यकुस°, 7 C पत्तोहि [Page 74] 1. E B
 परिन्नायए instead, 2 B णीइ, 3 P कम्मगंठीओ, 4 C पय°,
 5 C B य°, 6 C तए ण (Probably for तवए ण?) [Page 75]
 1 C लिपतस्स य, 2 C सोए, 3 P वीयस्स, 4 C समंड°, 5 C
 पज्जवासेइ [Page 76] 1 C पि°, 2 MSS often write as सिद्धि;
 3 C जे, 4 C सवा, generally other MSS not consistent,
 [Page 77] 1 E B हिरणमासा. [Page 78] 1 C सव्व before this,
 2 E दलयइ, 3 E B शुवन्ने instead (Page 79) 1 E B किमन्ने,
 2 E हारे, 3 C E समणा°, 4 C पुमा°, 5 C तग्गे य (for तारिसेहि?),
 6 C वलेहि instead [Page 80] 1 C Always writes फासू°, 2 C
 दसेति, 3 E B गइ (Probably wrong for नल्ल read in P), 4. C
 writes पासत्यविहारी instead of 2, E पमत्तपिहारी etc, 5 C. omits उउ
 [Page 81] 1 E खेलमत्तओसह° etc 2 C वडियस्सय, 3 C रए, 4 C.
 पीएति, 5. C पडिक्कमेय खामेणि ण [Page 82] 1 C B ते ज्जेलगपामोक्खा
 पंच etc 2 E has separate sentences for each, 3 E अतैवासी after
 this, [Page 83] 1 E B गुरु°, 2 E विट्ठे, 3 E B अंतरा instead; 4 E.
 B मुख्यभारियाए after this, 5. E B गत्यभारियाए instead, 6 E गइ°
 (for तल°), C always पयट्ठाणा, 7 B अह, 8 C तेसि, 9 C पढम लुग्गसि,

10 °C धरणीतरुआयवत्ताओ, 11 C सलिलंपय° [Page 84] 1 B धण्णे throughout, 2 E B विदेसत्यसि [Page 85] 1 E °निसण्णे for °वरगाए; 2 C E °मिता, 3 C पल्लाओ, 4 °C नृत्य° [Page 86] 1 C उक्कय°, E B. °निकखए, 2 C हरियफेरंडा, E हरियफेरंडा, 3 E. पुणरवि instead, 4 B. सु°, P सूयाण, 5 E °भूयाण (for पूयाण), 6 C °दिसिसि, E °देस संठवेति, 7 E. वपंति; B वुप्पति, 8 E B उक्खणियहए, 9 E लवण (?) तल्लकरयल्लमलिए, 10 E पुणरवि, 11 C कडवा, E कुडवा, B मुरजा instead, Com मुरजा, 12 E B पल्लति, P पक्खिवति, [Page 87] 1 C omits, B reads after this—तव हत्थसि दल्लयुमि again, 2 B °एहि [Page 88] 1 B and Com समुच्छिय, 2 E B °ज्झियं, 3 B फालिं, 4 E. सुण्ह after this [Page 89] 1 E B दलति, 2 B वट्ठा°, C ठाविय [Page 90] 1 E B °क्खा, 2 C महवल throughout, MS E gives the whole description about the arrival of the monk, throughout the chapter MS E supplies the वर्णकs which are merely referred to or omitted in other MSS, 4 E B. ठावेमि; 5 E सहिच्चा (The passage is reproduced in Oh III where it is समेच). [Page 91] 1 E तवो अम्हाण, 2 E. छप्पियवालवयंसे सह before this, 3 E अते instead, 4 E B तए ण, 5 C B वीसाएण, E वीसाहि, 6 E. B °चिं, 7 E B पमा°, 8 P जीवो for सो उ, Com notes 'एसो', 9 C B. उ and E. उवसते after this. [Page 92] 1 E B °सुत्ता; 2 E B विगइ°, 3 E येरा भगवतो, 4 E B. °तए [Page 93] 1 E विगइ°, 2 E पंचालाया, C °रायाहिर्वि, 3 P °ट्टाणट्टिएस, 4 C सवसरणेसु (probably for सव), 5 C सुगालसि, 6 B P (and Com.) °हेमतार्ण चत्थे मासे अद्दमे पक्खे फण्णुणसुद्धे तस्स ण फण्णुणसुद्धस्स चत्थिय पक्खेण, Com notes the reading in the text, 7 E महाविमा°, 8 E °वुं, Com notes this V L, 9 C. °दुं, 10 C दो° [Page 94] 1 B अहो° [Page 95] 1 C. °गां, 2 P °सुं, 3 E. B. °गं, 4 C °ढंड, E चउहि बुद्धी उववेओ for सामदइ°, 5 C °चक्काय°, 6 C. B °दुं, 7 C तुलएह; E B ओलएह [Page 96] 1 E B निगच्छइ, 2 E °फलण° for °पडलण, 3 E °कडुच्छय°, 4 E adds this sentence from तए ण at the bottom and reads 'गढ वत्थ भरियमेहव्व सुप्पणमडयं सुहरं कालं etc [Page 97] 1 C अंतियं, 2 MSS read here महिल, but not regularly and consistently, 3 C पहा°, 4 °C सजुत्ता°, 5 E तत्य, 6 B °कहाहिं सलवे, 7 C प. रेज्ज (°च्चे being dropped) [Page 98] 1 E °विह, 2 E. पयस्स य after this, 3 P तारिसेहि instead, 4 C °नंदयता, 5 E °सयुणता, C अभियुण°, 6 C. विप्फयाहिं, E omits, 7 E. सम्मा°, 8 C अभिनिक्खत्तेसि, 9 E °वाइसुत्तरेसु जयतेसु, 10 E वक्क समुदाह, 11 C B °सामवि, 12 C °नाणा° (for °नावा°), 13 E. वाव°, B. °रिं, Com °वरिं, 14 °णं, 15 E. B °गेहिं, 16 B विपसुं, 17 E B °पक्खा, 18, C संणुव्म°, E सडुं, B °इं, 19 C E B

मं [Page 99] 1 B लग, 2 C आसू, E B आड, 3 E चिपिटं
(for चिमिटं), Com चिपिटं 4 E मसुय, 5 C दंतं, 6 C वग्गतं, 7.
E भायच्छमाणं, 8 B कालम्, 9 E B चंचलं, 10. Com अवच्छियं,
11 E लालं, 12 Com notes आसुरियं, 13. C चम्मोद्धं, B चम्मरुद्धं,
Com. notes this, 14 E चिमिटं, Com चिवडं, 15 E घाडम्भं,
B घाडम्भं, P Com बोहुम्मं, 16 C चंचलीयं, 17 C लोयणम्, 18
E निलाहं, 19 E चिद्ध, C विवं instead, 20. B कूरं, 21 C धूवुवत्,
E धुरधुवत्, 22 E तुमलं, B कुमलं, Dict does not note these
words, 23 E दिव्वं, 24, C शुक्खं for नद्धं, 25 P णिवसण, 26 C
B विततं, 27 C आणद्धं [Page 100] 1. C E उवातिणमाणा, B उवातिमं;
2 B वज्राए तिकट्टु, 3 B तालं, 4 C विहास, 5 B व्वं, 6 Com. P जेण
[Page 101] 1 B तालाह, 2 B ताहे, 3 E चेव after this, 4 E B स्थिमे
दिस्सिमाए, 5 E पियण, 6 C दिट्ठी, 7 B खमेसु, C खामेसु, 8. E मरिं
[Page 102] 1 P पोयपट्ठणे, 2 C B जुं, C many times जुं but not
always, 3 E चंपा नयरी पोयपट्ठणे, B चपाए पोयपट्ठणे [Page 103] 1 E
दिट्ठुल्ले, 2 C मां, 3 P चउकसि instead, 4 E. B ओल्लयंति, 5 E. खंधे
दुल्ले, 6 B सीयां, 7 E B वंदिड [Page 104] 1. B Locative for
Instrumental, 2 E एरिसिए, 3 C एत्थ, 4 E ईसीसे, 5 C से; 6 E
एयमाणं [Page 105] 1 E सिं, 2 B सयाह, 3 E निगच्छंति. [Page
106] 1 C पमोदं, E पमं 2 MSS use plural, 3 E शुभुयं, 4 E
निव्वं, 5 E. B गरदारए, 6 E B एयं, 7 MSS have plural, 8 E
ख्वे, B ख्वख्वे [Page 107] 1 B विअडे, 2 E विलिए, 3 B विअडे,
4 E मइ, 5 E B. चित्तसम, 6 E शुल्लयं ख्वे, 7 E जोव्वणनिव्वत्तिए, 8
E गारं, 9 C छोदां, 10 C B. णं [Page 108] 1 B पडिं, 2 B.
गारं, 3 C छेदां, 4 B ख्वे after this, 5 C यरे, E भावमंडोवयारे,
6 E दिसं, 7 E इयावसहीओ, 8 C कन्नाअते, 9 B फां [Page 109]
1 B वुम्म, 2 C E अम्हे, B अह, 3 E पणवेमि, 4 C E धोवं, 5 C
इणमट्ठे, 6 E तुम्म पि, 7 MSS धोवं, 8 C कन्नाअते, 9 C अतोअते, 10. E
usually उडे [Page 110] 1 B अडहि, 2 C सां, 3 E मह, 4 C
किं, B के, 5 E सवुट्ठे, B सुट्ठे, 6 C तडागं, 7 E पस्सं, 8 E B तुमे, 9 E
usually उवरोहे [Page 111] 1 E अतिए, after this, 2 E हां, 3 B अम्ह
after this, 4. C सव्वं, 5 C चेव instead [Page 112] 1 E निगच्छइ, 2 E.
देसमग्ग, B देसग्गते, 3 E B निवडियं, 4 B मिथिल, 5 C E. सेजे (or रोहासजे?)
B रोहोसजे, 6 E णयारि instead, 7 E ओरुद्ध, B ओरुद्ध, 8 E विरहाणि य after
this, 9. E. णम् [Page 113] 1 E B स्सिय, 2 B पवे, 3 C. B रोहासजे
or रोहसेजे? Cp Supra, 4 E तं before this, 5 E Instru.
for Loo, B also except in लवण्णे, 6 E देहं, 7 E वइ, 8 E.
एवं खल्ल instead [Page 114] 1 B दुल्लं, 2 C. E ज्ञं, 3 B तुम्हे
before this, 4 E इमाओ, 5 E अणगारा after this; 6 C निवं,

7 B चोत्थ, 8 E B. तए, 9. E वत्तीस, 10 B सयाइ, 11 E पयाया;
 12 B थ instead, 13 E तुम, 14 B भ्द, C भ्म, 15 C च,
 B Omits, 16 E विहाडावेइ, 17 E छुणिय रायाणो बालुवयसा; 18 E
 पव्वाह [Page 115] 1 C अम्हे, 2 E जम्मणजरमरणण, 3 P याण,
 4 E पव्वह, 5 E माणसे, 6 B जिय, 7 C यत्तिए, 8 C असीय,
 E असिय; 9 C दल्लइत्तए [Page 116] 1 E Loo for Accu, 2 E B
 कारे, Com. notes कायकोडियाण, 3 E B विहाय [Page 117] 1 E
 generally दाण, 2 E च after this, 3 C E हि [Page 118]
 1 E B Singular, 2 E दाहिणि, 3 E देविदे देवरया after this, 4 B
 सगुह, 5 E पुज्जीए सपट्टिया, 6 E तयाणतर [Page 119] 1 E पविस्वइ, B
 पखिवसति, 2 E निणाए, 3 E साणुसगाओ गिहत्थयम्माओ and omits चत्तरिए,
 4 P राय, 5 E अरहत्स, 6 E पचाव, 7 E राजानो, 8 C सव्व
 [Page 120] 1 E केवलं उप्पज्जइत्ता, 2 E किंसुक्क, B भिसग्ग, 3 E B
 omit अट्ठ, 4 E अज्जियासपया होत्था, 5 C omits the Opd, E some
 confusion, 6 C चुरासीय, 7 E स्साइ, 8 E B omit the Opd, 9 E
 B छस्सया, 10 B पणवीस, 11 C कइ, E कर, 12 C
 जुगते कइ, 13 B दुवास, Com also, 14 C पावोगमणुव,
 15 C B केवल, 16 E पक्खेण after this, 17 E बुद्धे
 अतगढे परिनिवुद्धे after this [Page 121] 1 E मागंदी, B मायदा,
 2 C पालए, 3 C B लस पि, 4 E Generally वयासि, 5 C शी,
 6 E ते, C भो, 7 E B. मागंदिय Throughout, 8 E अणुजाणित्ता
 [Page 122] 1 B अयलि, 2 C समुल्लिए, E च्छिए, 3 B अतिवट्ठि,
 E अणियट्ठि, 4 E जणि, 5 E भज, 6 E घुणा, 7 B गलियगवघणा
 लवणा, 8 C सोय, 9 MSS and P भोर, 10 P छेम, Dict does
 not note छेमण But all MSS write छेमण, 11 C भट्ठ, 12 E धाविय,
 13 E गार, B कार, 14 E B करकरत्स, 15 E परणियमड, P पडिय
 मड etc, 16 C B निवज्जा, E गिवेज्जा [Page 123] 1 B फलगमखड,
 2 B सव्व, 3 E B आससति, 4 E B नालिएरा, 5 E गत्ताइ, 6 E B
 सत्तइ, 7 B ताल, 8 E. हो [Page 124] 1 E गहरत्त, 2 E माउयाइ,
 3 E पाडेमि, 4 B एतेहि, E तेएहि, 5 E पूइय, B पुइय, 6 E पाडे, 7 C B
 उवि, Com उप्पिच्छो, 8 B उद्, 9 E दाणेण, 10 C ददुर, 11 CB उन्नमर(?),
 but अ & ज्ञ are very similar, 12 E विद, 13 C उविग्गा generally,
 14 B उद् [Page 125] 1 B वेल्लो, 2 E B. मयर, 3 C तएण, 4 C फुहा,
 5 E समुह, B समुहि, Com समुहि, 6 E वयासि, 7 C महुत्त, 8 C
 B सय; 9 C सय, 10 C विय [Page 126] 1 B विए, 2 C कस्ताघायणे, Dict
 does not give आघायण, 3 E आवइ, B वति, 4 C B ते, many times,
 MSS write ते for से? (i.e. Plural for Sing) Cp also the Verbal
 forms C very often writes Plural for Sing) 5 C B E चवु,
 6 P ओहिणा after this [Page 127] 1 C लहुगसि, 2 E वयासि, 3.

E जक्ख° instead, 4 P मे, 5 E B मे, 6 P चेइय Bpt the MSS
 write व and व alike, चेइय makes no sense, 7 E जक्ख° instead
 [Page 128] 1, C E सिद्धि, This word is often thus wrongly
 spelt by MSS, 2 B पडि°, 3 B पुट्ठतो, 4 E विद्युणामि, 5 E °णाह, 6.
 C B वत्तनि, 7 E तच्चपि after this, 8 B पट्ठसि, 9 E पट्ठि, 10 C
 सत्तमट्ठ°, 11 E B °तल°, 12 C उवागए, 13 C सुय [Page 129] 1 C
 B °खडग, 2 C सत्तमट्ठ, 3 E B अप्प°, 4 E प्पाडेमि, B पडेमि, 5 C
 अणादेमाणा, E °णाढमाणा, 6 E लोमेहि य before this, 7 E जमिणं, 8 E
 °क्षिबदेवया, 9 P उ after this, 10 E वह°, 11 & 12 B सललिय, C
 सलिलिय, Com सलोलयं [Page 130] 1 C निव्वुय°, 2 B सव्व°, 3 E B
 सकलुमा, 4 C निरुद्ध, E निचक्क, 5 E विण्ण (?), Com छिण्ण—and
 explains as स्यान which is from थिण्ण, 6 C °क्रिय, E °णिक्खि, 7 E
 °हन्, 8 B तुमे, 9 E omits, 10 E °रिस°, 11 E °विविह°, 12 E B
 °सयाउल°, 13 E B एका°, 14, B °विउल° (for विमल), 15 E °लगार, 16 B
 सरिसनयणवयणं, 17 C सद्धामि, 18 C पि°, 19, C जाए (for जा ते), E
 जाओ, 20 C B °रहि, 21 E B omit °अणु°, 22 E, °लयण°,
 23 C Some confusion in this and the next Cpd., 24 C
 गलहत्थणोद्धियमई, E °गलणोल्लि, B °गल्लयणो°, 25 E, B °सट्ठे, Com
 °सत्थ, 26 E B °प°, 27 E, °प्प°, 28, E आसुत्तं [Page 131] 1 B
 सरिस°, E पुरिस°, 2 B पहि°, 3 C °त्थि°, 4 C °लिए, P °लओ, 5 B
 निरवेक्खो, 6 B निरवेक्खेण, 7 B °महुर° (for मउय), 8 C सिद्धि, 9, C
 बहुय, 10 E B °तार, 11 E °समुच्छलण, 12 B °भेह्णं, 13 E omits,
 C °विद्युय, B भोगभोगाई भूजमाणा [Page 132] 1 E अप्पाहरण, 2 E °विक्र,
 3, E writes the Sentence in full [Page 133] 1 E. though-
 out writes different sentences नाम नयरे होत्था । तत्स ण etc, 2 E
 हीयति, 3 B परिण°, 4 E दियाए [Page 134] 1 E B, कह, 2 -E °प्ता
 सुत्तपुणफला, 3 C °क्खाओ, 4 C देसआरा°, 5 C B स° [Page 135] 1, E
 writes full sentences, 2 C महासमणो°, 3 C, °जालाकुले, 4 B इणमट्ठे, 5 E
 निसन्ने (for वरगए) [Page 136] 1 E विस्सा°, 2 E मइणिज्जे, 3 C वयणिज्जे,
 4, E, B throughout सुत्थि and दुत्थि for सुरभि and दुरभि, 5 E पाओग°,
 6 E B °णा°, 7 E °वाहि° [Page 137] 1 E उवाइणा°, 2 E कार°,
 B करा°, 3 B सवासेति, E संवासावेइ, 4, B ग°, E ग°, 5 E सवसा°.
 [Page 138] 1 E °पाणिज्ज°, 2 C, °भत्तु°, 3, C E तुच्चे, 4 E तुच्चे तइया.
 [Page 139] 1 E वयासि, 2 C जाणिया, 3 C तुच्चे, E तुम्, 4 E Reads
 त before this, 5 C वु°, E वु°, 6 B °च्छंति [Page 140] 1 C
 Always writes °उविग्गे (single व), 2 C B एगओ, E धच्छगए (for
 पच्छा एगयओ), 3 C तुच्चे [Page 141] 1 E reads after this—तत्स
 ण रायगिहे स्सेणिण णाम राया होत्था । तेण कालेण 2 समणे भग्न etc, 2 C
 Throughout ददुर°, 3 E °सपरिवाराहि, B मरिसाहि, 4 C °वत्तमते, 5 C, B

अन्याद- [Page 142] 1. E B. 'रोवि', E 'पाड्य', 2 C E 'रिणि', B 'रणि', 3 C E B जाए, 4 C 'कोणा (Single क throughout), 5 E 'वत्' (for पत्), 6 B 'मत्य', E 'मत्य or' (चु?), P 'सुद्ध', 7 B. 'सदुन', P 'सदुन', 8 C पुंरि, 9 B कार, 10 C E B 'तिमा 11 C E 'माणा, 12 C E 'मय', B omits, 13 C 'न' [Page 143] 1 E सुयमणो, C सुणमणो, 2 E कार, 3 E 'किविण', 4 E B एत्थ, 5 There is some confusion here E करोडिया य वायतणहारा, C B करोडिकारवा, P करोडिया कारिया तणहारा etc, 6 C B 'मल्ल', 7 C B 'कुसम', 8 B साहमणा, E सोवमाणे, In line 1 on this page, MSS. write सोहेमाणे, Comp साहे [Page 144] 1 E B 'कलवक, 2 E. समुससिय, 3 E B खासे, 4 C अरसा, 5 E कह य उदरे कोट्टे, B कह उदर कोट्टे, 6 E उव्वे, B उव्वेवणेहि, C उव्वलणाहि, 7 C अवदावणेहि, B 'दावणाहि [Page 145] 1 E 'णेहि, 2 C निखेहि, B निखेहि, 3 E सजेपुड, 4 C गो, 5 E reads after this 'आद्धोहि य, B वेल्लीहि य, 6 MSS मणियारे after this, 7 E B विणिमुक्के, 8 C पीयपाणिय, E. पियपाणिय, 9 C एस, E सो, [Page 146] 1 E सालाओ, 2 P 'हणो, 3 B पा, 4 E सिस्सावत्तं मत्थए अंजलिं कट्ठु for जाव [Page 147] 1 E जावज्जाए after this, 2 E 'पुरे, B 'लीपुरे, 3 E. णयरे होत्था, B णगरे होत्था, 4 E writes complete sentences, 5 C कलायरस्स, 6 B अत्तिया, 7 C usually पोटिला and sometimes पोटिला [Page 148] 1 C always कलायरस्स, E कालायस्स, B कलादस्स; 2 C E B generally omit दारग, 3 C E B 'माणि, 4 E B रुवेण, 5 C 'वाहि, 6 C 'Always writes कलायरस्स, B sometimes, E कलायस्स or 'दस्स, but all MSS also write कलाए Thus there is no uniformity regarding the spelling of this word, 7 C. सत्तमट्ठ, 8 C omits, E B जा instead, 9 E सुक, 9 E सुके [Page 149] 1 C हत्थअणु, E 'लियाए, 2 C हत्थअणु, 3 C पायअणु, 4 B 'सक्कुलीओ, 5 E अगमगाई, B अंगमगायं, 6 E B पयायामि, E reads त after this, 7 C E B 'सि, 8 C अन्नसुहदायणे, 9 P सयमेव, 10 E 'ववृत्ति [Page 150] 1 B 'हाय, 2 C तुम्म, 3 E अवो, P तेयल्लिगेहि after this, 4 E B 'स्सिय, 5 E B 'हा, 6 C पेहेह, 7 E B त ण, 8 C निक्खवेत्ति, 9 C E 'लाओ, 10 C E पेहेहि [Page 151] 1 E मय, B मल्लिय, 2 C लोगहियाई, E लोगियाई, 3 C B जाया, 4 E 'गोयस्स वि, 5 E दरिण, 6 E नाव, 7 E 'रासि, 8 C 'कल्ले, 9 C B ववृत्तया [Page 152] 1 C हियचुडावणे, 2 C E भूय, 3 C गोल्या, 4 C जाणाहि instead, 5 E हत्थे before this, 6 E छाएत्ति instead, 7 E B 'यार, 8 B उव्वे, 9 P पडि (for परि), 10 C कुटव [Page 153] 1 C तुम्म, B तुमे, 2 E. अन्नयरेसु, B अणुत्तरेसु, 3 E बोधे, 4 C अनत्तरेसु for अनत्तरेसु; E अणुत्तरेसु, 5 B सपत्ते [Page 154] 1 C वियगे होत्था, E विगित्था, 2 P 'वदावए, 3 E तए ण, 4 E. जा ण, B जो ण, 5 C 'हे.

6 Com से, 7 P पसासेमाण, 8 E कुमार, 9 C तं, B. omits [Page 155] 1 B से वट्ठति, 2 E B मम after this, 3 C instead. 'ज्झय रावं, B 'ज्झय, E 'ज्झय, 5 E पट्ठओ [Page 156] wrongly before this, 2 C ओइल, E (at the bottom in Com) —ओइल; 3 E 'ल्लियाए सिलाए गीव, 4 E आमिए, 5 E omits this sentence and after this some words are not distinctly legible as the folios have stuck together, 6 E omits, C पोसेहि, 7 E तेयलिपुत्तेण before this, E B तालउडगे, 8 E B अप्पा, and E मुक्खे, 9 C 'पुत्त [Page 157] 1 E वरमाति, B वरिसति, 2 E अरत्ते, 3 E B omit, 4 E तरिडं, 5 E B पवहण, 6 B 'णा, 7 E वयासी, 8 E सुमेण अज्जवसाणेण after this, 9 MSS. omit 'पुत्त, 10 E पचमहं, 11 E 'वट्ठ [Page 158] 1 B घण्णे throughout [Page 159] 1 MSS वयासी, 2 Com. पडुरगे, 3 Com गिहिधम्मं वा धम्मचित्ता वा, 4 C 'अहिच्छं [Page 160] 1 B नाइविगिट्ठेहि, 2 E पयाणेहि instead, 3 E B देसगते, 4 C ससिरीया instead, 5 E केवि, 6 E After this 'ठिच्चा तत्थ (for सत्थ) [Page 161] 1 E नो रज्जेइ after this, [Page 162] 1 C E 'भूए, 2 E C 'वाराए, 3 E B 'क्खडेड, 4 E 'क्खडेड, 5 P अबोज्ज after this, 6 E B अहं, 7 E B 'ल्लिओ, 8 E B orvat ताव, 9 E B. तित्ता [Page 163] 1 E B 'रा, 2 E सहसुहेण विहरमाणा after this, 3 E उवगं, 4 C 'ह्य, 5 P निसिरणदुयाए, 6 C B 'ग्गहणे, 7 E 'सि, B 'स्स, 8 E ताओ; 9 E B तित्तं [Page 164] 1 C 'ह्य, 2 E य, 3 E 'वायं अचित्त थडिलसि एगते, 4 C 'सू, 5 C मम त, E मम त [Page 165] 1 B 'वदेसं, 2 E B अतिय, 3 C B 'इयं, 4 E पुब्बा, 5 C सा नागसिरी माहणी जाव निसिरइत्ति after this, 6 E 'विट्ठे [Page 166] 1 B अहं, 2 E विगयसिरी after this, 3 P जाए instead, 4 C 'याइ, 5 C 'णाइ, 6 B वहिज्जमाणी before this, 7 C 'ह्य चु, [Page 167] 1 C B देहं, E देहिवल्लियाए, 2 E B नरएस्स, 3 E उक्कोस तेत्तीससागरो, 4 C उववट्ठेत्ता, 5 E नरएस्स, B नरए, 6 C B omit, 7 B पयाया, 8 C सुक्कं, 9 C अम्हा, 10 and 11 E सुकुम्मा, [Page 168] 1 C generally उमुक्क, 2 C 'कि, 3 P. गिहस्स instead, 4 E रुवेण, 5 E 'वेज्जा, 6 E omits, C B सि instead, 7 C मण after this, 8 B मर्म after this [Page 169] 1 C 'ऊए, 2 E B जाव instead, 3 E B पट्ठय, 4 C E B सी, 5 E B omit अग्गि, 6 B पडिसं, 7 C तिलग, B तल्लिग [Page 170] 1 C always महुत्तं, 2 B सयणिज्जसि, 3 E अपासं, 4 C तल्लगाल्ले, 5 E अण्ण, B 'ज्जे, 6 C 'गणइ, B अवंगणइ, P 'गुणइ, 1 E B 'दोस only, 2 C तुक्खे, B तुमे, 3 C 'तए णं before this; B तेण, 4 C सरण्णं, 5 E 'प्पवेस, B जलप्पवेस वा in 'एण to 'प्पवाय वा, 6 B वे, 7 C कुंडं, B. कुडतरिए, E 'तरिए, 5 C B

